

中國方志叢書·華南地方·第二七號

據

民國十年
吳棫修，蔡建賢纂
鉛印本

影印

福建省

南平縣志



成文出版社有限公司印行



10098626

中國方志叢書·華南地方·第二七號


據

民國十年鉛印本
吳棫修，蔡建賢纂

影印

福建省

南平縣志



成文出版社有限公司印行



10098627

919141

中國方志叢書·華南地方·第二七號


據

民國·吳棫修，蔡建賢纂
民國十年鉛印本

影印

福建省

南平縣志



成文出版社有限公司印行



10098628

中華民國六十三年六月壹一版

南平縣志

全五冊

發行人：**黃成助**

出版者：**成文出版社有限公司**

台北市郵政信箱二二六〇五號
台北市郵政信箱二二六〇五號
台北市濟南路三段二十七號之二
電話：七八七〇二五

印刷者：**成文出版社有限公司**

內政部登記證內版台業字第一一四七號

實業志第十五

昔者管子治齊四民有業市立三鄉工立三族澤立三虞山立三衡使海於有蔽渠弭於有渚環山於有牢通魚鹽之利於東萊而富甲諸侯故其言曰山澤教於火草木植成國之富也溝瀆遂於隘障水安其藏國之富也桑麻植於野五穀宜其地國之富也六畜育於家瓜瓠葦菜百果備具國之富也工事無刻鏤女事無文章國之富也然先王之政太宰以九職任萬民一曰三農生九穀二曰園圃毓草木三曰虞衡作山澤四曰數牧蕃育鳥獸五曰百工飭化八材六曰商賈阜成貨賄七曰嬪婦化治絲枲八曰臣妾聚斂疏材九曰閒民無常職轉移職事司徒頒職事十有二於邦國都鄙而加之以學藝

世事服事又未嘗不纖悉畢具慮民之失業也孟子舉以告齊梁之君而王道之終始備矣自古有道之君莫不貴農重粟通商惠工使農安於田畝婦安於里巷工安於官府商賈安於市廛行旅安於道路蓋取民有制寇盜不作是以農服先疇之畝畝工用高曾之規矩肇牽車牛服賈以養父母庶人在官祿足以代其耕耔軸不歎其空騶虞且歌彼茁是不獨虞書之六府洪範之八政爲中國言實業之嚆矢也近觀泰西以商開國而於農業講求日備至其採肥料於動物作機器以當犁鋤中國誠有所不逮中國農民多貧稱貸以耕耘大半爲豪家傭佃不若泰西皆貴族大豪自營其業者墾辟於斥鹵之地種植於萬里之外牛羊盈谷林木蔽野鑿山爲隧淘金冶鐵五

鑛鎔解神工鬼斧百技競奇役水火以助其機借風電以神其用故其製造之精木石金鐵頃刻成器紡織之利絲絮羽毛花樣日新而又生貨取諸鄰邦熟貨徧於中夏工匠輻輳商賈坌集人徒羨其實業之興以爲非吾國所能及而不知實自科學發明始也觀其聲光有學電化有學測算有學幾何圖畫有學至於聾瘖跛瞽莫不有學是以國無游民野無曠土而生財之道大矣今中國欲廣其業必先明其學而要最大之資本以爲之先後而後實業可得而言也雖然外國之實業在合羣中國之實業在自食其力使各執一藝得以成名五口之家可以無饑經曰因天之時順天之利謹身節用以養父母其庶人之謂歟南平承道學之遺教士以季次原憲之操相砥

礪而脯資淡薄或傭書以自給士如此其難也今則尙學堂非新學之士無許插足其中而四隅鄉村風氣未開學校未能徧及寒士宿儒有求一席而不得者若耕以謀食而山多田少所獲不能食五人邑當閩越孔道宜爲一都之會上游百貨東出南雅房村西出上洋沙永南達省垣欲置轉輸一埠無所庸之徵貴徵賤居人旣拙於謀而又憚遠出魚鹽布帛藥材洋廣諸賈悉他鄉客惟百工之屬或居一二然亦僅矣府史胥徒惟城居人多嘗有人滿之患土物之產不一新興梅西峽陽梅南之地多產茶而今漸稀羅源雲蓋太平餘慶之地多產筍民以筍爲業演仙瀛洲金砂保福大源內外之地多產紙民以紙爲業邃谷深林之處多葦葦非自生也斫木絕根節斫如

魚鱗狀經霜雪旭冬溫則磈礧芻芻而生焉皆浙東人業此土人訪之則秘而不肯授沿澗向陽之山多杉木棚民與山主夥爲業十年之計亦惟富者優爲之灌園畜池近城之民頗食其利煙草昔多今少而洋靛近始盛行栽者日夥山陬彌望皆是蠶桑之利昔無聞焉棉花種植亦稀以未諳灌溉之法也同治六年郡守趙樾曾刊種棉說於城鄉勸民種植然無老農以爲之導故卒不行若夫工藝所以生財足用尤爲當務之急宣統初元上峰命設工藝所於縣治小較塲新蓋牆屋六邑流徒犯皆解至令入所習織帶諸藝售出以所贏給之委府經歷經理其事每縣令各出費銀百兩而口食視其人若干由各縣解給至三年九月光復所內徒犯悉逃遂廢民國三年

北路觀察使蔡鳳襪乃以振興實業爲己任創設第一第二工藝傳習所於舊箭道及西門外沿舊屋而修葺之添建層樓延聘技師分授藤竹科木料油漆科仿造胰皂招各屬子弟學習之歷屆畢業生成績具佳所造籐具木漆諸具精緻牢固可觀胰皂亦鬯銷於外五年移第一工藝所於建甌以便生徒就學而藝學之推擴益遠又慨然於洋布西來紡織業廢另設紡織局於天官嶺籌資倡成益以紳股以邑紳潘祖彝陳德章董其事計織成愛國布綢及洋毛巾若干種自成機杼爲購用者所稱道藝徒學成歸授其家比戶機杼軋軋成效尤速我國大利歸農次在蠶桑蔡觀察使始購浙粵桑秧並蠶子分給邦人士勸課蠶桑土人頗疑上游山川氣候不宜蠶桑獨署

內政務科長梁淇祥粵產也於蠶桑具有心得買地栽桑今已成林
葉肥而大視浙粵產無少異建屋數楹爲育蠶繅絲之所歲得絲百
餘兩鮮白細軟自二月至秋育蠶三番售價頗贏可見吾土之非不
宜蠶桑也然森林之富本甲全閩松杉猫竹尤夥其次椴桐烏柏可
爲油料梓楠可爲器具楓樟可爲香品遍處皆有之先是王台官山
多片荒草蒙翳蔡觀察因闢爲建安道苗圃成績之佳屢邀省台嘉
獎惜上游具有造林學問者絕少七年創設甲種森林學校於邑城
聘留學外洋林業大學畢業生爲主任教員以期養成造林人材至
於園菓之屬近來人多種李至數千株結實纍纍不獨南營道之李
爲佳桔柚橙柿產自各鄉若北路之楊梅林檣較勝他處此植物之


業亦可助農也吾邑重山疊嶂積礦宜富惟灰礦早開如上下塲開自前清已數十年馬頭山及董坑之灰礦昔年封禁至民國初始准開煨煤鐵之礦尙未發明而銅礦始見於棗兜村客民賃租民山而採之雖經數年而未甚發達總之地廣人稀曠土相望利源莫開爲可惜也爰舉其大概而志之

交通志第十六

昔者聖人制器尙象以前民用故易繫曰剡木爲舟剡木爲楫舟楫之利以濟不通致遠以利天下蓋取諸渙服牛乘馬引重致遠以利天下蓋取諸隨舟車之制由來尙矣厥後幅員日廣來往日繁越裳入貢而指南作吳越相攻而餘皇呼他如行夫掌傳遞之事象胥習夷狄之言所以通阨塞交遠人也春秋傳載晉侯以傳召伯宗祁奚乘駟見宣子鄭弦高使遽告於鄭唐劉晏理漕賦令急足以覘四方豐歉宋鄭俠發馬遞上流民圖皆以倉卒而通其情明制達官命使有乘傳之例轉爲戶役累清初始革而地當孔道原轄五驛厨傳之費又爲官累嘉慶丁卯有司請於上官爲均勞逸策請以闔清理水

口以古田理黃田嶺峽以南平理茶洋劍浦以建安理大橫太平又請照古田勻帮例年勻帮銀三千兩自是而賠墊虧空之弊除然遞送上下文書皆以足力舊有走遞夫京報夫塘遞夫之名至光緒九年間福建始辦電報南邑設電報局於馬站二十九年又設郵政局於城設分櫃於各市鎮此爲郵電之嚆矢也民國初載驛站盡廢公私文件書信緊要者多以電達平常者付諸郵政傳送敏速商民稱便但惜其利多爲外人攫也今歸政府自辦於財政裨益不少吾邑溪流懸湍灘石碁布上則挽纜綿亘項背相摩下則一瀉千尺舟行如矢猶時有傾覆之虞是以小輪船僅至水口而止若火車鐵路之設限於重山天險危崖峭壁拓之匪易路線測量雖有成算而工大

費繁當道亦無知之何也故舉郵電之已然者以著於篇



明清郵驛

劍浦驛

舊在建甯門溪東明嘉靖十三年同知張真移建延福門內康熙三十八年歸縣在延福門城樓今仍移溪東馬站上至

大橫驛

在縣東汾常里洪武初建景泰門驛丞馮清重建乾隆二十年歸縣上至太平四里下至劍浦四十里留設贍夫百名

茶洋驛

在縣治東南金砂里宋為金砂驛元間改名洪武間知縣劉居信建景泰中迭建萬歷己卯洪水漂流知縣劉兆元重

建乾隆十年歸縣上至劍浦七十五里下至嶴峽四十里留設贍夫一百名走遞夫八名兜夫十五名新設京報夫二名有薩都刺詩見藝文

嶴峽驛

在縣東南長安北里原嶴峽司代理乾隆二十一年歸縣上至茶洋四十里下至古田縣黃田四十里留設贍夫一百名

走遞夫六名兜夫十五名新設京報夫二名又遞夫二名今名清風驛

王臺驛

在縣西天竺里宋為站元因之洪武初改今名成化間知府王範檄縣丞鄭賢易民地重建後圯清朝復設未建雍正

九年歸縣上至劍浦七十里下至順昌縣雙
峯六十里留設贍夫一十名走遞夫三名
已上五驛通共設夫五百三十五名每年額給夫食銀三千
八百一十里如遇有閩之年加額銀三百一十七兩五錢

按南邑山多地瘠不產馬畜驛傳皆以足力昔理大橫劍浦茶

洋嶮峽四驛西路王臺一驛懋官皆為五驛累聞往日臺灣林

逆之變浙兵過境長吏皆避於僧寺倉貯府庫輟耗缺數萬計

清嘉慶丁卯有司請於上官為均勞逸策請以閩清理水口以

古田理黃田嶮峽以南平理茶洋劍浦以建安理大橫太平又

請照古田勻帮例年勻帮錢三千里上官許之至後均裁

驛館

舊有大橫公館在汾常里嘉靖間知府裴榕立金溝公館在城東仁州里嘉靖間知府彭澄立

王臺公館在本縣前知縣伍偉立今廢發竹公館知縣西長砂上里伍偉立

武林公館在縣南長安北里知縣張燾立茶洋公館

西芹稅館先在長砂里後遷天竺里王臺館今俱裁

鋪附

府前總鋪額設鋪兵九名分遞城東鋪下至倪坑鋪十里城西鋪上

至秋竹鋪十里

按季每季給銀十九兩二錢五分一釐

東路城東鋪十里達福州路坵墩鋪十里達甯路

上京鋪十里一各金溝高桐鋪十五里仁州里

大橫鋪 十里
汾常里

已上五鋪每鋪額設鋪兵七名每鋪每季各給銀一十四兩九錢七分三釐

西路城西鋪 汀州路武

沙溪鋪 十里

以上二鋪每鋪額設鋪兵六名每鋪每季各給銀一十二兩八錢三分四釐

秋竹鋪 羅源里

西芹鋪 長砂上里

發竹鋪 長砂上里

吳坑鋪 天竺里

王臺鋪 天竺里

樟槎鋪 資福里

篔簹鋪 資福里

三連鋪 建興里

以上八鋪每鋪額設鋪兵五名每鋪每季各給銀一十兩六錢九分五釐

南路倪坑鋪 崇福里

安濟鋪 崇福里

吉溪舖 十里
遷喬里

金砂 十里

茶洋舖 十里
金砂里

白沙舖 十里
金砂里

龍源舖 十里
長安北里

清風舖 十里
長安北里

武步舖 十里
長安北里

嶺峽舖 十里
長安南里

以上十舖每舖額設舖兵七名每舖每季各給銀一十四兩九錢七分三釐

東西南二十六舖共舖兵一百六十六名全年額工食並勻閏帶

徵銀一千四百二十兩零二錢九分六釐四季給發每季給銀

三百五十五兩零七分四釐每名應給銀二兩一錢三分九釐

外有羅源舖 羅源里

鳩源舖 雲蓋里

大蓋舖 雲蓋里

嶺頭舖 尤溪界

赴尤溪山路不屬大道通行之區

冷舖

在城四隅人烟輳聚之區每十餘家設一所藏滅火之具於中夜輪流守宿以備緩急兼防盜賊今廢
 按宋紹熙間守胡舜創立水舖以防火冷舖即其遺意清時府縣署前各備應援旗號大舖小桶枹積水以備救火蓋此原於

電郵

電報局

始於清光緒九年設馬站由各官署接月城內貨民屋

電報生管理至民國二年方透電線過河至城內

郵政局


始於清光緒二十九年設分櫃貨
 署監獄故址
 清泰坊商店後移左三坊改稱分局

外交志第十七

昔周文王以百里之地三分天下有其二大邦畏其威小邦懷其德故其詩曰虞芮質厥成文王蹶厥生大學言其與國人交止於信蓋人之所助者信也杖信以行則近悅而遠來春秋而後盟會日繁尤重邦交鄭善辭命諸侯賴之魯稱秉禮大國庇之此亦善交之明徵也故孟子曰惟仁者爲能以大事小惟智者爲能以小事大又曰小役大弱役強斯二者天也順天者存逆天者亡而告滕君則曰彊爲善而已矣爲善奈何國家閒暇及是時明其政刑雖大國必畏之時君不察故泗上十二諸侯卒并於六國六國卒并於秦非不事秦之過也患在不能自強耳中國自秦并諸侯北卻匈奴南平百粵聲威

震於遐陬漢初許和親武帝命將出師窮追漠北而匈奴卒破遂通西域斷匈奴之右臂唐平突厥四夷來朝肅代藉回紇兵以平安史之亂非皆得力於外交歟宋之外交誠爲失策秦檜以和誤國賈似道又以諱和誤國明祖英武逐元北徙未造西洋賀蘭諸國始入邊島爲通商之濫觴清與通商僅粵東澳門厥後江寧條約遂許英法俄普租界爲商埠然僅通商口岸不得闌入州縣教堂猶未徧立惟游歷則請護照以行是亦寓限制於交通也同光以來法日構釁中國藩籬盡撤而外交日棘北京始設使館我國亦命使節往駐以兵戎始未嘗不以玉帛終蓋外交以信爲本以公法爲衡折衝樽俎是在使臣之得人耳夫中國宗教向惟釋老唐始有回教自明季洋教

傳入其人如南懷仁寶瑪利湯若望等皆西洋之傑然耶教猶未盛也同治光緒初南邑未有教堂間啓教案之爭至於末年而教堂始建矣今日洋樓高豳學堂起醫院開教徒徧於鄉閭然習常見慣入與俱化而外交之事重煩有司慮可知世變之所由來矣故作外交志以著於篇



各國傳教堂

天主堂

在城內東山頭建於清光緒中
葉內奉天主有西洋神父居住

耶穌福音堂二

一在鹽倉坪建於清光緒二十九年為美以美會禮
拜之所一在北鎮街山麓流芳學堂內建於清光緒

流芳學堂

在北鎮街山麓建於清光緒二十九年為耶教徒教育子
弟之所民間子弟均聽入學西人萌為廉為校長經始建

淑馨女學堂

在北鎮街山麓又有懿德女道學堂佈道
寶師姑賴師姑貴師姑先後為堂主任

牧師住屋二

俱在北鎮街山麓

吐吡哩醫院

在紫雲崗建於清光緒二十九年
醫士西人蘇雅各兼為院長

民心堂

在大行開平坊路前建於民國六年
年為美以美會閱報藏書之處

按天主教傳入南邑始於清初至雍正元年復禁在昔民間雖傳其教而西人尙未狎至迨光緒中葉西人始購民屋於東山頭而改築天主堂焉若耶穌教之入始自光緒初年有教會閩侯人賃小水門市屋以售書時美人薛承恩佈道偶至兒童聚觀滋事延平守董公張公先後辦理完案自此十餘年來輾轉賃屋數處光緒二十三年續租綠竹嶺民屋爲培元書舍以爲傳道學習班兼禮拜之所自是女佈道寶師姑賴師姑萌教士相繼至延始購地於鹽倉坪及北鎮街紫雲岡等處而福音堂流芳學堂醫院乃次第成立厥後流行漸廣凡外鄉鎮若峽陽王台下道會溪無不各有傳道之所而二教並駕爭驅於邑中矣

禮俗志第十八

先王緣人情以制禮而爲之節文抑其太過引其不及父慈子孝夫義婦順兄愛弟敬謂之禮揖讓進退應對周旋謂之儀習其儀而無其實謂之不知禮故曰道德仁義非禮不成教訓正俗非禮不備禮時爲大順次之稱次之禮從宜事從俗然則君子欲化民成俗舍禮其何以哉蓋民含五常之性以生而不能無血氣心知之欲好惡取舍動靜無常隨上下之情欲爲變化故匡俗之道不可狃於已然不可急改其本然移而易之由主政者正一心以正人之心人心正則禮可得而復也上有急功近利之心則下有爭奪凌暴之習上有恭儉辭讓之德則下有愿樸敦厚之俗雖曰近城者習薄而每畏法居

鄉者質厚而失之野使薄者厚而野者文其惟導之以禮乎然後俗
正民和刑省而訟息矣南平承四賢之遺教最深士服詩書農安耕
鑿男習於業女不出閭躡躡然有端謹風訐訟亦視他邑爲簡今也
華洋交通服食器用漸染歐風識者不無奢侈之歎而古禮幾等弁
髦也有風俗之責者如何激勵裁抑之使進於禮則吾邑猶爲易治
云故考其禮叙其俗以志於篇

冠

古者男子二十冠而字自明以後久廢清朝文武應試入府縣庠者皆擇吉冠帶謁祖敦請師友戚族開樽宴賀有冠禮之遺意

婚

婚姻之禮重門戶雖世契非媒灼不自締結先以男女庚帖相配合名爲合婚合則男家以手釧或金器投女家謂之插髻女家立議單聘金以四十六兩爲率完娶先帖送吉期納采具乾坤書聘金兼魚肉菓品女家報幣以帽靴金珠衣裙次日賚送妝奩豐儉各視其家一古六禮之遺俗也星期綵輿入門登堂夫婦行四拜禮三日而後廟見旋馬夫婦偕入岳家在鄉惟婿往然後乃執婦事親中饋云

喪

親始死跌而哭散髮具沐浴奉含爲餘閣之祭殮以新服親朋畢至告成服七日而受弔日上食三朝夕哭既葬反而虞俗尙浮屠昏則延僧道誦經燃燈弔日以三七五七日親友男女畢至每七設齋供拜懺六旬糊舟焚之百日輟哭哭惟朔望曉昏葬則匍匐扶襯而行揚旗鳴鑊導以鼓吹詩禮之家不作佛事不鳴鑊鼓吹或用之葬擇地卜期牽於堪輿日者之言有數十年未窆窆者雖富貴家亦所不免或經地方官嚴催始葬東西郊有義廠義園皆以停柩今日迷信漸破停柩頗少鄉居則七日卽葬以其山便省費故也

祭

家祭以牲醴而已特祭以豕羊忌日品無恒宗祠之祭以春秋二仲或冬至墓祭多以清明白露節城鄉皆然五祀之祭惟臘祭中霽祀竈以臘月廿三廿四日神廟之祭皆以誕日慶祝之

慶弔

賀禮遇親族長者壽誕先餽儀物傍晚則往上燭清晨則往拜壽必具衣冠躬親爲敬以三拜爲率婚媾往賀前輩尙具衣冠而今已鮮賀者多以長揖入泮登科則必具衣冠往賀亦以長揖弔禮以香燭紙箔或具銀錢爲儀及期素服往奠行三叩禮午備酒饌款賓而後散若長親至戚故小斂備柩衾婦女亦往天扎災眚則躬親慰問而已

鄉飲

鄉飲之禮邑令偕學官爲主人先期速賓凡搢紳耆儒年太古稀耄耄者得預焉謂之介賓乾隆間盛行嘉慶中葉猶舉其禮自後遂熄而古道不復矣士人相見皆揖賓朋自遠方來初見置酒曰洗塵餞別曰祖道今尙有行之者

民行

民之屬有九儒農工商賈吏書卒儒爲上五步一塾十步一庠朝誦暮絃洋洋盈耳農胼胝汗邪磽确崎嶇墾辟殆盡器用樸素市無奇技淫巧難致之物吏役視官長爲進退其爲諛亦易燭鮮驃獷巫僧習經懺無幻惑術其君子尙節操而少脂韋其小人樸邀而各尙畏

法而不敢爲非婦女事針黹不出戶非盛禮不加飾道路乘籃輿行必導以男子編氓雖窮守死而不鬻男女親戚相保尊卑以序不以貴賤殊異睦婣任卹之行財產或不足而情意有餘貧賤之黨戚誼彌篤

言語

閩省土音府殊而縣不同南平城內外獨無土音但語言直樸上游諸鄉與順昌建寧相通漳湖坂以下則與省會音近

衣食

南平日三餐皆飯以食粥爲恥惟夏晚間食之民茹蔬菜雖富者不常珍間御珍亦無兼味無茶坊菜館酒惟鄉居有家釀如峽陽西芹

徐洋南溪潭湖坂大橫皆有庫酒發扛潭湖坂酒如福州造法生納
甕中以籠糠煨熟峽陽之酒則從延製釀甞尙如法城中市酤酒人
或煎蔗糖爲膏益之火燒以助色增醞或加酒母酒母者壓糟踰年
潤回之汁也入酒味重飲之令人頭眩又有入藥者酒壞則揉以石
灰皆損人一種白酒厚者名雙倍年來米貴雙倍轉下昔之短白前
輩諺云無客不提壺胥徒多嗜酒有不粒食而終日醉鄉者近里居
亦罕不提壺之家

宴會向用高頭如古饗禮示恭儉之意肴取豐潔不貴難致之物近
漸卽於奢殆于二簋可用享八簋不可維宴云

衣尙布色惟青碧鮮用帛娶婦一製鮮衣三時一襲暑易以葛足矣

履襪多家製面衣用禪緇袍與裘皆鮮近服漸美往往履絲曳縞少年袍袷備或有重裘者

居處

城中多傍山結廬僅避風雨雕甍畫棟曲檻迴廊無有也惟厓隙岷嶠舉足有登陟之勝煙嵐縹緲放眼得山水之觀向有藏春峽水雲村觀物園今則或爲廟爲畦爲墟矣

處室之間率一夫一婦雖富貴罕置側室供役代力多用傭保亦少常畜

南邑少遠遊之人平居憚於應酬薦紳皆局戶簡出淡素不改生平歲時

元旦五鼓比屋淨室焚香陳菓酒焚楮幣拜神祇祖先爆竹喧闐謂之開大門少長序拜親朋稱賀謂之賀春三日市不列肆謂之節假五日各執所事謂之開假親朋交相宴飲謂之春敘立春先一日郡守令祀勾芒神於東郊迎土牛於府俟交春時鞭之人競取其土爲宜年

正月初九傳爲玉皇誕辰清晨淨几焚香以奉之

上元夜祀先戶各燃燈謂之元宵燈里社自初八九各製花燈迎神填塞街衢簫鼓達旦里人尙書劉璋客中憶延平有最是元宵風景好花燈萬朶鬧樓臺之句

清明婦女帶柳士庶祭掃先塋牲醴外用青樹葉染秫米爲飯團或

用餅餠和艾祭畢以楮錢掛墓

春三月各坊社擇吉延黃冠設壇禮醮以祈福迎所祀神以祓不祥
端午懸蒲艾于門切蒲根和雄黃酒飲之俗謂解毒以箬葉裹米爲
粽祀先兼用牲果分親戚謂之分節合和香藥儲以綉囊製繭虎飾
圓蒜以錦結長命縷令小兒佩之邑人競渡龍舟先時遊人或命侶
泛舟放標賭勝近年百物翔貴絕無此風

夏五六月鄉人擊鼓揭旂詣溪源菴披雲道院等處乞香火謂之保
苗若歲旱則嗟呼於神以禱雨

七夕女兒備瓜果祭牛女雙星乞巧於庭

中元祀先焚楮紙衣冠大戶設齋菓餛飩及冥錢等物延僧道爲焰

口蒙山謂之施食

白露祭掃墳墓如清明

中秋前各里社設壇祀塔或紙製或瓦壘張燈結綵笙歌徹夜觀者如市士民祭墓半於是日携牲饌拜祭如初

重陽士庶結伴登高蒸栗糕飲茱萸酒以解惡氣

冬至紛米爲團以祀其先粘果樹以達陽氣民間於先夕作團稱慶有服者須親眷餽之

臘月擇日掃室宇潔器物二十四夜祀竈里人傳神升天至除夜燃香燈迎之

歲除民間祀先謂還年以酒米牲菓相餽謂之分年除夕蒸飯儲之

謂之歲飯蒸米粉爲糕謂之年糕兒女燃燈圍爐達旦謂之守歲是夕各戶門前火光燭天爆竹相聞以辟鬼祟

禁忌

胎教自古所尙南邑尤忌工作雖鄰里聞斧鑿之聲必禁止箍桶糊窓疎塞補缺皆在所禁犯之則墮胎或生子不備甚則傷孕婦分娩後忌鎖鑰能令兒不乳

雜俗

里圖榆枌之外有藍雷之族是謂畚民莫原其始言語各殊而質樸鄙俚男女力作墾山爲業租庸不及焉自爲婚姻罕與外人酬酢世際昇平亦佃民田耕耨間有一二讀書者乾隆五年編圖隸籍亦有

入庠者蒸蒸然染華風矣

依山傍谷誅茅縛屋而居曰棚民携山禾山芋桐茶杉漆靛苧蕃薯之種挈眷而來披荆棘驅狐狸種之率皆汀泉漳永之民三四年後土瘠薄輒轉徙歲時各隨其鄉之俗其人獷悍初至少謙謹生齒漸盛財用稍足便自桀驁爲土人患哀鴻遂爲鷹鷂識者慮之

浮家泛宅往來渝浦蘆漪之間曰漁人停泊多傍灘頭得魚易粟飽則酣眠不必徵逐鄉人紀歲華也

亦有游民居無常業衣食足則靡所不爲子弟從之往往流蕩譬如流水何以坊之庶無淪胥以敗

惠政志第十九

自古徒善不足以爲政徒法不能以自行故必有實心然後有實政有實政然後有實惠然分人以財博施濟衆雖堯舜猶病也惠而知爲政救災恤患雖後王能行也洪範八政以食爲先周禮司稼以年之上下出歛法出則減價糴斂則增價糴而耿壽昌常平倉之法實因之迄於元明猶踵其制可謂善矣然常平倉掌諸有司以時歛發民猶觖望隋長孫平乃制爲義倉令民勸課出輸儲積備荒若朱子社倉之法規畫尤詳命當社殷富領其事春則貸民以耕秋則加息以納不假手胥吏無官長掣肘孝宗下其法於諸路其爲惠甚大蓋病探下民先王於此又有保息之政焉使老有所終幼有所長壯有

所用鰥寡孤獨廢疾者皆有所養而後世育嬰養濟存恤救生掩埋
之事所由昉也南邑山多田少民食不足嘗有庚癸之呼貧民生女
多不舉自義倉設而凶年有賴育嬰堂設而女嬰得活救生船催葬
局設而生歿獲寧此皆善政之班班可考者歟故歷舉以著於篇

倉貯以備荒歉原無定數平糶協濟亦無定例清乾隆十四年巡撫
潘思榘將閩省各屬倉穀酌量地方情形應增應減作為定額

縣常平倉定額二萬三千二百五十一石五斗一升

乾隆二十九年實存穀二萬三千二百五十三石九斗六升六合
又存雜項穀四百三十二石三斗二升八合九勺

府常平倉定額六萬一千六百八十九石二斗六升六合三勺

乾隆二十九年實存穀六萬一千六百四十七石二斗六升六合
三勺三十年奉文改歸縣管

延糧廳倉定額新捐監穀一萬零五十一石四斗

乾隆二十九年實存穀一萬零二百九十一石三斗九升九合九勺

以上據前志載府縣常平倉及延糧廳倉三項統共穀九萬五千六百二十四石九斗六升一合一勺內除乾隆五十三年因逆犯林文爽在臺滋事軍需准銷穀二萬一千六百一十三石四斗四升九合五勺外應存倉穀七萬四千零一十一石五斗一升一合現查府縣常平倉及延糧廳倉久已坍塌穀石一概無存其以前如何銷耗係歸縣管歷年既久無從查攷今惟存府歸縣管之豐衍倉貯穀有廣積黎育四版計開於下

一廣字版儲穀二千六百四十石

一積字版儲穀二千三百三十五石六十八觔

一黎字版儲穀二千二十四石一十七觔

一育字廩儲穀二百七十八石七十觔

共實存穀五千四百七十九石五十五觔

倉廩

縣常平倉原載五十九欄內新字一大廩在縣署大堂左邊其餘在於縣署左近建自明季乾隆十八年知縣陶敦和請項修理又乾隆五十七年知縣黃銓詳請修理前清已塌無存民國四年知事林揚光奉官產處將縣全署賣與福州人建築會館

延平府衙倉原載三十九欄在府大堂側及府署後建自明季前屬府管乾隆三十一年奉文改歸縣管四十一年知縣陸祖庚詳修二次後未經修早已廢塌僅存基址

延糧廳倉原載三十五間建自明季坐址開平坊後街原屬延糧廳
管乾隆三十一年奉文歸縣管理年久失修早塌僅存基址

豐衍倉二十三間建自前明在府學左近原屬府管乾隆三十一年
奉文改歸縣管四十一年知縣陸祖庚詳修今查縣貯官穀廣積
黎育四廩又借與公貯義倉穀瑞新盛三廩其餘空廩數間亦多
朽爛傾圮

義倉

緣起於道光十四年溪流盛漲米價驟貴省城及延平等府籌濟
民食甚費圖維爰議倡設義倉奏請通飭照辦維時署道瑤峰祥
公勸令城鄉殷紳捐置義穀數千石二十五年琴山黃公復勸在

城殷紳捐穀數千石共一萬一千九百五十石分建新舊兩倉收儲後由西樅關樅捐項下提錢陸續添買義穀嗣因新舊兩倉不敷分儲特將官有豐衍倉瑞字等廩大加修理借儲義穀原定章程歸道署管理立印簿二本一存道署一存紳董其新舊兩倉總門鑰匙歸道掌管各倉門鑰匙歸董掌管遇有收支出納盤穀碾糶推陳一切事務官紳合辦互相稽核事畢由倉胥填載兩本印簿所需各費在西樅關項下支給立法頗爲完善

新義倉

在城府前坊

- 一際字廩儲穀九百七十一石八十一觔
- 一昇字廩儲穀一千零六石零九十六觔

一平字廩儲穀一千五百五十石零二十觔

一盛字廩儲穀一千一百六十五石一十七觔

一世字廩儲穀一千零七十七石一十七觔

一大字廩儲穀八百六十四石

一有字廩儲穀九百六十三石七十七觔

一豐字廩儲穀九百二十四石七十八觔

一年字廩儲穀九百四十七石零一十觔

以上共儲穀九千一百二十九石六十九觔

舊義倉 在城城上坊

一時字廩儲穀九百一十九石三十五觔

- 一和字廩儲穀八百五十石零六十二觔
 - 一歲字廩儲穀八百九十石零一十八觔
 - 一稔字廩儲穀一千一百八十石零八十二觔
 - 一物字廩儲穀一千四百三十二石四十八觔
 - 一阜字廩儲穀一千四百三十二石四十八觔
 - 一安字廩儲穀八百零七石四十四觔
- 以上共儲穀七千五百三十八石五十九觔

豐衍倉

- 一瑞字廩儲穀二千六百零五石二十七觔
- 一盛字廩儲穀二百三十石零六十觔

一新字版儲穀九百五十七石

以上共儲穀三千七百九十二石八十七觔

舊育嬰堂

宋有舉子倉嘉泰間知州事葉筠建又有提舉司舉子倉嘉定間知州事劉允濟建久廢清乾隆十年巡道明福飭建育嬰堂卽縣治前龍鼎坊觀音堂乾隆十三年知縣蘇渭生建知縣李浚源趙愛重修五十年比僅存基址

舊有堂內款項共計銀一千零一十餘兩但付之移交後自乾隆五十八年起至嘉慶九年止清查開報於各前縣賠款追補堂本息銀共一千三百二十四兩二錢四分並無移解只載空册又有

額徵田相穀一千斛俱載前志今失管又園程項下年收租九兩二錢三分七釐其各土名佃人俱載前志今失管又載年完新興里三圖八甲育嬰堂額銀三兩零九分一釐米六斗七升四合今亦無著

新建育嬰堂

在紫芝坊舊屬天寧寺僧舍清同治七年知府趙均建議倡設育嬰堂詳請巡道周立瀛飭同知縣陳培桂紳董曾世霖胡雲章王世鏗在潢林運昌等籌辦經費定章立案堂屋二進外建牌坊一座前爲大門左右兩廂天井中爲正廳旁爲堂董辦事房後廳外牆屋爲乳婦育嬰室再後有小庫一欄爲貯穀倉大門外另有小

庫屋一楹賃人住居其正廳及門樓於民國元年舊曆十一月卽
新曆一月一日申時被火烟燄至民國四年道尹蔡鳳機撥款重
建煥然一新自趙前守向舉董事二人一駐堂管理出入嬰孩監
察乳婦一經理銀錢收支及造女嬰衣裙各支月薪錢六千四百
文用堂丁二名司看門兼僱乳婦抱嬰出入寄養及收租穀等事
每名月給工食錢四千文僱乳婦四人堂內駐養每人月給乳資
伙食錢五千四百文原始經費茶船過境大箱抽錢二文小箱抽
錢一文鹽船每隻抽錢百文又各商戶多題善愿以三百文爲一
愿比時茶業大興各欸抽題不下三四十千文除常年用費外置
有田穀一百餘石迨光緒間茶市淡泊善愿難題而女嬰又多入

不敷出十六年經堂董林茂年謝金章等稟請添費巡道司徒緒諭令於排關項下按月補助錢二十千文二十一年又懇道憲翟伯恆批准每月加給錢二十千文自後按月領錢四十千文民國元年鹽政歸官船捐停收經堂董邱延祥等呈請邑長葉大章轉呈鹽政處批事關善舉應准堂董照章抽收現每年約收一百六七十千文茶捐項下每年約收二百七八十千文又田租穀每年約值二百千文左右所養女嬰每年不下百數出入僅敷支用而已

救生局船

始於清光緒年知府委員紳辦理造救生船十餘隻分泊各險灘自城溪南至三都口一帶守候遇險赴救每隻水手二人其經費附抽木排百貨捐派董二人經收年約徵洋二千餘元至民國四年設水警察因籌警

費無款提充解省將
船裁撤自是遂廢

養濟院

在西郊外夫人宮坊宋紹興中郡守呂行已建明洪武間知府唐鐸重建為孤貧男婦棲止額內孤貧四十二名日

給口糧銀一分衣布銀在外額
外一十一名口糧照給無衣布

存恤院

原在水南南莊后改徙水東劍化閣下僻處為孤男婦棲止額內孤癩四十二名日給口糧銀一分衣布銀在外

額外十二名口糧照給無衣布

安樂社

宋嘉定通判詹大椿病或二十里或三十里置一舍使道路疫病之人歸養之

義園

叢塚庵

在城東宋乾道間郡守李庚闢地聽民不能葬者葬之為兩塔以別男女召僧守之月給香米後林潔已再闢一所

築牆圍之

安福庵

宋寶慶初知州事傅康湖以聽民葬

倉一庵

漏澤園

宋嘉定間知州事林潔已置聽民收葬禁火葬停柩皆使安厝得所明置四園一在城東演仙下里一在西劍津里

成化間知府鄭時洪治間知縣陸嵩建

義塚

一在府薛藩署縣徐久德置

一在碑記舊志名東義塚

西義塚皆清知府周元文立名

一在溪東地藏堂福計苗三斗給地藏僧收掌看守封識併志

義塚

名東南

一在北郊人張映西山場一片坐址後峽地方有碑

一在西郊外對河嘉慶五年十月知府廣善捐俸銀番二十圓

上至山頂下至魚池左至坑右至小較
場南營菜地上下有石界牌二片並記

一在東郊外嘉慶五年民人黃玉標黃孔文願將劍浦坊土名
小八卦山一片捐出橫六丈四尺直三丈六尺聽民自葬餘山

仍屬黃姓管理
立有界牌二片

一在東郊外黃家確后乾隆三十年民人吳朝元設立義塚一
座聽民自葬又於三十二年玉屏山地藏壇對山造義塚三

座更於大路外段立義塚四座
令子每歲於秋仲焚燒紙帛

一在城西郊外無祀壇左嘉慶五
年閩邑公捐築牆爲園聽民自葬

祠祀志第二十

明有民人幽有鬼神其義一也古先哲王有報本反始之祭而禮隆於郊廟社稷有報功昭德之祀而義通乎忠烈賢良書曰類于上帝禋于六宗望于山川徧于羣神祭法曰法施於民則祀之以死勤事則祀之以勞定國則祀之能禦大災能捍大患則祀之此皆有功烈於民者也若夫九黎亂德神人雜糅陳風好巫冬夏歌舞故祭非其鬼謂之諛祝史正辭謂之信季氏旅於泰山夫子非之禋罔請禳郊災子產不與其知道乎然君子過廟生敬陟乎禮神之囿游於舞雩之下夏松殷柏周栗穆然有故國喬木之思焉况乎頑廉懦立奮乎百世之上百世之下聞者莫不興起者乎故舉祠祀之有關於風化

者以志之

增廟附府

社稷壇

在城西府學舊址後山之巔宋元豐中建明洪武七年重

西南北階各三級立石主一於壇北向南又置木主一曰府社之

神一曰府稷之神傍有神厨神庫宰牲房齋房歲以春秋仲月

風雲雷雨山川壇

在城西舊射圃之左洪武元年令府州縣祀壇

一而設位三向每歲春秋致祭如社稷壇舊山川之神右祀城

隍之神悉南向每歲春秋致祭如社稷壇舊山川之神右祀城

先農壇

在城西虎頭山有神厨齋房清雍正五年建乾隆二年

日期每年十月初一日禮部頒歷預擇吉奏聞各行各省督撫不

穿補一人牽牛農夫二人扶犁推九返農夫終畝各官加補服

率耆老農夫望闕行三跪九叩頭禮四月常雩亦在先農壇行
禮壇設社稷先農山川神位儀如前延平耕籍自清雍正六年
始經縣令馮叔燻奉文動項銀三十四兩五錢六分買籍田一
段四畝九分載苗二斗八升八合坐落東郊外演武場後土名
蔡家碑年收租穀八石四斗二升四合每年准動支穀五石無
論穀價平貴除完糧五錢七分五釐米一斗二升八合外供先
農祭品銀二兩餘穀彙
入常平倉收貯册報

附 雩祭 清乾隆十一年奉部文每年四月 日舉
行如歲旱則祈雨亦曰雩祭若澇則祈晴

府城隍廟 在府治西北紫芝嶺上東嶽宮址先為羅豫章書院今
碑尙存廟中舊廟在開平坊鼓樓前洪武二年改建縣

學之右正德十二年知府廖紀同知萬廷彩移建舊縣治址嘉
靖二十八年知府范來賢改建城西西北隅東嶽宮舊址歲無特
祀合祭於山川壇厲祭則迎神主之凡有司初蒞事必齋宿廟
中陳牲告神而後履任及祈禱水旱必先牒告而後禱於壇廟

縣城隍廟 在縣治前稍東舊無特祀康熙三十二年知縣陳兆聲
始建立祀田有碑記乾隆十三年知縣蘇渭生重修

厲壇 在城北岡上洪武九年建祀無祀鬼神有廳堂神厨神庫歲
以清明中元十月朔日致祭先期主祭官牒告城隍屆期迎

神位於壇
上以主之

無祀壇 按在西郊有神厨齋房無祭典旁有義塚火葬者多在其間

疑為
邑厲

龍神廟 在城南九峯山麓原是萬福精舍

火神廟 原在南門城樓清乾隆二十九年改玉清宮

設廳廟 府設廳廟在開平坊祀宋劍州知州張翬勅封忠佐王

三年署縣陳鼎二十
六年知縣趙愛重建

旗纛廟 在延協副將署右衛後山之巔俗名九峰堂乾隆三十年

牢禮協鎮官具戎服率屬致祭
凡出師迎旗祀之師旋歸於廟

馬王廟 原祀於衛後五帝廟右側乾

土地祠 府土地祠在府署儀門外東縣土地祠即設廳廟春秋致祭民間土地廟有三一在小普通嶺又名土地公嶺寬不

盈丈而神特靈一在梅峰坊聖者堂之右廟貌雖微有求皆應一在虎頭山

特祠

道南祠 在城北龍山嶺明成化元年勅建祀宋儒楊時以羅從彥

郡立祠致祭祭制可也賜道南匾額知府鄭宗良建祠何喬新有記洪治八年議准從祀以此為專祠仍世襲後裔衣巾守之存

秋仲月上庚日郡守率屬致祭嘉靖元年僉事吳昂以其地僻遠不便祭謁議改府西城外舊豫章書院為之而舊祠仍存嘉

靖二十八年知府范來賢因遷府儒學於城西又改建四賢祠於舊文廟之地以祀楊羅李朱四先生而前祠並存為有司祀

事之所萬歷三十七年知府范光陽復建前廳四十五年御賜楊履道建三十七年知府范光陽復建前廳四十五年御賜楊

祠額曰程氏正宗羅從彥曰奧學清節李侗曰靜中氣象五十七年學院李鍾峨捐銀八百兩知府任宗延捐銀四百兩重建

道南文公二祠先是順治十三年巡按朱克簡修建四賢祠置壽山徐洋大內隔頭橫坑尾等處苗田二石一斗充為祭田有

碑記乾隆三十年二月龍山野燒延及華表饗堂田碑俱燬僅存大門及寢十一月巡道楊仲興知府傅爾泰知縣衛克靖重

傳光緒二十六年十二月祭典每歲春秋仲月致祭原支地丁銀

文公祠

產在道南祠左明正德間知府歐陽鐸以朱熹有功後學且

年知府沈鑾重建萬曆三十九年知府倪朝賓修康熙十一年

教授鄭泰樞裔孫朱弼朱上達等募建祭項明洪治四年吏

以特祭於誕辰量給物品依禮致祭清每年九月十五日誕辰

動支地丁銀兩有司祭兩春秋仲末丁致祭外裔孫輪

知縣蘇渭生詳准撥銀六兩春秋二仲末丁致祭外裔孫輪

羅豫章祠

在羅源里南山明府陸志孝修四十年督學馮公誕給

五十八世孫羅文林衣巾後圮康熙四十五年監生羅圻彬重建
主附祀乾隆十三年知縣蘇渭生捐銀十兩附奉
祀生羅萬選修葺有范來賢羅源祠記沈函碑記

李延平祠

祠在城天河坊門正德間知府歐陽鐸毀淫祠以改建給
山於道南祠其歲時子孫各領祭焉十九年知府裴椿三十一

年知府沈鑿同知曾子欽登修費宏游居敬有記萬歷三十八
年知府倪朝賓修清順治十四年代巡王應元重修康熙五

乾隆七年學院車鼎晉捐金四十兩知府任宗延捐銀十兩置祠田
二年喬生李騰輝呈准年撥地租銀六兩給與辦祭春秋二仲

請官行禮費游子三記並徐渭調祠詩載入藝文光緒十八年
知府唐寶鑑教授李錦重修宣統二年巡道彭述知府惲毓嘉

稅釐局即補道俞鳳官知縣王擴中捐俸重修御
書閣紳董章雲漢葉玉楨應昭德章有年等督修

大忠祠

在龍山道南祠右明正德間建祀宋丞相文天祥以大監
趙時賞少卿陳龍復寺簿劉沐總轄呂武檢院林琦提刑

何時配仲月上庚日郡守率屬致祭前春坊中允謫通判郭希
配春仲月上庚日郡守率屬致祭前春坊中允謫通判郭希

顏置祠田三十五年巡按成性捐俸江西陳景星洪應祥捐資募
資修順治十三年巡按成性捐俸江西陳景星洪應祥捐資募
衆重修康熙三十一年知縣蘇渭生重修祠正中有一間正氣
縣文國繡乾隆十三年知縣蘇渭生重修祠正中有一間正氣

額康熙己卯范
光陽題有記

有郭希顏祀田記黃鞏忠義祠張程祭文並大
忠祠詩張恆詩龔貞詩張秉誠詩曹國楫詩

文天祥

麟字宋瑞又字履善吉水人年二十舉進士第一考官王應
麟字宋瑞又字履善吉水人年二十舉進士第一考官王應

伯顏拘之北行太平州步卒呂武脫之於鎮江乃由溫州浮海
至行在爲樞密使開府南劍州募兵復邵武次年六月兵潰空
坑妻妾子女皆見執元至元十五年十二月張宏範至潮陽五
坡嶺天祥被執送京師不屈十九年死於柴市臨行謂吏卒曰
吾事畢矣妻歐陽氏收其屍衣帶中有贊曰孔曰成仁孟曰取
義惟其義盡所以仁至讀聖賢書所學何事而今而後庶幾無
愧王文恪贈聯云千秋不化
莫弘血百折難回豫讓心

趙時賞

字宗白和州宗室咸淳元年進士累官知宣州旌德縣德
祐元年以功陞直寶章閣軍器大監從二王入閩中益王

卽位天祥開督府於南劍奏辟參議軍事江西招討副使假知
偏師當一面時賞風神明俊議論慷慨有謀策尤爲天祥所知
空坑之敗被
執不屈死

陳龍復

泉州人與天祥同年登第天祥開府南劍復爲福建提點
刑獄遷督府叅軍給餉治兵天祥賴之空坑之敗復幸得

脫天祥進屯潮陽方飯五坡嶺張
弘範兵突至天祥被執復死之

劉

沐

字淵伯天祥隣曲少相狎沐性誠實而機警天祥起兵
辟補宣教郎督府機宜天祥出使沐領兵還及開府南劍

沐收部曲來會改授太府寺簿專將一軍爲督府親衛時江西
忠義皆沐所號召空坑之敗被執與其仲子同日死季子又從

天祥死
於嶺南

呂

武

太平州步卒天祥出使隨天祥於汀梅間應募從行脫鎮
江之難循海南還武力爲多及開府南劍以功補官令結

約州縣起兵相應道阻復崎嶇數千里挺身患難中化賊爲民
衛官將數千人出江西以遇士大夫無禮死於橫逆一軍揮涕
葬之武忠鯁出天性不避強禦而
好面折人過多觸忌諱故及於禍

林 琦 閩人 德祐二年元兵既迫 臨安琦於 緒山結集 忠義數千

天祥開府南劍琦佐其募外 文采內忠實 數涉患難 無怨懟詞 及潮州移屯琦俱被執 至惠州遁 復執之北行 赴水為吏所持

至建康以憂憤死

何

時 字了翁 撫州樂安人 天祥同年進士 知興國縣 天祥起兵 辟署帥府 機宜帶行 監文思院 天祥入衛 任留守 分司吉

州吉州下時脫身歸鄉里 益王立天祥開府 南劍時起兵趨興 州接引以時帶行 監江西提刑 時聚兵復崇仁縣 未幾兵敗 削

髮為僧 竄迹嶺南 自號堅白道人

王士和

字瑞育 號味艾 金谿人 崇禎庚午 舉人 歷兩都之變 哀慟 幾失明 丙戌七月二十六日 以兵部主事 知延平府 八月

二十二日 征南將軍 貝勒 李薄 師城下 百僚已爭先擁衛去 和 獨留守 軍民逃竄 殆盡 公題署壁云 闕風烈烈 搗虛城 正氣從

來履險 貞一月 守延甘 殉難 孤忠 千載 有誰明 遂衣冠 懷印北 面再拜 縊死

天后宮

在大東門內 李招討祠 左清乾隆三年 初建 後殿五年 復 構前殿 乾隆十六年 更結戲亭 飛樓畫棟 規制宏麗 頗稱

勝樂天后原封護國庇民妙靈昭應弘仁普濟乾隆二年褒封
福佑羣生二十二年經册封琉球正副使全魁周煌奏准欽奉
嘉慶六年十一月誠感咸孚乾隆十八年詳定閩省祀典春秋致祭光
緒六年七月煬

年重 年七月煬 年重修

賢良祠

在大東門內李招討祠右清乾隆五年建二十三年
修祀惠獻貝子神位有碑記今祠已廢碑記尙存

名宦祠

在縣治大門外稍西本祀明知縣陸嵩江良貴以遷建縣
治後益以知縣陳夢麟康熙三十三年煬乾隆二十八

年知縣趙愛重
建春秋致祭

九烈祠

在城北鎮街明嘉靖十五年知府沈大楠建清乾隆二十
七年知縣趙愛重建乾隆宋小常村婦及馬氏廖氏元林

氏愈娘張氏陵娘糜氏曹婢張氏貴娘陳氏月娘祐溪貞女
唐熙戊子知府周元文子婦李氏死節附入後復附以梅氏管
氏章氏爲十三烈矣日成就
乾隆年知縣黃銓重建

小常村婦烈女

見

馬氏 范旺妻順昌人紹興初土軍陳旰等作亂殺其夫併子馬氏奔視賊脅汗不從遂解之

廖氏 民妻沙縣人紹定初為賊所掠命之歌舞廖罵曰我恨不使陳韓具聞贈遜節夫人鄉人立廟祀之

林氏 夫國美妻名愈娘沙縣人至正末江西北鄧克明破縣治氏亦汝濟橋謂諸婦曰吾寧死不辱復拊其懷中子曰我之痛哭投

張氏 彭阿積妻名陂娘尤溪人幼有操適彭事舅姑以孝洪武中河而死通判劉摠以其聞詔旌其門

糜氏 烈女見

陳氏 張文宗妻名月娘順昌人正統十三年草寇亂執氏欲以賊首過西渡給賊曰汝若繫我告汝主帥必將遣汝賊懼

詞記志第二十一

釋繫舟至中
流投水死

張貴娘 將樂人 正統戊辰沙寇入境 貴娘年十八 賊執之 將昇去

儒士 鑿善為作 傳嘉靖二十九年 知縣王 節立碑記於學西南 同溫烈婦 旌曰雙烈

祐溪貞女 失姓名沙縣人 正統十四年 賊鄧茂七 破縣治 以女置 草間 遇兩賊 欲脅之 從女計 却之 許過溪 卽從一人以

終所事 兩賊信之 扶至橋心 女忽以兩手 結賊投之 淵俱溺死 弘治四年 憲副楊澤 郡守蘇章 立祠祀之

郭氏 失姓名大田人 正統十四年 鄧茂七 亂鄉人 結砦東巖 賊與 砦氏 襁兒甫歲 且方娠 賊驅使去 氏奮罵之 投百尺崖 賊與

籍賊駭曰 此真烈婦也 掩兒與腸 胃迸出 狼

李氏 知延平府 正黃旗 漢周元文子 兆熊 妻性慈 孝克修 婦道 夫 亡 日 夜 哭 不 絕 聲 擇 日 移 夫 棺 郊 外 從 容 易 服 閉 門 自 經

管氏 烈傳 女見

梅氏 烈傳 女見

章氏烈女

傳見

關帝廟

在府治東北隅普通嶺上貢院南祀漢壽亭侯關羽雍正三年十一月燬於火四年重建殿宇乾隆元年重建戲亭

舊傳正統間沙尤寇攻郡城遙望城中皆赤面神兵寇心攝少却王師從而撲滅之蓋神陰助之功也關帝忠義勇烈載在史册

册歷代褒封崇祀廟貌遍天下清雍正三年追封三代祀以太

年典禮時乾隆二十五年奉旨關帝謚號加神勇二字朔望知縣隨郡城文武官員行香謂之武廟春秋二祭城內外廟共六所民國四年奉文台祀宋岳武穆王於廟春秋致祭

關帝三公祠

勅封 曾祖光昭公 祖裕昌公 父成忠公

李招討祠

祀唐招討湖南觀察使李係係忠武王晟曾孫也有捍禦功民戴而祀之建炎三年賜廟額曰靈祐紹興間封

威勝侯加顯應英濟之號明洪武初詔去所題唐官職命有司春秋致祭祠在東門內背枕縣治面臨建溪堞繞其前如弛

弓形地特寬敞祠前為樓跨街憑城八面開窗顏曰凌虛俯瞰溪流風帆沙鳥當軒而過東南諸山盡列窗中芳辰佳日晨興

雨後一登眺而眉目軒軒致有爽氣嵐翠暗來衣襟欲潤蓋一
邑之勝槩好事者往往移罇設宴嘯咏其間壁間詩句琳琅一
璨不可勝紀清康熙三十三年於火僅構一椽以奉神位雍
正九年重建雖極力規撫未如舊制聊免狹隘之譏云陳新之
重修廟記
載入藝文

忠義孝弟祠後移祀縣學明倫堂右海公祠對面

節婦祠以上二祠原在東門外雍正元年各憲奉旨建立今廢基存

節孝祠在縣學明倫堂左祀歷代貞孝節烈之婦

海公祠在縣學明倫堂右祀明南平縣學教諭忠介公海瑞有手植雙檜

倉聖祠在縣學明倫堂後崇聖祠之左

文昌宮府縣學內皆建民間之宮有四一在縣治右一在草鞋坑玉清宮右清乾隆二十八年改祀火神三十年里人卽僞

宮之後剛地重建一在長安南里漳湖坂頭一在普安里大墳其以閣名者有二一在縣治前面瞰建溪與天后宮祠掩映乾

隆十三年監生楊永佑施入上畫羅坑土名苦竹灣年收稅八
一千一百九十筋佃人鄭師堯一在府城隍廟後乾隆二十
年里人募衆重建嘉慶年奉諭各郡邑建立文昌祠祀
以太牢卽於縣治右之文昌宮春秋致祭月朔知縣隨郡城文

武官行香光緒間改祭於天
麟山呂祖宮右新建文昌閣

呂祖宮 即慈珠宮在天麟山麓清同治初年募衆鼎建廟貌巍
規模宏敞屢昭靈應嘉慶十年奉旨勅賜鑾元贊運四字

加於原街之上建立牌位供奉每歲定於二
月初四八月初四致祭每祭用蔬果十餘品

精忠廟 在天官嶺上祀宋岳武穆王有張瑞圖書萬古精
忠匾額一在龍山下十字街乾隆十五年重修

三皇宮 天河邊協署前紫雲嶺半清康熙
三十年重建祀伏羲神農黃帝

藥王廟 天河邊紫雲嶺半祀
孫韋二真人

眞君廟 衛後五帝廟前亦名鐵柱宮祀許旌陽乾隆八年燬改建
酒務巷坊與華光廟遙對按許遜字敬之爲旌陽令棄官

蛟之道拔宅上升豫章鐵柱宮井中相傳爲許旌陽鎮
蛟之物故以名宮豫章人尊信之到處會館皆祀像

閩王廟 在三魁坊祀閩王
王審知

漢閩越王廟 威武坊舊志云原殿燬王屢有神驗歲災遙見火光
中有袍冠人救止者有司以舊社學基擴其殿虛其

左基為縣令某生
祠社學之廢始此

威惠王廟

平忽風雷雨電自廟中有古碑唐廣明中黃巢兵過延

雷從事祠

雷煥子也宋慶歷間通判陳執禮以華管為劍州從事

過延津有佩劍化龍之異遂狀其像立祠祀之其後里人以晉
司空張華並煥像同祀歲久廟廢元統癸酉達魯花赤納兒杉

伯重建至元乙亥里人因其鄰有侵廟之利者白於官復之遣
有石刻明正統燬於兵景泰癸亥里人募衆重建正德丙子知

府姜文魁撤而新之顏曰化劍閣清乾隆二十七年重建中祀
天后右移堂祀張雷二公而華不與至今因之殆失建祠本意

矣張濼鄒維蓮施
中何蘭各有詩

陸公祠

在城外水東坊祀明知府陸相儒萬歷四年建公遷本省
監軍卒軍民思其德欽資建之清順治丁亥兵火僅遺址

馬今為小憩亭
顏曰僧帷暫駐

沈公祠 在西郊府學舊址萬歷三十三年為建
南道前提督學使沈公傲煇建久廢

堵公祠 在東門水漂三十八年重建有碑記後廢
十七年明翠橋頭為知縣維垣建萬歷三

顧公祠 水東街尾萬歷三十二年為同知顧起淹建淹吳縣進里
清正自持不狗權勢遷貴州僉事民建祠祀之今祠燬里

民即其基
建社廟

聞公祠 在溪東永慕祠之右萬歷二十年
五年為知府聞金和建今廢

徐公祠四所 一在城東徐存齋公去思亭之右一在城東舖之左
一在溪東永慕祠後一在五里亭之下萬歷三十七

年為推官徐久
德建今俱無存

薛公祠 在城東化劍閣之側萬歷三
十六年為知府薛藩建久廢

永慕祠 縣東門大溪之東祀明知府孫衍崇二公為民禱雨
至徒步却蓋十餘里同時感疾卒郡民感焉故為建祠歲

靖九年三日郡守率屬致祭蓋孫公忌辰也原祠在城南門外嘉
之險迫近學宮移建東郊易曰永慕巡按節講官張潮為

昭忠祠

嘉慶七年查辦苗匪教匪軍營陣亡弁兵飭各府縣建
祠分祀督撫奏苗匪教匪二案閩省並無奉調官兵惟

近年臺匪陳光愛陳周全陳錫宗滋事各案內派撥勦捕者無
疆場及洋面遇賊被害者亦復不少實與苗匪教匪陣亡者無
異一體入祠致祭祠在大忠祠旁嘉慶八年建祠臺灣北路中
營額外委馬兵王洪福州城守右軍額外委馬兵唐起龍中
等

王

洪

本籍人任臺灣北路中營額外委首兵乾隆六十年臺
匪陳周全滋事洪從營八卦山志存報效鼓勇赴義躬冒

矢石奮不顧
身卒以陣亡

唐起龍

本籍人任福州城守右軍額外委馬兵乾隆六十年臺
匪陳周全滋事龍運糧抵福清縣沙塢洋西遇盜奮往擒

賊冒刃不
顧遂被害

陳得元 蔡廷舉 張陞玉 聶國豪 鄭義

梅亮 謝宏 謝亮 徐得勝

俱本籍人步戰兵乾隆六十年三月十四日在八卦山打仗陣亡外附順昌守兵三人將樂戰兵六人尤溪戰兵三人同祀

司頒春秋致祭祭文

惟靈志堅探穴念切請纓勇以赴義烈以成貞或乘風而破浪
竟焚骨於滄瀛或披堅而執銳酒碧血於鏖鉦緬雄姿之卓犖
雖既歿其如生慰忠魂於故土荷盛世之褒旌薦馨香於令序
為桑梓之光榮生為烈士死作干城式昭秩序永播芳聲尚饗


宋千總弁兵殉難塚 咸豐三年四月紅巾黃有使率匪來攻縣城

委陣逢亨領兵禦之於西芹三門瓦廠前被匪由兎坑山路包抄眾寡不敵全隊覆沒千總世超等力戰而亡西芹鄉紳蔡夢熊等憫其忠義備棺收埋於后山立塚豎碑祀之每逢七月中由紙商訂期祭掃同時殉難士卒計三十人督撫標兵潘得升韓文亮陳連標歐連升江振標鄭淮元林建陳聯升嚴大標尤高魁葉得標許得標魏得標林同春馬爾標林蔭淮宋學鑾

羅得	延郭
春標	金鏞
發陳	李鴻
李大	升協
章饒	董王
等順	連捷
統標	陞貴
列曾	王張
碑武	國得
內順	豐高
	周王
	旺定
	標魁
	張張
	清茂
	雲林
	金長
	得保
	名延
	湯平
	朝營
	標兵
	連吳

藝文志第二十一

藝成而下者也以文爲藝則成而上矣古今文以億萬計其傳者必其重有關係乃不可不傳楊羅李朱之文身心惟命之旨五倫五事循之而有其路陌若直言極諫之臣上一言而開萬年之福陳一策而救千人之命扶危定傾旋乾轉坤仁人之言厥利溥哉若夫紀一事之沿革詳一物之廢興或登高而賦詩或臨流而寫志兼收既厭其繁鉤概刪又缺乎稽考爰擇其切於事實該乎政化綜乎山川名勝者或言以人傳或地以言著義各有取難拘一格故悉志之於篇



諸家著作書目

五代

陳陶

癖書十卷

詩集

宋

楊時

較正伊川易三經義

春秋禮記解

學庸語孟解

周禮解

經筵講義

易春秋孟子義

列子解

莊子解

辯字論說

目錄奏議

羅從彥

詩解

春秋解

春秋指歸

語孟師說

中庸說

遵堯錄

臺衡錄

議論要語

二程龜山語錄

李侗

延平問答

語錄

蕭山讀書傳

論語講說

讀書管見

朱熹

易本義

啓蒙著卦考誤

詩集傳

大學中庸章句

或問論語

孟子集註

大極圖通書西銘解

韓文考異

楚詞集註辯證

論孟集議

孟子指要

中庸輯畧

孝經刊誤

小學

通鑑綱目

宋名臣言行錄

百
五
集
示
名
二
二
三

家禮

近思錄

程氏遺書

伊洛淵源錄

議禮經傳通解

吳熙

三傳通解二卷

禮記講義十卷

孝經一卷

詩文集三卷

藏春語錄

吳輔

怡軒詩文集

黃裳

演山集六十卷

張維

槃澗集

奏議

黃復

文集三十卷

明

查厚

宦遊集

從祀七賢要旨

吳恭

學古齋集

吳瓊

九峰稿

奏議

黃焯

遵美堂政錄

修來篇

論語中庸讀法

貽光堂集

黃應麟

四書講義

量田管見

鄭慶雲

劍溪媿稿

張體中

洪菴詩集

螟螺集

經書講義

代賢奕編

朱成文

讀書會要

越閩議畧

天目劍津會語

鍾臺問答

續壤蹟吟

藝林枝語

趙 粥

雪航膚見

趙氏史評

游居敬

五經旁註

可齋文集

百 二 果 元 年 二 二

奏議

丹圖集

陳國楨

車塵雜述

豎語焚餘

察舟外言

吳道宣

楚游文集

歐金梁

燕居樓草

黃起莘

書經正說

說鈴

四書詩經講義

朱廷獻

啓莊文稿

清

林鐘

哦江集

拙菴紀事

歸園集

邱三捷

閑吟雜著

文藝作述

仕學說

林就日

太極圖說

元祐黨人碑贊

胡傳刪補春秋講義

樂斌

古今太乙紀鑑

施中

望溪莊稿

康濟海

四賢紀要

毛章業

蔚廬詩文

謝 豐

瘴癘指南

諸症辨疑

理元脉訣

黃 鈞

蘭室紀要

施開治

自怡集

楊之楨

崇儉編

迂草

育 下 系 辰 參上 藝文志第廿一 七

翁兆行

方言集

蕭泳

柳溪集

朱濤

四書尋疑

林昌麟

四書融會解

陳世蔭

花圃吟

游武彝草

自娛集

官志涵

枝亭稿

朱 澐

平平居士詩稿

李 蘭

詩文稿

陳國瓊

雪樵詩稿

高 鏞

劍浦詩篇

紫雲山人詩鈔

流寓

林定徵

尊心堂遺稿

毛念恃

四書講義

小學訓解

孝經註

四賢年譜

藝文

狀疏議

繳進遵堯錄狀


宋劉允濟

臣聞言進忠而得錄於後者固先賢之素志事若緩而有功於今者亦治世所樂聞山林之士雖弗急於功名猷畝之中未嘗忘乎君父言不用世事或遇時司馬遷藏史記於名山以俟後聖孔安國得尙書於屋壁悉上送官人雖無速售之心道豈有終窮之理載念湮淪之斷簡果逢熙洽之昌期臣少挾槧鉛長游學校久聞羅從彥爲閩名士制行甚高其在徽廟朝居鄉授徒守道尤篤未得平生言行之實每識尊聞欽慕之心昨叨聖上之誤恩來守延

平之偏壘始知從彥實爲郡人問其世家寥絕難迹咨諸故考搜
索良勤久而見春秋詩解之累編中乃有聖宋遵堯錄之八卷親
書楷筆自爲叙文大抵以我國家一祖開基列聖繼統綱正日舉
無漢唐雜霸之未醇君聖臣賢若舜禹遵堯而不變備述太宗凡
邊防事機之重盡守規模復言仁祖承封祀宮室之餘益加恭儉
揄揚不憲推本深仁大而郊廟宮掖之嚴次而朝廷郡國之政或
釋言以極發明之旨或辨微以寓諷諫之誠末陳元豐間改制之
因皆自王安石作俑之過管心執法創爲功利之障羣僭蔡隨浸
兆裔夷之侮痛心疾首杜門著書在靖康丙午而已成值金寇邊
塵而英土六十九年孤憤之氣鬱鬱未伸四萬餘言剴切之文彬

彬可據臣以以是見從彥道術精粹議論正平雖然山澤之寒儒
蔚若臺閣之素宦義由中激言不詭隨生同葵藿之所傾歿與草
木而俱腐情誠可憫忠永難磨臣謹錄成書繳進舖座欲望萬幾
之暇特加一覽之勤倘有合於宸衷幸宣付於史館仍乞睿慈賜
謚於近朝尹焞邵雍之儔庶幾天下歸心希古者下惠少連之舉
非特慰遺衷於泉壤亦將興大道於人心臣還觀從彥凡所立言
不愧今古念無後嗣可續聲猷所圖斯文遭遇於聖明庶使其名
流傳於永久言誠狂瞽罪分誅夸所有羅從彥元撰聖宋遵堯錄
八卷謹繕寫成二冊實封隨狀繳進須至奏聞者


Handwritten vertical text on the right margin, possibly a page number or title, including the character '二'.



請諡羅李二先生狀

宋楊棟

禮部狀准淳祐六年三月十七日都省批下朝奉郎直秘閣福建
提刑楊棟狀臣竊惟欲治天下者先正人心欲正人心者先正學
術學術不正則名實淆亂是非顛倒上無所折衷下無所則倣無
所折衷故上聽惑無所則倣故民志亂民志靡定則遺親後者之
俗興而天下之患從此始矣故正學術以正人心誠當今之急務
也恭維聖朝天開文治純公正公二程先生崛起伊洛之間闡道
於元公周夫子而遂造其至續孔孟大公之傳開萬世可久之業
本末一貫人已俱立堯舜復起不易吾言嗚呼盛哉二先生歿傳
其道者曰龜山楊文靖公龜山楊文靖公傳之羅先生從彥羅先



生從彥傳之李先生侗時朱文公篤志講學求師四方後見李先生聞所謂默坐澄心體認天理之說脫然知道之大本在乎是也從游累年往復問辨而卒傳先生之學由周程而來其所傳授本末源流不可誣也陛下嗣登大寶百宗朱文公之道以風天下其門弟子之賢者亦蒙褒表或賜美謚然朱文公之學實師於李先生獨未聞有以推尊其師者豈以其師著書不多不若諸人之論述詳而發明廣歟不然何隆禮於其弟子而反遺其師也夫天下之至善曰師師道立則善人多善人多則朝廷正而天下治且聖賢著述皆非得已孔子曰子欲無言孟子曰子豈好辯哉子不得已也顏子不著書實爲亞聖然而論語必以堯曰終篇孟子末章


歷述堯舜至孔子而韓愈原道之作所謂以是傳之必謹擇而明辯者所以示萬世之公傳率天下以正道觀朱文公所稱羅氏曰潛思力行任重詣極如公一人而已其稱李氏曰講誦之餘危坐終日以驗乎喜怒哀樂未發之前氣象爲何如而求所謂中者若是者蓋久之而知天下之大本在乎是也則朱文公所得於李先生李先生所得於羅先生者厥或在此而有出於文字詞義之外者可知矣今天下學士家有朱氏之書人誦朱門之語而其切要遠大精實中正得之心而見於行則知者鮮焉是徒誦文公所著之書而不知文公所傳之道若非明示正宗使天下曉然識所趨向以求造乎至善之地棟恐名實淆亂是非顛倒文公之書雖存

文公之道將喪矣故竊以爲欲明文公之道莫若遵文公之師棟
濫將明旨咨諏閩部實在羅李二先生之鄉而平生之志頗知景
慕用敢列其事以聞欲乞聖慈探聖學之傳重師道之本以其所
以尊崇文公者而推尊其師等而上之以及羅氏各賜美諡昭示
寵褒表勵方來庶幾伊洛之學不淪於言語朱氏之書實見於踐
行豈惟二臣潛德發揮其道光大而於損文華以崇德行正學術
以正人心實不無小補云

奏舉吳熙吳儀疏

宋王潮
南劍州知州

臣伏見本州進士吳熙經學義行衆所推服進取不充其志而安恬退處閉戶讀書所養益厚與宗人析產推其豐腴自取薄少廉介之節古人鮮比其從兄儀篤志博古亦以名節自勵本州人士常以經明行修舉儀恐占解名懇避不就鄉黨之譽無愧於熙臣雖位卑言輕如二人之志於隱約而未爲盛世所知倘蒙聖恩加以考察賜之一命使充學職於聖朝收斂人才所以敦士類者不爲無補



請封爵從祀疏

元胡瑜

嘗謂文治興隆宜舉行於曠典儒先褒美期激勵於將來蓋國家化民成俗莫先於學校而學校之設必崇先聖先師之祀者所以報功而示勸也我朝崇儒重道之意度越前古既以加封先聖大成之號又追崇宋儒周敦頤等封爵俾從祀廟庭報功示勸之道可謂至矣然有司討論未盡尙遺先儒楊時等五人未列從祀遂使盛明之世猶有闕典唯故宋龍圖閣直學士謚文靖龜山先生楊時親得程門道統之傳排王氏經義之謬南渡後朱張呂氏之學其源委脈絡皆出於時者也此故宋處士延平先生李侗傳河洛之學以授朱熹凡集註所引師說卽其講論之旨也故宋中書

舍人謚文定胡安國聞道伊洛志在春秋纂爲集傳羽翼正經明
天理而扶世教有功於聖人之門者也故宋處士贈太師榮國公
謚文正九峰先生蔡沈從學朱子親承指授著書集發明先儒之
所未及深有功於聖經者也故宋翰林學士參知政事謚文忠西
山真德秀博學窮經踐履篤實當時立僞學之禁以鋼善類德秀
晚出獨以斯文爲己任講習躬行黨禁解而正學明此五人者學
間接道統之傳著述發儒先之秘其功甚大况科舉取士已將胡
安國春秋蔡沈尙書集傳表章而尊用之真德秀大學衍義亦備
經筵講讀是皆有補於國家治道者矣各人出處詳見宋史本傳
俱應追錫名爵從祀先聖廟庭可以敦厚儒風激勵後學宜命禮

官討論典禮如周敦頤等例聞奏施行以補闕典吾道幸甚本省
以其言具咨中書省仍遣瑜赴都投呈中書判送禮部行移翰林
集賢太常三院會議俱准所言回呈中書省奏准送禮部定五先
生封爵謚號俱贈太師楊時追封吳國公李侗追封越國公胡安
國追封楚國公蔡沈追封建國公眞德秀追封福國公各給詞頭
宣命遣官齎往福建行省訪問各子孫給付如無子孫者於其故
所居鄉里郡縣學或書院祠堂內安置施行

下

二

東

三

四

五

六

七

八

九

十

十一

十二

請補宋羅李二先儒從祀廟庭呈議奏疏

明林 鈞

爲懇奏請補入眞儒從祀以尊道統以光盛典事竊唯聖賢學問在繼往而開來帝王闡明先崇功而報德故問授受於一脉之相承則淵源必溯而極推尊於百世之定論則俎豆彌光鈞生長雙劍之邦私淑四賢之澤久矣乃楊中立朱晦翁旣已登祀廟庭而羅仲素李愿中尙未與列從祀此從來之缺典而議禮者所不容緩也溯自楊中立載道而南爲後世學士之鼻祖其衍中立之心傳者羅仲素也承仲素之嫡派者李愿中也由羅李以遞傳於朱夫子見知聞知統系相接師傳弟習前後一源譬之河流楊中立星宿發脉也而羅李以及朱子亦猶歷濟潔淮漢以達於海者也

在昔宋元豐七年進孟子與顏子配享其後議者謂孟子受業於子思子思受業於曾子咸淳三年遂以曾子子思四賢並配至今稱千古至當之禮今尊朱夫子之道而未及其相傳從來之自是進孟子而忘曾子子思也其可乎哉昭代禮明樂備卽薛文清王文成陳白沙皆得從祀而况承先啟後可師百世如羅李二先儒其有功於道脉尤章章較著者哉謹按宋鑑及性理諸書羅從彥字仲素沙縣人徙家南平從學楊時於蕭山旣而築室山中絕意仕進充然自得朱子曰龜山先生倡道東南士之游其門者甚衆然語其潛思力行任重詣極如羅公蓋一人而已又曰先生教學者靜坐中看喜怒哀樂未發謂之中未發時作何氣象眞能探索

本原洞見道體周氏垣曰先生在羅浮山坐三年窮天地萬物之
理註遵堯錄撮要提綱無非理亂安危之大者公之學其明體適
用畧可推矣李侗字愿中劍浦人結廬山中謝絕世故餘四十年
飲食或不充而怡然自得朱熹師事焉朱子曰先生少游鄉校有
譽已而聞郡人羅仲素得河洛之學於龜山之門遂往學焉累年
受春秋中庸語孟之說從容潛玩有會於心盡得其所傳之奧又
曰先生從仲素學講論之餘危坐終日以驗夫喜怒哀樂未發之
前氣象爲何如又曰先生資稟勁特氣節豪邁而充養純粹無復
圭角精銳之氣達於面目色溫言厲神定氣和語默動靜端詳閑
泰自然之中若有成法鄧氏迪曰愿中如水壺秋月瑩澈無瑕蓋

二儒者其衍道南之脉卽以衍千聖之傳緒於不墜其開紫陽之
統卽以開六經之日月於中天茲遇宗師大人主張風教羽翼宗
盟乞將地方眞儒奏請從祀廟庭庶崇儒重道之典益光而仰止
景行之心均慰地方幸甚斯文幸甚

奏補羅李二儒從祀疏

明熊汲
提學副使

臣惟崇儒重道帝王之美節而繼往開來舉百年之遺以昭一代之盛非大聖人有作莫之能也恭維陛下聖神文武應運中興心法之傳上符堯舜敬天法祖制禮作樂陳藝極而昭道軌固已極其明備而巍然煥然無以加矣乃稽古右文祀周孔於殿廡錄顏曾之末裔於道統之傳尤致意焉海隅蒼生成熙熙然鼓舞於不識不知之治真千載一時也乃有學術明備道統攸傳如宋羅從彥李侂一代真儒應從廟祀未蒙采錄得非儒紳建議之未及乎要之公論久而不泯聖道待人而傳則所以倡明而主持者不有望於今日歟臣惟周禮大司樂掌成均之法以教國子弟凡有道

德者則以爲樂祖祀於瞽宗此祭法先師所由始若孔子道高德厚接堯舜禹湯文武周公之傳六經垂憲功德在人宜萬世食報無窮焉故得尊祀學宮以爲先師一時及門如顏曾由賜輩私淑諸人如孟軻氏聞道雖有不同要之均有得焉者則四科十哲列德譏次侑食配享禮不容已漢董仲舒隋王通唐韓愈宋周敦頤程灝程頤張載邵雍楊時朱熹胡瑗司馬光諸儒前後論列咸得從祀固以有功於孔門於道相爲發明亦禮不可改矣乃若羅從彥者受業於楊時以承濂洛之傳李侗者受業於從彥以啓朱熹之學是一儒者其爲道統絕續之機一脈相承而從祀報功之典安可缺也以羅從彥言之觀其自幼穎悟不爲言語文字之學初

師事審律吳儀聞楊時得程氏之學徒步往從之見時三日驚汗
浹背曰不至是幾虛過一生既卒業築室山中絕意仕進終日端
坐時行溪上吟咏而歸充然自得朱熹嘗謂楊時倡道東南士之
潛思力行任重詣極惟從彥一人而已以李侗言之觀從彥好靜
坐退入室中亦靜坐於靜中驗喜怒哀樂未發以前氣象久之於
天下之理該攝洞貫以次融釋各有條序雖飲食不充怡然自適
閨門內外穆若無人衆事自理尤接引後學不倦嘗曰學問之道
不在多言但默坐澄心體認天理若見雖一毫私欲之發亦退聽
矣是二備者人品學術光明正大而潛心默識身體力行不動而
敬不言而信列之孔門當在德行之科矣寧不可以備從祀之列

乎况其充養有道圭角渾然亦非無意於世用者如從彥遵堯一
錄洞悉宋代治亂之迹深闢元豐功利之人天下無不是父母之
言又足以扶三綱立人極潛消乎逆亂篡弑之禍李侗憂國傷時
每以三綱不正義利不分爲言而深慨王安石用事陷溺人心倦
倦於明天理正人心崇節義勵廉恥以爲治本使得各表見以致
之用必有可觀雖身不獲用未究厥施而議論風采聞者自足以
興矣宋臣楊棟特請於朝乞將二儒昭示寵褒各賜美諡以下闕

嘉靖二十四年八月日具疏

請從祀疏

明周 木
南寧人


謹奏爲崇儒重道事內一件臣聞從祀之典凡先儒有功於聖門者咸與其列而况得夫聖統之正傳者乎臣竊見宋儒延平李侗得傳伊洛道學之妙徽國文公朱熹實師尊之講明正學其有功於聖教甚大紹熙五年十二月熹年六十有五始作滄洲精舍告成釋菜先師孔子以顏子曾子子思孟子配以周敦頤程灝程頤張載邵雍司馬光及侗七人從祀時陞祀之典未有舉也先是淳熙七年三月熹守南康申省轉聞乞陞泗水侯孔鯉於從祀時不果從及熹既沒至理宗淳祐元年以手詔陞敦頤灝頤載及熹於從祀度宗咸淳元年入太學又陞雍光於從祀二年又陞泗水侯

於從祀悉取熹故事行之而獨不及於侗焉當時宰執宜有所請而不聞者此無他有其君而無其臣故也臣竊以爲侗之學其傳歷有所自而熹之師亦非侗一人滄洲之祀獨推於侗而不及他者是必有深意也厥後熹之門人蔡沈及元儒許衡吳澄一則得熹小學讀之敬信如神明一則得熹所注大學讀之卽知爲治之要是沈之與衡與澄皆親炙私淑於熹者也今亦陞於從祀久矣况熹自言侗爲義重恩深之師歷宋於今未之有請者此無他蓋侗之學超然獨得於心性隱微之間而非言語文字之末宜人者所不及知者惟熹得而眞知之故滄洲之祀獨與焉此無足怪者性與天道子貢之資猶不可得而聞也昔孔子之門其徒三千唯

顏子終日如愚而獨稱爲好學然考其驗則曰不遷怒貳過而已
答其問仁則曰克己復禮然問其目則曰非禮勿視聽言動而已
至於箠瓢陋巷不改其樂三月之久心不違仁故周子以爲發聖
人之蘊教萬世無窮曾子之學專用心於內故動必求諸心其所
傳大學開端用力莫先於明德之格物中庸之書子思子憂道學
之失其傳而作其用力指要莫切乎戒慎恐懼於喜怒哀樂未發
之前孟子之書只是要人正人心使人存心養性而已故嘗曰學
問之道無他求其放心而已矣又引孔子之言曰操則存舍則亡
七篇之要毋踰於此故侗於西子之道發明其義者則見於熹之
集註躬行其實者則散見於宋史侗傳及熹之語類與熹之年譜

所載從遊之詳文集所載侗之行狀祭侗之文輓侗之詩書周子
通書後語文滄洲精舍告先聖文合而觀之則侗之學道之妙熹
之師傳之益與侗之有功無功於世教蓋自有不可掩者或者以
著述少侗昔胡安國嘗請以程顥從祀其畧曰顥雖未及著述而
門人質疑請益答問之語存於世者甚多是可專以著述爲哉且
聖賢之學率性而已侗真得聖人之正學滄洲之祀熹嘗尊其位
與敦頤等並列於顏孟之下矣而至今不得列於性惡荀况之下
者何哉臣愚不知其所謂也臣又聞熹嘗集侗之言行爲一編名
曰延平問答歷歲既久今雖世儒之家多不能有其書伏觀國朝
性理大金五倫書所採錄者是皆性命道德之言精純明備使學

者不得見侗之全書尤爲可惜是宜世之知侗者少也伏望陛下
勅付大臣討論故事加侗封爵陞祀孔子廟庭仍詔內閣檢求其
書校正頒行便於學者傳習羽翼正學大明孔子之道於人使天
下之學術一出於正豈小補哉臣何幸躬逢其盛成化二十七年
七月日



請從祀疏

明邑游居敬刑部侍郎

爲乞表章先儒崇祀廟廷以示正學以益光聖化事職聞諸禮經皮弁祭菜示敬道也故聖王於學校重祀典焉先師之廟主之以夫子配之以大賢翼之以十哲而及於洙泗羣弟子漢唐以來諸儒爲此歷代所沿襲聖祖迨先帝世系所考正裁定通之千百世而無異議者也顧於宋大儒羅從彥李侗而猶未與從祀焉已累有建言達於朝宁而未有定議則以先臣考按之未詳而擬議之未精故爾職按羅從彥字仲素學者號爲豫章先生李侗字愿中學者號爲延平先生俱南劍州人俱一時崛起以倡明聖學爲己任上溯孔門鄒魯之絕學中繼濂洛關閩之道統而下開浙甌江

下
二
集
一
二
三
一
右繼起之眞儒二儒之功居多焉今考河南二程伯仲得統於周
濂溪茂叔氏而將樂楊時中立受學於二程之門而得其統以歸
閩故程伯淳送之曰吾道南矣楊時之在南也一傳而爲羅從彥
再傳而爲李侗氏三傳而爲朱熹比至朱熹而集諸儒之大成功
則偉矣而其師友淵源之所自譬之水也則楊時肇其端羅從彥
濬其流李侗洪其派而朱熹匯其波瀾而要其止宿者也道之南
也而得四大儒神而明之故今五經四書理學之指歸遍滿於海
內家而授之童而習之爲之句讀爲之訓詁伊誰之功四大儒授
受之正有以開之也而今崇祀先師廟廷者惟楊時朱熹二儒而
羅李二儒闕之此豈所以報功德而勸士習哉况羅李二儒之在

當時也各稽古而著述不少問答而發明良多稱羅從彥者則曰
潛心力學任重詣極性明而修行完而潔見於宋史所載稱李侗
者則曰冰壺秋月瑩徹無瑕見於淵源錄所紀羅從彥常令學者
驗喜怒哀樂未發之前作何氣象而求所謂中者李侗亦以其言
授朱熹且曰學問之道不在多言但默坐澄心體認天理若見雖
一毫人欲之私亦退矣久用力於此庶幾漸明講學始有益耳其
他議論指授皆推本性命之懿而究極內聖外王之全闡明涑泗
之指而會通下學上達之秘故朱熹會其指趨之邃以上承堯舜
精一執中之語孔門博文約禮之訓孟子知言養氣之言咸貫而
通之上繼往聖下開來學其有功吾道大矣朱熹晚年作爲精舍

私祀先聖先師以周程張邵司馬延平七先生從祀其推尊道南
諸儒以繼鄒魯固熹致功崇德私心實天下之公心也非特一時
人心之公實後世人心之公也前此屢有以羅李二儒從祀廟庭
爲請而禮官翰林議禮之官無從申請者豈非熙朝之闕事而今
時所宜釐正者哉夫禮有當正踳襲而不行非作述之宜也義有
當舉因循而憚遷非繼述之善也聖明在上會羣言而折衷之斯
其時已職今不避庸陋直述彝議於丹扆之前伏乞勅下禮部並
翰林院講讀諸臣及今熙朝之時考集先令建議斟酌裁訂將宋
時羅從彥李侗二儒請自聖裁崇祀廟庭春秋從祀仍通行天下
各州府縣各學校恪遵舉行使天下士子咸知正學之爲宗而邁

往以求理義之當躬行之急而中行以復秉彝之粹其於標表淵源之地誠加之意而禮教益興固如此

下
之
集
示
各
一

請諡羅豫章先生議

宋陳協太常博士

生有爵死有諡故爵隆者然後得諡所以示其節也至於蘊德邱園而其立言有補於當世可傳於後學則節惠之典出於朝廷之特命又不可拘以常制也若羅公從彥可謂有德有言之隱君子矣初龜山得伊洛之學倡道東南士之遊其門者甚衆其潛思力行任重詣極輩流中推公一人而已當徽廟時居鄉授徒守道尤篤而同郡李公侗傳其學厥後朱文公熹又得李公之傳其道遂彰明於世學者仰之如泰山北斗者其端皆自公發之公延平人既沒之後家無子孫故其遺言不多見於世嘉定七年郡守劉允濟始加搜訪得公所著遵堯錄八卷進之於朝其書四萬言大要

百
五
集
卷
一
一
一
一
謂藝祖開基列聖繼統若舜禹遵堯而不變至元豐改制皆自王
安石作俑創爲功利之圖寢兆裔夷之侮是其猷畝不忘君之心
豈若沮溺輩索隱行怪之比耶謹按諡法道德博厚曰文言行相
應曰質公師友淵源洞明天理可謂道德博厚矣清介絕俗著書
有聞可謂言行相應矣請諡公爲文質云云謹議

覆謚議

宋周 坦

士有處身隱釣而道德學問足以師表來世雖生無一命之爵身沒之後斯道之傳愈久愈光所以爲人心綱常之標準者關係甚大則沿流溯源節惠之典安可缺也羅公從彥不求聞達於世胸次抱負不少概見獨得其大者所謂道德學問之淵源上承伊洛之正派下開中興以後諸儒之授受昭然不可泯也公受學龜山之門其潛思力行任重詣極同門皆推敬之理義之學正鬱於時一綫之緒賴是得以僅存觀其在羅浮山靜坐三年所以窮天地萬物之理切實若此著遵堯錄一篇述皇朝相傳宏規懿範及名臣碩輔論建謨畫下及元豐功利之人紛更憲度貽患國家撮要

提綱無非理亂安危之大者公之學其明體適用畧可推矣奉常
益公曰文質於法爲宜五月二十四日奉旨依議

請從祀議


明熊尙文

計學題

題爲地方眞儒議補從祀候覆日久謹循職掌懇恩速賜覆補以隆風化以光聖治事竊惟繼往開來功莫先於明學推功崇報典莫重於盛時矧雜風起敝之機權全屬發潛闡幽之德音臣奉命視閩學係臣職分所得請者今亦皆不避冒瀆而請之惟是所屬延平府宋儒羅從彥李侗萬厯三十三年已經巡撫徐學聚巡按方良彥題請從祀奉聖旨是該部知道欽此欽遵迄今四年該部尙未題覆夫人固有日久而後論定者若羅從彥潛思力行任重詣極李侗道德純備學問通明宋史所載已稱四百年定評矣事固有論定而後可行者若羅從彥李侗從祀在元則浙江行省有

議在我朝則學臣金賁亨周洪祖有議今日此舉允係萬代瞻仰
矣我國朝罷黜諸說獨尊尙朱註二百年來名臣碩輔高賢大良
取功名者以之爲筌蹄志道德者以之爲津筏試觀師弟問答淵
源有自淺言之謂讀紫陽之註者卽延平之徒可也朱子嘗言自
見李先生爲學就始平實乃知向日從事釋老之說皆非深言之
謂成朱子者與生朱子等可也徒用其青頓忘其藍恐非所以彰
國家報功之厚尊生之本而遺學之源尤非所以宏師門錫類之
仁查得孔廟配享於曹魏七年止於顏子一人迨宋元豐七年進
孟子爲二配議者謂孟子受業於子思子思受業於曾子咸淳三
年遂以曾子子思並配然後配享有四夫楊時載道而南羅從彥

親承道統李侗衍其緒而後朱熹接其傳是朱熹之於李侗羅從
彥猶孟子之於子思曾子也配享孟子而因配享孟子之師成憲
具在從祀朱子而因從祀朱子之師事體相同我皇上崇尚理學
特從祀胡居仁等而羅從彥李侗之賢又不啻胡居仁等者此自
聖朝不容缺之典也臣奉璽書云風教所關宜以綱常爲己任地
方有此大儒而祀典未舉又自臣身不容諉之責任也倘蒙賜俞
行勅下禮部速賜題覆地方幸甚斯文幸甚萬曆三十七年三月
二十七日具題奉聖旨該部看了來說



覆從祀議

明翁正春

鹿邑人

禮部查看熊尚文方元彥題請儒臣從祀之議蓋所關於人心世教良非渺小今巡按方元彥疏舉羅李二儒列祀廟庭夫二儒潛心正學上接伊洛之傳下啓紫陽之緒眞聖統之正脈也羅豫章既爲楊龜山入室弟子李延平又朱紫陽宗其嫡派當時業躋楊朱於俎豆之列乃獨於二儒而靳之何歟我朝稱道術曰孔孟必曰程朱然孔子倡道於洙泗有曾子子思相繼發明而後孟子接其傳程氏倡道於伊洛得羅豫章李延平相承正宗而後朱子衍其緒則羅李之功實與曾子子思等故從祀之典在元至正則浙江行省有議在國朝則學臣金賁亨周洪祖等有議今日此舉正

南 史 卷 之 一
係萬代瞻仰者但事重禮殷不可不慎歷查先年如薛瑄王守仁
陳獻章等從祀皆令儒臣謨議奏進然後會官廷議上請合無比
照往例仍勅下翰林院詹事府左右春坊國子監等衙門文學諸
臣令其廣咨博採將兩賢生平行實及人心公論逐一作速撰議
各自奏進

覆從祀議

明孫慎行

翰林
學士

禮科叅看熊尙文方元彥徐學聚等題請儒臣從祀之議事雖緩而實切蓋所關於學脈道術人心世教良非渺小今巡按方元彥疏舉羅李二儒列祀廟庭隨該本部禮臣翁正春收有議單五本今臣等復行催議又續收議單六本謹將諸臣前後所議二賢事略一一陳之詹事府詹事臣何宗彥議曰祀典之設以報功也孔廟從祀歷代尤重之或著書立言羽翼六籍則功在明道或繼往開來統承正學則功在傳道宋儒若豫章若延平粹然爲洙泗真傳上繼程氏而下開諸士者也職嘗讀宋史本傳性理大全遵堯錄問答諸書得其梗概豫章幼事龜山三日汗浹背曰幾枉一生

又之洛見伊川益信龜山之說爲是見僂侍者二十年盡得不傳之秘終日靜坐觀中時或溪山吟詠充然自得龜山弟子千餘人默語潛思力行任重詣極豫章一人而已所著多名言遵堯錄尤徵經濟實學惜未見之行耳延平聞豫章得河洛之學從之累年受春秋中庸語孟之說洞貫融釋豫章教以靜中觀喜怒哀樂未發前氣象求所謂中者久之知天下之大本在是凡天地之高厚品彙之化育以至經訓遺言日用小物莫不一一得其衷由是涵養益純洒然脫落如顏氏卓爾不違心目之間謂學問不在多言但默坐澄心體認天理卽一毫私欲一退聽又謂學者知理一分殊然後不惑於疑似亂真之說朱子每服膺之朱子又述答問爲

要語嘗謂人每來延平間愈超絕其日新不已如此大都豫章以篤實勝然靜中窮極天地萬物之理則篤實而未嘗不超悟也延平以超悟勝然讀書必見諸行事聖賢所至皆勉而進超悟而未嘗不篤實也二子清節粹養在宋儒中已表表宜祀矧上接程氏之緒下開朱子之傳使堯舜以來一中之統昭昭揭日月而行伊誰之功而祀典闕然未舉豈應先河後海之義無論後世之人心不安卽朱子居歆之際亦有踧踖弗寧者且今天下治教雖休明而道統之榛蕪亦已久或砥礪名行規旋矩合非不稱名士大夫而性命之精未窺或標門立戶談微說妙以講學爲名高而察其躬修多歸闕是說玲繁縟也其於道不啻背而馳矣二子之學術

政起膏肓之良石而紹明道統之真傳也然則上允學臣之請登
諸從祀之列非直報功亦以明其關係人心世道誠不細矣左春
坊左中允臣張以誠左春坊左贊善臣盛以洪右春坊右贊善臣
邱未實左春坊左贊善臣王毓宗左春坊左中允臣周如磐翰林
院修撰臣黃士俊翰林院編修臣龔三益翰林院檢討臣薛三省
翰林院檢討臣鄭以偉國子監司業臣周道登已上諸儒臣集議
等疏所以陳述二賢之品概闡搜二賢之精神質之聖學而不愧
垂之後學而無弊者至詳至確已無容復議矣臣等看得二賢於
宋儒中亦特稱卓卓未可多得乃數百年未崇俎豆誠爲闕典且
我國家功令所宗獨程朱之學乃二賢一以爲紹後一以爲開先

其有功於道學甚鉅今天下雖名宗程朱學而高名之士往往欲
跳而出其上至以篤行有餘超悟不足少之夫程子之篤實非二
賢不傳朱子之篤實非二賢不啓而二賢固非專以篤行顯者也
學者誠進而觀焉實見其大本大原最精最粹如衣之挈領而條
理各歸如水之得源而流行自暢恍然可以識性命之眞誠明之
合衆實行者固不憂拘板卽希妙悟者當亦不墜空虛豈至有以
致知而非力行亦豈有以力行而黜致知者哉卽有功於程朱亦
甚鉅然則旣學臣及撫按諸臣所請亟與崇祀非特百年應舉之
曠典抑亦今時正學之急務也伏乞皇上鑒二賢學術之咸正賢
諸臣譏議之皆同卽將二賢分列宋儒胡安國之下朱熹之上入

廟崇祀庶正學不泯鉅典重光而於世道人心有補矣萬歷四十
一年十二月二十六日具題三十日奉旨是萬歷四十二年甲寅
六月奉聖旨崇祀 聖廟

巡按直隸監察御史臣游居敬謹

題爲乞戒飭陽倡道學陰懷邪僻大臣以端士習以光聖化事臣竊聞綱維萬世者道之功也扶持斯道者君師之力也道之在天下如元氣之流行兩間其明其晦固因乎人而其根諸人心蓋自不容間斷也皇上法天立極揭敬一之箴垂五箴之註真有以繼前聖之道統皇極昭彰會歸攸同有志自立者孰不奮惕興起仰法聖謨但臣竊見邇年以來迂儒乖士率多倡爲新說別立門戶以誤後學而世之學者亦多厭常喜新沽名趨異從而和之雖其中亦多俊傑之士然汙濫之徒助成偏說信以爲是遂至雷同標榜蕩然成風虛名而壞實行背先訓而售空談原其始將以獵

百
二
卷
一
一
譽究其終竟迷不返臣耳聞目擊深切憂之以爲聖明之世不宜
有此臣見其倡之者則南京吏部尙書湛若水是也若水之學蓋
與先尙書王守仁並立爭長以鳴於世王守仁之說則以良知爲
主若水之說則以隨處體認天理爲準守仁之言良知蓋祖宋儒
陸九淵尊德性之說謂只用一良知便了更不須說行此其詞之
偏姑未暇論若水之言體認天理則又暗宗守仁之說變其詞以
號召喜名之士其實乃私附之也然王守仁常因宸濠之變極力
支撐以靖大難雖當時亦有它議而其謀國之忠濟變之才實不
可泯若若水者則一迂腐之儒其才不足以濟用其學不足以達
權竟可以居翰墨供文辭庶幾可使之當大任則覆餗之憂負乘

之咎皆所難道蓋聽其言則近是稽其行則大非也臣請以若水
邪僻之行言之臣嘗誦孔子之言曰鄉愿德之賊也又曰惡紫之
奪朱也曰惡莠恐其亂苗也孔子之言蓋慮似是而非者之爲害
也今若水阿世取容飾爲忠信溫厚之貌以欺於人而從其講學
者亦往往稱其有道而陽尊之爲師亦庶乎鄉愿之跡然鄉愿非
忠厚而似忠厚非謹愨而似謹愨而若水則外爲忠厚謹愨之詞
貌而其中有不然者將以要名也將以希寵也比之鄉愿又不若
矣且其妄爲新論講章以自附於先哲之言然其中往往援舊說
而濟誠辭虛無之見教以壞全體之學蓋亦似朱之紫也似苗之
莠也德之賊也聖人之所惡也雖講解之多著述之富奚爲哉若

其阿順而無骨鯁之概紛更而無特立之守廣收無賴而無廉介之節恣遊山水而無顧忌之心枉道回家而無愛君之忠私創書院而爲不經之行自刻書冊而不顧有司之擾濫交匪人而不惜名節之喪倡爲虛談而不尊時制妄自尊大而居之不疑若水嘗爲講官矣嘗爲禮曹矣臣觀其所以進告於皇上者爲鵲鹿之賦而已矣視之剪桐箴規獻可替否之言若水能之乎且其諂諛勢權結納清要和光同塵無所可否逐流隨波志非恬退臣故曰阿順而無骨鯁之概也登山臨水在幽隱之士所宜而在仕路有官守則當以盡職業爲國爲民爲念遨遊山水豈其所宜臣聞若水自離南都以後凡經過之處每遇山水輒不顧遠近恣意淹留且

廣集虛談之徒聯舟隨輿虛糜傳食此豈居官者所當爲也臣故曰恣遊山水而無顧忌之心也書院之設古無有也宋以後周惇頤倡道於濂溪程顥程頤講學於伊洛張載之在關中朱子之在白鹿洞在武夷皆其當時隱居求志論明經史藏修遊息之處故後人慕其道而名其所居輯爲院宇所以寓高仰止之意也今若水本以章句之學取科第讀程朱之書傳謂其強識多聞則可謂其足以追周程諸君子則臣不敢知也夫旣不足以追前哲之實學而乃妄意先哲之遺跡廣立書院私輒美名據其所聞見之眞者一二言之在徽州則有曰福山有曰斗山有曰石橋名雖異皆爲若水設也在池州有九華甘泉書院若水之徒因近有王守仁

之書院於此而立之相並者在廣東在廣西在揚州在姑蘇在嘉禾在南韶亦多有之或曰天泉或曰新泉皆若水之徒謬爲標揭以成其冒妄之名臣聞其去歲至池州登九華山僭爲講說今復遶道入徽假以謁朱子闕里爲辭至福山等處隨從甚多而所在無志之士率多託名於彼以爲干進之地每每裹糧遠遊騷擾郡邑無所事事既不執經問難又非居學肄業習爲虛無謬誕之詞以爲科舉之學不足爲此其弊臣不知其所終也臣訪所在有豪強之家平日害人作惡懼官司之治以法也亦多預投其門下爲其弟子以求脫免於刑憲而實益縱肆以爲有恃此豈講學者所宜有也臣故曰私淑書院而爲不經之行也我朝以五經四書傳

註五倫等書頒布天下俾學者咸知向往傳習既久理學不昭今若水捨舊傳而立新說以炫人耳目掇先儒之糟粕飾一己之虛見不過曰內外合一而已曰體認天理而已曰存心而已其意蓋欲陰黜朱子之傳而暗主陸氏之說使新進之士不涉經史不究踐履不探先儒之淵源輒自稱曰吾之學若水之學也不知性情之辨而曰吾內外合一之學也不窮道心人心爲何物而曰吾體認天理之學也曰吾心學也夫心性之說在程朱諸子論之備矣若水申明講解之可也今不使人宗程朱之說而倡爲虛空之言另立題目流於頓悟荒唐而不自知此若水之妄不足辨而其流弊將至於廢學棄事歸於清談涉於禪學而爲人心之害不淺是

豈可長耶昔者王通著書擬經君子以爲僭然王通居隋之末教授河汾不得志以立言爲務其志有可原者今若水居位而值聖明服膺前哲足矣而乃漫肆浮言作明論而自謂明道作新論而自謂新學及攷其辭又皆妄爲問答以擬孔門問對之詞適足以亂經而蓄尤也僭孰甚焉臣故曰倡爲虛談而不遵時制也此其根本之大固已斲喪而其講說之富聞見之博亦奚所用哉此若水鄙濫之行欺詐之私有如此者臣去年十一月內觀邸報見若水以其所爲二禮經傳進於朝廷其意蓋隱然自任以繼往之學也旣而禮部覆題奉聖旨旣與孔子之言相戾不可傳示後學罷欽此臣竊仰窺皇上離照之明有以察衰僻之說而建中正之極

也然臣愚嘗聞非聖者無法今若水敢於非孔子之言其罪大矣
皇上不治之以法而容之焉此莫大之赦爲若水者一聞聖言宜
痛自懲艾翻然改悟庶幾不至大戾却乃私自刊布若擬以春秋
誅心之心若水行爲不忠之大者乎今聖明立則萬邦承式若水
一人之邪慝固不足大爲聖化之累然不塞不流不止不行詖說
一倡士人望風不察誠僞靡然從之日復一日冥迷不悟則其弊
將有如宋室蜀洛之黨者甚非大同之世所宜有也楊墨所以自
居者豈謂其無君父而甘自同於禽獸哉顧一念之偏自以爲是
而不自覺則其勢必至於是耳今若水暗宗陸氏之說而學者爭
效之不已將至於廢實學而資空談將來何以得其實用哉臣請

舉若水偏誠之說一二易見者折之中庸曰君子尊德性而道問學致廣大而盡精微極高明而道中庸溫故而知新敦厚以崇禮此數言蓋聖賢示人以修德凝道之功莫有精切於此者朱熹解之大畧言尊德性所以存心也道問學所以致知也二者其機固相因而其功不可偏廢也今若水之說惟言存心而於致知之功畧焉則是其所謂存心者將爲玄冥冥之說而非朱熹所解惺惺之法也其流之弊入於禪矣孟子曰人之所不學而能者其良能也所不慮而知者其良知也而終之曰親親仁也敬長義也無他達之天下也此又孟子教人體察擴充真切之言今若水之說則偏重良知而謂王守仁之學專以此二字作題目此其說已墮

於知之一偏矣且朱熹之解達者通達之謂也謂天下人人之所同也若水則言通達之達是著人力非天然自有之知能也若水之說其他之與聖賢經傳相矛盾者固多而其大端莫過於此二者卽二者之偏誠其他可知已惟朝廷四方之極朝廷之所尙治忽從之也今皇上修明禮樂建中和之極而若水爲大臣乃不體上德而爲亂經壞俗之行其所以治而正之者在皇上一舉措之間耳伏望皇上洞察若水偏誠之學濫鄙邪詐之行俯賜罷歸或賜之以禮致仕以示懲創另選公正有實行者以代其任仍乞勅下禮部將近來違聖訓及若水所私著之書繩以正學嚴爲禁約通行兩直隸及十三省將私刊刻若水之書盡行黜遠惟遵我朝

明經取士諸經史傳註講求正道以求致用不許妄生異同以沾虛名以乖聖制其有爲崇信若水所泐書院或令拆毀或令改別館以減其名以後再敢有私塾者官可以法治其爲首之人歸其所費於官以充公務在學生員及監生如有仍前成羣逐隊無故遠出從遊者提督學校官嚴加稽察治罪以爲不務實行之戒如此庶幾天下之人曉然知偏邪之說不容於皇極之世而慕虛名忘實學背古訓而惑謬談者亦皆知所做惕策勵以趨於正廉恥可勵士習可端風俗因是還淳人材自是彙征而朝廷浚明亮采之寄亦將有以得其實用矣


福建延平府爲崇祀鄉賢以昭風化事據本府并南平縣儒學廩增
附生員吳會寅楊天衢吳尙賁等連名呈稱竊有已故刑部右侍
郎游居敬性資敏粹髫年遂有志於聖賢造詣精醇弱冠卽貫串
乎今古巍科早擢名溢縉紳中秘首選望隆山斗思繩立雪之祖
武素抱向日之孤忠履薄臨深攻苦茹淡玉堂養望簪筆日侍乎
承明栢府乘聽攪轡澄清乎畿輔糾劾而朝紳膽落按部則貪墨
狼奔逮僉憲於杭嚴禁遊湖而男女有別繼參知乎張楚處交趾
而臣妾靡遑總臬浙司讞比允播不寃之譽旬宣兩省羨餘絕無
染指之嫌薦陟中丞開府六詔興革永爲令典張弛動中機宜翦
數十年之叛夷人心痛快裁百餘禩之權威奸宄潛消偶見忌於

貴人復抗節乎元宰爰構誣語遠戍遐方詎加罪於立功之臣衆
稱冤抑但見忌於邪枉之手愈顯清修荒徑飄零樂天知命蓬門
株守憫時著書值公道之大明蒲輪再召荷聖恩之簡拔棘座重
登始由戶而改刑復自南而轉北明允久孚於庶獄建白期振乎
宏綱柄用有期朝野胥戴正當三載考績之期遽動故鄉蓴鱸之
想抗一疏而賦歸來完名全節越四月而倏仙逝生順死安幸恤
典之頻加侈身後之殊遇老成雖謝典型猶存徒爾想像其風猷
愧未揄揚其萬一者也足稱鄉賢永符祀典茲遇宗師老大人作
輿斯文一時稱盛表揚前哲千載奇逢如游侍郎者才全德備允
矣鄉之儀型武振文修卓乎邦之軌範相應崇祀以振風化曷呈

道府隨批府縣兩學會同師生從公定議結報去後今據府學申稱本學教授樊一貴同南平縣學教諭黃榜會訓導林域等生員朱方吳尙賁等遵依再加詳勘會議得已故游侍郎委係學邃有淵源行絕無瑕玷自立心以至行已表裏之實德相孚由居鄉以當官出處之大節昭著立朝正直補袞職而慷慨敢言居家孝廉執親喪而哀毀骨立勤勞敷歷於藩臬捍禦克殫於滇南中竄遐荒志益堅於流離顛沛晚起廊廟心不忘乎畝畝江湖入仕四十年忠悃眞如一日歷官至卿貳家產不踰中人稽之鄉評誠不誣揆諸祀典而允當者也具結備由申府據此案照近蒙欽差提督學校副使王案驗爲申明學政事欸開一鄉賢名宦二祠有將近

時鄉賢名宦呈舉者必須功德顯著允協輿情方許呈送有司轉報裁奪等因依蒙遵照外今據前因查得已故刑部右侍郎游居敬由嘉靖壬辰進士選翰林院庶吉士授山東道監察御史陞浙江按察司僉事歷廣東副使湖廣叅政浙江按察使左右布政使山東左布政使陞都察院右副都御史巡撫雲南陞南京戶部右侍郎嘉靖三十九年十一月內因征勦東川逆賊阿堂成功忤首相又裁革沐國公強奪民田與巡按雲南王御史不合遂同捏奏被逮謫廣東隆慶元年恩詔放回隆慶三年福建巡撫都御史塗巡按御史王廣東巡撫都御史李南京工部尙書林交章薦舉四月內奉旨起用南京刑部右侍郎改刑部右侍郎隆慶五年因疏

請羅李從祀忤當國意二月告致仕尋病卒萬歷元年八月敕諭
葬祭爲照鄉宦右侍郎游居敬先經同鄉生員會呈隨據兩學師
生揭報衆論僉同廉考素行委協輿論抗疏而謫遐方旣徵立朝
之大節引退而甘田野益完保終之令名入仕垂四十餘年貽後
僅存一二故業卓然先哲允矣鄉賢相應列崇祀之堂庶幾昭勵
世之典名節旣完卹典亦渥此學政所謂功業顯著允協輿情者
也緣係早舉崇祀鄉賢事理本府未敢擅便合就詳呈爲此備由
並該學繳到師生結狀粘連呈乞照詳施行



下

之

東

一

二

三

四

五

六

七

八

九

十

請弭盜議

楊桂森

南平縣爲遵札飭議弭盜章程敬陳管見以備採納事嘉慶十三年六月初九日蒙撫院札開照得弭盜安民全在地方文武實力巡防使匪徒斂跡商民免受擾害茲聞延建一帶水陸兩途近日搶劫甚多惟南平順昌兩縣尙屬認真其餘多縣並不認真緝拿行旅閭閻屢被劫掠殊屬玩視除札飭延建邵道及延平建寧二府督拿外合並札飭立即督率員弁會同文員各撥兵役在於城廂內外道路村庄以及沿河一帶偏僻處所晝夜巡邏嚴密緝捕務將盜匪窩線悉數捕獲嚴審通報以安行旅而靖地方等因蒙此職遵查弭盜之法莫善於保甲然保甲行之今日利少而害多

有實在隔碍難行者如一縣之中大鄉千戶或數百戶中鄉數十戶小鄉或五六戶不等計一縣四境之內不下十萬戶人丁不下數百萬口盛世休養恩隆生齒日繁若必挨戶挨丁而查之給以門牌飭其環保縣官親辦非數年不能告成若任聽書役辦理則需索滋擾之弊累民更深且如既行保甲則十家必設一甲長凡大小事皆惟甲長是問而各鄉中萬無一人肯當此甲長者現在各邑十鄉之內有地保者不過十之二三無地保者且有十之七八此無地保之鄉雖日飭鄉人而訓之以設立終推避不任舉也其有地保者皆其地棍無賴素行詐民之人而當之縣官本知地保之害民而不能革謂夫無地保之鄉欲強設之而不可於一切

公事諸多隔閡也此保甲之難行一難也其次莫如塘汛塘汛之兵名多實少如一塘五兵此五兵中非就近土著之人不肯當兵必係有田地或居里相近者方肯充當既係以就近充兵每日或治田或檢柴俱自營生而塘守之事概置不聞偶有公文不過付挑担者彙數十角而托一人代遞塘門常閉雖賊匪經過而塘兵不知其有無賴者且串通賊匪分贓以濟其惡或藉端稽查良民良商而需索無厭此塘兵之無益於弭盜二難也若夫鄉有練總縣有捕役捕役捕良民而誣詐則有餘捕正賊而密躡則不足練總包賊則有餘防賊則不足此弭盜之所以尤難職愚以爲欲靖盜源莫如治盜之似治盜之藪又必專責乎捕盜之官以嚴查夫

盜賊往來食宿之處或亦治其流而源可清之一法也盜之似担
匪乞丐是也盜之設棚廠一數也花會一數也寶廠一數也閩省
乞丐往往身穿好衣藉乞爲名聚數十人惡討強乞甚則夥衆恃
強肆搶夜竊者此輩晝搶者亦此輩欲治之莫若嚴出憲示凡有
瞎眼爛腳缺脚年老廢疾者准其一人隨緣乞食不准結羣至二
人以上其一切強壯無疾之人概不准乞食如實在癡呆孤幼無
能謀生仍准其一人乞食有結羣至二人以上者卽以担匪論准
鄉民緝送枷責遞籍安插凡有一切空廟涼亭俱飭鄉民設立門
戶晝開夜鎖使担匪無容身之地此盜之似節盜之真治之而盜
可息矣更有治盜之數者凡棚廠民耕山搭廠皆下府匪徒寄住

謀生安分者十之一而不安分者十之九棚廠恃無鄰右無人稽
查且去城市去鄉里甚遠潛匿較易窩匪爲盜者大率此輩廠民
然必盡棚廠而驅逐之勢所難周職愚以爲莫若凡遇棚廠有犯
事俱將山主枷責廠匪加倍枷責燒其廠空其地遞解回籍安插
則懲一而百可警於弭盜大有濟焉其一切花會寶廠塘兵查訪
爲易應請嚴飭塘汛凡有花會寶廠俱惟塘訊是問每月飭令查
確具結一次蓋花會寶廠者盜之藪而卽消贓之藪及消贓之藪
旣清則盜之源自絕然尤必責成捕盜之官以查盜往來食宿之
處者蓋州縣刑名錢穀事繁務冗莫若責成捕官如縣丞巡檢如
典史分明管界凡一切飯店點心店住宿店俱令立巡環印簿每

月報核一次並飭捕官將所轄有飯舖若干點心店若干住宿店若干如何稽查每月報臬憲道府憲一次盜既無空廟涼亭可以歇息又無飯舖住店可以容身無賭廠可以消贓無棚廠可以潛匿盜何自而不清乎以上四條俱於延建邵三郡弭盜之法較爲切近又非扞格難行是否有當伏求憲臺察核至職前曾營員於卑縣西路建立腰塘九處日久未蒙批准撥兵夫塘兵雖未盡有益於弭盜而要隘之處自不可不添設腰塘譬如貓以捕鼠雖黠而有猫制之則鼠自有所畏而不敢肆查卑邑南路至省東路至建安往來官商絡繹不絕自毋庸建立腰塘惟西路至沙縣一路又至順昌一路爲邵汀二郡及江西省往來所必經布客木客烟

客貨銀甚多雖屬驛路終係偏僻不得不建立腰塘建立九處前請每處撥兵五名是否照撥抑或撥三名一塘應請飭營斟酌繁簡俾速派撥以靖地方至民壯額設不敷差遣舖兵事關咨部未便移改或有公文事件碍難咨達如腰塘處所但有每處兵三名亦足以控制而保救寧其所撥之兵應於額設之內酌繁簡以制宜不必額外添設有關係達緣蒙前因合將遵札籌議事宜具文詳覆憲臺核示嘉慶十三年 月 日知縣楊桂森稟

藝文

記 卷上

重建風雩橋記

洪武三十五年

明 倪 俊

延平郡守括蒼俞公既新文靖李先生之祠復建小橋於祠前經始也度所用不貲以其意言於鳳陽王希哲氏希哲之爲人倜儻特達剛毅和樂又侈之以讀書好禮慕義強仁故鐸津之大夫士莫不起敬而交譽也其伯父雖總戎禦郡希哲則積學纘文用是得公之說慨然領之且曰先生上繼楊羅下傳朱子其遺風過化至今炳炳在人耳目吾輩居是邦淑先生之化不少恒以無所補報爲愧爲恨今公既復其祠若橋者則希哲敢辭乎哉於是計丈

尺揣高低措材用儼徒庸希哲一皆總之不逾月而成下叠以石
上構以木有梁穹然有亭翼然可游可息可登可眺扁曰風雩橋
之西數步有亭曰濯纓環以竹樹因舊制也屬峻記之峻維昔者
四子侍坐曾點言志曰浴乎沂風乎舞雩詠而歸夫子喟然嘆曰
吾與點也夫子之志在老者安之朋友信之少者懷之曾點之志
與聖人同便是堯舜氣象也自孟子沒聖人之道不傳世俗之儒
泥於章句淫於佛老逞私智以就功名次性命以饜富貴其於修
己治人之道則懵然矣孰知聖賢之所樂哉若此者千有餘年河
南程氏兩夫子出得仲尼顏子之樂爲吟風弄月之歸於是聖學
復明於世當時坐春風立門雪者非一人惟楊文靖公傳得其宗

既而南歸道與之俱遂傳之豫章羅先生以及延平焉延平灑落
誠明清通和樂是則風乎舞雩之氣象也天下後世孰不有泰山
北斗之仰至其樂得其所者知之蓋鮮矣昔人以是名橋不惟知
先生之志誠有以得先生之樂矣然而其橋毀其名湮三十餘年
矣俞公能復之希哲能成之俾先生之道復明先生之樂載著其
有功於斯道也何如哉矧俞公以文章政事涖郡恒以堯舜其君
爲其心老安少懷爲志吉月偕希哲率郡庠諸生拜先生於祠下
游息於風雩之橋詠坐於濯纓之亭講明道學則樂而得其所者
不在先生而在俞公與希哲矣政教由是而行風俗由是而美則
其氣象不在昔時而在今日矣九原可作先生亦當喟然名橋之

義豈徒然哉是宜刻之於石俾游於斯者知道學之淵源咸有志
其志而樂其樂於無窮也洪武三十五年十月 日

道南書院記

明邱濬

道學復明於宋起自西南而行於中州其後也復還於東南蓋天示奎文以開有宋一代文明之治生周子於道州營道縣歷四葉天子以明道紀年是歲明道生於黃州之黃陂明年伊川生大賢所生其地其時皆不偶然也二程侍其父大中公宦遊南安周子適官於是承父命從學焉是則道學之興其始蓋自南也程子既長歸北方乃以其所得周子者教河洛之間一時南北士多從之遊南方之士其尤著名者游與楊也游之別也程子未嘗無贈言惟龜山先生之行特發爲吾道南矣之嘆所謂南者非道始之南也道終歸於南也嗟乎先生之歸豈但儒道隨之而南哉曾幾何

時而世道亦從而南中原遂淪於夷狄雖以嵩洛間人亦不復知有程學幸而奎文道脈中興於南朱子者出斯道乃大鳴於甌閩之間使天下後世知有聖賢全體大用之學帝王大守至正之道萬世行之而無弊者其功大矣後之人推原所自咸歸其功於龜山先生蓋以周程二三子發明孔孟不傳之秘於絕學千五百年之後演斯道之脈而延之俾常行至今者非先生之功而誰功傳曰道待人而後行當宋運中否假饒世無先生則無朱子矣無朱子則周程以上所傳之要堯舜以來相承之緒必至中絕其所關係豈細故哉是以尙友古人者不徒論其勢而必表其地也謹按先生自五世祖來居將樂初師程伯子於潁川繼師叔子於洛得

道南歸以授其徒羅仲素仲素之先豫章人也避難來居延平後徙於沙仲素於楊門獨能任重詣極以所得河洛之學授其同邑李愿中而朱子淵源定於是焉出是三先生者皆劍產也而朱子亦生劍之屬邑尤溪夫以一郡之狹四邑之小二三百里之近年之中乃有四賢並生於一時上承下啓以延千萬年道學之脈其地蓋視東周之鄒魯也昔孔子生於魯當成周之既東乃欲興其道於東方蓋謂魯也然而竟不得如所志惟以斯道傳其徒曾參以傳聖孫伋伋傳於鄒孟軻氏後世稱斯文之宗必曰孔孟稱文獻之邦則歸鄒魯云方宋盛時孔孟之道大行於河洛之間是時猶未南渡也先生歸延平程子已謂其載道之南其後果有羅

李二先生繼先生而起以傳其道集大成於朱子今天下家藏朱子之書人習朱子之學夫孰不知淵源來自紫陽而聚徒講校於考亭雲谷之間以發揮程學上溯孔孟之傳抑亦或有不知劍浦之濱九峯之麓乃朱學所從來之要會者矣苟非常路君子有以表章之夫孰知其然哉鄱陽蘇侯章早習程朱之書以明經登進士第歷官郎署來知延平府事慨然欲推所學以見於行首以化民成俗爲政恆以爲世之論道學所興之地必曰濂洛關閩八郡而分上下茲郡實居上下之中西與建境其西之趨會府者沿劍津而下東與福境其東之朝京國者亦劍津而上或往或來何莫不由於斯閩中所產士以朱子爲第一流人物而閩士所建立

者以重明道學爲第一等事功延平爲郡雖僻而小然其所關係甚重而大如此非但有光於閩八郡也於是與其同寅通判府事應元徵推官王鐸圖所以厚報祀而大顯揚之者僉曰三先生於南沙將樂舊各有專祠近又於郡城北隅合而祠之母庸致力矣今吾儕新構公宇以爲朝命重臣駐節之所甫爾告成而未有名稱蓋揭道南二字以爲書院之榜以示八閩士民與夫四方宦游士夫凡使節往來及以事經行者俾知茲郡爲道學重興淵源所自之地不亦躉歟侯曰然使价來求記於予予旣推原斯道所以南之故及其書院所以名者如前又爲紀其規制歲月曰書院在府治之東廣丈十有一長十有七前爲三門後爲廳事中爲堂最

南
後爲燕息之所前後各六楹並翼以西廂通環以周垣經始於洪
治壬子春其落成則是歲之秋八月也

重修書院記

明劉健

事若可後而必不可後者道所係也智者知之衆人昧焉延平閩名郡也出郡城南九峰下有延平書院故爲宋李先生侗講道地書院則郡守陳必胤於嘉定己巳繼壞端平乙未守董洪修元季兵燬國朝洪武庚辰守俞廷芳葺祠隘陋弗稱天順癸未監察御史尹仁改復舊規久而圯今漣淵王公範守郡重修之起其仆易其敝而飭其漫漶者中爲祠祀先生像後爲講堂左右爲兩廡前爲儀門又前爲濯纓亭直風雪橋臨溪爲門揭延平書院額繚以周垣工始於成化癸卯春三月秋八月吉告成規制洪麗視昔有加焉夫堯舜禹湯文武之道傳於孔子孔子傳於孟子而孟子無

傳也自後歷秦而漢而唐至宋程子生續其不傳而傳於朱子始
大明於世雖曰程子傳於朱子朱子初不得爲程子徒實得之先
生若孟子得傳孔子之道而不得爲其徒亦唯私淑子思之門人
是則微先生則程子之道無自而傳朱子亦無自而得傳程子之
道先生之功於是爲大此書院之所以興先生之所以祠歟或謂
書院地也道在人不在地蓋慕其道則慕其人慕其人則愛其地
卽其地則如見其人而想見其道此先生之所以必祠書院之所
以必興興而或廢廢而復興歟嗚呼孔孟之道息佛老之道日隆
道非吾道世隆其道輒崇其祠以徼福田利益祠先生非別有所
徼知吾道之在茲爾王公爲郡多善政知政必先於教教必本於

道故惓惓於書院之興祠先生恐後也郡儒紳龔請記將示久遠
因著其冊復之由以彰王公之爲政知先務且俾後之人欲學朱
子者當知所自

可
果
示
名
三

南邑塔侯生祠記

明 葉向高 撰
程清

塔侯去南平若干年士民思之不置相依聚緒庀材爲祠於城之東而俎豆焉屬予之官留都道祠下顧瞻徘徊士民則又擁予車而請曰吾儕不能忘侯無以報之而爲此區區也吾恐千百年後徵侯者之無所於稽也願乞先生一言勅貞珉以示來許予嘆曰嗟乎鐸人善思矣思而至數年後也可以徵政矣夫所謂思者以去言也其人已去思其政猶在思其人思其政則相與歌咏而頌述之思其人則貌而奉焉趨踰而瞻對焉祠之所由作也以繫思也未去而言思已去而或不思奚祠焉嗟乎吾觀今之守令其真有去後之思者蓋亦鮮矣若塔侯可謂真思也侯在南平吾

不能悉其行事何如然而徵思者之口則皆曰侯在而吏卒無驚
吾鷄犬者不逞之徒無敢誘吾子弟以淫捕博者一切官府之至
於斯無有責供帳儲糧糈以奔走者吾市廛遷化泉貨四流無如
往日之壅格者吾朝而裹糧至於訟庭事畢而休於舍腹猶果然
無越宿之停留者常賦之輸及額而止無有浮羨以損吾脂膏者
吾子弟之秀而文者列在青衿教之誨之無有不率者又其大者
吾歲之不登衆方嗷嗷待哺而豪有力善射利者且盡貨吾境內
之粟而騰其價焉吾無得食以旋於亂幸侯之令下而聞風者無
敢遏糶糴而多者則章服矣發倉粟爲十碓給若干坊主以大販
分以小販自通都至窮鄉無不沾及矣戎伍之待哺者請必給給

必先期無脫巾而呼矣四方以粟至者爲爲平價以鬻毋抑毋昂而轉販之夫無不鬻集矣酌倉粟之直而浮其四之一以散各坊而城市在在無不積貯矣告民所以危死而生危亂而戢室家相保聚不至顛越則侯以也吾將令吾之子孫世世無忘侯而奚但今日蓋鐔人之所爲余言侯者如此余計甲子余三山亦饑諸豪有力者閉糶病民大較與鐔同衆譟於市望室而掠矣開府陳兵威之至有所斬捕乃解去使其時有如侯者未亂而預爲之處分已亂而善爲之調停當不至此夫民之所重者生也無食則無生無生而欲其無亂是絕嬰兒之乳而責其母啼也豈不悖哉管子有言民惡危墜我存安之民惡滅絕我生育之危墜而不能存安

南平縣志卷之三
減絕而不能生育故令不行而心不服也侯所規畫可謂能生育
矣能存安矣固宜民之久而思思而祀也昔崔子玉爲汲令開渠
溉稻民賴其利迨遷濟北汲人疊石作壇碑頌而祠之彼尋常疏
導自令長事而見德尙爾况侯當危急之秋拯數十萬生靈之命
於溝壑者哉使後之嗣侯者按故籍而修侯政南平世世歲不能
害侯之功德將被於無窮鐔人之所以祠侯者意在茲乎侯諱維
垣字師甫號太冲無錫人己丑進士今復任江山江山人德侯同
於南平云

重修永慕祠記

明張潮

先王疆理天下建樹羣牧凡有功德於民者沒則進名宦祠有司春秋祀之有欲專祠者聽表遺愛明勸鑒也余觀自古循良無過於漢然史牒所載僅僅數人未有如今茲之盛者夫名祠公議也匪可誣也專祠衆欲也匪可強也議在公上之人有可擇也欲在衆上之人不可奪也兼之二者則有若延平守孫公南平尹陸公其殆合上下人心之同者乎公諱衍字世延號雪岑爲松之華亭人成化戊戌第進士歷知州部取擢守延平政務慈惠邦人德之三載考績復任爲洪治辛酉歲大旱公率屬徒步入深山十數里禱之而雨大沛卻蓋行歸因寢疾卒逾月陸亦卒邦之人士重哀

思之乃請於督學東泉姚公列祠名宦旣而曰茲公典也如吾民何遂相與哀財庀公創祠城南門外享公以陸尹配至嘉靖庚寅嗣守李侯翊謂遠不便展謁乃徙城中學之西榜曰哀慕且以書報公之子翰林學士承恩屬潮爲記余聞而嘆曰嗟乎如公暨尹之卒非祭法所謂以死勤事者乎夫先王之制祭祀凡以爲民而已矣民哀思之而不從之豈理也哉抑人之榮名在不朽之傳而不在乎位與年如其人一部一邑澤流境土民相與俎豆而尸祝之則世世有餘榮焉非其人卽厚高祿爵凶於國病於民物將不食其餘後或恥爲之裔則世世有餘辱焉公與尹忘其身勤民以死而民哀思至今且四十年立祠祀之而猶若有不盡者其所得

得者不既多乎夫年位命也天道人事豈未如之何也乃若血食
茲土與世無極而又食饗於子有若學士君者宏才篤行望重一
時公輔勳業將無涯則天之所以報於公者何厚且遠哉今承學
士命且數年未有以復越嘉靖己亥郡守裴君椿至復以爲迫隘
再徙城東門外劍溪之上侍御包君節行部乃益加修飾規制宏
壯侈於昔觀先後興改凡三而上下人心如一信乎不可誣以奪
也至是予乃得志爲永慕且係之詩刻云祠中洩邦人之哀思詩
曰魃也爲虐神乎驅之龍也爲霖神乎從之神既瘁只亦旣安只
時雨時暘神乎不忘

皇
之
果
京
名
三
上
上

重修李延平書院記

明何維柏

嘉靖甲辰春三月予巡閩自永定入汀東趨三山過劍浦艤焉周覽九峰上下諸勝則見其繚聯崔峯崆峒涵迴岬特壁立河自武彝道建安及劍與清流順昌諸水匯而台流南徂南臺東入於海湍逝震激濺漻輞輒勢箭迅而不可止石磷刺巉嶮筍立屹爲閩越砥柱予觀之而知英賢所生川嶽靈孕殆不可誣越明年二月再歷茲郡遂登西山謁所謂四賢祠者蓋楊龜山羅豫章李延平朱紫陽合祠也是日也天朗氣清物融景秀士從雲集彬彬誥誥緬景前哲幸托斯文實有曠世同然之感爰稽舊規遍式道林則知四賢各有專祠龍山道南文質杜溪霞洲闕里廟貌並新惟水

南故有延平祠漫漶不治讀舊碑不能字句得其年爲成化乙巳予愀然作曰祠圯獨靡修胡可哉會逢其適豈山川之靈顧有待耶乃檄之郡守馮子岳率厥僚屬度地審式議報予可之乃出公帑之贖金飭材備度以是月某日百工具作易故以新爰崇厥址爰不厥美於是堂其中曰象德示報也表坊於外曰延平書院識實也坊於內曰冰壺秋月取鄧迪語見先生之學淵源瑩潔也又其內爲風雩亭見先生之趣與物同體也其後爲明翠軒取諸光霽庭草之義見先生之學得之濂溪也夫是祠也其爲象也深其取義也廣其諦慕也切三者備而祠成而樹聲流美昭往貽來嗣是而敦祀典之未備者於是乎有稽也先是郡議以先生與豫章

未得從祀孔子廟廷當上請予覈而嘉之疏具會以言事罪繫不
果上夏六月道此適祠成郡邑之長偕其佐屬與學之師生請曰
祠落矣願留一言以垂不朽予曰維柏責也倘蒙恩不死當成諸
同志之美旣罷歸五年延走吏來請予不敢忘遂紀其實如此而
繫之以辭是舉也同遊而贊議者則副使黃子福叅議孫子雲鄭
子有周僉事利子賓戴子鯨興化推官章燾汀州推官黃宏綱也
集議而責成之者則郡守岳洎推官楊樞南平知縣張燾也將樂
知縣劉一夔經歷周昕縣丞孫儒皆相厥成功者也故并書之辭
曰於惟先生山岳降靈忠信淑慎本乎夙成乃若問學實則師承
龜山鼻祖道南啟英書謁豫章親授法程至其自得獨詣益精未

發之中氣象神凝沉默體認天則流行廣大精微玉振金聲上溯
平公日麗天中濂洛光霽伯子春風光生見道實與之同象山立
本簡易貫通先生所造益粹以融文公及門考正折衷斯文不墜
先生之功柏也顯愚弱冠景從羹牆嚴惕矢言令終勒之樂石爰
紀予棕曠世感召教思無窮

重建書院記

明徐海

聖賢傳道之具也道體無爲托聖賢而後能以有爲也聖賢作則斯道明於時聖賢不作則邪說惑於世聖賢其重也哉上自堯舜下迨周程以斯道淑人心者可見矣延平願中李先生生於其後慨然有志斯道已而聞豫章羅仲素得受河洛之道於龜山楊中立之門先生遂往學焉從之累年受春秋中庸語孟之說從容潛玩有會於心盡得所傳之奧嗚呼天之產先生者正欲闡明斯道於當時也夫豈偶然哉宋嘉定二年陳復齋來守是邦仰慕先生道德文章溫和純粹倣漢白鹿洞規建書院於鐔溪南九峰之下以奉祀焉殿塑聖像廡繪從祀堂繪四賢臨溪有門門內有橋曰

風雲接兩山跨蓮池池上有亭曰濯纓殿階之南復立道南堂左
右列誠明忠恕中和敬義四齋東有光風霽月亭堂後有閣曰尊
經尊經之南有樓曰橫翠當時四方賢士會講於斯遭元季兵燹
遂廢我朝龍興之初洪武庚辰郡守俞公廷芳重建於時俞憲匡
公按臨憫第宅爲民侵擾雜處一皆繩之廣袤悉歸於院數十年
間凌風震雨殿廡傾圮宣德戊申豐城軍侯誠來守是郡嘆其荒
穢遂割俸敦工修葺率爾一新庚戌冬判府玉山程侯劾以爲當
時得傳吾道於楊羅之門者獨先生也乃捐貲塑像增構禮亭於
祠前凡大夫士來叅謁者莫不覩先生儀型於髣髴鐔津李仲淵
有弟勝以文學任無爲州判官崇儒好道亦先生之遺裔感其落

成來請余記余固陋欲辭義不容辭者有二焉上念先生明辨折衷俾斯道昭如日星而惑世誣民戕仁賊義者不興下念雷程二侯振作斯院使道學之風不泯而方來之士知有所宗又奚可無一言以求助哉雖然先生道德文章燦然載諸簡冊固不待余言而助然世有先後人有古今不詳言以述之則後言無所據遂卽筆書以刻之他日南閩士子於焉而講學於焉而行禮則必潛思力行以維先生餘風如是則先生道德之名益尊而雷程二侯作興之功愈著矣仲淵豈不大有幸焉是爲記

四賢書院記

明 郭希顏 豐城

嘉靖丁未范大夫來賢守劍南二年歲豐人和於是乎可用民矣
謂郡學地非古也復之其今縣學之西乎則請於臺察及藩臬諸
大夫蓋從之也戊申始徙復焉文學士咸便云先是爲明倫堂者
再請而改督學公署至先師舊廟則地尙虛焉大夫以爲其役也
亦唯文學之故若新宮他成不益以是地使夫羣而學焉是復其
一而奪其一也將焉用之謂郭子曰豫章書院且廢改之何加郭
子曰此諸大夫之意也然善而未備矣余幼則聞楊中立羅仲素
李愿中朱元晦四先生者皆南劍人也非皆學聖人歟學聖人之
學則居聖人之居也非禮歟有儒生進曰必也元晦乎以功何如

南
郭子曰尚功矣然而忘其本始也元晦之學得之愿中愿中得之
仲素仲素得之中立中立其初以孔子事程子盡傳其學而南也
則友一源並流聲潤焉夫禮祀先師者必上及啓聖所以貴本始
也祀元晦而舍三先生禮歟蓋當其定也今日據之雖曲儒坐談
而有餘當其始也非慙三先生雖元晦力圖而不足論四先生學
譬若作室然中立則指畫也仲素愿中堂乎此者也元晦構乎此
者也必合而祀之也譬若大宗然謂其爲士綱人紀也謂其爲鄉
先生可祭於社也人徒見中立純固仲素質默愿中體認元晦豪
大不知其學本同也願欲泥功跡而謬軒輕談何易易然則合祀
非禮歟於是大夫以南平丞盧廷友之可屬是役也自秋七月迄

於冬十月貳守謝君適然繼獎贊焉周其垣墉渥其丹雘隘者闢
蠹者新費不重置役不再勤而書院告成奉四先生像俎豆其上
文學士日有所瞻依相切磋於四賢之學余記往歲廷議時竊以
理學之祀厥功有三曰行道曰明道曰衛道夫衛也者使斯道如
中國之常尊明也者使斯道如日月之久照行也者使斯道如堯
舜禹文之授守每以例古人則行道者達而有位者也吾得數聖
人焉明道衛道者窮而誤述者也吾得數賢人焉四先生於道行
耶明耶衛耶君子覽觀往籍其所稱列詳矣余特識是院之所緣
而建如此且昔之覘人國者莫先乎教學及論至無道必其滅詩
書壞禮樂輕節義遂以弗救乃知教學豈不甚繫人國哉由此觀

之則郡之理學復興而達乎天下其教可知也

延平府遷復舊府學宮記

明金城

岱宗者東方之岳也余昔游焉歷百丈之厓躡十八之崕穿天門
踞日觀而遐矚焉則見夫龜蒙鳧繹跼伏雲外汶濟沂泗之水交
流互映喟然歎曰茲聖人之故墟也旣而踰堽城入曲阜則見夫
沃衍崔峯隱鱗鬱律城郭宗廟言言翼翼徘徊瞻戀蓋深有感於
地靈之說焉嘉靖丁未余奉命承乏按閩春二月入境旣抵延平
則見夫層巒叠嶂如趨如附如蹲如顧如翔如舞奇姿異狀不可
名數建之水至自良汀邵之水自兌匯爲劍浦由巽以入於福於
海如排如注溪澗之石鄰鄰齒齒如牽留而不可放之去者然其
視闕里雖小大不侔要亦天地之奧區也迤邐泌水衡門之下意

其有隱君子乎因憶楊中立羅仲素李愿中三先生師資講學實
開紫陽之緒厥生不有自所耶戾止之三日謁學宮課諸士有進
而議興復者曰宮據山巔倚坎塹非所以妥聖靈而育菁莪也龍
津之陽實維宋之遺址請復之余曰唯唯舉而屬諸提學副使周
子琬圖厥成焉周子廣猷審諦考祥程度有成算矣復詢於予報
可於是年秋九月始事越歲戊申夏五落成余臨謁焉山川融結
風氣含鬱傑構雄峙有闕里之流風焉乃晉諸士子而告之曰人
以地生地以人重非闕里不生孔子而闕里以孔子顯非延平不
生三先生而延平非三先生不重諸士子其思所以繼三先生之
緒而重延平者乎則孔子之宮牆可望而堂奧可窺矣若夫彙征

明明以翊治道之盛則固吾夫子立教之意也諸士子其勉旃哉
是役也集衆思以定其謨者周子也加激勸以觀其成者分守叅
政吳子鵬叅議秦子鰲分巡僉事楊子大章也咨籌度以任其事
者知府范來賢也據才智以洪其規者前同知今陞任僉事余子
爌推官楊樞知縣張燾也併勒石以示來裔

三
二
一
〇
九
八
七
六
五
四
三
二
一

大忠文先生祠田記

明 郭希顏 豐城

宋丞相信國公文先生以死報國至今語先生事未嘗不嗟悼隕涕忠義之感人心何若此乎其深也先生勤王所過輒有祠祠之在南劍則舊開府之地也宋自南渡數傳迄德祐間寇分道南牧腥羶之氣觸草木馬牛無不卽僵當此時也驕敵之鋒不可犯弱宋之勢不可回先生蓋熟計之矣先生曰國家養士三百年今一旦徵兵無一騎赴者願以死爲報嗟乎先生其開府之心見矣仗劍指寇一鼓百戰義士爲公響應天日爲公慘黯不幸而執其去陷平江亡眞州又幾何惜也然長揖悲歌從容乎因龍猶角斯實難矣昔漢高侯曰臣鞠躬盡力死而後已成敗利鈍難以逆睹此

其心何重武侯死於王業之垂成先生死於天命之旣去雖所就
不侔其心忠耶非耶以先生心力能殺寇則殺之不能則殺其身
無悔先生死寇亦旋滅是精忠正氣固已褫旃裘之魄而得激之
也自古孰無死當先生時其倖生者非叛則降又孰能如先生一
死而君臣明天地位名與萬古長存哉嘗讀史文山性豪華及入
衛之日痛自減抑夫此一文山也平時聲伎自娛已而奮不顧生
毅然烈丈夫君子以爲非先生之豪則忠不能成非先生之忠則
豪無足取今日之有祠禮也祠在郡北約二里與理學四賢祠鼎
峙爭雄四賢咸有田以祀獨先生闕焉祠棄不守風雨晦暝祇見
狐兔之跡松楸之聲蕭然悽惻不知視四賢何如也余謫居之三

年顧謂南平令張子熹曰理學忠義一道也蓋圖之於是請捐吾公儼之餘於范侯來賢以助祀事范侯曰表忠崇節民俗興焉甚善舉也余遂屬其事於張子置祀田凡三十五石有奇授守者而記之後有過先生祠者忠君報國之心其有感於斯也夫

劍溪草堂記

明汪 偉侍郎

洪治初予嘗覲先大夫於漳始由吾鄉入閩山險而溪駛舟曲折行叢石中劍戟廉厲篙師分寸失手則敗矣予時始踰弱冠不知戒唯以奇詭幽阻爲喜然亦未嘗頃刻而安也及抵延平則山止而秀水深而靜官府闐闐櫛比翠微間使人志慮寧夷樂而不厭慨然懷延平李先生之遺範有受塵卜居易茲別三十餘年志未嘗不在鉅鹿也南京禮科給事中鄭居舜祥爲延平人間謂予曰某家劍溪之上別結屋數椽於李先生書院之側置羣籍其間思他日與二三同志講學於茲題目劍溪草堂予嘗過其地願爲我記之予聞人在而靜天之性也人心本自靜也事事物物各有定

理本未嘗動也其動而不定者邪與安耳先生每誨人默坐澄心
觀喜怒哀樂未發時氣象而求所謂中者蓋天下之本實在於是
本既得性斯復矣性既復理斯得矣由是而品節酌酢乎萬變雖
其紛紛交錯於前而吾所以應之者從容暇豫各有條理不待擬
議無不中節何也理定故也世之溺於器數之末固不足以語此
而過高者或淪於空寂陷於邪詖而不自覺焉故先生又嘗曰當
於日用事爲間著力又曰若靜處有而動處無亦非也竊窺先生
之學若有得於溪山閒寂之助而用力不偏誼寂一致直足以上
承伊洛之秘而下啓考亭之傳其視佛老似是而非之說不啻砒
砒之於美玉矣君秉山川清淑之靈宿道而鄉方希聖之志甚切

愚何足以贊一詞其亦以延平所以誨人者於靜中體驗於事爲處致力居敬以養本原格物以求會通庶真知理之有定性可復而心可一不擇地而靜矣君方有言責無庸言歸仕優而學卽何莫而非劍溪之上草堂之中也哉敬以所聞復於左右君其以爲如何

南平縣志卷十三


道南祠記

明何喬新

皇帝紹膺景命之初蕭山耆俊相率請以宋龍圖閣直學士龜山楊先生從祀孔子廟詔儒臣僉議可否以聞少保吏部尙書兼華蓋殿大學士南陽李公暨翰林詞臣具陳先生師友淵源與其言行之槩請命有司於先生故郡立祠春秋致祭以表聖朝崇儒重道之意以慰後學景模仰範之心制曰可且賜祠額曰道南而以豫章羅先生延平李先生配享禮部下延平府建祠奉祀如式今福建按察司副使豐城游大昇時以僉事董學政躬相地於郡治東北龍山之上而督所司營之知郡事淮西鄭君宗良以祠役爲已任工未訖以憂去郡西蜀馮孜孟勤繼之以次就功經始於成

化二年十有二月以五年秋八月落成未幾孟勤徙知邵武今知邵事盛頤時望以是祠之建有關風教不可無記請於游君屬予書之嗟夫孔孟既沒吾道之不傳久矣士之爲學其卑者溺於訓詁而不知性命道德之微其高者淫於佛老而惑其元虛空寂之說豈復知有所謂道學哉矧七閩僻在南服自薛令之以進士舉士知科目之榮矣自歐陽詹以文學顯士知文章之重矣至於道學之說則槩乎未聞及河南二程夫子得孔孟不傳之學於遺經其學行於中州未及南國先生以絕倫之資生於此邦聞程夫子之道北之河洛而學焉窮探力索務及其趣及辭歸程子送之曰吾道南矣故一傳而得豫章再傳而得延平三傳而得紫陽朱夫

子集諸儒之大成紹孔孟之絕緒其道益光而西山蔡氏勉齋黃氏九峰蔡氏北溪陳氏相繼而興閩之道學遂與鄒魯同風其波及四方者皆本於閩呼嗚盛哉揆厥所自先生之功大矣而祠事未舉者三百餘年非缺典歟國家以道爲治凡敷政立教一本於儒肆我聖皇舉茲曠禮非獨崇祀先哲而已蓋所以風勵學者嚮道也士之拜祠下者尙祇若德意景仰前休頌其書而會其心去其疵摩其粹以振斯道於無窮斯善矣不然科目而已耳文章而已耳是豈先生之學亦豈國家所望於南邦之士者哉



游定夫書院記

嘉靖甲寅

明曾子欽

嘉靖甲寅延平太守秀水沈侯始建定夫先生書院則嘗爲文刻石以紀其成矣維時南岡吳公以僉憲武平來巡茲士敦崇風教聞而避之猶病其爲僧廬之舊址而未闢也迺再捐帑藏下有司敞其門前翼之兩序黜聖而一新之廟貌儼飭士心翕悅其後裔方伯可齋公謂欽與梁侯可大徐侯珪亦嘗董茲役者不可以無言欽惟自孟軻氏沒而聖道之不屬者千餘禩迨宋有濂溪周先生者出不繇師傅超然默契建圖著書根極領要然以孤微之學官卑力寡未爲時知乃得二程夫子於窮荒寂寞之濱遂相與擴大而推明之於是人倫事物之繁殊太極鬼神之幽深莫不洞然

森列貫合於一孔孟之傳復燦然昭著如日中天一時豪傑之士
風從響應在中州則有若謝良佐呂大臨爲之冠在南方則有若
楊中立游酢爲之倡皆號稱程門高第游酢者定夫先生也卒與
中立載道而南楊游蓋並稱也後楊氏以其徒顯於是言周程之
嫡派咸宗龜山而定夫之學稍稍晦而不傳其尊崇之典亦若有
殺焉余竊疑之及攷之史傳先生與兄醅文行並表見當時交遊
皆天下士伊川一見而許之可以入道明道興學扶溝昭典教事
先生盡棄其學而學焉及宰河清伊川喜之曰游君德器粹然問
學日進政事絕人遠甚中立亦謂其成德有斐師友之推重如此
其所造可知矣當時學者往往淫於老釋而先生蚤讀西銘獨見

大旨曰此中庸之理也故其學能以萬物爲體元豐間先生第進士尉蕭山僉判齊州調泉州召爲監察御史風裁肅立歷守漢陽知和舒濠三州所至輒樹惠政戴如父母去益久而見思其爲政一於薄斂謹刑痼瘼乃身本之以誠出之以仁所謂萬物一體明通而公溥者庶幾矣然則先生發周氏之蘊有功於程門者豈小哉實德粹行皎如岳星流風餘韻尙能使百世興起尊崇者胡獨後耶先生先世乃建陽禾平里人舊有廬山書院奉祀遺像前清詔旨褒崇相繼修葺其後有徙延平之吉溪里者衣冠縫掖蕃衍日盛而書院獨未之建誠闕典也欽也少得聞此學於陽明之徒每伏嘆洙泗嶧陽遐哉邈乎不可尙矣得身親於嵩伊闕洛之間

以縱觀其盛亦幸也既而叨倅茲邦入拜龜山豫章延平紫陽四先生祠下勃然若有興者而猶惑於定夫先生之未祀今適得峻事表章使道南一派炳靈垂範脈絡洋洋欽不揣蒙陋竊從其後之人歲時灑掃於俎豆之側恍遊洙泗而親遡濂洛非大幸與雖然崇祀者有司事也修其辭明其道以俟聖人者則又先賢意也良心曠世相觸哲士無文猶興苟生於其鄉仕於其地而不知所款激踐肖焉寧不爲諸賢之罪人矣乎詩曰高山仰止景行行止吾尚與延之人士共勗哉先生卒宣和五年諡文肅其遷吉溪里則五世孫嚴書院在溪之西以其故里有廌山故亦名廌山書院方伯名居敬學術政蹟適紹乃前修方邁未已蓋先生去世孫也

重修豫章先生羅源祠記

明 范來賢 郡守

洙泗道統之傳至孟氏而息千五百年而後河南二程夫子獲紹
墜緒於遺經龜山楊先生北學於中國載道南歸時唯豫章羅先
生實獨得其心傳之秘以授延平李先生再傳而得考亭朱夫子
三先生皆延平人而考亭亦生於屬邑之南溪一郡四賢卓然爲
洙泗濂洛之世嫡淵源浩博波及四方鄒魯以還未多見也我國
家崇德報功旣勅建道南祠於郡合而祀之矣乃先後長吏復卽
諸先生講授之地特祠之蓋愛其人懷其跡無窮思也豫章先生
諱從彥字仲素南平之羅源人其地去郡城凡二十里先生其里
後山之裔也葬在里之黃際坑嘉定間郡守劉永濟始購求其遺

書得其墓於荆榛中歲一祭之近正德初新淦羅君環來判延平
自謂家世同先生出豫章系訪其遺蹟甚勤卽後山之趾贊郡守
鄒公始創爲先生今祠以閏旭二房守之餘四十年矣先守日就
頽敝未有過而問者余唯吾道之南嗣源演流厥唯先生是賴平
生潛思力行其學也以靜得之林臥自適翛然物外邀月有臺濯
纓有池風雩詠歸是鄉也蓋千載神遊之地也顧祠圯不飭何以
妥英靈而慰邦人之思乎唯時請於巡察雙渠金公謀於同知謝
君適然推官楊君樞先後協議乃命檢校呂存信掄材鳩工往董
厥役自正堂以至中外門廡咸修葺焉起仆易敝輪奐改觀牆宇
嚴闔過者祇肅經始於是歲五月三日落成於次月二十六日俾

守者世掌之先生故無嗣其族且散落鮮有聞人每訪山居舊事
南齋僅存其名已墾爲民田至池臺亭榭之址亦無復識其處者
唯南齋右有丹桂一株相傳爲當時手植遺根久枯創祠後倏生
長逾常蓋祥兆也旣枯復榮郡之人士其將有嗣先生之芳者乎
余夙慕先生之道久仰遺跡重有感焉因書之以紀歲月云嘉靖

戊申秋九月吉日

中
外
史
學
論
叢
書

一鑑堂記

明游居敬

余宅憂之次載爲嘉靖乙卯卽郡北門外圃爲屋凡四楹敞池而軒池舉而方周數百步名堂以一鑑識其說曰鑑之義凡以別妍媸而正衣冠也曷取於堂而名焉以面池也池曷爲而鑑也莫明於水水止則可鑑吾之有取於水匪以鑑形且鑑心也吾嘗左圖右書而居其中探古人之緒論精究理本以平吾情俯池而思也水源濬流清吾之所究得非古人之流矣乎沿流而溯源可以明吾性矣吾嘗馳驅周道委蛇瑣闥上以事君下以涖民中以友於薦紳大夫而自揆其道多所未周俯池而思之曰水虛則納心虛則受吾之所應接於上下以盡吾之忠敬信孚者果能若水之澄

而虛矣乎虛中以大受可以廓吾用矣吾嘗遠尋皇王之道密研
孔孟之精元覽天地造化之樞將合而猶判渙既窺而慮杌隍俯
池而思曰水生於天而流於地孔嘆川逝孟取盈科堯仁舜智禹
儉湯寬文熙而明武敬以勝其理固涵洪而無盡周流而不居吾
之望而若遠卽而未安得非未能若水之凝而不滯靜而常新矣
乎遠取而近觀可以詣吾極矣於是朝覽而暮思晝爲而夜驗吾
心激然以無事如水之靜而不撓也吾心朗然以自覺如水之動
而可樂也取其平寧而情性理焉取其翕聚而倫理篤焉取其涵
洪而器識廣焉取其風水之渙而文章著焉取其水地之比而功
烈著焉取其習坎之亨而時幾暢焉取其推故納新而賢不肖可

別焉取其上天下地而尊卑可位焉取其魚不時鬻而化工可洪
焉夫如是則其取者無窮其鑑者亦無窮進而行於朝退而善於
鄉其未遇也爲龍潛其大行也爲龍見居於一室可以鑑前古興
亡之跡品物流形之理起而在國則凡四海之休戚生民之隱痛
調劑之術彌綸之道皆鑑之而罔遺所謂動靜不失其時而其道
光明其皆在此乎夫何莫而非鑑於水也鑑於水者所以鑑於心
也大哉鑑乎明而新之存乎其人爾余既著鑑之說而慮夫來省
吾堂者疑而問焉則不勝其頰舌之煩也遂書之於壁以代語焉
且時論於有道者曰庶其可以鑑乎爲一鑑堂記

平
之
樂
是
也
三

三

新建李延平先生祠記

明費宏

延平先生得伊洛之傳於豫章羅氏而授之晦菴朱子其有功於
繼往開來爲甚大晦菴狀先生之行至以依乎中庸遯世不見知
而不悔稱之則其所至允矣成德君子而庶幾優入於聖域矣蓋
道以中庸爲立自堯舜以來心相授受未有能外此者先生之學
則欲默坐澄心以驗乎喜怒哀樂未發前氣象而求所謂中者以
涵養其本源故所見卓然持守益固心境融釋事理貫通體之於
身施之於家汎應曲酬發皆中節推而極之雖經綸參贊之功可
以馴至非眞得乎道統之傳未有能與於此者也先生雖超然遠
隱不及進用而憂時論事感激動人隆興初晦菴將趨召命問所

宜言先生謂三綱不振故中國之道衰而夷狄盛義利不辨故人
心陷溺而主勢孤晦菴遂用其首說以對使當時採而行之則頽
風可振人極可立而宋事不至於日非矣其本末備具如此又豈
空言無補者哉論者乃以著述少先生不知聖賢之學必切於身
心措諸實用不在於言語文字之末况晦菴之探討聖經發明斯
道幾無餘蘊而往復闡辨得於帥說者爲多天下後世溯淵源而
思濬導之德烏能忘耶劍浦爲先生邑里故有書院在九峯之麓
今天子正德十有四年知府歐陽侯鐸始至往謁慨其荒陋亦旣
葺而新之竭虔妥靈猶病其未稱也會釐革淫祠城內佛老之宮
不下數十其一名天竺堂者適與先生之家族隣候請於巡按御

史沈公文燦卽是爲先生祠復慮其勞與費之及民也則稽淫祠所入付義民王文俊督配徒并力營之堂廡門垣旣嚴且邃召先生後裔庠生授之扁鑰俾司啟閉而時洒掃焉頃以成告沈公謂麗生之碑不可無述而以屬予時分守叅政朱公冕提學副使胡公鐸分巡副使黃公昭僉以爲然侯乃偕同知萬君廷彩推官陳君韶遣使來徵予記爲請

此處恐有脫誤

况茲生長游歌之地宜尸祝俎

豆之不容緩然亦缺然而未備豈所謂州縣之政非法令所及則世不復議其固然乎今諸公與侯同德一志汲汲然舉未備之典可謂不安於流俗而知爲政之先務矣且興革之間昭示好惡所以崇正教闢異學善民俗實於是乎在是卽情之發而中乎節者

非知道其能然哉宏樂其成懼來者莫知其始得之故也於是乎
書正德十五年歲在庚辰秋七月癸卯榮祿大夫太子太保戶部
尚書兼武英殿大學士鉛山費宏記


南平新縣事記

明林俊都御史
莆田

延之南平新縣成鄉士民羣束書實幣屬鄉進士陳君邦彥之請
求託勅之石垂令功也按南平本閩侯官北鄉建安初始析爲縣
其後改延平龍津劍浦又復南平爲郡理所國初徙西關偏崇崗
前齧建樵二水以近位置攀促居之難人居涼落兵燹間作守與
起廢又難鄭尙書舒城公爲守時也疏言遷便議城東之常平不
報正德紀元貴溪江君良貴知縣事實形便主鄭議焉宮保劉公
梅坡割地前民趨以相民始和會則毅然主遷具白於巡按韓君
廉毓可節縮公羨心計而件籌攻位庀材績効時奏江君以茂異
入爲監察御史姚江魏君朝端代之詳練開永有父方伯公風世

其學亦世其政調息撫摩布宜民之令思畢前尹之功杜丞纓陳
泊深復贊其決揆力相便閱三歲功始告成物采鮮完役若鬼輸
而費若天出民罔病夫春秋興作必書時詘舉贏昭戒也况當橫
禁慘慄之際事會有所不可則固有默運其間者邑去郡二里司
若驛倍焉令奔走如織非白事郡庭則迎候水陸之使歸一視事
則策馬徑去不得分日力以宣逮下之仁而身常負責居使然也
節日力專思慮時靖嘉之惠以無患修阻之勞遷未可已也又况
地密而位恢疏絕前虞爲固亦奚斬百利一勞間哉令民所視軒
輕者也堂序翼嚴民則毋敢易心快新邑亦快新政政古人有行
者矣稱神明者工搆伏戴星出入單父亦治智則竭任力則勞局

新則去古而遠夫子稱治蒲曰恭敬以信忠信以寬明察以斷由蒲之道以成創之俗所謂新也予尙落新堂與一快焉官如傳舍邑若記存焉耳中材者可因而自進也記以俟代君永蒞者



南平新縣記

明林瀚

尚書
三山

延平閩之望郡而南平則郡之負郭望邑也邑舊在郡治北隅國朝洪武中改置千戶所因徙邑於西門外舊貢院之址也勢湫隘每爲洪水所侵且村烟寥落有警卒莫能避正統以來荐燬於兵燹廢興靡常民益病焉前郡守舒城鄭君時議遷不果正德丁卯江君汝思以名進士來知茲邑既視篆卽進父老詢民疾苦衆首舉此以對君周旋顧瞻喟然歎曰邑之設本以爲民乃不利於民若此孰之咎歟然吾未敢專也遂白諸按閩御史四明韓公廉以請於朝制可其奏值時多故橫禁方嚴動遭掣肘君志於康民力任其責遷邑於東通衢復舊民地以拓其基於是鳩工掄材陶瓦

伐石百凡殫心經畫一無擾於民前爲大門門之上爲譙樓以司
更漏次爲儀門又次爲正堂堂之左右爲耳房以貯文卷堂之後
爲燕居爲庫藏爲官吏廨宇大門之西爲囹圄階砌甬道不堅
飾經始於正德戊辰十二月踰三秋落成高明壯麗規制豈超於
昔黔黎快觀皆喜其成而不知其所以成也君旣遷任以去越數
載耆士謝邦大輩相率詣貳守萬君廷彩大尹鄭君貴濂告曰邑
之爲民病者百餘年矣幸徼福於賢令尹吾民永享其利功莫大
焉雖嘗紀其事然非特書懼久而或泯也願重勒石昭示悠遠以
系人心爲良二君因疏其始末達諸大方伯安福伍公朝信屬予
記之予維遷邑重事也非去危卽安民心悅從而功克成者厥惟

艱哉昔孔子修春秋凡遷國必書如邢遷於夷儀衛遷於楚丘蔡
遷於州來雖皆避患而舉聖筆悉書於經者重民力也嗚呼縣治
之建所以宣化承流百里庶政於茲繫焉况建治非所民罔底寧
爲之牧者固可憚力役之艱因循苟且坐視其患而莫之卹耶斯
舉也民不告勞財不聚衆振百年之墜典奠一邑之民居厥功懋
矣語曰因民所利而利之斯惠而不費擇可勞而勞之又誰怨汝
思從政之美其得於聖門之教後千載而興起者歟君名良貴汝
思其字江右貴溪仕族予同年伯溫大叅公從子也今爲內臺豸
史功業益著以閔此特其權輿耳然非人心去思久而弗替方岳
重臣賢賢守令汲汲於順民揚善則斯石記載奚取夫庸髦之文

哉因併書之以告諸來者俾知縣治攸遷負屬之重立蓋以此云

南平縣題名記

明張燾

秦初罷列國置郡邑議者謂其非古昔帝王公天下之意然列國之君各以其壤地爲家長子孫而不變雖不肖非大故天子不得而易之民何所於訴焉今之爲郡邑者苟不利於吾民則朝符組而而暮韋褐矣豈得久厄於其域中哉是其爲意似於列侯分土之制尤公也雖然古之人視國猶其家故凡所以爲民者率多深長之思今之人視其所至若傳舍焉故凡所以爲民者不過一切苟且目前之謀而已矣無惑乎古今人之不相及也南平爲邑當八閩四達之衝且無旁邑筦楮醴鐵布石之利而其勞過之夫惟邑之地無所產而其勞過於旁邑故凡爲令長者苟非以焦勞積

思則其治亦不得與旁邑齊是故其惟家視吾邑以子視吾民如
上地之未辟則曰吾田園之荒蕪也流亡之未集則曰吾室家之
阡離也訟獄繁興則曰吾同室者之鬪未已也盜賊不息則曰吾
門庭之寇未除也里巷亡絃誦聲則曰吾義方之訓未立也凡所
以利民者或限於時不得興害民者或阻於勢未及革則曰吾燕
翼之道有未盡也一夫之役則曰妨吾之農工也一縷之費則曰
匱吾之緘事也如是則吾南平雖不幸而當八閩之衝尤幸而得
召杜相仍使無知之赤子亦庶幾得以少被乎煦哺之惠也哉予
也糜祿三稔心雖有餘力則不足誠多有負於茲惟後來者相與
共成之則固斯民之幸也且夫今之邑視古之小國也古小國之

君非有疏附折衝之績於其王不得分土而封邦之今吾輩往往以書生起自賢科我天子不惜百里之地與之以共治焉是其功不及古列國之君而其分則過之矣使其又不知所以圖報也夫不大有獲戾於我當宁也哉大有獲戾於先王也哉縣舊有題名記漣列不存續刻者又畧而不備故復勒此以樹於儀門之左使宦遊於茲者先後得備載其氏籍以示不忘焉嗚呼後將有議朕諸君矣

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

舊府學記

明龔用卿

自古論治道者未嘗不以人才爲首務學校人才之所自出也故古之王者建學君民必以教學爲先羣之以庠序聯之以師儒師嚴道尊民知敬學則善人多而後教化行風俗美治道由此而出矣欲求人才必加意於學校重其本也我明之興上法於三代之隆自國都至閭巷下邑莫不有學百八十餘年以來其所以綿有道之長而基無窮之業者端在此矣延郡在宋時人才倍出入我朝以來建學於郡治後西山之巔基據崇岡後臨峻壑人才科目寥寥然未有興者嘉靖丙午學之師生僉議以形繇非宜爰考舊制以宋南劍州學故址卽今之西門城隍廟及雜造局之地實國

初南平舊縣治也具達於巡按御史金公城提督學校副使周公
旣欲改遷以復舊地二公矍然曰學校育才之地求治最急事宜
先之吾儕奉上德意以建學成才爲急務其敢後乎狗衆議以改
圖之事不可緩也乃謀之先督學副使張公謙質諸前分守叅議
夏公寶分巡僉事利公賓余公曠率同知府事范君來賢通判郭
君希顏推官楊君樞相度而復議之詢謀僉同巡按報可於是諏
日翼工易其地仍故南劍學基而改建之中爲廟爲堂爲廊爲廡
爲號舍以及廚庫齊室之所罔不加虔復買民居之隣近者以增
益之視舊制廓然一新矣而始終其事者則郡守范君督理之取
公帑之資一千五百餘緡興工於丁未之九月訖工於戊申之四

月以紀時示訓率作興事不可無述也乃遣教授朱邦彥徵言於
卿以示永久卿惟今日之士由學校者誦法孔子孔子之道如日
中天無所不照如水行地無處無之固非有所擇於地而後其道
得行也然使地無吉土處非其據則非所以揭虔妥靈而實非人
心之所安也顧世道有汗隆則氣運有升降而人才之盈縮恒必
由之斯役也諸君子拳拳作興學校之意良亦勤矣而尤反覆論
議量度至再乃詳審而後舉行者毋亦慎重於長府之改作與僖
公之作閼宮也國人侈之以爲美談且致祝願之私欲其昌大期
艾以永於有聞夫子載之於魯頌美其慎也諸生之遊學於此者
將何以副諸君子之意乎卽斯義也崇實學以遠末技明正道以

塞邪徑務深造以祛近功尙遠圖以絕小利推之於國則爲實用
施之於事則爲實政諸士子所以仰副建設學校之意莫出於此
諸君子之所以羽翼作新賢才之意或者其在此乎董是役者南
平縣丞盧廷友將樂縣丞陳泮均於學校有勞焉是皆可書也

峽陽屏山書院記

劍津爲朱子講學往來處其西溪沿流而上曰峽陽巨鎮也乾隆初分駐南邑邑丞所轄一十五圖道光二十六年楊君應斗宰是鄉修廢舉墜謂峽陽民風樸而未淳士習端而近彥皆由薰陶之術未周乃與諸士紳議立書院陟巘降原相其形勢睇及屏山之麓曠遠清幽曰此可爲育才地矣爰捐俸倡始以次題捐咸踴躍仗助於是營基購址庀材鳩工中建講堂刊奉朱子白鹿洞教條復構後堂以祀四賢前後東西兩廊門廡外擴地數畝許堂之背又隙地十餘畝周圍繚以牆垣更繞以旁舍共得五十一欄遂顏其堂曰屏山始於戊申四月十八日成於本秋八月十二日閱已

酉而工竣余以丙午奉恩命視學閩疆按試至津知峽陽應試生
童甚夥歷科科名不絕歲科試竣還朝奏報庚戌春應孝廉鑾階
來會禮部試應君蔚華余己酉所拔南邑高才生亦以內廷召試
入都陪於邸舍二君皆峽產也以新建書院碑記請余惟國家敦
崇教化詔中外郡縣咸修學宮勅諭學臣加意教育旁及僻壤山
陬無不得設義學書院凡以廣德心以一士習儲民材以待朝用
也且教立則經正經正則庶民興行而無邪慝其極至於道路相
讓風俗仁厚而刑罰措今楊君能以經術潤飾吏事權篆數月卽
汲汲於講學之區以化民成俗徵諸一事其爲治之不苟可知矣
而諸生生長理學名邦濡染授受淵源當益奮興求爲有體有用

之學以明新至善之道爲必可由以孝弟忠信禮義廉恥爲不可缺以枉尺直尋飾非怙過爲必不可爲以博學篤志切問近思主敬行恕存養省察爲不可不勉而及上禰周程遠宗洙泗於以自內文明之治他日進則爲名公卿退則宣上之德觀感閭里以同風俗以副聖世不遺荒遠永久無斃作人之意豈不懿歟方今聖天子恭默思道日與大臣表章正學講求正心誠意本心法爲治法此尤士君子爭自濯磨亟欲報效之秋夫士行爲民俗之根柢民以淑士爲鵠固非獨係一鄉一邑也亦在勉之而已余故徇二君請爲約畧其言使鑿諸石至其題捐役費租田約禁另碑故不書

清道光三十年歲次庚戌仲夏之望

賜進士出身工部右侍郎兼管錢法堂事務前提督福建省學政
加三級詠莪彭蘊章撰

記

置三先生墓田記


明倪朝賓

劍州故有道南祠祀龜山豫章延平三先生有司歲時駿奔執豆
籩惟謹載在祀典勿闕楊李二先生苗裔昌熾餼於學宮取科名
登仕譜者代不乏人獨豫章先生嗣微弱墓在羅源里守墓者皆
其支族且寥寥僅若晨星而窆更甚鮮有讀書自振能守家學之
傳者督學熊公校士劍津穆然興蓋謂豫章先生潛思力學尤爲
生平所嚮往檄下捐贖錢百金令置羅源墓田并楊李二先生之
墓皆有田朝賓仰承德意亦捐俸以襄盛舉墓各買田若干畝官

收其租每歲寒食遣博士員往祭於墓而分胙於其裔孫朝賓因是有感而歎曰嗟乎世代寥邈陵谷變遷自古聖賢豪傑湮沒於荒煙斷草之中不可勝數誰與問松楸而訪遺迹者三先生學傳正脈與洙泗濂洛并垂天壤乃熊公墓田之舉使松楸不改邱隴常新三先生之墓得與孔林並茂其意至深遠而其功亦至偉矣哉墓田租數列於左熊公諱尚文乙未進士豐城人皇明萬曆壬子歲孟冬吉旦知延平府事古越倪朝賓立萬曆三十八年督學熊尚文捐俸金四十兩知府倪朝賓捐俸金一十兩共五十兩置羅豫章墓田熊公又捐金三十兩倪公又捐金一十兩共四十兩置羅李二先生墓田二項共買壽山里紫坑苗田一十八畝年收

租米七十五斛共銀九兩內除納糧差銀一兩八錢實收銀七兩
二錢內派分羅銀四兩李銀三兩二錢仙人陳士壽陳榮富陳阿

儒



雙塔記

明葉向高

嘗謂文物之盛關乎氣運厥惟天行之數然乎哉然而振起挽回其助若假於山川陵谷之效靈而其機常握於紀綱作人者之意嚮故精神所動地軸爲旋規創所垂天符協應此必有默起於風氣之表而顯司乎鼓舞之權故以文翁化蜀則褒雄踵而蜚聲以常袞興閩則歐陽邁倫而躡起詎道乞靈於岷岫灑瀆啟海幔亭斷齧嶙峋森茫紆滂侈縣屬之大觀爲賢哲之鍾孕已哉乃形家者流以一水也而有五戶閉藏之說故當其氣或渙而欲去則必假物以留之凡樓觀亭垣比比而是然惟浮圖爲最勝豈非以聳拔特起之勢可挽陵夷波靡之趨而地靈叶吉則人傑聿興氣運

轉移有司其券者與吾鄉鍾州楊李諸大儒之所產也名勝人文
並稱變美而邇來甲第獨遜於諸部直指方公謀所以振之而詢
其畫於分守沈公公夙以督學興閩而紀綱作人者也乃進諸生
敵之僉謂郡前東西溪交流直射風氣渙散人文厄塞職此之故
宜建一浮圖於九龍山之巔以收東溪之水又建一浮圖於劍化
閣之前以收西溪之水兩水匯合環繞郡治於形勝大壯當必有
興者公曰然乃以議上兩臺兩臺報可方公捐錢金百三十兩有
奇中丞徐公捐金六十公割俸二百金以倡首繼公後者殷公助
金十郡大夫而下各有捐陶公助金五十薛公助金一十梁公助
金十二徐公助金四十莫公助金十二七邑之人起而助之不戒

而集乃以屬郡紳陳正謨孝廉邱憲章董其事俾諸生魏廷玉黃應元司出入浮圖一在九龍山者高七丈計金八百有奇一在劍化閣者高九丈計金一千八百有奇前各建亭閣一計金百有奇經始於萬曆三十三年三月二十九日竣工於三十五年六月合而名之曰新建雙塔璀璨崑巖矗立雲表吁嗟壯哉郡之鎮矣山不築而崇水不引而迴靈氣翕聚而鬱勃不蔚爲人文者未之嘗有是歲第南宮者二人諸生適然咸以地軸旋而天符應不誣也顧不佞則竊以是固然矣第此役也倘非公之勤劬作人其精神之所動盪意象之所鼓舞豈有超於風氣之表者以默握其樞而徒爾趨首跂足以盼望於山川陵谷之効靈則峨岬澗瀆岐海幔

亭佛窟洞天參霄浴日其爲浮圖也大矣何蜀之士必以文翁化而闢之士必以常袞興也則山川陵谷猶然待人而新而謂人文之渙然更始徒有待于浮圖聳拔特起之勢而後振是耶非耶適孝廉黃君夢瑞過白門謁不佞以記請因銓次其本末謬爲之說如此俾後之追誦公者不第夸詡於創建之跡爲郡曠觀而直窺見公意嚮之所風勵相與競爽比肩以益章公興文之烈則此雖雙塔乎其爲峴首可也公部建南久德澤入於鐔人甚深父老子第別有頌述茲不具論公名倣烜萬歷己丑進士歸安人徐公名學聚癸未進士蘭溪人方公名元彥丙戌進士歙縣人殷公名廷樞己丑進士華亭人郡大夫陶君名拱聖南昌人薛君名藩己丑

進士順德人貳守梁君名淳順德人節推徐君名久德上饒人邑
尹莫君名一魁定安人諸庀功義助者勒名碑陰
按當時勸捐督工有耆民鄔應龍徐鴻徐五十劉永明守道沈儆
炳批府給帖准與冠帶以示獎勵云

下
五
東
三
一
日

三

南平縣儒學建立祭田記

明林 械訓導
福甯

國家建立廟崇祀 先師內自國都外自建邑春秋二仲凡我衣冠之族舉欣欣然有事於廟廷犧牲玉帛罔不虔樂舞登降罔不肅匪直文具蓋崇德報功天下萬世之心自不容己也南平邑附郡故事丁祭咸於郡庠而邑庠唯行釋菜禮甚涼薄矣昭格之誠不藉乎此然師生崇報之心則有不能忽然者先是邑侯鄭君用淵謂報禮弗稱增啟聖祠文廟羊豕各一雖儀文視昔稍加而歸俎受釐至計以 其於 萬曆甲戌冬友石黃先生來訓茲庠而械以戊寅秋繼至得從先生後則見先生學政修明百廢具舉而於此尤深歎焉然歲額難復議增乃捐俸資二十兩九錢創立

祀田又約諸生以賓興得僑者令割坊價二十兩佐之於是丙子得林生有梧已卯得林生大亨共銀六十兩九錢買田十八畝二分歲收子粒銀九兩每祭文廟再加羊豕各一二祭約銀五兩餘用以備祀文昌葺牆垣之費噫先生崇報之心亦勤矣其引長而光大之則有後之同志諸君子也若借口官物而肆其脂韋則不惟先生之罪人而亦覲然二三子之上也吾知有道者必不爲也先生名元采福之甯德人萬歷庚辰仲春吉

邑侯吳公重修南平縣學記

明朱繼祚

南邑之有庠舊矣西出城半里許地勢夷曠人烟稠集貿易輻輳巍然翼然屹峙於其中者是也面對九峰背枕虎頭左右兩橋雙流蜿蜒下注前溪如環如帶形家謂延津第一勝地以故科第相望爲上游冠冕萬歷以前遞解遞更具載郡志自乙酉歲馮夷弗誠湮沒民居學宮亦從蕩析因循十餘稔廟貌大媿而公帑弗充常道者蒿目靡厝時則有若生員吳明俊游王庭謝其棊奮出身任諸官給簿許自募自修不費公緡不役民夫亡何時巍翼依然利集輻輳復故諸生庶幾不遺餘力以成大功惟是敷聖祠猶見剝勢居仁由義二齋偏缺其一總簿題募所收數多而質鮮咄嗟

所辦雖成而易廢此丙寅丁卯間未週八年而櫺門拉雜欲傾矣
照牆池爲平地矣頡頏瓠稜飛雲從風柱礎階砌或陷或比汙池
飽闕鞠爲茂草堂下積潦浸成沮洳廟貌仍媿而公帑猶未充蒿
目靡厝當事者不殊於前曩時奮任諸生懲成功之旋毀亦爭搖
手去耳於是晉陵吳侯初下車祇謁輒愀然曰是可以安 先聖
之靈乎既升堂閱講復愀然曰是可以育鯤鵬而期奮飛乎因丁
祭過啓聖祠則益駭然曰是所謂剝則潰潰則散聖人所過而趨
焉者也其又何以崇隆源本而愜不匱之孝思乎立捐修祠金十
兩曰是宜首圖者已復捐三十兩併修殿若曰是可次第及者時
教諭林君訓導靳君沈君奉命唯唯相與料費鳩工程材辨物於

是祠之棟宇柱楹門扉棹楔匝月間犁然一新漸而殿而堂傾者扶矣弛者築矣飛者賈者圮者無不繕密凝固屹立森起塗蕪週於垣墉丹艸加於節稅蓋極鉅麗之觀矣池積淤泥挑而澄之下受上注各得其所環池爲檻迄於迴廊池橋有坊嚮頽今正東西兩齋向缺今全功成而侯復以晨謁至諸博士弟子員相率羅拜稱謝而侯乃始輟然也曰茲何幸因已成之緒而有盡美之實乎又何幸不費公不役民次第而舉毋矜速成而有可久之規乎非邀先聖之靈藉諸先生合心協力不及此顏額屬聯非敢期不朽也共志喜於一時而已於今歷二年餘矣侯以滿最當徵入古蹟烏臺諸生乃相與咨嗟吾儕焦唇以請而勿可得者何以

不請而得之我公抑吾儕所踴躍以圖幸而速成者不得公孰與
極盡善而垂可久耶今西望一帶稠集輻輳有倍於昔而巍然翼
然其中者氣加旺焉科第人文宜鬱勃以興漸與海內爭雄長豈
第冠冕上游云爾公之功於斯爲大烏可無勒珉以永其存因更
相推擇走莆中謁予索記予惟古之祭川者後海而先河爲所自
出也侯修學首 啓聖知所先矣補未備之懿振垂隳之緒一切
皆從奉入出旣盡善而可久猶謂藉諸同心協力也侯之功則又
因謙挹而益章也已且非直此也季有考月有會歲時有賑諸推
置腹心渾忘芥蔕所爲成人之美而脫人於阨者無不用其極諸
生在鼓舞振德中宜乎漸服其教久而未能忘之也聞之敬其父

則子悅敬其君則臣悅焉有崇隆 先師如是而爲博士弟子者
有不歡欣愛戴思垂於無窮者哉則洵哉不可以無記侯諱襄號
山公南直武進人鳴琴五載多惠政尤加意作人如買置學田以
給會課禁治煨冶以護文脉皆另有碑記不具述林君諱芸蓀卽
予莆人馳書序南庠廢修始末甚悉靳君諱天顏趙州人沈君諱
登瀛丹衛人言事謁請諸生爲萬汝輝游王庭震以裘余日旭邱
亮黃都張泰祺朱朝明陳文選謝其業黃以任陳景璧季茂椿餘
俱勒名碑陰崇禎二年孟秋吉舉人陳國禎魏懋績等立石

可
三
集
示
卷一
四

十

一

忠義祠記

明 黃 鞏 主事
蕭 田

延平府南劍郡城之東隅漢閩越王無諸行祠在焉正德己卯泰和歐陽君鐸由夏官正郎來爲郡伯越明年旣布民政齊民心乃正神祠改行祠爲忠義祠以祀宋丞相文信公配以趙大監時賞陳少卿龍復劉寺簿沐呂總轄武林檢院琦何提刑時授事狀使者屬記鞏跼狀伏民畝發狀驚歎曰茲文山先生文信公也深願執鞭乃今得陪姓名容非幸與按德祐勤王詔至公以提刑起兵入衛明年如元軍伯顏執之北去至鎮江亡入眞州帝北去益王卽位於福安公浮海由溫州達行朝除右丞相以與陳宜中異意不拜以樞密使同都督諸路軍馬開府南劍經略江西六人者皆

隸幕下參謀募兵得數千復邵武復梅川復會昌敗元兵於鄂都
遂圍贛爲元兵所襲趨循州入潮州至海豐爲張宏範所執宋尋
亡公亦竟入燕以死矣南劍張睢陽然固忠臣一旅效節之地斯
祠所爲立也祠及六人故名忠義嗚呼忠義人世之大閑也天地
所以定位綱常所以植立然而往往不足傾危之濟殆有說焉盧
扁良醫也謀醫者庸之而別用其良顧庸醫也彼以人試我以國
試彼勢亟雖有良奚施哉昔紂良費中惡來三仁無救幽王良虢
石父周遂東自古庸君暗主所托爲腹心者固自謂君子不知非
君子也至大壞然後君子者出以當國難斯其無所濟也熙豐而
降始誤於學術之偏繼壞於羣邪之鼓扇始付君子而藥無專工

迨端平再詔恢復啓釁召禍則症已不治無待識者已知其不濟矣公猶號召諸人激以必死嘗曰父母有疾雖不可爲無不用醫藥之理此公之心也鞠躬盡瘁死而後已此公所謂成仁取義無愧者也六人者亦有感而興與公京師吉安溫州皆有祠延平之祠自郡伯始固願慕之素亦感發人心第一義也主是議者巡按沈公灼大叅宋公冕憲副胡公鐸黃黃昭而任成於郡伯節推陳君韶贊焉

甲
乙
丙
丁
戊
己
庚
辛
壬
癸

鱗瑞亭記

明 林希元 大理寺丞

鱗瑞亭春官正郎黃子子昭故藏修處也亭在鐔城之西馬源之園園僅可盈里而效奇鬪勝各極其能雖勤於遊覽者未能一日遍焉其君可庵公釋官未歸憇而樂之意造物者爲已設焉度德據形分爲十景有曰水閣書聲者乃十景之一爲黃子故藏修處所謂鱗瑞亭也臨亭有池歲養魚以爲常簿正賓庖取於是庚午忽一魚青變而黃黃又漸變色若玳瑁又漸變色若金由是三色代變若循環焉歷辛未癸酉莫之改焉識者謂黃子曰昔白魚入舟周室以興雀啣三鱣於講庭而楊氏相是魚也一物三變皆成文章不在其他在而藏修之亭母爲吾子乎既黃子以歲癸酉升

於鄉甲戌升於司馬官宗伯謂魚足徵也故以鱗瑞命茲亭寵瑞也黃子謂林子曰昭瑞章祥世之恆也故頌連理吾見於韓矣記三槐堂吾見於蘇矣子茲亭也敢曰齊德昔人各一瑞也請與之記若何林子曰吾與若亦猶行古之道也古之道如多麋如有蜮如六鷁退飛螟螽蝻蝻之類並著於春秋至鸚鵡來巢謂魯定之祥也孰曰不可說者必曰災異何春秋記災異不記祥瑞之書也記災異不記祥瑞何記之不足爲教也記之不足爲教何人皆信瑞以自崇忽德而不修亂天下必自此始黃子曰吾之志異乎是記其瑞俾予目於斯口於斯志於斯晝若夜於斯聳乎動乎惕乎懼乎負是記乃可以爲教也林子聞之喜遂索筆而爲之記

禁冶文筆山記

明陳正謨 邑人

延岡山水郡也崇崗絕巘錯峙盤拱惟西南一方峰挺秀而特出形如卓筆正當丙位兩學宮牆面此以爲勝形家謂之文筆是也異時四賢輩出倡明道學爲萬世宗章縫之士賴以興起益崇文教海濱鄒魯作於前者罔不功存社稷名垂彝鼎嗣後讀中秘魁海內若可齋游公鍾台田公等聯翩接武咸謂此峰之靈實鍾焉萬歷庚辰秋邑有大猾蕪灰爲生者招集亡命潛於峰下伐山磔石穴地爲冶大加煨煉以罔市利四址草木日就芟夷燻灼之勢無然遐邇茲峰之秀不無率然是以數年文運寢以不昌僉駭心蒿目思莫得其故甲申歲諸生廉得其狀白諸郡守當事者惑於

浮詞兼之書吏爲奸謬云隔遠佯徙而貴仍之以致叢黨比周斧
鑿之瘠剝膚及髓文運之傷於斯極矣會斬水徐大夫以部郎出
守吾郡諸生鼓舞相率以前牘進公覽牘愀然曰山川靈秀亘古
攸賴小民之利何山不可治而獨戕文筆耶卽檄縣嚴禁埋穴封
治永不得睥睨此土而郡貳陳公郡儲漆公郡裡盧公咸贊公出
令不可不亟也邑尹張君教授龔公教諭軒君輩奉郡檄惟謹曩
之黷貨戕賊悉清野矣諸生復鼓舞稱慶卽謨謀曰吾郡數百年
斯文命脈得大夫一斷而全是大夫大有造於吾郡也盍識諸謨
曰天禋吾延使大夫蒞茲土天眷吾土使大夫蒞諸土以全茲山
此山無恙則地脈全地脈全則文運昌文運昌則則士類庶焉不

爲言以識之則後之人孰知此山之賴以全其植文教而庇士類
自吾大夫始也但願諸士益砥乃業益宏乃德無負大夫作興之
惠使道德與四賢齊芳勛業與前達媲美是大夫之烈世被於吾
延而斯文之永有相也烏容以無識哉爰勒諸珉

百
二
果
完
身
一
日

一
日

一

文筆山記

明駱天閑 邑人

吾鐔西南距郡治十五里許有山秀麗聳卓如筆爲郡邑兩庠面
峰堪輿家曰爲文筆郡人文若四儒挺出科第迭興論者咸詫山
靈萬歷庚辰奸民就山磔石煨灰郡守徐公邑侯張公下令嚴禁
山賴保全載志書刻碑記其功德業彰彰著矣崇禎己巳忽他郡
奸徒復於山麓董坑張坑鑿穴蒸灰山爲之枯五十餘年保全靈
脈一旦剝瘠觀者靡不恫心駭目兩庠諸生動色錯愕曰何物奸
民迺復敢踞此土以戕我地脈也相率而鳴於分守莫公郡伯范
公邑侯吳公逮諸奸首廖景山劉五雲等衆懲之奸民姑爲規避
遷陶於西溪之澗而竊石於此山復爲鄉民發覺侯譴怒懲罪立

堙其穴更著爲令俾毋得再踵奸輒以罹法網於是僉謀構亭勒石以紀盛徵屬記於不佞天閑天閑曰國家元氣惟是視文運爲潔醇而人事振興未必不關山川之儲洩不佞嘗讀詩如斯千南山蓋詠王者作室亦取臨水面山之勝卽周家建國不憚陟巖降原而衛文徙都楚堂山京是望是景顧安得謂形勝之助爲誣耶聖宮何地可無山靈呵護又可聽其殘毀而莫之禁茲山一全於五十年之前再全於五十年之後嗣是延人士微惡諸公駸駸勃起謂諸公之保全茲山者卽以培國家元氣非耶是諸公功德之在延人士者卽其在國家也兩大夫暨邑侯治狀載在閭閻口碑別有頌述不佞不煩贅茲直叙其禁冶之功鏤之貞珉以垂永久

莫公諱儼臯號寅賡南直隸松江華亭人丙辰進士范公諱汝梓
號丹樸浙江寧波鄞縣人甲辰進士吳公諱襄號山公南直隸常
州武進人癸卯鄉進士

平
之
集
示
身
一
口
一
一

禁煨文筆山石記

明許聯樞郡守

鐸昔神劍化龍之區故其山川奇偉秀麗爲東南冠郡西十五里有文筆山屹峙雲際九峯蜿蜒如奔如攖二水分流其下形家謂清淑之氣有以淳滄足開儒林之華而疏淪乎人物之盛夙稱小鄒魯良不偶也先有頑民煨石射利日夜作黝赫狀名區勝地不意遭此劫灰萬歷丙辰官爲厲禁不已崇禎己巳復禁凡一再勒石茲有奸商徐明廷廖景山等益加熾訾諸生黃以邦邱毫等呈督學吳公禁示而熾斬如故復訟之直指張公檄府詰問司農顏公司李翼公僉曰山以文筆名蓋右文也翊振人文轉旋氣運不在于師帥其誰風之予惟都人士陳藝明倫稟先王之教爲國家鼎

柱安所事假靈於天苞司契於地符章句小生謂彫蟲篆刻足噴
風薄雪而有餘此塊然者不翅升髦庸詎知夫天文地理人事之
紀精氣相盪幻卽大塊幻也不卽一抔之土其於消長之數若影
傳形聲傳響不爽也夫如是茲山雖小不可謂非魯鳧鄒嶧之符
剗奸冀士而於以扶教山川不毀則法行乃逮諸商而訊之執言
已輸產課有年董坑雖實逼處此張坑則已稍遠不知扼龍脈而
斷之其眚剝膚有甚焉且上欲條教導化而屢禁之勿戢儒不勝
奸至是哉或未澄其源拔其根乃爾予卽解帶易金呼其人授以
原值令其徙業曰今而後毋侵我地以扞我文網罪無赦事上直
指公報可仍命勒石以垂永久深惟宣化右文有司之分也崇志

砥業諸士之責也異日者纒屬而起以駢章我上國昌明之會倘
能傑然建柱石動與茲山並傳於有永匪徒無負直指公惓惓率
輿之意卽山之屹而峙也亦藉人以重矣是爲記崇禎戊寅仲秋
吉

南 子 集 卷 之 四

十一

晉陵層霄陸公禁冶全山功惠碑記

明 駱天閑 邑人

九峰當延郡面城中萬戶各隨現向開門在郡治對青山之案其見奇於二庠尤聳拔嶠嶙形勝家謂之文筆是也昔者西賢輩出豪傑賴以興起謂此山之靈實鍾焉厥土埴壚厥石粉解而強槪可冶爲灰物賈人用穴爲爐晝夜煨煉幾爲焦壞前任大夫屢禁不已己已復禁凡三勒石迨至郡伯許公解帶買山復勒石永禁眞能爲地方留不朽矣所恨者奸商徐明廷廖景山文敬源鴛利耽耽復串名徐廖源假誘宦族潛於後山玉峰墩頭煨煉諸人士不能忍訟之司理陸公愀然曰山脈連亘合郡靈淑之氣何得輕爐鑿之况周官盛人灰人之屬各以時巡而禁冶而在月令仲夏

令民毋燒灰及用灰南方豈非以其物之不可以示民而火之不可以數出乎用是重懲嚴禁禡其豔利之魄永不得睥睨茲土諸生鼓舞稱慶卽余謀曰吾延數百年斯文命脈得許公而留又得陸公一再斷而示無患是公之大有造於吾延不其世世爲烈乎蓋以識不朽閑曰天實眷吾延多士俾蒞茲土而全山德惠有與崔嵬長峙於不敝者也昔崔公守連山石鍾復乳今公視延使峰巒有以安其藏土石有以升其英藍田之玉日烘生煙九峰之上時有光浮玉石之氣文字之輝也延自是必有粉火帝裳聖堅皇居之士熾然於其間者矣崇禎十二年孟秋之月上浣之吉
嘉慶六年七月間又有匪徒在山內盜燒石灰邑士聞知僉呈

廣府憲蒙出示嚴禁奸人畏懼事方中止

藝文志第廿一
二十一

內
外
雅
正
卷
上
四

一
五
一

龍鼎齋寓記

明龔孫棻

天壤間無一非寓也吾人以神寓形何生何滅譬馬駕車車敗馬
逸如客附舟舟泊客去凡五官百骸吾身以內皆寓也而况身以
外之物乎至若身之寓世幼而居壯而遊東西南朔或爲迹之所
經或爲事之所羈北梁辭後庭草空花則家且與客寓等又况垂
老嶺外之僑寓乎南劍郡城西倚龍山迤東爲龍鼎縣署建焉左
爲承署余自辛卯冬緣子貞備員來此庭宇數椽簇蒼翠於煙巒
注山泉於戶牖後饒隙地培其桃李間菘芥葵右偏舊有神祠老
槐古桂交柯挺秀牆畔修篁蔽日叅雲籬花漾彩芳池蘭芷飛香
檻席雖云官舍恰似山林披閱之暇徐挈穉孫植杖笑語或偕知

友捉筆吟詩在苒遐方炎寒遞嬗亦可隨寓而安也而且憑高四望山則自仙霞武彝磅礴而來萬嶺環拱於後玉屏九峰列翠於前水則自浦城崇安之奔濤光澤清流之急湍匯而下會城實爲八閩扼要間嘗稽往代之割據而傷其蹂躪仰文山之遺跡而弔其孤忠斯寓固用武之區乎又閩爲無諸荒徼自宋龜山先生傳道南來羅李諸儒衍其緒至朱子而集其成今四賢祠宇適與寓齋相對晨夕仰止私心向往竊幸斯寓又人文之邦也每念天地之大四海之廣吾人渺焉一身寓於宇內奚啻太倉粒粟巨浸浮漚所賴眉睫之際曠覽高深方寸之間儀型往哲豈無可大而可久者足娛我心不若斯寓之暫寓我身乎如以寓言身寓也家亦

寓也山川寓乎景物者也自昔英賢寓乎道德者也天壤間何莫
非寓耶噫前我而寓於斯者我不識其何人後我而寓於斯者我
不知爲誰氏我亦猶前我後我者之寓焉而已暫寓焉而已矣

平
之
集
記
卷
四
三
三

復四賢祠記

清朝 吳穎修

延平之有四賢祠舊矣蓋肇建於宋嘉定之初云祠在九峰之麓其合而祠者楊龜山先生時郡之將樂人羅豫章先生從彥李延平先生侗皆郡人也新安朱晦翁先生熹年二十四以同安簿從遊於延平先生之門後先凡三四至至則止於李之旁舍西林院者數旬日四賢遞相統承而道不失傳朱子之書比戶誦讀於是自專祠焉閱二百餘年而寶應朱濂溪先生應登以名進士來守是邦是時海宇寧一文采激揚政事之暇進諸生而與之考四賢之軼事歎祠宇之漸卽於圯也謀所以新之不數月榛枳芟夷俎豆肅穆頤養善觀濂溪先生於晦翁執裔孫禮尤謹云又閱百餘

年順治丙申菱溪翁元孫澹子克簡以御史巡按八閩歲五月抵
延平念祖德之深遠其未忘於延之士民之心者猶一日也乃稽
曩者修復賢祠之由諸生抱菱溪公遺集進而言曰維延平實承
四賢之教不衰卽郡大夫菱溪公之教所相維也顧茲兵燹頻經
三賢祠數椽風雨不蔽晦翁祠榱角無存像坐草茨中而菱溪公
有功於前賢抑且享祀缺然諸生中心惻悱維明公公克張前烈弗
致淹閭請得於修復之餘奉菱溪公從祀晦翁祠澹子隨命諸生
導而前相度遺址規其木石瓦磚之費於三賢祠議修於晦翁祠
議復別立夾室以祀高祖菱溪公一從諸生之請云穎時奉欽恤
之命奉延平與聞盛典興工肇舉有日逮八月反自邵武則旣

祠宇煥然恪行祀事諸生乃請穎記始末以永不誼蓋道教衰微
由於人不知有學也不知有學而欲執夫苦饑患盜苛徧危迫之
氓問所爲師弟子統承之緒其何途之從故有志於學道愛人則
必爲之闢堂崇威儀然後制器具物差其度數通其藝事以俟夫
人之肅然起敬也卽或歲久多變又必將易夫荒落黜黜之陋以
成堅好華鉅之觀使夫游歌講習於其中者不啻從諸先生遊而
樂聞夫絃誦之風夫始之所以立原本於其心之誠信而教之旣
明則莫不歸其功於始事之賢大夫而亦同其報享斯固私淑之
義所引以勿替歟其以祖孫之相承而師弟子之大誼備焉家學
繩繩倡動感發之所繫非區區木堅石密蠶革美備之爲矣乃海

隅傲擾而澹子獨力行道化則又以見學之有所本卽明察剛決
稱政事之材亦皆出於備學之用益歎夫朱氏之德何流遠而能
被也穎好觀古聖賢之言尤多致感於盛衰之際竊願從淺溪公
之詞章以達於晦翁之學而愧其末由也觀於澹子先生抑亦知
所取法矣時守建濟水王道新巡建楚黃李元萃太守羸海張夙
抱郡丞曲阜孔興訓倅長安張登俊節推家弟武進吳琪滋南平
令三原姜修仁同與修復之事費不及民工不踰時皆可記也而
家弟以學術醇茂承教於澹子先生其倡率諸生搜遺闡幽尤亟
亟焉子故樂而合爲之記

重建朱文公祠記

清朝耿定力

閩諸郡祠事徽國文公比諸闕里盛矣其在延平則以先生產尤溪最後從同安徒步受愿中先生學以故杖屨所集熏炙尤深延之人生而事之歿而祀之禮也不佞校士建州業已謁先生考亭考亭先生所卜居祚裔繁集展治有常廟貌如新已過延平則祠宇傾圮爲周視徘徊久之明年參知王公攝守建南奏記中丞趙公侍御喻公請以以郡帑羨鑲因故址建之咸得報可遂檄郡縣鳩工庀事不日而成於是廟貌復新懋然觀聽郡守周公以不佞謬典斯文之寄來告成事屬綴數言用勒石紀焉余唯濂溪力闢草萊爲一代正學之宗伊洛繼之其說益著已而傳習既久所入

亦殊譬之同處一堂而栖息異止則先生實集其成焉先生既已默契真傳而搜羅天地窮剔隱伏其力又足以闡發而推明之蓋濂洛之際在陽谷朝明至先生而日中天羣陰屏伏幽隱畢照明興廣厲學官歸於統一非先生說者禁不進卽少有抵牾終從附合則先生之學得其大也居常歎斯道以來遞遷靡定凡歷幾帝幾王幾保衡傅相而仲尼始以東魯一布衣焯爍千里總其條貫仲尼之道一振於衰周而火於秦雜於漢佛老於六代晉唐之間而乃再振於偏安之宋宋自濂溪諸君子東接其傳於鄒魯而南以及於瀕海之閩而後中原文獻十九在閩乃先生又孕百代之精以生於閩之下邑天之意詎可知哉國家正學河東餘姚以後

日益彬彬乃閩號鄒魯自一二往哲外不少概見將閩有遷德耶
抑亦狃所習聞不自振也夫天之於閩厚矣今習先生之業登朝
掛籍什室而九藉令留心正學豈必遜哲前人傳曰粵無罇夫人
而爲罇也故無罇今先生之言行具在風神如見試通以孟氏尙
友之云是不雜而鄉而天下千古也郡人士旦暮拜禮祠下而感
諸大夫飭新之意以省余言今之閩敢逆觀非昔之閩哉中丞公
諱參魯四明人侍御公諱文偉叅知公諱民順俱豫章人而督學
使者楚人不佞爲之記

重修先鋒廟記

清朝 陳新之

凡生而有功於名沒而爲民捍患禦災者民必尸而祝之千秋享祀弗替吾延李先鋒之神是也神諱係唐西平王晟之曾孫本昇州江寧人生五代間英勇絕倫所向無敵屢建奇勳至僖宗時爲招討使副王鐸軍以先鋒駐劍州劍州閩咽喉地也南唐保泰二年朱文進殺王延義自立於福州義弟延政自立於建州交兵累年閩中大擾南唐遣大將查文徽攻建州而先鋒始自金陵出自隸於麾下師攻建安所至皆捷乘勝克邵武臨汀西及漳泉分延平劍浦沙縣初置劍州時歲在丙午乃南唐保泰四年而中朝石晉開運之二年也以陳誨爲劍州刺史而神爲先鋒大使實總

政紀律修明延賴以安未幾福州詐傳戍兵爲亂請援於劍州節度使查文徽刺史陳誨文徽以兵應之遂爲所擒先鋒督兵趨戰奪其大將馬先進而文徽得歸繼而李仁達竊據福州宣諭使陳覺發信州兵攻之不克達乃送款於吳有急報言吳兵三萬取道劍州以趨福唐居民驚竄先鋒知州兵孤弱難守乃於高桐黯淡山谿險隘之處虛立旗幟大設疑兵號稱十萬張皇聲勢吳兵聞之大恐遂由古田雪峰小路徑下福唐而延又賴以安歷五代之季而民無流離播亡之憂皆神力也歿後民懷其德始立廟於今廟之前一飲食必祭凡有禱求靡弗應宋政和辛卯詔天下郡邑各以所在神廟事蹟聞其無功德於民不在祀典者一切毀去福

建提舉學事齊公太守方公以神事蹟上聞詔許存留宣和庚子
睦寇猖獗既破三衢勢逼閩境延無城郭人心惶惶郡守少卿謝
公率合郡官僚虔禱神前以祈默佑辛丑三月朔夜漏四鼓陰風
凜栗若有兵數萬從廟出居民皆聞空中兵甲之聲望北而去日
日有自界首大豐高桐而來者其言皆然本州先期曾發鎗枝手
廖仁銓等千餘人屯玉山柳家都拒賊計江南福建兩路官兵不
滿五千而賊衆自衢而來者數萬期次日交戰正慮衆寡莫敵仁
銓假寐夢一人披金甲跨驄馬展青旗領衆萬餘自言南劍李先
鋒助國殺賊速且言之軍中多有夢如銓者於是衆心踴躍俄而
賊徒遙望旌旗蔽空若數十萬官軍鼓譟而進賊衆大敗銓守歸

言大捷之日正陰兵出廟之次日也由此官僚將卒大爲鼎建廟宇以酬神恩清朝康熙甲寅耿逆之變僞都督曾養性兵抵延太守蕭來鸞開城延逆於是逆黨肆行民不堪命先是郭公忠孝來鎮興化舟次劍浦夜夢神呼將軍者三曰山城生靈十萬其保全之當時不解何謂丙辰郭公來駐吾延登樓瞻拜儼如夢中所見不勝駭異然終不解保全之語也轉盼八月間康親王貝子統師入關長驅電掃關上潰卒擁衆延平謀欲焚掠而去郭公設法散餉以安其衆耿賊有欲閉城堅守者有欲督兵迎戰者一如其議則延民無噍類矣郭公勸其輸誠徹曉乃定會耆民金德化等咸夢先鋒示曰大兵下降行輯寧耳於是焚香恭迓王師入境秋毫

無犯駐延五日吏民安堵此固王生成之恩郭公胥衆善承之抑
非神力何以得此延之賴有先鋒眞當百世不忘第廟宇年久興
廢不一考始廟在前溪者暴水所衝神返江寧現身與判江寧侍
郎蔡侯具言始末云不久廟成卽當復往劍州再立此廟實有宋
寶元之二年己卯又越七十有八年爲政和之丙申郡民復拓其
基而改創之上舍貢士范濬紀其事於碑至宣和辛丑感陰兵助
陣之功益加修飾建炎三年賜額靈佑紹興間加顯應英濟之號
明洪武初詔去號題唐官職命有司春秋祀之康熙二十有八年
秋藩伯黃公道行讌集斯樓憑欄四望念神庥之宏遠感棟宇之
傾頽慨然有重修之意遂合僚屬各捐清俸共勦盛舉南邑章公

甫下車力肩其事庀材鳩工始於己巳之孟冬竣於庚午之春仲
新之不文聊爲撮其大略礪石以誌不朽云是役也延平郡守吳
公國柱司馬修公國光別駕王公璽南平邑宰章公世德邑佐劉
公个臣皆有功於斯廟者也例得并序

會輔堂記

清張坦
巡道
滎陽

延城郡署東有平崗一道蜿蜒而北折其頂夷曠林木陰翳爲舊時文廟基前郡守任公己亥歲立道南書院於其上以爲諸生藏修游息之所甚盛舉也但跨高建置風雨易摧甫二十年屋瓦垣牆漸多傾圮余蒞任後觀風郡縣兩學錄其尤者送院肄業並敦請前南邑宰晉陵劉君主講席而捐俸以葺其宇郡生李子章子范子急公董事旬月之內俱就完整工竣臨視諸生求所以顏其堂者夫古人之學文行兼資聖門四教文居其一曾子云君子以文會友以友輔仁蓋始於文而終以仁非此不可言學也諸生誠因文而崇實行同人會聚德業相規過失相勸以斯共爲君子庶

幾克踵前徽於道南書院之名可以不愧如其虛聲標榜雖摘藻
揆詞而浮華致誚則非余之所望於諸生也故顏以會輔而爲之
說乾隆十一年丙寅仲秋盜陽張坦易庵氏撰并書

道南書院新購書籍記

清 趙在田 編
福州

夫驚夢吐絲非絃歌之政也鼠肝蟲臂非猷藻之材也伊昔謝華
啓秀之英抽秘騁妍之彥博存古義辨章舊聞金箱玉版穆滿之
所曾窺麟閣鴻都惠施之所不見翔文章之府馥馥森森登著作
之庭元元本本鳴珂虎觀瘦羊博士之銜授簡兔園司馬大夫之
座鬱爲時棟舒作國華菽苑美談於今爲烈粵自水精匿曜赤制
炳靈撫拾殘灰珍儲敝帚朱游折角匡鼎解頤延君弟兄中壘父
子曲臺珥筆天祿燃藜十四家章句師承九千字學童律令无咎
悔亡務拾遺而補缺曰若稽古誇累牘而連篇著籍傳經均辟太
常之試發言聚訟難持廷尉之平北海鄭君東君隱德菟汲郡之

瓌語披端門之瑤書紹家法於扶風立士鄉於高密緯候兼精乎
扈丹林之牒龍虵入夢赤虹黃玉之神日馭鳴鞭樺缸失彩雷門
割響布鼓無聲雖舐排者魏有子邕而疏證者唐推冲遠禩三代
兩漢之精如記朝儀於縣蕝曾諸子百家之說惟徵物始於檀弓
羌儉歲之膏梁衆材之隲括也若夫南董不作罕兼三長風騷既
亡疇讀千賦編年紀傳仗遷固之上才入室升堂讓卿雲以翹秀
當塗典午而降玉塵譚清關中洛下諸賢仙葩萼跗名都白馬飛
輦蓋於西園文梓青牛發哀絃於北地劉舍人雕龍雋惜挾策當
車沈記室雌蜺奇悰賞音擊節盧王翰墨江河萬古之流李杜文
章瑜亮一時之傑較顏慄謝前無古人禘漢宗唐後有作者劍浦

上游輿壤道學名區仙靈棲息之邦神物飛騰之地舊有講塾名
曰道南泉明之松菊荒蕪仲蔚之蒿萊掩映辛默閣茂之歲郡守
鐵嶺 廣公買山半畝考室數楹澗流塔影含輝於庭戶之間琴
韻書聲振響於溪山之外高齋清晝勝憶蓬瀛古道斜陽喧無車
馬可以領松泉之遠韻契麋鹿之幽情然而文獻無徵風流代謝
失匡廬之面目學優孟之衣冠未精周禮不敢題糕輕詆公羊竟
同賣餅戈春指側薙擊錐餐呂盜田齋劉竊新漢貌似托空於虎
賁皮傳終慚其羊質而且五日三豕之訛八病四聲之陋聞輩婆
之出典沿祈樂之舊文軋干暗啞濫吹南郭笙竽癡絮車斜孰孰
中原旗鼓安所習而毀不見斑椽攸譏學莫便乎近其人孫卿是

崑山陰 松雲李公來守是邦猶存積習贈玉堂於天上舊夢都
非寧鐵網於海中新陰已渺一蘊孰借空思閱市之人兩版誰家
莫問叢書之地慨其固陋爲溯根源屬坐嘯之多閒進諸生而講
藝掛長裾之蒨蒨集方領之莘莘名山日觀七十二代之茫然奇
字靈亭八十一家之莫識爰捐鶴俸用勸鯁生無多分潤廉泉之
一勺皆甘偶藉高呼學海則百川終到一縑爭界竟成集腋之狐
四部俄全畧似窺斑之豹雖復穎川廷壽傳伐鼓而考鐘安定修
芝侈升堂而設饌茂以加也不其偉歟方今璣鏡臨軒義輪甄度
探秘紀於龍魚符開委宛拾殘膏於蟬螽神守長恩朱履閭閻攷
上丁仲丁之篋丹函秩秩齊大酉小酉之山翹瞻北極文章輝聯

華蓋劇喜東來柱史氣度函關從此經寫巾箱詞刪帶悅証黼紋
於樊鼎撫鬪扁於齊尊身遊福誇册府之珍藏人托仙丹滌鴻流
以津逮採虞初之禪說九百名家摛曼倩之庾詞三千奏牘毫揮
錦字朱英玉彩之籤衣染爐香枚叟鄒生之筆天葩清麗才傾謝
草江花藻彩溫醇光奪隋珠荆玉則桓榮車服應知稽古之榮而
張叔詩書長拜授經之化南邑孝廉王朝俊太邱仲弓之德小冠
子夏之風霜戈電戟代有英姿畫棟珠簾門多慧業克襄厥事快
覩有成并紀清徽以告來喆所願鴻都之士益繼長而增高鵠立
諸生成深思而好學三餘誦讀多來問字之車萬本流傳長舉曝
書之會

Handwritten text in a vertical column on the right side of the page, possibly a page number or title.


延平校武場義塚記

清 官志涵 檢討
邑人

乾隆四十九年甲辰五月天氣清明兼旬無雨二十一日曉起忽報東溪暴漲二丈餘高怒浪黝黑漂流連株樹木合棟房屋一切物件不可殫悉沿溪男女號救之聲不輟聞有拯得活者百之一二耳竟一日夜漲勢未平明日浮屍蔽江遭洄洑旋渦不能直去者亦百之一二予聞而傷之憶甲申客蘭溪過浦江邑長平和何君子祥語予昔泊舟延平水南登岸閒步至南山寺寺後一殿奉大士像一神面藍牙獠其間棺停纍纍心惻久之意他日得官少餘薄祿當爲瘞之今以累吾友遂於曾醒吾同年假銀五十兩相屬予細詢其地則水東之嶽廟停柩者廟後之老佛殿也非水

南延平亦無所爲南山寺也予歸訪老佛殿墟矣問所停棺則經官押葬無復留者時何君量移平陽予旣無以復其命而予亦東西奔走無緣與何君合辦寸衷耿耿懷此忽二十年豈意今者洪水爲災屍骸遍野予適家居聞而瞿然曰吾乃今有以報何君矣何君所見者柩也雖未埋而皆有主者非如此纍纍不識其誰何而肉脫肢解暴露於水涯石罅真不堪見聞也乃謀之堪輿家得東校場山一片命工爲塚甃以甌甌自延福門東嶽廟至鑿灘檢拾遺骸以臙月望日埋之其不全者若干裹以麻布環埋塚中一具頗全購缸斂之又一罐卽造塚時工所傷者易以新罐而共掩之吁何君本爲嶽廟之停柩而不虞二十年後有遭水之遺骸何

君因停柩而愍之而不料遭水者並棺骸且飄零並無人焉過而問之當時予嘉何君之義故受其託而不敢辭今日感滄災之骸乃思以慰何君之心而廣何君之義獨惜何君已化去不及知此事猶幸予衰老尙存稍以無負冥冥之良友可竊附仁人君子而成此舉瘞畢設酒饌爲文以祭之且囑後人繼志而封殖之遂爲之記



延平府義塚記

清廣善郡守
錢嶺

嘉慶己未秋余由工曹出守延平延平本瘠土人死不能葬者久則輒以火化余下車諄切禁之其風頓息明年大水巡視郊外敗棺破甕白骨璨然爲之心惻因捐俸買山若干畝令吏胥編冊籍有力之家令其各自遷葬餘則次第掩埋凡三千二百一十有一無主者居其大半中有姓氏名籍可稽揭而書之並置木榜二於郡城隍廟中以俟其後人卜地改葬庶幾一覽而知也自庚辛秋迄辛酉春七閱月而事竣南平孝廉王君朝俊縣尉黃君肇愈實董是役余勞二人以酒復爲文以記之俾延平之人皆曉然於火葬之非禮交相勸沮後有仁心爲質如二君者苟能修明其事踵

而增之卽以此爲嚆矢焉是更余所厚望也夫延平郡守鐵嶺廣
善撰

重修同仁橋記

清 李堯棟 郡山陰人 守

郡南同仁橋去城百里舊名黃龍成化初邑人建之僉事伍公爲之記嘉靖初壞於水郡守彭公澄建隆慶時復燬郡守林公梓重建有記本朝壞於水復燬於火傾圮歷有年矣是橋地當孔道往來者絡繹而兩岸少人居風晨雨夕問津苦之茲荷 前府廣公在任四載修理書院創建義學瘞埋枯骨凡有關於地方者咸捐廉飭辦復闢寬渡之維艱冀輿梁之告成首捐廉俸議修是橋較舊制更爲增高加以亭宇經營數月而橋將告成焉忽於春仲山水夜發橋木石墩又被冲塌邑人咸共惜之余來承乏是邦圖成善舉仍屬孝廉王芳亭董其事但經費浩繁裘須集腋除官捐外

縣志卷之四
三十一
數尚寥寥而各邑中紳士咸以利濟爲懷共勩盛舉各解囊捐貲
隨緣樂助俾速告竣非惟克成前政之善舉亦足以見諸君子誼
登桑梓爲善於鄉之美意也夫是爲記

記


南劍州陳諫議祠堂記

宋楊時

延平舊有學負城之隅枕西山之巔士之肄業於其中者無虛室
建炎四年爲賊所焚知州事劉侯子翼視舊址險而隘故遷之城
南就夷曠也方經始未及成而去今太守周侯綰之來也市材鳩
工以終其事教授石君公輒實董其役二人相與協力成之又卽
西偏立諫議陳公瑩中之祠歲時從祀焉堂成屬予爲記余謂周
侯之政知所先務矣謹庠序之教追祀前哲以矜式士類非有尊
德樂義之誠心無以及此也世之爲吏者舉以治文書理民訟爲

急而不知使無訟者有在於是也可無述乎乃究其本而爲之言曰自孟子沒聖學失傳六經微言晦蝕於異論宋興鋤類奪荒養息百有餘年名儒繼出至嘉祐治平間文物之盛未有前比也熙寧更新法度以經術造士世儒妄以私智之鑿分文析字而枝辭蔓說亂經矣假六藝之文以濟其申商之術一有戾已則流放竄殛之刑隨其後雖世臣元老概以四凶之皐目之天下靡然無敢忤其意者故佞諛成風而正論熄矣士氣不振積至於崇宣述其事而流毒滋甚焉當是時橫流稽天而瑩中以身扞之幾滅頂而不悔剛大之氣充塞宇宙先知之明爲時著龜非命世之才而自拔於流俗者未之有也實之學校使後生晚進日觀其遺像宜有

向風而興起者異時羽儀天朝使姦諛屏息將必有人矣至是邦人思詠周侯之遺德無窮已也




韋齋記

宋羅從彥

宣和五年歲在癸卯之中秋朱喬年得尤溪尉嘗治一室聚羣書
宴坐寢休其間後知大學之淵源異端之學無所入於其心自知
辨急害道名其室曰韋齋取古人佩韋之義泛觀古人有以物爲
戒者有以言爲戒者有以人爲戒者所謂佩韋以物爲戒者人之
大患在於不知過知過而思自改於是有戒焉非賢者能之乎予
始以困掩未能遂志因作舫齋陸海中且思古人所以進此道者
必有由而然久之乃喟然嘆曰自孟軻氏沒更歷漢唐寥寥千載
訖無其人有能樹立者不過注心於外崇尚世儒之語而已與之
游孔氏之門入於堯舜之道其必不能至矣夫中庸之書聖門學

者盡心以知性躬行以盡性者而其始則曰喜怒哀樂之未發謂之中其終則曰夫焉有所倚肫肫其仁淵淵其淵浩浩其天此言何謂也差之毫釐謬以千里故大學之道在知其所止而已苟知其所止則學知所先後不知其所止則於學無自而進矣漆雕開之學曰吾斯之未能信曾點之學曰異乎三子者之撰顏淵之學曰回雖不敏請事斯語矣而孔子說開與點稱顏淵以庶幾蓋許其進也此予之所自勉者也故以聖賢則莫學而非道以俗學則莫學而非物喬年才高而知明其剛不屈於俗其學也方進而未艾齋成之明年使人來求記於予予辭以不能則非朋友之義欲蹈襲世儒之語則非吾心故以其所常自勉者並書之使人知其

在此而不在彼也或曰韋齋之作終無益於學也耶曰古之人固
有刻諸盤盂銘諸几杖置金人以戒多言置欵器以戒自滿聖人
皆有取焉苟善取之則韋齋之作不無補也




溪山偉觀亭記

宋真德秀

延平據山爲州軍事判官廳處其山之半後枕崇阜前挹大溪之南九峰森羅雄峙天表廳事之西故有小亭對溪山最佳處予之爲判官也因而葺焉時方習辭學科規進取退自幕府輒兀坐亭中繙閱古今書口不輟吟筆不停綴間一舉首則澄光秀氣歎入几席令人肺肝醒然去之垂三十年回憶舊游未嘗不炯然心目間也比歲楊君修來爲此言扁其亭曰宏博舊觀陳君傅祖繼至顧眎西偏老屋十數楹岌岌將壓獨舊觀稍加葺餘皆撤而新之爲堂曰見山樓其上曰溪山偉觀樓之前爲臺卽舊觀之北爲軒軒有小池剖竹引泉淙潄可愛則以聽雨名之又爲亭曰仰高環

其四旁植梅與桂間以修竹循坡登山結茅古樟之下于是鐔州
勝概盡在目中矣然君爲此未幾則從元戎以出汎掃汀樵之遺
孽及改鎮富沙君又從焉其居于是裁數月爾而發揮山川之勝
如恐不及蓋賢者之心于事之當爲亟起而圖之不必爲己凡皆
若若是也柳子嘗言氣煩則慮亂視壅則志滯君子必有游息之
物高明之具使清寧平夷然後理達而事成世以爲名言以予觀
之詎止是哉天壤之間橫陳錯布莫非至理惟體道者不待窺牖
而燦然畢睹然自學者言之則見山而悟靜壽觀水而知有本風
雨霜露接乎吾前而天道至教亦昭昭然可識也蓋嘗升高而寓
目焉仰太虛之無盡俯長川之不息則吾之德業非日新不可以

言盛非富有不足以言大非乾乾終日不能與道爲一其登覽也
所以爲進修之地豈獨滌煩疏壅而已耶若予之區區于科目則
既陋矣陳君乃存其舊而表章之可無愧乎故嘗謂天下有甚宏
且博者而非是之謂也予老矣久爲子雲之悔方痛自澡磨于庶
幾萬一而君子斯道尤所謂有志焉者安得相從偉觀之上笑談
竟日以想像春風沂水之樂乎是役也起紹定四年之三月庚申
而成于四月之甲子君字清卿三山人以州從事兼招捕使司屢
官于幕書與爲多云



Handwritten text or markings along the right edge of the frame, possibly bleed-through from the reverse side of the page. The text is mostly illegible due to the high contrast and scan quality.

舊州學碑記

宋張致遠

延平郡治當七閩之衝而舊學跨西山特踞形勝九龍雙津衍仙
文筆諸峰皆秀拔摩雲環顧如列屏障建劍二水會而南注風雨
晦暝神物吼耀潭靜天開想紫光猶隱隱斗牛間異時偉人輩出
其冠巍科躋膺仕術業足以師世循良忠烈足以動宸極而厭紳
笏者相望也建炎初潰軍突至一夕灰燼遂夷爲閔武之塲頃歲
改卜乃喧卑近市故老不以爲便遭時右文聖天子優游翰簡親
寫經傳以師臣之請頒石本于四方銀鈎鳳翥燦煥星日所以幸
多士者甚渥爰建傑閣而珍藏之于是人益以學宮爲弗稱而復
故之議決矣太守宋城路公採參訂輿論慨然有意乎此會漕使

行郡乃以教授陳思孟與士之肄業者合詞以請得緡錢幾二千
萬經始于紹興乙丑之秋凡是胥占規撫罔不善掄材選工罔不
精路公改除而太守大梁鄭公椿年以賢相家風治先教化下車
未幾棠陰畫靜熊軾戾止趨工窳竣故期而告成殿閣堂廡雄麗
軒豁十齋南向牕几明淨雖筦庫海室皆視昔爲逾侈嚴嚴翼翼
人以溪山之勝輪奐之美炎州所未見也歲在丁卯夏六月庚申
教授率生徒入升新學舍菜於 先聖陞降贊拜觀者咸說越日
公卽落之以書抵致遠曰鄉校成不可以無述且聞有宿諾矣致
遠自束髮已游息於斯固嘗惜其廢而幸其復敢辭不能乎惟三
代而上言治者本教養之誠而庠序因以設三代而下存學校虛

名而亡教養之意戰國并爭處士橫議鄭欲毀鄉校而秦遂焚詩書漢興諸儒自以經籍相授素木匏葉行禮於私室至公孫丞相甫爲之制其察于二千石者皆詣太常受業鄉里無素養厥後議者謂孔子布衣養徒三千今天子太學弟子少卽增員如其數東漢之季太學生至三萬人終唐之世六館爲盛蓋郡國不皆立制度而教養之法廢徒眩衆飾時爲目前具耳獨文翁在蜀韓愈在潮以教化自任歷千數百歲文物光明人到于今受其賜我聖主以經術示之的俾郡縣執事者咸列於學宮復賢良孝弟之科講飲酒鄉射之禮其有行藝中程者三歲大比歌鹿鳴而送之間閭濟濟有三代之風學者去澳濞居高明相與講習以爲說懿文德

以待用又有如文韓者爲之勸其于正心修身齊家治國之要迨夫出處云爲俯仰而無愧則西漢之經術東漢之名節猶以爲有憾顧所成就卓絕何如哉噫師弟子分不嚴朋友之道缺甚矣稚壯改其度勢利敝其守曾不知巫醫樂師百工之人不恥相師友豈士大夫其智反不能及殆昔有而今亡也未窮其技意輕而詆倍者多矣師非其所尊友非其所畏肆口而評古今率意而議臧否將誰使正之夫唯學校修則尙師友師友正則人倫明人倫明則風俗美故旣叙其建立次第又緝綴其所嘗習知而爲矜佩所通患者以附於後庶幾其益勉旃

天柱灘記

宋吳 達

古劍津而南五里有亂石當溪若頽垣斷塹者水不得安流怒而奔激上下之舟杭柁其間毫釐有差則輕者覆重者碎篙工水師無不惴慄旁一石曰天柱灘或暴漲不辨港道望之以爲標準大浸沒天柱則憚不敢行故險爲灘最紹興七年漕臺大議開灘檄達專其事十一月旣望開濬澹四港將及其餘太守上官愔謂宜自天柱始于是命邑宰吳叔虎尉彭億募衆興工乘農事之隙春雨未集而速成之以十二月始事迄於明年正月石開水循舟行便安惟事無大小爲之必成害無久近除之必去方亂石羣峙中流非鼇戴神運固不能動豈人力所能擬議今役不數旬費不過

數十萬用能除百世之害豈人力也春事方作遼又當代雖不畢力於其間而泓流上下四百里三險源委昔險而今稍平夷民亦樂成不憚其勞先其大而不爲其細非賢守牧爲之率焉孰以貽百世之利耶豈若園池臺榭徒供燕游之樂今日營而他日廢哉後之君子幸卒其事

演仙劍潭碑記

宋湯漢

維寶祐四年歲次丙辰九月戊子朔越二日己丑朝奉郎權知南
劍州軍州兼管內勸農事節制本州屯戍軍馬湯漢敢告於演仙
劍潭之神比以八月甲申請雨于神是夕雨降丙戌再禱夜漏十
刻雨大至通宵滂沛丁亥又雨謹以清酌少牢來展謝祀而言曰
演之山兮紫翠而蜿蜒劍之潭兮紺碧而淵泉是能出雲物而見
怪兮庇千里之元元秋八月而雨霑兮下上焦灼而煩煎凜歲事
之可虞兮爰乞靈于山川披荆棘而歛靈壇兮月星燦乎中天風
高氣涼非雨候兮妙神功之幹旋出膚寸於巉巖兮奮陰威於重
淵電幟弗搖雷車弗鞭倏播灑于清夜兮遂達曙而沛然屯陰雲

凝而不散兮膏澤遍乎中田曷感速而施博兮斯其爲真龍與真
僊潔牲醪以報祀兮坎我鼓乎山之巔揭靈響之顯赫兮制此詞
于蒼堅仙飄裾而行兮龍藏珠而晝眠善視吾赤子兮長與爾爲

豐年


儀鄰堂記

宋鄧 肅沙陽

吳子少緜成儀鄰堂以祀先而謂余曰先君嘗穴土爲墳命之曰死當埋此若身後事當從簡易勿事奢飾不幸捐館余粗治喪事作堂墓側以致歲時之思卷曲散材僅蔽風雨丹雘之飾屏皆不用或過之曰噫陋矣哉母乃儉其親乎爾先人其果安此耶竊懼怨恫之未泯也肅曰余先君與子先君非特薦同年官同等蓋素合志同道者余雖弗得拜子刑曹君子堂下然嘗聞吾先君子之語曰禮與其奢也寧儉喪與其易也寧戚今夫人不務孔子所爲奢寧儉易寧戚豈知道者小子志之今由先君子之言以卜其友之志當無二道也然則刑曹君其安于此也審矣昔杜預過刑山

見有塚焉問耕父曰鄭大夫祭仲或云子產之墓也遂率從者祭而觀焉隧道不窒其前視無所于藏也所用之石不取美者而石不可用于世也預將相士以爲容柩之堂儀制其取法於鄭大夫杜預之賢民到於今稱之刑曹君之志其杜預乎子之爲堂而儉是克承志也吳子于是矍然而起曰子嘗名其堂曰儀鄭其言適與子合豈子之貧然後知子之貧乎抑家世學問初無殊倫與子其爲我記其語可也余曰唯夫晉室未振敵國方強當時羣臣莫有爲進一籌者惟預與張華潛知主意立贊其主赫赫然振師于戈南指卵破車折坐令勳業與日月爭光余嘗謂預之營葬以鄭爲則預之左右晉室實以周召爲則也刑曹嘗則鄭葬矣其所以

則周召者實付後人堂之成適名之而以子之才之學且擬魏科
居住版今日其有爲也夫如是而知儀鄭之意又遠矣



雲雁菴記

宋吳一鳴

古溪距城五十里厥地表而夷厥土沃而厚厥山高而秀厥水環而紆扶輿清淑之氣物不能得而人得之爲君子爲端人正士蓋地靈則人傑固應爾也夫有此宇宙則有此山川吾鄉自秦已隸職方氏涉漢迄隋唐寥寥千百歲未聞姓名通于上國昔胡爲而晦今胡爲而顯與天地之大德曰生流行發達雖頽簷敗壁窮岸絕壤生意未嘗間斷東坡所謂滄海何嘗斷地脉亦有人材爲範模是也昔者常袞使閩始立學校訓導由是貢士與內郡等夫閩猶昔之閩也得常袞而後爲士者盛何地不生才所患未有表率而風勵之者爾吾家由鼻祖伯仲十三公曠十五公卓來自浮光

荆棘茅茨驅其狐狸豺狼而卜居于此教子義方以忠孝稱
于是後來厥紹而怡軒東山藏春三先生繼以學鳴緇晦自將不
求聞達而龜山了齋公深知之且序怡軒之文曰修之身刑之家
施于有政大學修齊治平之事業也其薦東山藏春之書曰好學
有守介而能通則聖門學道立權地位人也龜山了齋豈爲不情
之譽哉自時厥後更唱迭和有書累萬言而力詆新法之害者吳
潛也有奏疏而力陳更化旋被增秩之褒者吳君儒也校文而得
中興良弼者吳方慶也擇婿必取道學之正傳者吳觀也他如策
勳秋闈蜚英學校擢昕廷之第揚仕路之風三百年間肩相摩而
踵相躡龜山謂怡軒之流風餘韻足以遺其子孫而化其鄉者誠

哉是言也一鳴幼從父兄佩服三先生之訓歛衽諸先達之名比壯僥僥每念先生清名大節嘉言善行載之方冊煥如也而未有表而出之使後生晚近紹聞德音至于先達諸公聲沉迹絕亦將湮滅而無傳輒不自揆撰次三先生行實蓋述延平之言志之而非作也刻而祠之雁菴雲際寺且匾曰三賢堂而又旁搜諸牒得天聖以來先達若干人勒之堅珉樹之堂上如一鳴不才以浪先着鞭亦得齒焉他日趾遺芳而掩前聞又將大書而特書矣抑是寺以雁菴雲際爲名蓋隱然有雁塔雲梯之意吾鄉登進士第自怡軒始而是寺乃怡軒讀書之所也故老指爲佳讖今也卽是題名焉豈爲怡軒之美也可尋而是寺之識亦可符與然名者實之

賓也無徒譽此寺之名異時必有歸咎於今日之題名者書曰力
穡有秋孟子曰無罪歲繼自今必因其名而求其實之有志焉則
此寺永爲一段佳話矣嗚呼凡我同盟其懋敬之哉

水雲邨記

宋黃裳

長澗自衍峰道廣教出田坑始從父得之於西南山之麓取其一支停之以爲沼走之以爲渠厨竈之以酌橋跨之以渡異花奇果垂條倚實飄雲墜影在泉之上下有雲于山朝隳而暮合閒適之態虛白之象與夫流水相應以無心相偶以不紛俄然相得于東西杳然相忘于得喪其孰爲此者耶元豐之初余自京師而還省余從父流水之間俯仰行坐瞻顧燕笑及夫日落而禽還山暝而雲收援毫於壁間乃以水雲邨名之而後去自是郡人始知有水雲邨之可樂也尋春避暑車蓋相屬越十有五年友人王公質來京師謂余曰今爲水雲邨主人矣僕將益治之養生于其間予曰

子之得水雲邨固可樂也其亦知水雲邨之得子乎公實之爲人苟可而止不爲生而勞不爲名而僞遇吟而忙得酒而休方東而俄西未始而適莫要其中夷曠而惠直是水雲翁者也君歸乎哉余後數年亦築草堂于衍峰維釣舟于劍潭是時水雲翁藜杖而相尋衍山居士肩纍而忽往與是兩放相得于無情中有舞有歌有吟有謔妙思絕景不可得而究也會歸于至無余之樂也不知水雲翁之樂亦出於此乎然則水雲邨之于我果有分哉故爲之記公實他日相從出此以爲質焉鐫諸石

延平路新修宣聖廟學記

元虞集

至正五年中大夫廬陵文侯富守延平大興其郡先聖廟學明年三月郡學錄郭圭用士友之意請書其事以刻諸廟廷麗牲之石云我國家之制自國都至於郡縣皆置學宮修先聖之祀而教其人以聖賢之書使有以知乎聖賢之道以成俗達材焉內外大小遠近無間也閩越遠在南服去朝廷數千里延平之爲郡在其上游山環其崇川合其清前宋時州名南劍天聖乙丑守臣曹修古始建學於其西山之顛慶歷癸未天下始皆立學而是邦之學先廿年成矣建炎燬於兵紹興劉守子翼改作於郡西龍津館貢院之址近甯不便路守探請於部使者得錢廿萬復舊址後守鄮

椿年繼成之有禮殿設先聖先師肖象有庭有廡有從祀肖象前有殿門南有樞星門殿北有尊經閣又北爲講堂曰進德堂有極高明閣東廡之東有鄉賢之祠崇奉龜山楊氏豫章羅氏延平李氏新安朱氏者也祭品祭服皆有庫又有肅容亭在殿門外其爲學也有直舍齋以居弟子有射圃有庖有廩周之以垣屬諸都宮之門也嘉定十四年陳守宓修之凡六十四年宋亡而學存國朝至元己卯以來守者至皆因之未遑有所爲也至順辛未閩憲分司安禮護世行部斯郡始督有司治之致嚴神座之外支吾塗墁而已文侯始至顧瞻而歎曰君子學以致其道廟學不修則無以行其教教不行治亦不行矣此豈可緩哉乃命工度材修禮殿及


其門廡求曲阜家廟遺像以擬聖人之德容諸賢近古畫像之可考者亦博求其似定王公侯伯衣冠之制必稱其儀物座幄嚴密弗敢褻焉庭甃毀缺易布大石趨行周折佩鳥中度徹肅容亭更築齋廬於塾左以待祭祀名之曰思誠堂自講堂尊經高明之閣悉從作新充壯堅緻鄉賢之祠既撓以壞寓祠直舍之半者久矣侯始大闢其祠有堂有室以奉四君子之像階庭門廡以稱神祠又作堂於殿門西與思誠堂相直校官修其職則聽事於斯也凡學之舍可仍者仍當改者改崇高華煥外藻內實皆親督指授無或虛羨相其成者教授陳陽至也學田自曹侯來始置未克累政纖致增益歲可得米九百餘石司計者習爲不虔耕者歲入寡而

莫之治也侯按籍得逋租之在民者足其修學之用田久沒於浮
圖者命南平監呂眞寶驗其實而歸之得五十石益歲入以養士
延鄉貢進士佐教授官訓導其生徒興化建寧邵武之學者來歸
之絃誦之聲無間於朝暮此修學之大畧也於侯之郡政此其一
耳言學於延平者則有其說矣昔者天生聖人有其德而無其位
徒以其道而傳諸門人曾子出遺書以正爲學之道未幾子思已
憂其失傳而中庸作焉夫子曰我欲托之空言不如載之行事之
深切著明也孟子論古昔治亂之變以孔子作春秋而亂臣賊子
懼已當天下之一治則曾子子思之書所以爲繼志述事之善者
歟非孟子不足以知之也自是而後千數百年否塞潰裂世變極

矣非無小康之時然而三綱淪九法斃未有見正於春秋者也其可謂之善治乎天之未喪斯文也周邵程張五君子者實生於宋夫子之道中興焉於是易書詩春秋禮記之爲教莫不明且行焉皇之所以爲皇帝之所以爲帝王之所以爲王授受心法之精微制度述作之久大發明折衷無復餘蘊若夫天之所以爲天人之所以爲人學其學者皆有以知其性命之理以成已成物焉善推其所至則存乎其人矣謂非斯世之一大治不可也是故宋之有天下土地之廣威力之強則有不如前代者然而諸君子者生焉則其所係之重蓋非人力之所能爲也夫孰敢有所問然哉程子送其門人龜山楊氏之歸已有吾道南矣之歎程子之歎非私歎

也程子沒而宋亦亡道學緒餘不復有聞於中州當時之人亦有知人心之不可收天命之不可復者起楊氏於衰老而用之雖若無及然其正誼明道以救壞亂於危難之秋則亦非小補者矣其南渡也間關自存社稷之臣多君子間於小人不得一日安其身於朝廷之上亦何以爲國哉楊氏與其同門倡道學於閩中一傳而爲羅氏再傳而爲季氏三傳而朱氏出焉端緒淵源正大明白所謂百世以俟聖人而不惑者也名教實賴之故雖絲延微弱遂至於亡然而猶足以爲禮義之國卜之萬世而不可誣者則四君子有以續道脉之正傳起民彝於罔墜固也天之於斯文豈偶然哉蓋有所待也我國家祖宗龍興朔方已知尊聖人之道世祖皇

帝制度考文朱氏之書所以繼前聖而開來學者大臣用以輔治而道學遂與國家之運同盛於今日不絕如綫之緒安得不推其所自乎楊羅李氏皆生延平朱氏以其先人官尤溪而生風雲會合天之所以鄒魯於吾延平者何其厚歟延平之學者見聞得於父兄有非他郡之所能及也其必有以體侯之意不負聖朝崇學之盛者乎侯固宋少保右丞相信國公之孫也國亡死臣節我國家公天下之心風示世之爲人臣者至於今稱之延祐中用大臣言特召公子升至京師拜集賢直學士執經禁近將有所訪焉入使南海而沒今侯之治蓋有所受教矣道義所在莫不興起則其所以勸成於學者又有不在於言語聲色者哉



李延平先生墓田碑記

明督學 熊尚文

豐城後學如熊子者何幸得入先生之境知先生之墓在瓦口山之陽也哉熊子視學始入閩一稟今上功令俾閩士唯紫陽朱先生傳註是遵朱先生實得統於延平李先生焉則李先生者開紫陽之道脉啓百代之眞傳千秋俎豆先生之食報宜也熊子嘗以從祀孔廟抗疏兪旨議行歲庚辰乃以督學遷維揚備兵且辭先生之里往焉嘗訪先生之後先生郡有祀祠家有特廟春秋郡守率屬祀於祠復命博士往祀於其家之廟先生於血食洋洋在上在左右哉先生之祠若廟所以妥先生之神也先生之墓所以藏先生之魄也祠則祀家又祀墓第已焉亦奉牲舉奠未盡之義也

如先生何矧山深墓古草茂狐潛忽爾崩圯漸以藜蕪也又如先生何焚楮成儀披荆護塚以賢者爲先生後力自能爲之而講先生之學宦先生之士者晏然不爲先生計亦罪也熊子宦最拙無能明先生義理上以報朝廷辭尸素唯是交際甚鮮儀節多疎贖緩之餘無愛也出二十金與先生之後爲置田若干畝備春秋墓祀及預年代修葺諸費當是時也郡守倪君助俸十金共成茲舉熊子竊以爲請祀先生於孔廟者崇先生之完念也置先生墓田使得備諸費者崇先生之片念也完念動於熊子錫予之典惟天子是命所不憚抗疏以請期於殫是念而足若是片念熊子萌之賢守令相與襄之豈足傲先生之享先生亦豈借熊子片念以存

斯墓於不朽先生繼往開來之功自千萬世無能朽也熊子諱尙
文江之豐城人登乙未進士郡守倪公諱朝賓浙江之蕭山人登
戊戌進士南平令劉君諱兆元粵之博羅人登甲午鄉進士得並
記

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

延平社學碑記

推官羅心堯

延平故有社學四布列郡城內外先任存齋徐公以館職出爲郡理曾修復建置焉至今父老猶能述其教舉其事津津不釋諸口自公之去浸淫廢爲民居者五十餘年丁亥之秋余承乏此邦睹先賢之餘風覽民生之旣庶竊以爲政首教化學先蒙養苟社學之不復則蒙養之謂何然驟奪諸民不便也歲己丑叨攝郡事凡四閱月贖緩之積約九十兩有奇乃屬許府幕元鄉召四學居民贖取之又以其餘修葺崇飾稱新居焉學旣成請於郡守惺堂譚公擇其民通訓詁有行誼者四人置爲師先是南平縣有爐峰及西崇福寺田山各若干畝往往爲豪民隱佔訟於公庭無虛日余

以爲佔於民與奪而歸之僧無當也曷入官以充社學之費牒請於分守復吾侯公督學雙臺耿公成報可於是歲得租銀四十兩有奇議以三十有二兩分給社師束脯而以其贏餘食飲諸生之課文者秋成之期佃民賦縣縣賦府社師各詣府請給歲以爲常明年之夏太守新塘周公二守霞谷郭公引駕月川漆公則又悉召四學社生寵之冠服教之工歌習學俾明長少於是閭閻童子咸彬彬有禮讓焉君子曰斯舉也豈里社細事哉乃其關於蒙養者則至鉅且要矣倘世世存之無變也教化亦尙有賴乎然天下事始未嘗不成之難而後稍頽廢也爰鑿之石以告後之當事者

薛太尊開南平縣儒學青雲路碑記

明禮部右侍郎清源 黃汝良

今天子申布功令廣厲學宮所爲藉甄陶而闢標薪之路尤重其任於守令彼其奉天子德意帥勵一方教化屬其提衡士習繫之振起利有所當興不難鼎瓶弊有所當剔不憚弦更以故程效易而奏初捷其自博士弟子實嘉賴之顧有歲計之功世計之功德極於世則旋乾轉坤宇宙在手斯不朽之所爲烈也南平爲鐔郡首邑而學設於郡治之西關故稱形勝者在有宋人文輩出以迄我明雲變霞蒸代興而建名世之業者根煥可紀邁者儒效闕疎文運視昔稍遜說者不無遺憾於地靈今歲丁未冬郡大夫薛公以東粵名儒來守鐔興學作人觀風問俗月未浹百度維貞已周

覽山川稅駕於邑庠升至聖之堂徘徊者久之顧謂司馬梁公司
理徐公曰邑學負山臨水雖風氣鍾哉惜也明堂逼近民居路壅
南徂法未盡善恒思有以闢之適會民居火赤地蕩然公曰是人
之相多士以有今日也圖之此爲時矣是時視南平事者司理公
也則悉倚辨司理而守公自捐俸佐之諏日度地伐石鳩工易居
民以地之在官者有鈞利而無觭勝而以蕭丞科芳董厥役始於
戊申季夏甫一月而工畢更名曰青雲路志文運所由興也博士
弟子幸觀厥成因聚族而謀曰守公造士作人功未易更僕數今
茲之役實貽吾黨以不世之利宜以不世識之於是文學黃君履
謙計君貞亨陳君道充肅弊介諸生杜雲鶴黃應賢吳士慶張勳

抵清源而徵詞於不佞盧居中幸獲聞教其奚能辭竊惟國家以
文治治天下唯賢師帥勤宣德意而作興之乃當世之求吏治者
日苛而有司之避吏議者日巧忽然於所當路若罔觀聞卽官守
且不啻市肆蘆蘆視之至於庠序輒謝未遑語以改作殆有甚焉
幾於秦越其士矣薛大夫爲政獨持大體先文事之急而後諸務
不爲一時眉睫之計而爲百年儲士之圖利所當興心獨切焉無
負天子申布功令廣厲學宮至意此其爲尤難此其爲希覯者也
僖公修泮魯頌記之於今爲烈是役也以回天造以協地靈以興
人文三善具矣其斯以爲非常之事非常之功要以非常之原則
大夫灼見之矣自今多士鍾爲人傑蔚爲國華禰薪之路闢而彙

征之途廣翩翩連茹而拔茅秦其事業駕昔人而綦光大之其永
永拜大夫之賜四生奉不佞言復之文學遂勒之貞珉永彰盛舉
焉郡大夫薛公名藩司馬梁公名淳俱粵之順德人司李徐公名
久德江右之上饒人萬曆二十六年孟冬之吉

郡守孫公邑侯陸公德政碑記

明游居敬邑人

余幼時則聞吾郡延平太守孫公吾邑南平大尹陸公亟亟爲民
惠政云蓋洪治辛酉歲值旱魃爲虐天不雨者數月二公率寮屬
竭誠事禱既而天果大雨二公喜天之鑒弗忍張蓋步歸行數里
遂俱遘疾相繼卒於官延之父老子弟戴二公之德相與詣廨舍
哭弔且治棺殮事痛二公之澤不獲終究也又嘗聞諸學士先生
吾邑之舊賢令曰某侯廉某侯敏亦必以陸公爲稱首焉二公之
沒也旣已祀於名宦而延之士民懷思其德相與立祠祀之嘉靖
戊戌前郡守裴君至謂其祠在學宮之側其地爲隘而士民亦以
瞻趨弗稱爲言乃度地更祠於郡東門外大溪之南歲時致祀名

日哀慕云哀者二公之切於爲民而實其躬也慕者慕二公之惠政而足以貽諸無窮也與夫古之詠甘棠之詩泣峴山之碑者異事而同情矣斯舉也蓋義舉也當時吏部侍郎玉溪張公侍御蒙泉包君南湖徐君爲文紀其事距今凡九十餘禩歲辛亥八月陸公之孫刑部郎中陸汝成者奉欽命減刑於閩至延卽拜公祠且慨然以公未有特碑記爲歉因詣余拜言願闡其詳以昭不忘嗚呼顧余曷敢當作者哉然刑部君之徵言則固孝思之至念而亦郡民之所樂談者也又曷可辭乃稽諸志牒採諸耆俊而益知公之履矣公諱嵩字如嵩別號省齋浙之歸安人登洪治丙辰進士初授福州羅源令卽有聲未幾用薦調南平治凡三載餘盡心拊

循民用殷裕邑治舊在郡城之西公時尙仍之潔操勵政鋤奸植
良徭役務減征歛以時而又新學宮輯邑志以淑士章軌於禮教
殆惓惓焉用是吾邑之民得有所庶無俯仰之困無橫暴之侵彬
彬乎絃誦讀書之俗迄於今不衰實公有以遺之也而禱雨乃其
爲民之尤著者耳夫世之爲守令者有功於民其去也則民爲生
祠以祀之若公之作福於吾邑者甚溥卽其存也固宜得祀而况
其死於民事而追祀之於祭法爲尤應於時制爲不悖者乎然則
公之合祀於祠也久爲士民瞻仰之所且慰崇德報功之思而歲
陳俎豆有司盛服將事而黎庶亦得奔走執役於其側咨嗟嘅嘆
之餘慕公之心不將與慕孫公而同其無斁也哉如是則又將使

蒞於茲土者訪公遺蹟而行之以興思齊之念亦是祠之一禋而
公之德爲不忘矣且德隆者其後必昌孫公之子毅齋公今爲大
宗伯掌詹事府事位望烜赫而公之父守瀘州公之伯兄如峴同
公登甲科爲御史世德淵源固已發其祥於前今刑部君克趾厥
美發身科甲蔚有令望而其來閩也方將體聖明欽恤之德敷八
閩平反之仁以繼乃祖之所遺者而益光大之異日躋華陟要未
必不與孫氏而并耀也然則天之報施信乎不忒而以慰公之靈
者豈特吾延之祀而已耶太守秀水沈君初蒞政首崇古哲暨二
守泰和曾君節推縉雲李君以刑部君之意命工镌石來速余文
爰敬書之庶觀者知仁者有後固如此若夫祠之規制與孫公之

名績具在前碑茲不著焉

南 丹 縣 志 卷 十 四

二 四 一

府城隍廟大殿左重建豫章書院碑記

明副田 項 尤溪
使

項聞之先正云龜山載道而南士之從遊者衆惟豫章先生潛思力行詣極任重故獨得不傳之秘於千載之下項又聞其資稟勁特清苦可畏一悟所學之非輒鬻田徒步從師正學先生之志毅矣其所爲學服膺師訓務自心害而去之故一切嗜好無所入乎其心所著詩解論孟師說春秋指歸釋例集解台衡等書又皆議論精核足以羽翼六經而開闢元奧先生之學邃矣遵堯一錄深闢王氏功利之非又其息邪說距詖行之大者他如天下無不是之父母之言扶三綱而植五常潛消逆黨纂弑之禍先生之惠宏矣雖其清介絕俗不求聞達人罕知之龜山則曰唯從彥可以語

道陳幾叟謂曰自吾交仲素日聞所未聞奧學清節南州之冠冕也延平李氏亦曰先生性明而修行完而潔擴之以廣大體之以仁恕其見於師門之所稱許者如此先生道德行誼之實可知矣夫以先生深沉純粹之資師友淵源之自繼往開來之功彰彰較著若彼也顧其所誕育之鄉嚴事之典曠而未舉學者不能無憾焉正德丁丑進賢姜侯始卽城西建祠庶幾致其仰止之心矣繼復改建學之西偏未幾擴爲文廟祠遂廢矣一終星紀未之有復也前溪裴侯來守吾鐔下車未朞月慨然以興復爲己任乃集僚佐暨師生圖所以重建之方僉謂哀慕一祠地勢爽塏鄰於二學隙地一區可以更祀孫陸二子實堪興築廢所遂上其議於巡按

李公分守陳公得報可乃經畫百費鳩工庀材中爲堂奉安神位外爲講堂門廡庖湍之類靡不畢具東西翼以號舍用棲學者堂成屬記於余余謂裴侯之政知所先務矣世之所謂能吏者類多刀筆簿領之務而化民成俗之意顧無慨乎其心侯能追原本始崇祀先哲以矜式後學非有尊德樂義之誠心無以及此况復以身爲教羣萃諸彥躬爲講論開之以道德性命之旨博之以詩書禮樂之文使其知士之所以學蓋有卓然科舉文字之外者則夫鼓舞作興之下豈無聞風而起者乎抑予聞之龜山曰學者學聖賢之所爲也欲爲聖賢之所爲須問聖賢所得之道先生亦曰周孔之心使人明道學者果能明道則淵孔之心深自得之觀夫二

公遠紹遂承立論精切而其所以授受之際亦不越乎道之一言
則夫二公之學亦異乎世俗之所謂學者矣後之來遊於此者苟
能元匹前修日加刮礪居敬窮理存養省察反諸身而求之庶乎
其知所志矣其或於雖放恣綴藻飾以媒利祿釣聲譽則棄不貲
之身於一物之小非我侯所以幸教是邦之士之意也嘉靖十九
年庚子三月七日己亥前進士貴州按察副使提督學校尤溪田

頂撰

南平學師林先生功德碑記

明副使 江士英 建安人

學師之於子弟分也而臨別丐如椽叙懿爍以壯行旌者情也至於澤及一庠功垂百世度越等夷萬萬者則又非剪綵雕辭繪句所能志不朽也南庠學博林君爲吾閩莆中望族自唐茂則公肇興嗣傳九牧科甲而纍若者不可勝紀君復以辛酉亞魁壬戌副榜來署茲庠以興起人文爲己任甫蒞毡卽萃諸生而勤校藝按月課會期弗爽供具必備至品題甲乙靡不心折且不難肢批而節解一字之茹吐弗遺俾人人咸知向往南平北斗共瞻趨矣至於餼金之頒隨到輒給無抵換無侵尅間有預貸者君亦不恡傾囊以應欣如也更周鶉結之士士有枉抑者代爲伸之嘉敏者鼓

朱黑者牖躍治者尤煅煉之而文運丕振士風於變其裨益何如也先是學宮因馮夷蕩析廟貌大媿當事者屢請屢輟弗克終事君造士之餘覺愀然不安於是慨然身任請之邑侯及商諸兩僚遂捐俸鳩工程材辦物首葺啟聖祠以隆原本未匝月而燦然更新漸而及 聖殿漸而及明倫堂凡廡舍繚垣齋房坊表棟宇柱楹門閼棹楔昔之傾圮實陷者罔不繕密完鞏且濬泮池之汙滯樹環池之經營今已吉竣視西齋較麗焉皆君之不遺餘力而次第成功者也諸生入廟而瞻壯麗寧不睹河洛而思禹功耶又念庠附郡郭春秋祀禮僅行釋菜犧牲不成適遇道府縣諸公捐俸助學置田年收租銀若干緡君毫不自染除供課用外冊定若干

以增置犧牲視昔有加歲爲定例此其功之尤鉅者也夫廟貌葺則聖靈妥祭禮增則享祀豐造士興則又人文科甲鬱勃以興所稱垂百世越等夷者此也豈僅尺幅能貞於永久哉君猶警枕下帷擬再上春闈慶效鼎甲無奈直指督學暨諸當道褒旌沓至薦剡加交朝廷亟藉函鼎而石埭之命下矣迺及門諸士念功弗置也請予一言勒之麗牲之石以識其澤夫君之教衍蘇胡才兼韓范署諭而功光庠序必仕令而化溢弦歌異日擢巍登嶠而鴻猷駿烈銘旂常勒青史照耀千秋直與其先茂則九牧輩媿微傳不朽矣又奚藉於汝鐔之氓也然功盡善而澤可久則汝鐔之氓亦自不可少者其備述余言以登諸石林師諱去菴莆田人登辛酉

科崇禎三年庚午季夏穀旦通學門生萬汝輝吳從周游王庭江
榮等同立

督理揚州權政尙書戶部員外郎游公去思碑記

明焦 竑 修撰

今民若商困矣而在維揚爲甚以彼山行川涉之所震驚風霜瘴霧之所侵冒蛟鼉虺蜴衝波急汛之所抵觸幸萬有一安乃得什一之息奉國家之權而以其贏爲俛仰資也頃復以中人四出索之譬之澤竭而漁不已民往往嘸呻而爲塗中瘠者以此歲萬歷癸卯春部使者當代大司農念無如游公賢則牒以往公讓材不任者久之余以謂此大司農之所以急公也夫鼓瑟者紆其大弦和其小弦而瑟乃可鼓若大小弦皆急非戾則絕世所稱權者常銅百貨之饒細若鍼芒一無所漏失云爾以維揚之商罹沓至之

稅大絃之急如小絃矣大者戾小者絕矣非公其孰與紆之余知
公其深大都寬博深厚不好爲排決刻峭而才之所負守之所抵
蓋百口不能眩萬夫不能移焉公少名家子嫻文學負孝友聲籍
籍筮仕問寺上林於俗所謂例者峻郤之不以秋毫之端自緇也
迨蒞維揚壹意以寬商惠民爲計力言於撫巡盡改中人苛稅歸
之有司已而寬減其科條爬梳其敝垢苟可使人蓋不汲汲於取
盈然者卽額之當撻者時時縱舍之念水潦祁寒之苦商舶之不
征者匝月放免糧艘至八百餘緡他可知已然公日視事最勤最
數而下無所遷往者鈔戶苦吏書侵用金錢無算徵解不以時公
多方程督尅期以完而且鐫碑以爲戒雖豪有力者撼之不爲動

自此帑無匿財姦無勦法固非中材願望弛而不張者所能辦也
繇斯以譚紆與縱異先教化後誅罰是之謂紆好姑息墮紀綱是
之謂縱鼓瑟而縱弦則無聲矣爲政而縱民則無政矣公能辦於
此蓋其施在一隅其仁足以示四方其事雖行於一時而其法足
以傳後故采輿人之誦而樂識其事非獨以慰揚人之思將使有
志於民者推公之所已試其法可不待頃而具則公之爲澤彌遠
矣公名于廣閩之南平人以任子起家居恆修身繕性動以聖賢
爲矩矱此不著著其權政可師者俾後人得以觀焉

百
之
果
元
年
四

萬福精舍田碑記

知府張楷廣陵

萬福精舍開山師礫菴老人授法於良治和尚傳臨濟三十四世實天童密雲悟和尚第五世孫也老人本姓劉諱從顯玉融之繇亭人配江氏生二子長道赭次道守初爲儒補閩縣弟子員鼎革後遂棄諸生攜二子入黃蘗山萬福叢林禮時默師披剃老人卽以二子爲法嗣而二子視老人爲本師也後數年老人訪其族兄明杜於劍浦族兄因與何高楨等於庚子夏結廬九峰下居之仍曰萬福不忘所自也庚戌夏老人西歸二子挾其骨往葬蘗山紫凝峰峰下四潭祖塋距今又十五載檀越高鎮等及堂弟熙默以佛宇卑陋復倡募廣拓之翼以寮舍方丈香積等所畧有次第而

又別構一堂於東偏以祀母顏日報親并置香燈田若干畝凡歲時伏臘具蔬果供之此蓋往嚮綿亭遺產原付族人祀母之需者也昔大目鍵連始得六通見母輒悲啼大叫白佛佛設蘭盆濟渡之法敷床臥且盡世甘美以著盆中供一切聖衆雖六親眷屬亦應時解脫福樂無極且使世間修孝行者念念中懷常憶父母作如是供養以酬乳哺鞠育之恩則仰報慈親固亦佛氏之遺意矣由斯以推應不獨二子之敦本爲然也今二子鍵戶焚修盡力園蔬甘淡泊以堅苦行其纘承爨老人餘緒固賴賢裔俾世世保守而彌光則又在繼起者之善爲率循也因勒其事於石使後人知創建有由率循有本庶幾相承於弗替云爾

道南書院碑記

清朝陶敦和

延平道南書院明正德間知府歐陽鐸始建城北龍山之麓後院
既廢壞而爲之師者亦近取南邑中諸先進爲後生輩所推信者
先期上其名於太府太府報可爲師者卽自擇一閒曠之區開館
授徒太府遣經歷官時一往臨視而已故其學謂之府義學師曰
義學師義學師常數十年不易故院中田畝遂佔爲己業轉鬻他
人至康熙間知府周公元文念學中無恆產師生皆難繼處以守
乃支無碍庫銀買田若干畝歲收穀八十石以爲爲師者修脯之
資於是始有書院之田歲戊戌知府任公宗延復相地於紫雲臺
卽府儒學舊基重建道南書院於是始有師生讀誦之舍蓋

書院之興二公之力爲多其後書院歲久不葺而故時衛指揮署
右雍正間嘗設正音書院屋頗宏邃諸生輩皆遷寓其中由是道
南書院反成虛置乾隆丙寅前憲副使張公坦重加修整又禮請
前邑大夫之去位而有文望者使專講習公復時時入省其課與
諸生評講不倦一時士類向風人材蔚起蓋自是而主其席者必
慎選博學有道高明之士以楛式諸生諸生輩亦無不以得入書
院爲榮然而講堂之外廡舍無多而修脯之不足與諸生飯食供
饋諸需皆官斯土者捐俸爲之和不敏爲令南平九年於此仰承
道憲李公及先後太府公樂育人材之意早夜圖所以爲諸生長
久之計謂廡舍之缺則後來者不妨於附近之所賃屋而居惟是

修脯供饋諸需捐俸恐難爲繼又以書院爲郡邑育才之地不宜
獨自爲功故凡邑人之慕義輸金者亦復不逆拒之而樂與共成
其美凡續置田共若干畝稍補修脯之缺尙期修脯旣充當續爲
諸生謀膏火之資而余奉龍溪之檄旋卽得代以去將行諸生請
刻石以記其事其意若欲歸功於余者余不敢當也爲歷叙前此
興復之由使知前人之所以爲諸生謀者用意甚勤而歷年甚久
如是諸生可不爭自奮勉以毋負守土者作人之厚意也哉遂并
記其田畝穀石之數於左而空其下方以待後之同志者續茲未
竟之緒焉乾隆二十一年丙子春

同
集
元
卷
三

重修南平縣學碑記

清朝許廷璠

吾南儒學建於西郊首面大溪址殿山麓九峰環亘雙流襟帶洵足以啓佑文明爲崇聖奧宇考之邑乘前明洪武時改卜於此中間興廢遞嬗我朝自康熙己丑前宰顧公修葺鼎新越今復三十載風雨鳥鼠之餘推頽剝蝕繼以傾圮余於癸丑冬來宰斯土凡月吉誦讀暨春秋時享瞻對徘徊目擊心驚大懼墜茲教基致瘞厥職以貽典禮羞爰進紳士而詔之曰吾邑爲南劍權輿理學名賢接踵紫陽俎豆濟美十哲卽羅李諸彥無不起而問兩廡之牲宰此邦多士久視同家塾則其謀所以妥靈告虔者不可不周且備也况聖天子右文敷治廣厲振興有加無已凡廟中干羽琴瑟

百
二
縣
志
卷
之
五
三
玉豆犧牲之屬咸頒定制以期大備顧茲廟貌圯廢不修可乎紳
士唯唯余率僚屬節俸庀事以爲紳士倡紳士捐助共襄盛舉鳩
工度材從事夔鼓期年而落成自殿祠而兩廡而堂舍而門楹丹
牖燿燦煥然一新以妥神靈以樂育多士弼教化而開文運胥於
是乎在焉是舉也始於雍正十三年六月竣於乾隆二年七月計
糜銀一千 百兩紀勒於石以昭風勸以示後人乾隆二年孟秋
月穀旦舉人陳夢鶴生員蔡解晉彭珏江湘邱志達等同立石

重修南平縣城隍廟碑記

清朝
蘇渭生
知縣
雲南

國家崇祀城隍所在郡邑春秋致祭爲其足以禦災捍患使人民安堵也爲其能爲民請命時雨暘以致豐稔也爲其能福善禍淫足以助流政教也南邑附郡舊址祀郡城隍康熙壬申前令上虞陳公始建縣城隍廟迄今五十餘年牆垣傾圮丹彩剝落且規制迫隘不足以妥神靈而壯觀瞻余蒞任始謁慨然有動於心夫賞罰明威陰陽一理大易不云乎先王神道設教誠以惠迪從逆聖智不能易其說而作善降之百祥作不善降之百殃雖夫婦之愚亦可曉然共喻故爲不善於曖昧之中者卽偶漏有司之文網而卒不能避神明之誅殛城隍之神載在祀典以俎豆於一方固其

尤大顯明赫濯者矣則所以使民生敬生畏而潛消其匪僻之萌者廟制烏容以不嚴哉三年以來捐貲倡率衆志競勸然後門庭翼然堂階肅然報賽有所憩息有室神像莊嚴旣垂紳正笏於上而殿旁以及門廡更備設諸神像以佐之使入是廟者竦然於神目如電知昭報之不爽毫釐則所以助政教而弭慝於未形於此邦誠不無小補云爾功旣訖會余有東寧之役士民僉請曰願有記因序其畧以授之繼此則豈治於不廢後之君子諒有同心云

萬福龍王廟碑記

清朝

蘇渭生

知縣
雲南

古者爲民請命水旱有禱禱於山川社稷之神而已大祝掌六祈
四曰祭祀此以爲禱水旱也亦不言主祀何神漢唐以降始有禱
雨於龍淵龍湫而輒應者蓋天雨莫如龍山川社稷雖神其所以
導陰陽之和而布之下土者匪龍弗靈明矣我世宗憲皇帝念切
民依所在省會敕賜富農龍王之神鉅典煌煌永爲之制其爲福
於生民者至無已也閩南地勢險峻民多依山墾植桔槔俯仰之
具無所于施故雨澤稍愆輒呼庚癸而南邑瘠壤爲尤甚余自蒞
任以來省覽風土每當土膏蒸動之時卽勤勤以望雨爲急務顧
禱祀之所不專是無所藉以致其虔潔也因擇地於九峰之麓卽

南 平 渠 記 卷 三 十 一
萬福菴故址而稍拓之芟雉荒穢次第葺治以爲龍王之廟按邑
志明末有高士劉從顯棄儒冠入黃蘗山萬福叢林披剃歸而結
菴奉母隱居於此今廟仍顏以萬福庶不歿前人之遺跡云廟當
九峰深秀之處疊嶂蜿蜒林壑幽茂面南城而俯兩溪凡官民商
旅之往來風檣雨楫之止泊無不畢集於其下而一入廟門峰迴
徑轉不啻杳然別有一天地矣當溪之濱建坊曰龍津勝地此登
進所自始也折而上爲環翠亭可以小憩亭之右爲醴泉有池窪
然清泉滴滴自石龍口中出洵源頭活水也其上爲雷公殿雲行
雨施必豐隆列缺爲之先後也殿之左爲山門門內牆陰爲慶雨
樓備報賽也循階而上爲龍王殿敞朗正中亦嚴翼也殿後有報

親堂卽劉高士故蹟廡下有碑記顛末頗詳悉其上爲三寶殿山僧之所以奉西方聖人也其後爲止觀軒倚山爲垣嵐光竹樹倒影入眉宇皆作絳綠色於銷夏爲最宜右垣之外當山徑而寬平構九姑神殿於其地俾士民之祓無子者祈焉至是而廟之規模於是乎粗備矣是役也經營凡兩閱歲凡一椽一瓦悉出俸薪之餘力故不得不崇簡樸亦聊以備一方之典祀而三年以來幸邀神貺雨暘時若使四民各安其業而宰斯土者亦得藉手以告無罪焉則是役之興烏可已哉工將竣役人版築取土得古碑一方文字清雅可讀蓋宋理宗寶祐四年知軍州事湯公得兩謝祀之文其祠有曰曷感速而施博其唯眞龍與眞仙則知此山之祀龍

神不謀而適合於古而世遠年湮紀載荒落並湯公之名姓不復見於志乘今乃於神廟垂成之日而五百餘年舊刻忽自呈露於苔埋土蝕之餘亦可以見人事廢興境地顯晦皆有數存乎其間而神靈之默贊於幽冥者非偶然也因取原碑置諸壁間並不揣荒陋而自記其緣起於此

重修豫章羅先生祠碑記

督學沈 涵

涵既疏御書褒賜延津諸儒以今年春正月頒賜至閩而豫章羅先生得奧學清節四字與楊李二先生四額并懸於郡城之道南祠邦人稱盛事焉故道南之有祠原以奉祀龜山先生而羅李並配之非專祀也居數月太學生羅圻彬偕其從子祠生羅岫然踵門告云我祖祠在南平之羅源鄉創自明正德間重修於嘉靖今歲久盡圯岫然獨力修之工竣恭勒御書於石而請爲文以記之涵曰嗟乎祠之廢興固有時哉雖然有廢有興者時也其所以廢而復興者道也嘗考宋史先生生於羅源窮約不仕晚就博羅主簿乃卒於官越數年而喪始歸葬至寧宗嘉定年郡守劉允濟上

公所著遵堯錄賜贈諡焉然則先生之在當時遇亦寡矣固天能窮於生前而不能晦於身後天能使之流離老死於南宋衰亂之季而不能不使之大彰明於興朝全盛之時嗚呼是孰致之然哉長楊五祚九成仁壽之屬雖以帝王之威力而不能保杯土之或存卽如宋世閩中士大夫若章惇蔡京惠卿之徒身都卿相當貴權勢非不赫赫動人也迄今烟消草滅求片壤棲神之所而不可得者以先生章布之微下吏之賤道途客死之窮顧乃身沒未幾名播於國書獻於朝賜爵上公崇祀聖廟又五百年而遭逢右文眞主宸章褒寵照耀古今使薄海內外無不知先生其人者豈非道之所在歷萬古而不可磨滅有如是耶涵旣而深喜斯祠之成

又嘉岫然之志而望其力求大道以克光祖烈仰報國恩也於是
乎書康熙丙戌夏月吉

平
之
集
一
〇
三
一

李延平先生祠堂碑記

清朝于辰

理學之昌自朱子始上接孔孟之傳中衍伊洛之派下開千萬禩道學之脉至於今考亭雲谷羣奉不祧之祖蓋砥狂瀾於一柱廻長夜而復旦矣顧其薪傳所自或以龜山載道而南闡明理學遂使理一分殊之說軒豁呈露丹山綠水至與濂洛關齊名而不知劍浦之濱九峯之麓以一髮引千鈞絲絲延延寢以昌熾者則延平先生之力也考先生年譜在南渡後河洛失傳其時距龜山又遠龜山高弟未有聞者潛思力行任重詣極唯豫章一人豫章復官下僚無所張其學里人恒目爲固使先生稍汨沒於俗學不以澄心體認爲事將君子之澤五世而斬周程楊之緒不中絕而止

尚望其開微國於將來耶且天微國之學其始固未能深造自得以至集大成也從受業者不過籍溪白水屏山三先生而已既而與僧謙開善遊又淫於宏開勝大雖薰德器於黃中悟太極於南軒深切鏖於東萊而其始終精思實踐一意下學本之延平爲多觀其自言一見復來必益超絕又曰自見李先生爲學始就平實則其所得方可知矣故其後也王淮指爲濟僞林栗誹其欺慢佞胄繼祖肆爲醜詆不遺餘力從遊之士屏伏邱壑依阿澆忍更名他師甚者變易衣冠野處肆市以自別其未嘗學問之禮義又其甚者操戈入室持矛刺盾落弁下石比比而是文公獨以孑然之身當謠詠之口流竄放殛置之度外堅守師傳講切不舍力持斯

道之統者垂數十年非其耳濡目染於先生者深亦安能信道之篤若此哉嗣是直卿季通景元華父諸先生輩藉以講習服行名學成德者甚夥雖紫陽甄陶之化而先生淵源之自其亦不可沒也矣昔孔子承精一之統以傳其徒曾參曾參傳孔伋孔伋傳孟軻氏孟子當戰國之時楊墨充塞聖道不明息邪說距詖行辭而闢之使後之學者知宗孔氏功誠偉矣然向無子思存什一於千百則亦魯連荀况之流耳世徒知尊孟子之功而未知子思子之續之也今龜山之於閩譬則孔子也豫章則曾子也紫陽則孟子也匪延平爲之子思亦何以化海濱於鄒魯哉故有龜山不可無延平有豫章不可無延平無延平是無朱子也然則先生非特一

郡之延平實全閩之延平非特全閩之延平實濂洛關之延平且
非特濂洛關之延平而實堯舜禹湯文武周孔之延平天下萬世
之延平也辰視學閩中至劍津首謁先生祠見其棟宇黜堊多傾
圯漫漶者慨然曰以一郡而所關甚鉅且重如此聽其湮沒胡可
哉謀於臬副姜順龍太守褚祿別駕高玉棟邑侯初元美僉以爲
然乃捐百金爲郡縣倡且令屬邑師儒咸仗助焉得若干緡鳩工
庀材輪奐復新旣迄事諸公以書告辰且屬爲記辰惟先生之道
德學問載在全集及問答諸篇甚悉讀先生書者自知之無俟辰
之觀縷也第述其道統之由來甚重興廢之關係匪輕用壽諸石
以告後人於無窮焉


惠獻貝子祠碑記

清朝

祠之建所以報有功懷有德誌不忘也傳曰有功德於民則祀之以勞定國則祀之以死勤事則祀之矧兼而有之者吾儕感戴尸祝曷其可已惟我寧海將軍惠獻貝子宗藩元老忠勇性成勳載盟府藏於史官乾隆五年奉聖天子詔業已崇祀賢良廟食京師矣今督憲德公節鉞來臨克承先訓維祖孫相繼忠孝乃心靡不在公家天子復加賚之以獎成勞昭世守也貝子削平耿逆閩浙咸仰深仁而吾延建邵三郡沐其功德爲尤鉅方耿逆變時僞都督曾養性領兵抵延郡守開門納逆於是逆黨橫征暴斂踞民廬舍掠其子女玉帛遣兵收建邵亦如之民不堪命康熙丙辰秋八

月間康親王帥師由仙霞關入閩關上潰卒退保延平貝子從慶
元問道下松溪直抵建甯吏民皆安堵如故逆惶懼不知所爲則
僞言大兵將屠城以搖惑衆心延民金德化等夢唐招討李先鋒
神告曰此來仁人之師行見輯寧耳九月貝子由建寧會親王至
延衆焚香以迎王師養性遁去貝子下令安民集紳士耆老慰諭
諄切若家人然逆所掠子女玉帛悉還民間是月大疫貝子出軍
中自製藥餌遍施全活無算駐延凡五日出斯民於水火而登之
衽席郡民慶來蘇焉當是時逆耿之據閩南以犯浙東者唯恃三
郡咽喉地自上游靖而殲逆猶反掌耳乃耿逆甫平貝子旋以焦
勞太甚竟薨於福州行省是傳所載祀典有三貝子洵兼而有之

今聖天子加禮貝子備極優崇闔浙廟貌業加修葺延建邵獨無
祠宇今七十年於茲幼者壯者老者終其身享太平之福者伊誰
之賜而寧忘之祠以乾隆辛酉歲乙未月辛亥日興工越明年辛
丑月丙午日告竣紳士軍民咸載歌曰昏狂不戢兮廟無厭貝子
來兮厥魁殲生吾民兮安養恬百年來兮膏澤淹祠奕奕兮民仰
瞻俎豆馨香兮容有嚴孝孫有慶兮福德兼視鑄石兮光炎炎



重新南平縣學碑記

清朝官志涵邑人

學校育才之地廟貌不崇無以示尊禮學宮不飭無以資講習南平學自洪武遷建以來屢有修拓國朝鼎革之後左右廢墜儒學前街道多爲居民侵佔徒於邑乘間求髣髴而已自予遊庠序時邑人士每懷復制而無所藉手歲己卯宜燮吳公自尤溪來知縣事詣學之日睹傾頽狹陋之狀慨然以爲己任博士范公從而贊之因以鼓舞邑之人士於是首事諸君子皆義形於色謂其事不可更緩乃分隅勸捐闕明年庚辰三月吉日遂以興事予時在連江聞而壯之愧於諸君子無能爲役而諸君子從范公後稟憲於吳公考舊制計丈尺擇界址度易置始自先師廟迄夫學博士官

署一從乎新廟故卑崇之尺有五寸明倫堂故淺深之加八尺廡廊門牆皆稱是此仍舊址而新之者也他狹窄不可規度者必清其侵地爲之方清地時守法者還官護券者予直尙義則受半直而以其半輸捐於是得於學左建教諭署廟右建訓導署以向教諭借住之海公祠爲名宦祠於其右建鄉賢祠一補從來之闕而以范公捐建之署爲海公祠又以訓導新署後地建爲文昌宮而以明倫堂後山之文昌宮改建啓聖祠俾去廟右之僻狹而就伉爽復正泮牆之東立學門不與廟門相逼蓋至是規模大壯矣計其工纔期月可竣唯以舊建萬里鵬程坊爲長亭直達舊府學街地久佔塞學使汪公藩憲德公直人士之請而不克開也繼逢觀

察楊公郡伯蔣公張公縣尹張公一時同心主持乃得還故蓋遲之幾十稔矣故禮門畢功爲最後茲役也糜金三千七百餘兩皆邑人士所捐出憶曩者議修欲於何德盛質庫捐銀三百兩許之入籍考試吁何陋也今大工告竣所未盡闢者青雲路耳有心者善爲之無慮不成顧予所尤歉然者大道南來羅與李二先生當繼開之任二先生南平產也考其挺興適在熙寧建學之後有明一代才賢後先相望亦蔚發山川之秀我朝右文興賢重熙累洽聖天子廣厲學宮無所不至當道大君子拳拳興學嘉惠扶掖士遭逢斯盛寧惟是攻時藝取科名已哉廟學維新扶輿磅礴積之氣一振必有人焉以應之書曰臣爲上爲德爲下爲民洪範曰

人之有猷有爲有守皇則受之上之所求也周禮樂正崇四術司徒以鄉三物教萬民而賓興之學校育才諒在斯乎希賢希聖非異人任區區之心誠愧乎此竊欲與諸君子共勉之也因不辭固陋而爲之記

乾隆三十五年五月吉日

建萬里鵬程坊並充聖誕祀田碑記

官志涵邑人

南岸廟學自乾隆己卯縣尹吳公學博范公倡率庠友興修至於己丑工及十年猶有青雲路未闢萬里鵬程坊未建所謂行百里者半九十里蓋幾幾乎力莫殫矣職員章君睹首事之竭蹶悵大工之莫究喟然興歎曰先生長者與諸君子竊竊憂之屢於某乎詳言之豈真肯不棄令某合浮圖尖乎其勉思所以成長者之美爰出其囊中金賈屋而拓之自萬仞宮牆南至溪澗左至大溝牆內外俱屬學基右至陳姓牆及陳店爲界計長一十四丈六尺橫七丈八尺是爲青雲路皆石甃堅緻履之如砥建坊於其中衢仍其舊題曰萬里鵬程高若干丈廣若干丈飛楹纍拱巨麗偉觀工

始於乾隆庚寅四月二十六日竣於九月十六日新復金帶街地
並石甃之糜白金六百餘兩皆章君一人橐也已而復出金山塔
路下腴田稅穀一千觔充爲聖誕祭費吁世之震威覲福輸財於
神廟者所在多有至於宮牆觀瞻之屬賢才所由興而聖人之生
萬世永賴祀事之修尤足以補典禮之闕事孰有亟亟於此者今
章君所爲如是可不謂賢乎而吝者或猶竊竊議其後也人之度
量相越豈不遠哉余嘉其舉特爲記泐之石後之人得以覽焉其
猶有幸於是役也歟

捐置聖忌祀田碑記

官志涵 檢討
邑人

端木氏有言夫子之不可及也其生也榮其死也哀周子曰道德高厚實與天地參而四時同宜夫萬世無窮王祀夫子報德報功之無盡天下所在皆有廟祀春秋二丁之外或於夫子誕日或於夫子忌辰捐貲備物此則庠友所自爲不在二仲之列予遊京師太常寺贊禮郎某來邀捐貲爲夫子誕辰之祭同人擇一寬大屋宇集祭其間特出夫子行教畫圖懸之中堂吾南庠諸友前後勸捐鬻田爲誕日忌辰之祭甚矣南庠諸友之義也能尊師也不忘本也斯二祭可與二仲同垂不朽矣然田段由來不容忽沒而收租致祭尤不可無稽於是臚陳田段租數及捐置個人刊於石而

百 平 鼎 記 卷 三 三
屬涵爲之序夫子德盛化神自歷代帝王下逮公卿大夫及販夫
暨子無不肅然起敬雖亂臣賊子不敢褻焉况在膠庠者乎報德
報功固宜無所不至然則此一石也不誠重有繫乎吾知永永有
神呵護之也寧慮後日之淹沒而無所考哉


演武塲碑記

傅爾泰
知府
滿洲

延郡爲上游通衢京省孔道山峻萬仞澗繞雙溪城垣廡舍半錯
落於層巒疊嶂中登峻嶺以陟奇峰面崇岡而行複道欲履平阜
蓋亦鮮矣出郡東門折北二里許地勢稍坦爲延平演武習射地
延郡自國初設協鎮統兩營凡講坐作進退之法申止齊步伐之
道者均於是寄卽歲試生童亦於是乎較焉塲故有公廳以爲各
官憩息之所基址狹隘僅數椽耳而高下奇零冬會操春較試墜
馬破頭目擊纍纍上無以崇體制下無以恤卒伍爲憮然者久之
越明年關中李公以講武之暇來謀於予予曰修廢創新誠善舉
也公何憚而不爲哉是非崇體制恤卒伍卽欽差按臨歲時較射

均可一勞永逸昔蘧伯玉恥獨爲君子公或力有不贍余則何敢
歧視焉公因相形度地庀材鳩工更其制而一新前列捲棚大廳
次列退廳廡廡左爲更衣室右爲厨竈房塲之東偏建打靶亭一
所厚其墻垣高其梁棟廣其堂室敞其規模共屋二十四間經始
仲夏未匝月而工成凡攻木攻石之類皆公親爲督理雖烈日侵
膚淋雨沾足亦不少避公廳旣竣馬道亦寬費金錢二百八十千
有奇時制軍奉天子命簡閱軍實抵南劍語予曰是豈諸鎮協營
之所能耶費用數目可撥司庫開欸毋令自捐廉俸而公則先期
以郡城並永邑房租動支矣不敷之項公意欲同趙邑令分認焉
是役也財不費而人不疲非公之大公無我治官事如家事何若

是之奮迅也哉他日與公登斯堂也仰九峰之峭立而壁壘改觀
俯雙溪之奔流而軍容煥彩是不獨士卒蒙庥將六邑生童羣沐
仁德於未艾吾亦知公慷慨於官守之無曠耳公諱如筠字松友
壬戌會元由侍衛出官潭汀泉興所至皆有聲余既喜附同舟之
雅且悉修建始末因爲之記



姚制臺學田碑記

徐

哲

知縣
維揚

國家養士有餼庸非獨優之也士無治生之具故多貧自服古至入官皆責之以廉餼廩之設懼士之貧而喪其守也總督姚公手闢漳海削平十九寨島門如同再造武功未畢卽頒定誠士條約按李課文士在困苦流離之中莫不歛抑受裁如木之從繩金之在範孟子曰無恆產而有恆心者惟士爲能夫恆心固士所常有也然必以歲寒寄松柏何如雨露滋培使之冬夏長青哉元公早念之徧施重貲於膠庠去歲仲冬頒到銀六十兩置腴田存縣學以賑貧士仍然八郡邑宰正供條銀之外什費盡從蠲免庠諭孝廉許君文章遵依憲諭選得誠懇生員謝士超梁友鶯陳有齡等

於癸亥五月將銀六十兩訪買得近地良田苗一石五斗零五勺
年收租米一百五十斗零半升諸生親自到田會佃策繳承佃一
本共三十三張不論歲暮豐歉計條銀倉米挑運外實收正較筒
官斗加二米一百斗到學分給貧生懼其久而滋弊也乃將田段
坐址所收產粒各佃花名載在新立姚興儒戶者逐一勒石登記
後有挺然入爲良士出爲廉吏始終不以貧窶累心者皆斯舉之
大有造爾哲衝繁下吏四壁蕭然未能擴充盛典謹細述其事庶
幾世代相沿不失作人至意云康熙二十二年六月穀旦

建築邑城石路記

周賡慈

路政之重匪自今日始周禮匠人營國司空視途由徑遂以達於
畿自理閭以及於野車馬所至蕩蕩平平近則東西列邦市政脩
明日新月異試一過彼國都與乎繁盛市邑莫不軌道縱橫輪蹄
絡繹賓至有如歸之樂行旅無蜀道之難覘國者恒以此卜國度
之文明焉吾國自與外邦通商互市以來勵興市政不遺餘力通
都大邑靡不建築馬路廣闢市場車水馬龍用臻同軌之盛閩省
自前巡按使許公創修馬路督軍李公復推廣而擴充之市政大
昌車擊轂人摩肩繁盛倍於疇昔南平爲閩北重鎮祇以距省寫
遠風氣未開市衢湫隘囂塵過者掩鼻路政之窳固守土者之羞

耳曩者道尹蔡公會屬南平父老而告以清道之重與衛生之亟宜講求也於時吐叱哩醫院院長美人蘇雅各君熟於工程因以平治道路爬梳溝渠諸務屬之昔之湫隘囂塵者已漸次廓清矣客夏時疫流行前知事袁君世鍾復奉道尹命設清道局一所董率市民昕夕洒掃通衢曲巷以潔以清而疫不爲患及廢慈權攝縣篆邦人君子咸以清道祇收功於一時不若建築石路之一勞永逸也復以蘇君雅各總監路工並公推鄭君鼎銘董其事屢開會議規畫周詳議成請諸道尹道尹欣然曰此予之夙志也爲捐二百金並命督課是役時陸軍第一師師長姚公旅長張公亦以斯舉之有便於民也慨出多金促成之合之地方紳商捐款約六

千餘元其工值每英尺縱十尺橫十一尺計洋十二元其距離自東門徂西門凡五百丈經始於民國八年七月迄九年四月落成以視原有路綫則屈者以直狹者以廣行旅商賈咸嘖嘖稱便焉用勒於石以昭來許

前
列
果
記
卷
一
日

一
二
三
四
五
六
七
八
九
十

序

遵堯錄序

宋羅從彥

堯舜三代之君不作也久矣自獲麟以來訖五代千五百餘年惟漢唐頗有足稱道漢大綱正唐萬目舉然皆雜以霸道而已有宋龍興一祖開基三宗紹述其精神之運心術之動見於紀綱法度者沛乎大醕皆足以追配前王之盛故其規模亦無所愧焉在太平興國初太宗嘗謂宰相曰朕嗣守基業邊防事大萬機至重當悉依先朝舊規無得改易仁廟見東封西祀及修五清宮等過侈曰如此之事朕當戒之若二聖者其知所以紹述者耶故終太宗之世無復改張終仁宗之世一於恭儉至熙寧元豐中不然營心

鞅法甲倡乙和功利之說雜然並陳宣和之末遂召金人犯闕之變蓋其源流非一日也今皇帝受禪遭時之難憫生民之重困也發德音下明詔悉剗熙寧弊法一以遵祖宗故事爲言四方企踵以望太平矣議者猶謂金陵之焰勢未能熄天下皆其徒是抱薪而救之者也臣懼其然也竊語諸心曰昔唐吳兢作貞觀政要錄本朝石介亦有聖政錄豈苟然哉因採祖宗故事四聖所行可以楷今傳後者以事相比類纂錄之歷三季而書成名曰聖宋遵堯錄其間事之至當而理之可久者則衍而新之善在可久而意或未明者則釋以發之以今準古有少不合者作辯微以著其事又自章聖以來得宰相李沆等及先儒程顥共十人擇其言行之可

考者附於其後若乃創始開基之事廟謨雄斷仁心仁聞則於其君見之襲太平之基業守格法行故事竭盡公忠則於其臣見之爰及熙豐之弊卒歸於道分七卷添別錄一卷合四萬餘言欲進之獻座力未暇及而秋毫之間已爽忽矣然事固有始睽而終合失之於前而得之於後者古人有之若周成王楚文王秦穆公是也不久朝廷清明金人竄伏且當有以來天下之言輒紀歲月以俟採擇靖康丙午十月日延平臣羅從彥序

南 斗 集 卷 之 一

春秋指歸序

宋羅從彥

余聞伊川先生有緒言曰三王之法各是一王之法春秋之法乃
百王不易之通法也聖人以謂三王不可復回且慮後世聖王之
不作也故作此一書以貽惠後人使後世作者不必德若湯武亦
足以起三代之治也大畧如此春秋誠百王之通法耶先儒之說
春秋不然先儒紛紛不足道原本刻云此處有說孟子於聖門蓋得其傳者
也曰王者之迹熄而詩亡詩亡然後春秋作又曰春秋其事則桓
文孔子成春秋而亂臣賊子懼此孟子之說春秋者也然未嘗以
春秋爲百王之通法也伊川何從而得之哉已而反求諸其心不
立一毫不失不曠一以其言徵之豁若夢覺曰春秋之爲春秋也

尚矣乃今知之自周室板蕩宣王撥亂反正其詩美之小有吉日
鴻雁大有崧高烝民不幸繼以幽王而驪山之禍作焉然而文武
之澤未殄也故平王東遷人猶望其復興也及其久也政益衰法
益壞黍離變爲國風陵遲極矣方是時也去文王已五百餘歲矣
冠屨顛倒夷狄亂華天生聖人又不見用春秋於此時倘不復作
天下不肖爲夷狄禽獸者吾不敢信也故夫子因魯史一十二公
始隱終麟以二百四十年之事創爲一代之典善善而惡惡是是
而非非寬不慢猛不殘文不華實不陋久而彌光可以垂後世傳
無窮眞後王之懿範也所謂考諸三王而不謬百世以俟聖人而
不惑者其此書之謂乎或者曰春秋其事則桓文孔子成春秋而

亂臣賊子懼其信然乎曰春秋自隱公以來征伐四出盟會紛然
迨莊歷僖楚人大爲中國患於時尊天子攘夷狄使天下不遂左
衽者桓文二公之力也故伐楚之役齊桓見稱城濮之戰文公以
斬自後世言之二公之功烈莫盛焉自三王之時言之不免爲罪
也首止之會河陽之狩是也夫子因其事而闢之以明王道故曰
春秋其事則桓文古之聖人能以天下爲一家中國爲一人者非
有甚高難行之行卓異之術也君君臣臣父父子子而天下治矣
書曰天叙有典勅我五典五惇哉天秩有禮自我五禮有庸哉蓋
典也禮也皆天也堯舜之治天下不越乎君臣父子之間而禮以
文之者也故春秋誅一世子止而天下之爲人子者莫敢不孝誅

一大夫盾而天下之爲人臣者莫敢不忠故曰孔子成春秋而亂臣賊子懼孟氏之言抑有由也或曰孔子刪詩書定禮樂贊周易三王之道盡於此矣而又作春秋何也曰五經論其理春秋見之行事春秋聖人之用也龜山嘗告人曰春秋其事之終歟學者先明五經然後學春秋則其用利矣亦以此也久矣哉春秋之拚於傳註也猶鑑揜於塵不有人焉刮垢摩光以還其明則是後之學者將終不覩聖人之心天下生靈將終不見三代之治而夫子生平之志將終不行理必無是也此伊川之所以有春秋傳也近世說春秋者多矣政和歲在丁酉余從龜山先生於毘陵授學經年盡哀得其書以歸唯春秋傳未之獲覩也宣和之初自輦下趨邾

鄆門人尹焯出以授予退而攷合於經驗之以心而參之以古今之學蓋其所得者十五六於春秋大義譬如日月經天河海帶地莫不昭然微詞妙旨譬如璣衡之察時有所見用是掇其至當者作指歸又因前人纂集之功分別條章裁成義例者作釋例未知中否要須雍容自盡於燕閒靜一之中遲之以歲月積之以力學優而游之使自求之饜而飫之使自趨之則於春秋之學其庶幾乎

下
之
果
其
身
之

日

一

羅豫章先生遺藁序

宋馮夢得

豫章羅先生潛思力行任重詣極上接伊川龜山之傳下授延平
晦菴之學東南學者未能或之先也余後七十歲而生異時聞先
生在羅浮山靜坐三年所以窮格天地萬物之理遵堯序錄其言
帝王行事之道著焉春秋等解其言聖賢製述之意備焉詩記東
牘其言講明自得之旨深焉屬時多故資志而沒道之不行有以
也咸淳庚午十月既望先生之從孫泰孫出此編示余於龍津驛
舍且求鄙言序其首余惟先生之道德學問聞於朝錄於太史傳
誦於天下之經生學士固不待遺藁而顯而此藁亦不待此叙而
傳然不辭者自以生髮未燥時已知倣慕今六十五年矣泰山巖

巖魯邦所瞻若獲掛名於文字中以自托於門人弟子之末豈非
時展之至願也哉春木之芾兮授我手之鶉兮茫茫九泉憂莫起
之後學馮夢得敢拜手稽首而爲之書

考文質先生居羅源里晚年乃爲博羅尉初未嘗至羅浮本傳於
築室羅浮山下有謁時將溪上之語是羅浮山浮字當爲源字之
誤若羅浮去將樂幾二千里未必能常將溪上也

李先生文集序

宋趙師夏

延平李先生之學得之仲素羅先生羅先生之學得之龜山楊先生龜山蓋伊洛之高弟也李先生不特以得於所傳授者爲學其心造之妙蓋有先儒之所未言者今觀此編與行述之所紀智者觀之當見之矣始我文公朱先生之大人吏部公與延平先生俱事羅先生爲道義之交故文公先生於延平爲通家子文公幼孤從屏山劉公學問及壯以父執事延平而已至於論學蓋未之契而文公每誦其所聞延平亦莫之許也文公領簿同安反覆延平之言若有所得者於是盡棄所學而師事焉則此編所錄蓋同安旣歸之後也文公先生嘗謂師夏曰余之始學亦務爲儻侗宏闊

之言好同而惡異喜大而恥於小於延平之言則以爲何多事若
是天下之理一而已心疑而不服同安官餘以延平之言反復思
之始知其不我欺矣蓋延平之言曰吾儒之學所以異於異端者
理一分殊也理不患其不一所難者分殊耳此其要也今文公先
生之言行布滿天下光明俊偉毫釐必辨而有以會其同曲折致
詳而有以全其大所謂致廣大而盡精微極高明而道中庸本末
兼舉細大不遺而及門之士亦各隨其分量有所依據而篤守循
序而漸進無憑虛蹈空之實者實延平先生一言之緒也世之學
者其尊信文公之道者則以爲聰明絕世故其探討之微有不可
及至於不能無疑者則又以爲其學出於性習之似得之意好之

偏而已而不知師弟子之間離合從違之際其難也如此嗚呼此蓋爲千古計也豈容有一毫曲徇苟合相爲容悅之意哉北海王耕道舊讀此書而悅之撮篆姑孰取之刊之郡齋以畀學者其惠宏矣師夏贊貳於此因得述其所聞於後以告同學者蓋丙辰夏夜之言也幸貫其僭嘉定甲戌三月望日

原稿缺

原
稿
缺

南 平 縣 志 卷 之 一 一
惟先生一人焉見之其青天白日也豈偶然者哉先生之學未竟
其志其所得亦未盡行於時且早世未及論著成書所可概見者
應世之文耳然流落散帙復已強半先生之子修齡氏庭楮哀輶
而梓行之大方之學固不在文詞之末其所以垂世不朽者亦不
待此而後傳然兔蹄魚筌論世者賴焉修齡肅然清白之後置百
務而首先爲此若先生可謂有子矣修齡以余肺腑刻成徵余
序此非膚末之任也然一念愛慕之私自兒時至今有不容默者
故僭述之附見姓名於末簡以自托於門人之列云

竹溪序

宋狀元姚勉
瑞州

竹與溪之清相宜也清者好焉延平吳君家於劍溪之上種竹於斯讀書於斯而區其所曰竹溪俾余書之余與君同好此者也敢附會乎竹溪之說直節摩霄修絲擁翠如幽人之正高不可攀如君子之儼溫與厲其風晨月夕憂鏘鏗而箴簫瑟是竹之清也而淡實宜之夫淵淵汎汎縹風而鏡霜可舟可漁鷗宮鷺室澄澈而吾性淪漣而吾文徹石濺磯其佩鏘而雪躍是溪之清也而竹實宜之溪不竹則不幽竹不溪則不曠使人於此灑然冷然空塵慮而淡世味非兼是不能伯長清者也故能兼是好焉想夫夜雨水生新碧淨滄赫日浴波陰風觸冰月搖清影雪壓疎枝煥炎涼寒

之遞變而一清不改乎四序伯長於是溪是竹之間探囊而吟撫
琴而歌展書而讀舉天下之聲色榮利不可易也雖然伯長之所
好寧第清而已哉吾聞葛陂之水竹而龍延平之津劍而龍安知
夫竹溪之竹不侔劍溪之劍哉而伯長魁於閩省則溪上之竹爲
此爲螭且將溥是溪之涓滴以霖雨天下矣抑有本焉衛風之詩
曰瞻彼淇澳蓁竹猗猗釋之者曰咏淇水而有取乎叢竹以其清
節之映於水也咏菜竹而取乎淇水以其澤潤之盛於竹也故君
子有取焉有切磋之道講於學已精而益求其精琢磨之功修於
身已密而益求其密秉而爲瑟憊之恂慄發而爲赫喧之威儀極
而爲民不能忘盛德至善有本者如是也伯長之竹於溪不是之

取乎是說聞諸紫陽紫陽聞諸延平延平伯長之鄉先哲也得於
流風餘澤者宏矣維劍之溪卽水之淇維溪之竹卽淇之筴余欲
賦竹溪之說請歌淇澳

可
之
集
示
之
之
之


琴堂序

宋吳儀

琴之爲器古於堂上之樂也堂上之樂有玉磬有琴有瑟而堂下之樂有祝故鼗鼓鐘磬笙竽簫籥簫管是爲雅樂之器今皆不用於朝廷郡縣庠序鄉射之際故時俗寡得而聞雖若琴笙簫管形制僅存於世而笙籥管又流別於胡部惟琴得用於士君子與夫幽人野客閒居燕處之間蓋古者士無故常自御琴瑟而不專於樂工之事故其專積久而其用特隆矣然時變樂墮殊失其法太古之琴有尺二寸而一絃後世聖人裁爲三尺六寸而虞舜益之以五絃至周文王復增二絃變宮徵而爲七其巨絃寓名黃鐘而推當於宮次太簇商次姑洗角次蕤賓變徵次林鐘正徵次南呂

南 琴 志 卷 十 六
羽而最後爲應鐘變宮三分其絃之長以備上中下三十六律之
聲總而計得一百五十二聲當用其於均操抑按之次而律呂旋
相之不同亦皆牽是七聲以聲爲法而不可推依於一律以爲聲
而不可溢今之爲琴一切異古長及尋仍短隱肘袂而無定數驟
易三絃使協仲呂而爲商角去其變徵而增少宮少商或一操而
偏用於衆律或一引而涉歷於數徵其度曲之無制聲或不依永
律或不諧聲徒侈煩音之美聽而已雖然觀其曲無奇邪艷麗之
詞以盡惑人之志意聽其聲無喧轟啾裂之聲以動盪人之心耳
若夫秋亭月白夜榻風清授絃促軫緩調靜撫冷然而哀怨蕭然
而軒昂有如松澗之瀉鳴泉竹窓之風落葉亦足飾寂寞而養高

閒清毛骨而爽神思此士君子與夫幽人野客所以隆尚而不入於流俗之妙也彼以其爲哇淫無法比鄭衛而逐之者過也又以其爲真含太古之音而異乎鄭衛之濫鼓之可以召和氣而聽可以感純心者亦過也始余學今之琴於郡之道流朱溫之旣又學古之樂於朝陽尉阮進叔乃校知其得失之如此而溫之北敵其所棲之前向以爲堂而朝夕援琴自娛於其間居一日請序夫琴之理而願與有聞焉是可與也故誦所聞而語之



羅豫章先生文集序

盱江揭祐民

先生大節簞瓢如顏質問如曾言志如點雍和如仲弓宜師友相傳議論相尙巍乎冠冕造祀千載也間世之資遭時之窮小人在位君子在野當王安石用事先生知其管心執法使正人斥逐舉綱殆盡先生明哲保身時及靖康有也知鄰鬪非吾事句豈忘平昔禹稷之心哉思不出其位靜交聖賢遠溯伊洛不取於後而詣極於此安吾素也者書立言幽而光潛而微充前拓後而窈冥者莫可測識其書初也散亡滅沒於鄉里中莫知所求惟天不泯斯文後死者有幸許氏乃密購遺本於欲燔未燔之際豫章之美材干將之寶氣有藉而存許源以儒學任南平教職亟錄諸梓適予

南 平 縣 志 卷 之 一 一
過揆之年切朝聞之念辱舉示教讀而忘餐知乞原爲重起也源
復語予以是書當以延平先生文集並行遂決意藏諸書院之古
犧洞庶托永久山高石堅猿聲歲年呵護之專誰能舍旃後學盱
江揭祐民謹書

羅豫章先生文集後序

元 曹道振

先生著述最多兵火之餘僅存什一於千百世所共見者郡人許源所刊遺藁五卷而已道振不揆淺陋嘗欲搜訪文集其年月可考則係以五年譜久之弗就邑人吳紹宗蓋嘗有志於是近得其藁乃加敘次釐爲一十三卷附錄三卷外集一卷年譜一卷凡一十八卷先生五世孫天澤遂鋟梓以壽其傳因識其梗概於此若夫訂其誤而補其遺不無望於君子也至正三年歲在癸未二月甲子曹道振謹識



延平問答序

明周 木

延平問答者子朱子述其師延平李先生答其平日之問以明其傳之有自也先生之學得之豫章豫章得之龜山龜山實得之於伊洛伊洛之學則又得於濂溪其源流之正授受之真不啻日月之明雷霆之震雖聾瞽之人有不可掩者朱子固以豪傑之才聖賢之質管汎濫於諸家出入於佛老者亦既有年年二十四爲簿同安始受學於先生之門服膺先生之訓剖微窮深至忘寢食而道統之傳始有所歸矣故嘗曰自見李先生爲學始就平實乃知向日從事於釋老之說皆非又嘗與先生論易聞之悚然曰始知前日空言全不濟事自此讀書益加詳細先生亦嘗與友人書曰

元晦進學甚力所論難處皆是操戈入室今既見儒者絡脉一味
潛心於此端明汪應辰亦曰元晦師事延平久益不辭嘗言每一
見而復來則所聞必益超絕蓋其上達不已日新如此先生之學
雖出於羅楊而自得之妙則青於藍而寒於冰是宜朱子之出其
門也然其學也妙體用而合爲一合顯微而無二實斯文之正脉
吾道之的傳與堯舜禹湯文武周公孔子無異趣者而未學晚生
未窺戶牖有或以著述少之嗚呼天地之能不可見觀之春夏秋
冬可見孔子之能不可見觀之顏曾思孟可見先生之能不可見
觀之朱子當見之矣則朱子之所以得爲朱子實賴是編以啓之
也本思說有年徧求於人而不可得深愧寡陋未攷元史從祀之

詳成化乙巳乃復上請於朝併乞校頒其書羽翼正學有司置議
事不果行既六年乃得延平郡庠近刻本而讀之承傳舛訛益增
疑懼又三年始求得嘉定間刻本而校正焉比近本既多後錄而
復僭爲補錄以附於後刻之嚴郡傳云將來俾知朱子有得於先
生而先生有功於朱子誠如雷霆日月之不可掩矣洪治乙卯夏
四月既望後學琴川周本序

西 京 示 名 一 一

九峰胡先生文集序

明羅鍾

先生諱瓊字國華九峰其號舊有詩文諸作散漫無統子庭椿氏慮其愈久而或失乃揀彙成帙用刊以垂不朽因請序余笑而言曰夫文詞者學之餘也行實心術者學之本也世之人每以擅於文詞爲優遂梓而傳之行實心術之見訾於人曾不暇顧亦獨何哉若先生則不然葆光儲粹於心學是故蓄深而決流淵泉而時出見於詩颯颯乎風雅之韻見於序記渾渾乎訓誥之體見於歌行說詞鏗鏗乎秦漢之裁製文詞之美無以尚矣雖然此特其學之餘由夷考其初令浙慈清修苦節操逾四知吏稱民安歌謠三善及擢按貴陽懾伏奸究動聳山嶽政聲四達迄今不衰所謂行

實心術更僕未易數也此則予之所知耳若夫朝端建白時事敷陳有關政治得失之大者猶限於收輯未備或阻於時好弗同亦有不能以盡錄此則秘府之藏史職之紀自將傳於無斁余何贅云夫先生蘊之五德行措之五事業立其本以及其餘故其所作雖不求工而自無不工者區區藝焉何足言哉余久仰先生之德見其集愛之若琬琰至珍且重也猶懼其觀先生之集者不知先生行實心術之眞譬諸見牡牝驪黃而棄其所謂千里者故因其集而遂以先生行實心術並著之於篇俾觀先生之集者知所本而感發興起焉

羅豫章先生文集序


明柯潛

君子之學務以講明道理精思力行爲事而文章詩賦蓋非其所
先者然或因事感物而有所著述發於心而不能自己者要皆不
外乎道理之正於己無累於人有規則君子亦所不廢也若夫娛
戲風月摸寫景光足以蕩心而逸志者豈可尙哉羅豫章先生師
事龜山楊文靖公二十餘年盡得不傳之秘居鄉授徒循道寂寞
晚始得官爲博羅主簿弗究厥施而沒所幸者有同郡李公愿中
傳其學斯文賴以不墜再傳而得朱文公其道遂大明於世蓋先
生德介絕俗其學以誠篤不欺爲主故傳於後久而彌光其平生
所著詩文又皆合乎道理之正百世之下讀之者可知其爲人然

則先生之所著爲世不可無如遵堯錄議論要語蓋其經濟之志之所寓尤後人所講誦而服膺者惜經元季兵革散亂之餘間有存者亦爲束之高閣而已騷人墨客競以摸寫景光爲事豈復知道理之言爲可貴哉卻武太守南充馮侯攷前在延平時慕先生之爲人搜訪遺文得之民家蓋元進士曹道振所編次者百年譜次詩文次附錄次外集凡十八卷重加考訂刻板以廣其傳及來茲郡又載以隨唯恐或失之誠以道理之言有補於世者所當貴也貴道理之言則其爲政從可知已潛亦竊慕先生者旣喜斯集之傳俾後生晚學得以因之考見其道有所感然而興又欲後之嗣政於此者知侯能以振文右道爲心而勿替也故潛序之蒲田

何潛敬序

文志第廿一



重刻豫章先生文集序

明知
姜文魁

道學之傳自孔孟而下寥寥千載迨宋天啓奎文眞儒輩出周程
以來楊龜山出於將樂羅豫章李延平出於南平朱晦菴亦產自
尤溪延平一郡而四賢繼生以明道爲己任楊傳於羅羅傳於李
李傳於朱當時號爲鄒魯之邦而程子道南之言蓋亦至誠前知
也夫子竊慕羣賢道軌幸守是邦適羅先生十一世孫存德告賁
舊祠以崇祀事復觀龜山延平各有書院惟豫章尙爲闕典卜其
地得城西舊縣基寬廠可以妥神明可以展禮文可以育士類具
請其事於當道時上命侍御徽之程公鄞之王公按治是邦咸敦
尙儒賢允其所請遂偕寅寮同府武寧萬君廷彩通府穎上杜君

換推府順德陳君韶議出公帑協措葺舉而落成之適戶部蕭君
九成以公檄過家詣余告曰書院旣紹前聞矣其遵堯錄燹沒已
久今不復刊矣則豫章翼道之功泯焉予因訪得元進士曹道振
編較舊本但字多空缺未備訛舛未真余爲採集史記參互考訂
首之以年譜經解遵堯錄繼之以集程楊語錄及所作序記詩文
之類末則附之以志文序記所以稱述先生者總若干萬言釐爲
一十七卷載新於梓與四方士共之庶先生之道因是不泯焉於
戲此特其概而已乃若嘉言善行散失弗傳豈足以盡其蘊哉然
卽是仰窺先生論易簡大有之道議郊社昏娶之禮引證詩章援
據書詞春秋有解指歸釋例以至學庸語孟說苑老莊各加究極

詳論則五經羣書之旨天地萬物之理無不融會貫通於心矣晦翁嘗云龜山倡道東南士之遊其門者甚衆然精思力行任重詣極如仲素一人而已其立言垂訓繼往開來真與龜山而同符清介絕俗闢邪翼正與魯齋而並駕遵堯錄寓經濟才猷之志發精神心術之蘊追比司馬溫公之資治通鑑間有過之者雖然書院之建舊祠之葺文集之刊豈足以酬其功而償其德哉不過恭有司之職罄尊崇之忱耳若夫表章實蹟建議皇朝並與楊許司馬羣儒從祀孔子廟庭上發九原道學之馨下慰萬世景仰之念端有望於富道諸君子則予豈敢時正德歲次丁丑閏十二月初七日進賢後學姜文魁敬書

先生之書元至正間邑人吳紹宗出其藁進士曹道振爲之編次而先生五世孫天澤始鋟梓以行世及正統戊辰燬於兵燹再刻於成化壬辰三刻於正德丁丑至隆慶之五年歐陽祐序蓋四刻矣其板存延平府庫今已無存以故流傳甚少先生之裔不無杞宋之感然此書自有神物呵護垂諸不泯若夫重刊廣播以壽其傳使晚生後學皆護讀先生書焉則所望於有力者爾康熙甲寅五月二十二日田間後學施中拜手書後

岐陽塔序

清朝何昌楙

自古人文莫不鍾山川之靈秀而興顧其位置之自然者天造地設固有確不可易之勢苟地勢之未盡得宜又端有賴於人事之修爲然後山川改觀生色而人文亦因之以大顯峽陽爲南劍分區北自壽巖一帶蜿蜒而來屏山環繞帶水縈迴其西南諸峰排列拱向東峙岡巒旋繞廻護儼一大都會也生其間者士秀民淳家絃戶誦彬彬乎有都人士風何歷年以來人文不乏而鵬搏者鍛北海之羽豹隱者迷南山之霧揆厥所由意者地勢之未盡得宜與余承乏茲土公務往來相其大勢以爲東南峰低文筆不顯而昭科甲一山正當巽方其頂寬闊急宜於此運造浮圖以擢文

南平縣志卷之六
筆之秀爰訪諸輿情知紳士咸欲興建因工費浩繁遲之又久余
不敢後首捐廉俸爲士庶先蓋以南平六邑首善峽陽乃分蒞之
地延平考亭之遺澤存焉都人士瓶新以發陰陽靈閔之氣行見
文章理學繼往開來仰副盛朝極樸菁莪之化皆於今日建造基
之


李延平先生文集序

清朝周亮工

道學之家象山考亭偶有異同於是主靜實修之說互爲輪攻墨守以予觀之皆小儒勦習緒論未觀斯道之大原耳嘗稽考亭亦嘗汎濫百家自負豪傑每每留心於乾竺流沙諸書及受學於李延平先生之門爲學乃始欽就平實則知上達之功率皆本之下學者也先生蓋嘗師事羅豫章豫章好靜坐先生退而亦靜坐時時自覺喜怒哀樂未發氣象久之洞貫融釋事事條理則先生固嘗根極主靜了徹悟門特不欲標樹自異知先生則愈知考亭矣濂洛之學至考亭而集其成要之古人先河後海之義則先生其積石龍門乎先生生平不務著述卒後考亭輯其問答遺言釐爲

三卷傳之四百餘年歲久弗戒於火其裔孫葆初向僑吳門以叅戎入闕修葺祠宇重綴之以惠後學而以其別集二卷附之於後適余行部劍津因得而稽閱之其間詮釋典墳探研性命罔不本之君父大倫以及日用常行當聖遠言湮之日而懸照當空秉炬迷途所謂千百世之遠東海北海之遙而驗之此心此理無有不同者也昔人以世無二程無復知有濂溪然則若無考亭將不知有先生矣余於大道指歸未窺涯涘唯是家本豫章徙居伊洛比年入閩得瞻先生及考亭里宅不勝徘徊慨慕故因葆初命序先生之集而備著先儒道術源流初無異同先後之分所以一道德而崇實修庶不虛葆初刻斯集之盛心也夫但余意有未盡者近

代從祀之典寥寥僅止數人河東不事著述類先生新建獨鑒良
知類鵝湖然自先生而推之其間獨行清修羽翼聖宗者實有其
人廟廊之上詳加考慎進而俎豆以示崇儒勸學亦新朝一大盛
事也讀先生集因並及之以志余景仰先生萬一之私耳順治十
一年甲午仲春古浚周亮工頓首題於賴古堂



李延平先生文集序

清朝 李佐聖

靜坐讀延平先生答問每一二語竟日涵泳不能置至於學者心
體力行之則畢世有所不能盡雖以考亭之才之學同安歸後乃
悔空言全不濟事者而爲學始就平實然則近之著書立言以爲
文集者其亦不可以已乎酌其大指於三易春秋深所推勘體驗
動靜之間存養功夫既密氣質融化運用神明自然於聖賢道理
當下灑落故遇事無可多言作書不能多字而辭氣醇厚瑩徹使
人眼不覺沉着其一二警策處亦復發人汗省理會不窮裨益後
學良匪淺細嗟夫莫大文章在是先生其何以文集爲哉先生之
傳可不傳先生之詩可不作但嘗誦先生所稱渚宮觀梅詩平生

涵養俱可想見又何必補巖桂爲冰壺秋月點綴微雲哉余用是
俯仰羣賢對揚千聖一月萬川春風滿座無待溯淵源於濂洛贅
前人說祀說傳後也不揣以葆初李君之請而竊附數行焉然已
自厭其爲多言矣瑯琊後學李佐聖題

羅豫章先生序

清朝 巡撫 張伯行

由孔孟而下斯道之傳開於周子盛於二程而大會於朱子朱子繼周程之統者也顧其淵源一脉而豫章而延平的然相承如河源之發於岷崙由積石歷龍門而東注以放於海也斯道之傳蓋非偶然中間若無潛思力行任重詣極如羅豫章先生者又安足以肩承先賢後之任乎先生爲人嚴毅清苦四十一歲始受學於龜山之門計其時亦已晚矣夫學者惟無志於學則已有志於學雖其前之溺於流俗誤於岐趨者一旦親承大儒之訓翻然勃然卽可以得乎吾性之所固有而聖賢之道求諸日用而無乎不在獨未有篤志求道如先生者耳當時龜山弟子千餘人何不告以

伊洛所傳之學爲一聞至論遂驚汗浹背自悔虛過一生非先生之篤其孰能超然自拔如是且既從龜山受業又裹糧走洛而見伊川既得伊川指示又歸而卒業於龜山抑何求道之勇也迨後盡得龜山不傳之秘築室羅浮山中絕意仕進終日危坐以體驗天地萬物之理蓋其造道成德有非世人之所及知者矣先生之學傳之者李延平也常教延平靜中看喜怒哀樂未發時作何氣象蓋以寂然不動之中而天下萬事萬物之理莫不由是而出故必操存涵養以爲應事接物之本此龜山心法深得伊洛之傳者也延平答朱子學問必舉羅先生緒言相諄勉其謹帥傳以成後學如是至朱子擴而充之致廣大盡精微使孔孟周程之旨融會

歸一如萬派之朝宗於大海而先生居三傳之中一脉淵源的然
有白水如河之由積石厯龍門以東注也其承先啟後之功豈不
偉哉先生少著述惟遵堯錄二程語錄及雜著議論要語學者合
而觀之可以知先生之學卽可以知周程朱子相承之學矣

14:5

藝文

引 碑銘 跋 書 祭文

李延平先生文集小引

清林潤芝 邑人

聞之前人有美而弗爲之闡揚後進之訾也幸生大賢之里得從先生長者之後拜其遺像瞻其儀型而嘉謨懿行聽其廢闕罪孰甚焉今夫好奇之士足迹所至務爲探奇索幽弔古求逸或於窮山莽野荒塚斷碑之下得其隻字莫不歡呼踴躍飾衍翻傳若夫山僧野老畸人女士一言之韻亦必羣相酬和共爲揄揚稱爲盛事膾炙人口騷人墨士流風孔長乃聖賢道脉理學淵源墜焉弗講抑獨何歟吾邑先賢李文靖先生者上以繼楊羅道南之傳下

以開朱子大成之統有功聖門嘉惠後學固昭昭在天下萬世也
彼未窺戶牖之士至或以其著述少之嗚呼亦甚不知先生之道
也且夫言也者聖賢所以載道也故得道而忘言猶之筌所以載
魚故得魚而忘筌論語一書亦門弟子所述而誌之者也故子曰
天何言哉四時行焉百物生焉天何言哉昔朱子云先生卻不曾
著書充養得極好凡爲學亦不過恁地涵養將去故粹而益背自
然不可及又曰自見李先生後學始就平實則知先生之意固不
存於著述也明矣卽答問一書亦先生身後朱子追思而手編之
者今觀答問中試求其涵養氣象者爲何如其於日用上下工夫
爲何如其雖在山野憂世之心爲何如嗚呼其可以著述求之歟

先生之言曰某語言既拙又無文采發脫道理不甚明亮有曰某
文采鄙拙未能輒發一語是先生虛衷與物也人亦遂以是疑之
觀先生初上羅先生書灑氣宏辭直與昌黎師說相表裏亦可得
其一班矣自茲之後一意潛心於涵養遂不復留意於文章蓋先
生瑩徹無瑕如冰壺秋月至其論三綱不振義利不分則又如烈
日秋霜非充實光輝而能若是乎予性質粗鄙而多窘束每一思
先生書云如至人家看壁上碑文必俟茶畢起向壁看看畢又移
向次壁看看畢仍就坐其詳緩專一如此其語侯師聖亦然至如
不快處亦自念所寓而安方是道理今乃如此正好就此下工夫
看病痛在甚處予每當此一思之亦不覺渙然冰釋其語語引人



著勝地如此予既服膺先生斯道每歎斯集之廢闕手錄一編訂其訛舛分其券帙廣集見聞貯之笥中擬付棗梨予友葆初君於從戎之際皇皇於譜牒之是求乃又殫心於文章理學亟求鑄以垂來禩其志洵足尚矣予嘉其請而樂觀厥成因係一言於簡末嗟夫子願天下之讀是集者請弗以文字求之當求夫先生之所以涵養與其所以日用處下工夫與憂世之心則幾矣順治癸巳至長日同邑後學林潤芝延年氏敬書

新建

清郡
雷維霈
南豐

文昌宮引

竊唯仰觀天象

文昌之氣似珠俯察坤輿文筆之峰在目延平古南劍州也地居全
閩之中龍勢逶迤綿亘千里收建邵兩河合襟之水萬山屏張於
後九笏秀峙於前地靈人傑理學科名代有傳人邇年間差於昔
都人士思有以振興之因郡城內亟舊有

文昌宮一座規制未甚宏敞將欲擴而大之又限於地度府署東有
延糧官衙舊基一片青鳥家咸以爲吉擬於其地改建

殿閣數楹以尊祀

文昌帝君神像甚盛舉也伏念
帝君以孝友之神仙作文章之

司命我

皇上御極以來崇尚

徽號光祀佑文於

帝君彌加禮焉今而鳩工庀材

廟貌一新歲時月吉聚衣冠而俎豆之瞻

鸞閣之巍峨荷

龍光之赫奕吾知人文蔚起甲第崢嶸當不僅如古人也是役也董
事諸君子皆純正士其經營措置自能準酌輿情闔郡紳耆當必

有踴躍急公以共襄厥舉者余忝守斯土亦相與樂觀厥成也矣
故樂得而爲之序

重建浮橋引

清郡 雷維需 南豐
守

竊以除道成梁周庭垂訓乘輿聽政鄭相貽譏延平府城水東向有浮橋一座嗣因被水冲散淹廢多年兩岸民人朝夕往來雖有渡船數具權宜利濟每值天雨溪漲颶風四起溜急驚濤官吏軍民均多病涉博採輿論咸以爲修復此橋誠目前一大急務也第需費浩繁約在千金以上不假衆擎之力難成集腋之功然以一郡稱便之事合六邑以捐輸措置猶易爲力至挽橋人夫現有駕渡橋子足敷策應餼羊尙在毋庸另籌爰集郡城薦紳選舉公正老成首先董事出簿勸輸母論在官在民其有樂事趨公捐貲成美者隨緣樂助請登

附 錄 卷 一 三 一

台街 芳名 并書願捐數目於右因慶求慶聊分白鴿青蚨欲仁得仁奚
啻慈航寶筏容俟工竣勒諸貞珉以垂不朽云

募建王臺鄉經正書院引

清邑 宰 楊桂森 雲南

余奉

天子命簡任南平之次年戊辰春以邑志缺畧八十餘季纂輯考其成夏六月道南書院瓦烈於風籌資建大門修其廢其橋梁塗路並東偏北隅之城郭及城東西延小水門樓堞俱以時修舉冬十一月撥林重太平保福西巖四寺租三百二十石於白塔若村虎鼻山林重寺餘東保福明洋當龍堀八鄉立八義學延師課之己巳春於府署東創建

文昌閣附構講堂及諸生書楹以爲文昌書院夏四月王臺裕耆以街中舊有

關帝廟基久廢請建爲書院乞先定其額余因以經正顏之而甚嘉
諸君子之翹翹於嚮義所以爲今子弟及後世數百年子弟計者
至深且遠也按志王臺分天竺太平資福三里岐爲十五區得鄉
村九十有二王臺本鄉二千餘戶其遠近若溪后王泥墟甲頭埂
頭前村高埠羅墩上伏坑游墩菜元井窠每村皆以數百戶計星
羅碁布生聚於郡西七十里外汀水繞後邵流抱前雙溪皆匯於
沙溪口奇峰巖嶙有萬馬自天盤紆巉巖之觀五代僞閩王王審
知於此築臺爲游觀地以是得名今廢後土人鋤山偶及其堆皆
磁灰空貯之去十里有王埠相傳卽審知裔南五里馮尙書之墓
在焉邇來少陵夷矣今諸君子以建書院請而予重以經正爲額

也豈無意乎子思子曰經綸天下之大經子輿氏曰經正則庶民
興經常也五常謂人之倫倫者人之所以爲人也庶民去之君子
存之人禽之界爭此幾希耳三代之學皆所以明倫盡倫之事充
其極雖聖人亦自以爲非止境質言之則與父言慈與子言孝與
弟言恭菽水言歡徐行後長非高遠不可企及之事也特聖賢之
盡道無閒斯須而常人之由道每多離合則於心之存不存辨之
耳是以十六字之傳統於心十三經之理統於敬敬非拘束羈縛
之謂也動而省察靜而存養不可告人之事不可見諸行不可告
人之事並不可投諸心五倫之事人心之理也人心之理天之理
也時時以此理入於心時時以此心入於理使心與理合而不使

之偶離以此盡孝以此盡弟以此參天地贊化育豈別有他道歟
夫理無所不包敬無所不統如臨深淵如履薄冰無大心無外心
以內心小心密之無衆寡小大之敢慢孔子曰愛親者不敢惡於
人敬親者不敢慢於人聖人言心言敬皆言所以盡此倫也或曰
此成己也成人則如之何曰以己之所以自成者隨時隨地隨所
遇之人而誘掖之勸勉之必使人人皆如己之所以自成而後卽
安成人豈外於成己歟或曰孟子何以言經正而無邪慝也曰如
治病然一身之正氣勝則百邪皆消有教化之責者能興學明倫
而正氣勝則邪慝亦無自而乘其隙矣易一陽生爲復一陰萌爲
姤天地不能有陽而無陰天下不能盡君子而無小人坤之初六

當夏至之卦孔子曰履霜堅冰至蓋言漸也不必逐逐以驅小人
但使君子之道長而小人之氣自褫矣故曰君子豹變小人革面
鷹化爲鳩豈別有異術之操也哉余故因諸君子之請而爲之絮
言於左指日延師開課或卽以余言爲受業生勸也亦可至書院
之設九十二鄉之來學者皆聽之則可以僭拱木於林衡闌鉤繩
之空緒者自必有合衆力而速其成也是爲引

南 江 縣 志 卷 十 一

方

一

募修七星橋引

邑令楊桂森雲南

南平城西三十里許鄉名西芹鄉之右溪水自大內石城白塔墘下曲迤大外南州藥邨而出西芹舊有石橋爲運木者所抵崩予嘉慶丁卯初履任卽補葺之戊辰夏大水橋復圯芹士蔡中立蔡中和陳日華欲圖其成請予爲之引予按詩衛風云有狐綏綏在彼淇梁傳云石絕水者爲梁大明云造舟爲梁言比船於水加板於上卽今浮橋爾雅隄謂之梁石杠謂之倚郭註梁卽橋也杠聚石水中以爲步渡倚也或曰今之石橋子產乘輿濟人趙岐註以爲子產有惠人之心當以時修橋梁何由病苦涉水蓋橋與梁皆以石爲基而加木於上故郭氏兩解之昔呂母造橋於壽張魯班

成梁於寇爵晉太元九年謝元立七楹於呂梁用工九萬太康三年造石橋於陽渠水用七萬五千人建武中造浮橋於延津採石爲中濟石無大小皆流去程工百萬成功之難也若此西芹東達延建西通汀邵冠蓋竭來殆無虛日每夏潦秋霖狂溪狼谷怒其勢望龜鼉而脉脉焉致使大夫方舟庶人乘泅非策也今蔡生等果能以仁爲己任力襄其事夫人之欲善誰不如我善之所集不必爲無窮涯之願以涉於虛但使隨吾身吾力所能行者而實體其爲善之念卽仁也邑中樂善之輩幸不以予言爲河漢也而悉置之是爲引

豫章羅先生墓誌銘

宋李侗

越劍州羅源之鄉出十有五里許爲黃際之陽有非焉迺藏宋大儒羅先生者也其向丁癸其脉迢遞其形委蛇而蜿蜒其林木龍莖而森蔚其環拱苞靈而孕粹美哉佳兆乎先生於洞遜長於一日實則沆瀣一氣焉夢楹之夕敦匠執紼之舉侗旣不能以不肖供其役今幸得偕先生繼嗣求之汀之武邑歸先生柩而窆之乃於銘誌實推諉焉不可耶謹攬撫而誌之先生之先系出祝融之裔炎伯其弟炎仲國於羅厥姓遂仍之數十傳而後或徙江之豫章踰周而漢而唐會有乾符之亂各鎮分制而王審知實制乎閩因擇七姓隨乎節鉞羅居其一數傳來惟羅最蕃衍遷徙靡一

於時或沙或劍而劍宗爲先生遠祖京成公初居劍郭久之復居
溪南篁鄉其曾大父文弼大父世南父神繼奕葉潛鱗代有齒德
以故積美厚而發祥宏先生出於其間天縱英敏冲節而然稍壯
則宛委墳索靡弗徹覽著爲文章形爲吟詠粹然一軌於正己聞
同郡龜山楊先生繼絕學於河洛筮仕蕭山先生慨然嚮田徒步
請謁及見而喟然嘆曰不至是幾虛一生遂脩北面禮於楊而楊
亦深器先生兩人相得歡甚旣歸築室山中杜門靜業雖以特奏
擢科主簿博羅而胸次澹然泊然揆厥所志蓋不以簪裾爲華而
以擔荷道統爲己任生平雅好著述編牒鱗集不可枚紀紀其大
者若遵堯台衡春秋詩解語孟師說中庸說議論要語二程龜山

語錄弟子答問諸篇而於道德事功紀綱法度彝倫日用之間鑿
鑿乎其言之也至若怡情鬯性舒寫心靈於吟諷間不徒大有唐
韻其於繼往開來肩任道統之意在在躍露諸載殺青者不論論
其逸者所云問津挽予之句是何蘊抱是何局度乎以侗椎魯之
質偏駁之資冶鑄於先生者既久薰炙於先生者最深雖不能金
玉其詞以繪所爲粹質溫中之模乃敢忍於脉脉不令眞儒道範
壽於永永乎先生娶於李爲朝議大夫文捷公之女端確貞靜相
內畝寅生一子諱敦叙先生卒無嗣有遺腹焉先生有弟叔嘯
書請繼於先生堅請乃可曰無後爲不孝之大吾存後吾吾亡嗣
子今子先吾歿後吾明矣乃立兄伯常之次子公卒無何而遺腹

得男孫振宗噫先生之系微而復續人乎天耶先生生熙寧壬子
正月十五日寅時卒紹興乙卯十有一月至前一日享遐六十有
四以紹興庚申孟夏月癸酉日辰時厝於斯兆侗謹拜首而銘云
鬱芊佳城峰巒崢嶸藏先生魄用奠於寧豐鎬木秀山阜草出儒
文脉日皎星晶參苓孕粹桃李儲精雲封黯黯雨化零零軀返於
窆神昭於明勒銘於石萬古儀型

明封中憲大夫廣東按察司副使前文林郎睢寧尹默齋游公墓

道碑

明侍
讀 龔用卿 晉安

嘉靖甲寅季秋己未劍浦封中憲大夫默齋游公以疾卒於正寢年七十有四其孤方伯君居敬自浙來奔喪卜以是年臘月庚寅葬於吉溪西洋之後岡奉事狀遣价走數百里來請銘將以刻石於墓道以詔來世按狀公諱綸字邦濟姓游氏祖出廣平宋儒定夫先生之後世居南平之吉溪曾祖秀祖廷賜父祐皆有隱德以仁厚稱於鄉母吳氏生公幼聰穎弱冠游郡庠習舉子業苦學勵行爲文必根諸理道奇氣煒發每試必居優等補廩膳生屢應鄉試不利年四十三應貢入南太學爲司成公所器嘉靖乙未銓授


直隸睢寧縣知縣睢寧淮之屬邑地瘠民疲至則省訟薄賦一意以安養休息爲主歲值旱蝗遍野爲民祈禱設法逋逐之民得以不艱食疲者漸起邑協邳夫歲數千人乃白於郡蠲三之一民賴以不逃亡困者漸甦邑地下溼數有水患乃令民疏導於河俾復故道民得以不病涉乃亦有秋瘡痍者漸蘇公暇則課試諸生獎引後進與鄉薦紳相接以禮未踰期氓大孚化章聖皇太后梓宮過徐邳有司憚中貴騷急往往震悼失經多至獲戾公豫處有條事以克濟滿任六歲撫按交獎漕運中丞周約菴公疏薦於朝辛丑竟致其事而歸甲辰以方伯君任廣東憲副考績恩封於其官杜門簡出非歲時飲射足跡不履公庭或有請謁之相干廢地之

相遺者輒謝却之性篤於孝友處宗族以和接鄉人以信交朋友以誠其教子也最有法子二長卽方伯君次主敬年方髫鬣教之讀書舉動必莊出入必敬交游必慎作字爲文皆有規範經書或有微詞與義親爲講解書敬箴於座右命兒輩朝夕講誦動以古人遺矩督勵之謂鄉居去郡誠且遠遊學者鮮至非所以居子也遂卜遷於郡之紫芝里俾親近縉紳先生將有所考德而問業焉方伯君弱冠舉於鄉連登壬辰進士選庶吉士讀中秘書授監察御史出按南畿風裁懋著聲譽燁聞歷任藩臬長佐凡十六七年以至今官蓋時論推重台鼎之器也公時時猶作書戒之欲其砥礪名節慎守官箴宣力國家移忠所事以爲孝子老年猶手不釋

卷將終前一日尙爲諸孫較點通鑑及其沒也子孫咸在側可謂
令終矣配吳氏累封太宜人慈淑貞惠與公比德先四年卒是生
方伯君娶李氏封宜人次主敬以例貢爲太學生側室田氏出娶
楊氏孫男十一於北邑庠生于慶于臬于畿俱方伯君之子于東
于表于衢于堂于臺上俱主敬之子孫女一曾孫男三應夢應陞
應薦曾孫女一子因憶曩時壬辰在京師邂逅方伯君猶瞻其眉
宇知爲偉器及戊戌春默齋以歲事入覲獲侍教焉益信爲長者
始知方伯君之大有造就者夫固有所本也是宜銘諸石以昭遺
德於永久乃係以詩曰

游氏之先肇自廣平衍於劍浦世業以亨延及於公潛心敦古

勵行飭躬不忝厥祖睢陽試政造福於民輕徭省訟不瘠不貧
乃浚乃疏河流匪蕩乃耨乃芟禾黍以暢民有室家誰其保之
民有田疇誰其造之繄公之功民安以阜視古循良杜父召母
勤勞六稔績用告成飄然遠出早謝榮名左右圖書遨遊山水
移孝事功責成厥子煌煌服命賁於邱樊豸冠象簡日課孫昆
福履綏之繩繩濟美高朗令終哀榮終始西洋之岡山高水長
徵文考德奕世永光



誥封宜人游母吳氏墓碑銘

明都察院林雲同 莆田

予歸自三楚道劍水弔游君居敬母太宜人之喪於廬哀焉予友游君實自南海時鄉情寮誼懇惻周洽每歎游君赫赫乎聲稱宇宙亦既罕儷矣其承藉誨迪庸有尊公與太宜人者耳而太宜人賢行蓋所稀聞今廼弔其喪也顧弗哀哉游君見予益哀久之遂再拜以狀請銘嗚呼其安辭太宜人爲南平吉溪名族吳貢士詔女母裴氏也生而端莊少嫻姆訓歸副使默翁先生尊卑稱其孝悌姒稱其和默翁勤問學太宜人必雞鳴而起時脫簪珥易異書助默翁學故默翁益肆力於學取友莆陽離鄉并歲餘而家政甚整默翁得無內顧憂年三十始舉子卽游君也一以嚴政爲教無


納嬉戲游君生穎敏迥異方童儒試卽高等遊邑庠無事警督嗜
業罔倦太宜人猶朝夕戒曰毋荒毋逸毋泛與以慎而身以昌而
學以充而宗太宜人已有子猶虞嗣未蕃爲默翁立側室生子主
敬愛之教之與游君同鄉人稱其賢過人遠甚也嘉靖辛卯游君
錄有司明年壬辰登進士上第爲翰林庶吉士太宜人焚香祝之
曰兒幸矣願兒益勤益慎以永有終譽及游君授監察御史則戒
曰御史言官必無負所學可也乙未默翁貢選睢寧知縣其爲政
嚴明方正法行而惠溥民德之頌之固默翁之能亦內助有太宜
人爾丁酉皇太子生覃恩封太孺人已亥以徽號慶典加恩今封
甲辰游公以副使考最封默翁如其官太宜人例不再封累膺誥

勅褒寵殊隆賢德之報距不顯顯令聞閭里表儀也乎今庚戌三月十八日終於內寢距生成化庚子七月十日享年七十有一子二長卽游君居敬現任浙江布政司左布政使娶李氏累封宜人次主敬太學生庶出娶楊氏孫男八于北廩生于東于廣于表于楚于觀于衢于臬曾孫男二應夢應陞孫女一曾孫女一將以今年十二月朔日葬於吉溪之西洋後塋近祖冢傍云按狀稱太宜人索行貞淑治家勤儉待夫以敬待宗黨以恩待姻戚以禮待戚獲以嚴祭先以誠誨子孫以正內外咸秩四德罔愆予雖未之親見然而觀於游君也詳矣游君筮仕甚早而舉止老成無一毫矜詡倨易致位已尊而操植堅固無一毫因循玷缺見事至敏而注

措精勤無一毫惰慢率易雲同嘗歛衽羨慕而游君每慙慙告予
曰吾父母教若爾若爾予曷敢不敬不知其父視其子不知其母
亦視其子又予屢屢過游氏之門其門庭嘗肅肅如也嘗一長
老必舉太宜人教子之言曰爾曹弗他効効吾游族宋儒定夫公
足矣又道太宜人臨終以善自持行戒諸孫諸婦問以作佛事則
不應嗚呼若太宜人者其深於古傳正學婦道母儀與太姬文姜
何論今昔游君助庸日茂將爲國家樹不朽之名而振振昌發如
于北輩又蘭芳桂馥采采未艾山川淑氣固悉萃之矣太宜人福
德如斯宜銘也已銘曰

坤道維貞乃配乾行四德攸全唯宜人能胎芳孕秀錫祉流馨

有美厥嗣邦家之禎以詔來者宜室宜室金鑲石勒百世雲仍



通議大夫刑部右侍郎可齋游公神道碑銘

明大學士葉向高 福州

可齋游公沒且三十年隧道之碑未樹公伯子醴陵令與先大夫同薦於鄉仲子上林丞與余同官都門兩世交游皆甚歡上林君則閒謁余請修闕事余無以辭公諱居敬字行簡號可齋其先出宋儒游定夫自建溪徙居南平數傳至廷賜廷賜生祐祐生綸以選貢令唯寧封中憲大夫廣東按察司副使娶吳氏封恭人生公公年十四入庠卽爲郡守陳公所器二十三舉於鄉爲嘉靖辛卯明年成進士選讀中秘書文譽日起已授山東道監察御史按南畿一意激揚不避權貴池守某歛令某墨而殘與執政有連人不取問公皆劾去之時新學方興所至聚徒講誦士類附其門公雅

不謂然曰洙泗正傳自伊洛諸子耳入室而操戈吾不忍聞具疏
極言之其人卒罷去公亦坐是出爲浙江按察僉事分部杭嚴二
郡杭俗喜遊西湖天竺之間簪履相錯遊僧復藉受戒爲名羣衆
煽惑公一切禁絕之時他部有礦役中鑑恣睢爲奸利莫誰何部
使者檄公往攝公約束嚴錙不得肆民賴以甦辛丑轉廣東按察
副使督臣方有事南交聞公來甚喜引共籌策逆酋莫登庸欵關
輸罪公有力焉論功賜金幣丁未轉湖廣左叅政贍

宗祿建義倉賑饑民立催征法以處積逋事事有條再踰歲擢浙
江按察使楚人思公不置公既蒞浙益端軌秉度憲秩大修獄輕
重受讞皆得其情民無冤者屬當大計單車詣闕下諸凡權貴無

所問遺畢事歸而浙左右轄之命下矣隨聞吳恭人計奔歸服除
守舊官時倭難倥偬軍儲鉅萬取給燃眉胥賴公以辦有議裁客
兵者客兵噪且爲亂公庭諭之立解居浙三年所節縮經費無算
比以睢寧公憂去悉歸其羨金於臺使者不私一錢服除補山東
其治如浙頃之擢副都御史巡撫雲南有平阿堂功阿堂者東川
夷酋祿慶之部目也祿慶死子幼堂謀得其處因與霑益州夷酋
安九鼎治兵相攻連歲不解禍延內郡公具疏請征之詔下會川
貴守臣議以聞議未上公念兵事宜速築舍無成遂督兵徑進逆
黨斬堂首降邊檄復定而御史王大任入沐朝弼讒劾公擅興師
騷擾內地逮下獄始朝弼鎮滇多不法爲寡嫂陳氏訟於朝下守

臣問狀朝弼不悛公至則大陳珍玩爲賂遺斬寬其事公峻拒之奪其所侵騰越州田歸之民朝弼已憾公矣又故事調發夷兵非鎮守符不應公疏請巡撫得兼軍務專調發分鎮守權朝弼愈益恨屢營大任媒孽公而大任者分宜相國私人也當相國柄事時無徙官不謝者公爲巡撫獨不謝大任揣相國嫌公又爲鎮守修怨乃決計劾公矣公既逮至朝議稱枉然竟坐擅調發罪謫戍粵以穆皇帝登極肆赦恩宥歸田里於是尙書吳公嶽林公同及諸臺諫交章頌公在雲南有功負冤宜亟召用己巳起南京刑部右侍郎尋改北部尙書爾公輒署名所平亭疑獄甚多時新鄭相國再起欲甘心華亭以非時考察諸給事御史多所斥逐公聞語所

善問官曰相國何太褊必欲報素嘗睡毗者且相國何處乎華亭
假使相國能畢慮殫忠功施宗社此乃爲善屈華亭矣新鄭聞其
語大不悅又聞公將有疏陳中貴擅權並時宰作威狀嗾其門生
以年老論公會公疏請羅李二大儒從祀相國從中調旨責其疏
語大繁奪俸三月公遂乞骸骨歸時已三年滿移牒銓部矣未竣
事而去去之四閱月卒蓋隆慶五年九月十日也訃聞賜祭葬如
故事公生平恬淡簡素蔬食布衣所臥席十年不易漆枕櫛匣皆
青衿時物每徙官行李蕭然成粵日有大學生坐罪進千金幕寮
覬覦帑纏五百金託公居間公怒逐之乃公饑死瘴鄉不失作清
白吏能若玷乎其雅操潔履若此故雖官爲卿貳家纔具中人產

尤精藻鑒在粵在浙在齊三典試事所得士如張煥等皆名流常
語人曰文章不宗六經剝竊子書及良知等說以希進取將安用
乎蓋公學一以其鄉四大儒爲宗斤斤繩墨見新奇可喜之論變
如也躬行實踐蓋真有宋儒之風焉配李氏淑人其先出李延平
宋儒側室郭氏張氏子四人于北卽醴陵令于廣卽上林丞于臬
于畿俱庠生孫男應夢光祿寺署丞應陞庠生應岱應台應嶽應
輔應朝應琴應奇應吉等曾孫學臬學龍學光學乾俱庠生方公
逮繫時上林君年十六從公至今濱死者屢矣其居官清慎與醴
陵君皆無愧家聲云史氏曰予讀國史見公以東川事蒙譴心竊
痛之夫萌芽不伐將尋斧柯阿堂悖逆不獨萌芽令公不滅此而

後朝食滇禍可勝道哉而當時乃以調發爲公罪斯亦不明於大
夫出疆之義矣要公直道而行兩忤執政不究其用歲寒後彫於
公見之乎於公亦稱乎爲定夫後矣其爲御史而力黜新學有以
也銘曰


維游之先爲宋大儒溯源伊洛遵軌而趨司寇代典繩其祖武中
秘抽書履方蹈矩乃典柱下矻矻惠文伏蒲引諍矢志埋輪蹇直
自將爲世所忌一麾外臺諸藩歷試維彼滇南孽夷肆驕界公節
鉞往戢其囂公秉壯猷用施九伐便宜興師迅如電發何物么麼
敢逆雁行望風殞命國紀斯張亦有鎮臣怙寵肆桮公落其距載
興謠詠謗書來上天聽遂高幾殆瘴鄉無改故操維帝念功乃聖

下 二 集 示 年 一
讒口司寇貳卿式咨黃耆明明相國釋憾是謀公也一言如盾如
矛知足見幾飄然歸去三徑依然入門笑語大星忽隕龍劍遽騰
有赫帝綸賁於泉扃吁嗟世路孰能不靡雨覆雲翻惟公卓爾百
年日暮孰能久存灰寒鱗盡惟公名尊鬱鬱松楸峨峨幽宅千秋
萬年過者必式

理刑館明德堂銘

明大學士徐階華亭

相古之治必本諸身克明峻德以新其民德明德威民自無訟比
屋可封刑措不用嗟今之治獨求諸刑金科玉條貴踰六經上刑
日嚴下俗滋敝前奸未誅後宄已繼維是二者豈民異心任德則
古任刑則今我維刑官德亦靡類任刑棄德迂也實愧是用夙夜
思勵其愚曰明明德與古以趨徙義遠利罔敢懈數參前倚衡明
命有赫維欲之動頃刻萬端德昏則易德明實難咨我僚友多士
羣吏尙交儆予以就斯志




新建南平縣城隍祠碑銘

清知縣 陳兆聲

城隍神之有崇祠自周禮司民之祭始也前朝封爲監察司之神蓋取此義張燕公祭神之文有曰致和養物助天育人張曲江亦曰方隅是保毗庶是依可知歷代崇祀之懇願矣不特此也典制凡有司蒞任之日必先齋宿與神盟始得視事誠以幽明感格捷於影響神既保障一方俾羣生咸遂而尤以佐顯穹彰瘴之權維持政教蓋民見有司特多巧飾隱蔽而一至於神字莫不咋舌輸心慚悔隨之此則秉彝之不可泯也而獨於神顯之則神職重矣神之聲靈赫濯寰宇皆然而在南平似更爲不同楊文靖之記曰崇山峻嶺爲郭郭驚湍急流爲溝池是與楚郢之方城漢水可相

比擬擅江山之雄爲東南之冠險阨奇麗全閩襟喉故士多光明
俊偉先儒之遺教猶存敦詩禮而樂農桑官斯土者安敢忘所自
耶聲承乏名區視事之先一日卽欲遵制齋宿不意廟貌無聞祀
事不設闕典旣久因循莫舉卽此可以知各務之廢弛矣於心戚
焉奈邑當衝繁之地遭變逆之後瘡痍未起哀鴻遠翔案牘蒙塵
撫催不暇三年於茲民困少舒衆廢少舉遂爲擇地鳩工而太學
生葉績耆民方茂林同以縣署之左基址助請臨溪面山俯漣漪
而仰葱鬱神實憑之因而殫厥心力閒及勸輸甫一載而祠宇告
成皆出神之孚佑遂得上合典制下順輿情嗣此雨暘寒燠天心
允協乎人心丹雘肇飛終事一如其始事而神之造福於吾邑者


寧有澀淡哉銘曰
歷代通遠以崇山潤以大清神所
憑依陰助司牧唯此而平
滄海城壘保澤牧寧德威孔肅廟貌聿
新典常光復億萬斯年
萬壽無疆



遺集跋

宋黃大任

濂洛接洙泗之正傳蓋漢唐數百年之所未有考亭集濂洛之大成所傳聞者龜山所聞者豫章所見者延平三先生皆劍津人一脈相傳又他邦之所未見晦庵先生云潛思力行任重詣極如羅公一人而已又祭延平文云惟時豫章傳得其宗受於前而授於後猶水木之有本原天下知敬豫章先生非一日矣初心先生所謂不待遺藁而後顯信夫羅君以其編輯之勤益求其在我者使驗之於心體之於身無一忝焉是亦先生之所望於後人者也孔顏樂地非難造好讀誠明靜定書誦先生之言以爲君勉可乎咸淳六年臘月五日建安黃大任謹書



語孟師說跋

宋陳淵

予與仲素定交幾四十年憶初從龜山龜山以孟子飢者甘食渴者甘飲與夫人能無以飢渴之害爲心害則不及人不爲憂矣令仲素思索且云此語若易知易行而有無窮之理仲素思之累日疏其義以呈龜山曰飲食必有正味飢渴害之則不得正味而甘之猶學者必有正道不悅于小道而適正焉則堯舜人皆可爲矣何不及之有哉龜山云此說甚善但更於心害上一著猛省留意則可以入道矣仲素一生服膺此語凡世之所嗜好一切禁止故學問日新尤不可及自非龜山抽關啓鑰而仲素於言下猛悟何日臻此故仲素而不死則其精進此道又豈予之所能知哉今日

李君愿中以其遺書質予其格言要論自爲一家之書閱其學益進誦其言益可喜信乎自心害而去之也自仲素之亡傳此言者絕少非愿中有志于吾道其能用心如此之專乎旣錄一本以備玩味今歸其書並以仲素之所授於龜山者語之以俟異日觀其學之進則此語不無助焉紹興辛酉正月庵山陳淵謹書

韋齋記跋

宋石 塾

吏部朱公尉尤溪時命其燕居之齋曰韋郡之儒先羅公仲素記之吳郡戶曹曹君令德銘之宣和六年更兵火棟宇易置乾道七年塾猥當邑寄公之子編修先生仲晦父適以事來塾學于先生相與訪故韋齋所得小室雖非其舊而風景不殊遐想高踪歎慕不已先生亦泫然流涕因出張舍人安國所作齋榜二大字塾請揭之並刻記銘以成公志惟公道學高妙充之於身洪纖中節猶懷辯急之慮而有佩韋之警夫子曰德之不修學之不講聞義不能徙不善不能改是吾憂也公之謂歟

平
ノ
果
示
身
一

一
一
一

題集二程語孟解卷後

宋羅革

余兄仲素篤志好學推研義理必欲到聖人止宿處以王氏解經釋字雖富瞻詳備然終不得聖賢大學之意遂從龜山游摠衣侍席二十餘年獨聞至當得洛中橫渠語論頗多乃編成語孟二解記當時對問之語不加文采錄其實也廖仲辰於龜山門下與仲素爲友得其本錄之庚戌辛亥中來聚生徒於南齋授予此本廖諱衙爲龜山之姪婿議論尤得壺奧紹興壬申六月念八日弟革因閱此書記於汀州教授廳云

書文集後

劉將孫

學記曰三王之祭川也先河而後海此之謂務本至哉言乎此師友之定論也考亭朱子出延平李氏延平出豫章羅氏今朱子書滿天下延平豫章之遺文緒論未有聞者將孫一來延平適兵革之後慨然求之者舊聞久乃得延平問答其詞語渾樸皆當以三隅反者且自謂不能發揮以文又久之得豫章家集所傳者寥寥僅見又非延平比愚益信二先生之所以上接伊洛而下開考亭者初不在於言也或曰其簡也若是道烏乎傳余作而言曰茲道之所以傳也子曰予欲無言又文莫吾猶人也躬行君子則吾未之有得言語之道盛而自得之學隱矣二先生之自得者有不能

得於言也其所以傳朱氏者亦不在於言也朱氏之得於二先生者亦有不在於言者也而朱氏之所爲言之長者其所授者無二朱氏也朱氏之言不得已而言者也而世之求道者往往必求之言也則吾爲斯道慨然於此久矣此集鳩集勞矣寶守猶不易此亦不必他求而附益之先生之所爲先生者不在此蓋嘗拜先生之睟容者光風霽月玉色金聲劍山青青劍水流清徘徊瞻極何往而不聞金石絲竹之音也

延平先生書院紀原

明李天同左史

延平乃楊羅李朱四先生傳道之邦龜山先生早學於二程先生之門及歸明道目送之曰吾道南矣豫章先生師事龜山延平先生又學於豫章三先生皆劍人也晦庵先生雖新安人實生尤溪之尉麻又從延平先生學此傳授之源流也嘉定二年陳復齋宓來守是邦遂訪白鹿規式創書院於南山之下以爲奉祀講學之地禮聘九江蔡念成爲堂長延請洪齋李燔定學規捐俸市田以贍生徒時眞西山帥長沙未上亦來預講四方名士咸會其後傳守康重建祠堂於禮殿之側又籍廢寺田以益之初復齋以書院成請於朝乞賜額當軸者格而不行又嘗請記於西山旋復書之

記稿已就以勅額未下姑俟之端平改元今大叅鄭姓之赴闕經
從首謁祠堂諸生因申前請乃轉達黃守埒爲之露奏至十月命
下宣賜延平書院爲額越明年秋淫雨爲沴水突山頽禮殿祠堂
一時覆壓所存者講堂四齋及風雩橋而山勢壁立慮有後患董
守洪謀遷之下其議諸生合辭曰遷之便遂相與度地於聞猴洞
去舊址僅百步地勢平夷徑深邃枕九峰頽劍潭疊巘清流四面
朝揖絕市井之囂飽泉石之勝眞羣居講習之所禮殿建於右書
院設於左不相瀆也又瓶堂以奉先生講堂前峙四齋對立視昔
加闢焉姑敘初移之大略詳列於後李左史大同爲記

與教授公書一

宋李侗

侗頓首再拜鼎元秘教尊兄座前侗不見顏範甚久咫尺時間動
靜深以自慰梅雨方懋伏惟燕居爽塏頤神尊候萬福侗塊處山
樊絕無曩昔師友不聞道義之訓朝夕兀坐賴天之靈尙得以舊
學尋繹以警釋貧憊而已其他亦何足言苦於無侶可以縱步前
造齋館以承近日餘論臨紙馳情未間伏冀順序爲遠業加漸以
次陞用至叩至叩乘便謹上狀不宣重午後一日侗頓首再拜上

與教授公書二

宋李侗

侗頓首再拜鼎元秘書契舊昨便中傳示誨幅并錄示盛製一觀
心畫如見顏角玩味以還慰感未易可言區區欲卽嗣狀竊聆車
馬近與日者他適以故未果於奉書唯積傾仰耳秋暑尙熾遠唯
卽日以還慶侍尊候動正萬福侗塊處山間絕無遊從賴有經史
中古人心迹可以探蹟雖粗能遣釋朝夕然離羣索居不自知其
過者亦多矣尙何敢疏一二於吾兄者邪忽得不外指示所志一
一諦思足見別後造道之深欽服欽服侗文采鄙拙未嘗輒敢發
一語近爲朋遊見迫有一二小詩輒不揆錄去求教取笑而已非
敢以求報辱也便次有以警誨者千萬勿恡至懇至懇咫尺未期

會合且冀勉厲以赴省闈大敵行席魏科爲交遊慶此外加愛爲
禱七月十四日伺頓首再拜


與陳默堂書

宋羅從彥

從彥承喻聖道甚微有能於後生中得一箇半箇可以與聞於此
庶幾傳者愈廣吾道不孤又何難之不易從彥聞尊兄此言尤著
意詢訪近有後生李愿中者向道甚銳曾以書求教趨向大抵近
正漫錄其書並從彥所作小詩呈左右未知以爲然否

海
南
縣
志
卷
之
一

三
三
三
三



誨子姪文

宋羅從彥

東鄰有千條家子孫不肖博奕飲酒馳馬試劍挾彈持弩與羣小爲伍見士人則逃遁西鄰有百貫家子孫不羞里巷不顧父母日復如是諸子前行路人肉杖之曰爲人子孫固如是乎二家之長一日聚議曰吾二家子孫不肖如是之深治之恐傷骨肉之情不治之則恐敗先君之業若之何而爲是乎旁有客曰此乃至愚至賤之徒終遭刑責而後已吾將拉汝二人訪諸南鄰萬斛之丈人請問訓子孫之術矣南鄰萬斛之家數十人入孝出悌文行忠信口不絕吟於六藝之文手不停披於百家之篇閨門之內肅肅如也閨門之外雍雍如也君之子孫如是夫何爲而至是也南鄰萬

斛丈人曰吾之誨子孫也非鞭非笞非詬非罵但寫唐文人杜牧示小姪阿宜二句又寫本朝宰執諸公倣杜牧示姪聯句又寫范文正公家訓題東軒壁句時人謂之東壁句吾將示之倣寫於東壁示子孫尤佳東西二丈曰敬聞命矣願將本以寫於壁焉

杜牧曰願汝出門去取官如驅羊

富鄭公曰願汝出門去錦繡歸故鄉

韓魏公曰願汝出門去早早拜員郎

范文正曰願汝出門去翰林著文章

曾公亮曰願汝出門去錦繡爲肝腸

陳了齋曰願汝出門去柱石鎮巖廊

真德秀曰願汝出門去德行重八方

後蘇東坡打渾示子蘇邁曰願汝出門去毋玷辱爺娘

羅古人卽仲素先生也族有不肖子數人撰此以勉之况其親子弟乎此見仲素先生仁也故曰仁者之言其利溥哉族人羅綽敬跋

羅仲素先生無書不讀深造聖經之奧旨有志於學無志於仕不求人知之人自知之遠近之士聞風慕道踵跡而前肩摩而袂屬也予嘗得其誨子弟文藏之以爲家寶今縷板以廣其傳幸觀覽者誦其文而究其義師其言而尊其人爲尊長者勸焉爲子弟者勉焉其有補於風教豈細也哉傳曰君子之言信而有徵其先生

之謂乎然則信斯言也宜書諸紳隆興元年六月十五日左奉議
郎致仕賜緋魚袋孫大中敬跋

小簡借遵堯台衡錄

宋李侗

侗向承見喻舊寫得羅先生遵堯台衡二錄欲望頒示一觀若蒙寄附便來甚望蓋兀坐絕無過從正賴師之說散胸中潰潰耳有吾兄昔日唱和佳篇亦冀不外相示看畢卽上納也侗再拜

平之集示身一

三二ノ

祭李延平先生文

宋朱 熹

道喪千載兩程勃興有的其緒龜山是承龜山之南道則與俱有
覺其徒望門以趨唯時豫章傳得其宗一簞一瓢凜然高風猗歟
先生果自得師身世兩忘惟道是資精義造約窮深極微凍解冰
釋發於天機乾端坤倪鬼秘神彰風霆之變日月之光爰暨山川
草木昆蟲人倫之正王道之中一以貫之其外無餘縷析毫差其
分則殊體用混元隱顯昭融萬變並酬浮雲大空仁孝友弟灑落
誠明清通和樂展也大成婆娑圻林世莫我知優哉游哉卒歲以
嬉迨其其季年德盛道尊有來捫衣發其蔽昏侯伯聞風擁篲以
迎大本大經是度是程稅駕云初講義有端疾病乘之醫窮技殫

嗚呼先生而止於斯命之不融誰實尸之合散屈伸消息滿虛廓
然大公與化爲徒古今一息曷計短長物我一身孰爲窮通嗟嗟
聖學不絕如綫先生得之旣厚以全進未獲施退未及傳殉身以
歿孰云非天熹也小生卯角趨拜恭惟先生實共源派閭閻侃侃
歛衽推先冰壺秋月謂公則然施及後人敢渝斯志從游十年誘
掖諄至春山朝榮秋堂夜空卽事卽理無幽不窮相期日深見勵
彌切蹇步方休鞭繩已擊安車暑行過我衡門返節相遭涼秋已
分熹於此時適有命召問所宜言反覆教詔最後有言吾子勉之
凡茲衆理子所自知奉以周旋幸不失墜歸裝朝嚴計音夕至失
聲長號淚落懸泉何意斯言而訣終天病不舉扶沒不飯含奔走

後人死有餘憾儀形永隔卒業無期墜緒茫茫孰知我悲伏哭柩
前奉奠以贊不亡者存鑒此誠意

又

山頽梁壞歲月不留卽遠有期親賓畢會柳車旣飭薤露懷悲生
榮死哀孰不推慕熹等久依教育義重恩深學未傳心言徒在耳
載瞻總綍彌切悲傷築室三年莫酬夙志舉觴一慟永訣終天嗚
呼哀哉

果
三
身
一

三
一

祭先儒羅從彥墓文

吳宗堯

萬歷元年春正月初七日奉議大夫同知延平府事漢陰後學吳宗堯偕南平令鄭用淵率貢生劉文和黃縉諸生朱成瀛查應秀楊烈官日和吳謐童環吳會官楊天衢余履信李士彥童佐邱應登黃朝昇游於東查應春游於廣劉通余應江林有桐朱廷獻邱應翰陳川賓童求我陳王道等祇拜于宋儒豫章羅先生之墓曰嘗讀乾九四文言君子進德修業欲及時也魯論警學之不足畏乃謂四十五十無聞焉竊慨人生宇內修短靡齊自後生而至四五十閱世亦久道尙無聞由其習俗久安師友勿值戒謹恐懼之念微功利詞章之志奪德業日廢遂坐罔生不覺嗟嗟豈非今古

學者通患哉。曩唯先生清介絕俗聞達，不求年四十一時，龜山令蕭山徒步往學，自痛舊學之非，三日汗背，幾枉過一生。其同遊十餘人，而潛思力行，任重詣極，惟先生一人而已。後講易至乾九四，聞伊川說好，遂鬻田裹糧至洛，請見及歸，侍龜山二十餘載。年六十一始就特科，授博羅簿，住羅浮山靜坐三年，神還造化，嗟嗟業吾孔氏困窮之固志，道之勇悔悟之真，搯衣之端，澄心之久，如先生者，幾人也哉！是不爲一方之儒先實百世之師表也。宗堯邊鄙迂士，萬里而遙，楚粵求師聞道，媿晚心仰先生，來自東髮，明式建郡流風，幸存乃辟其後，生子弟式瞻墓里，追尋遺規，求破俗爲聖人之徒，大其宇宙心胸，滌其根塵，習氣各慎，獨之懋崇德業，勿枉

此生惟先生其冥翊之謹告 羅先生嚴毅清苦箠瓢隱居逾者
就官僅一主簿喪不能還族人羅友判惠特護以還抵江值寇旅
觀剝中又數年門人李先生侗始歸葬羅源黃際坑之麓歲久就
蕪嘉定六年南劍州守劉公允濟爲刻志嘉靖丁亥學憲仁和邵
公銳構享堂茲吳先生宗堯覲其碑堂圯剝乃謀於郡守錢塘林
公梓檄呈兵憲江右周公余命南平丞沈榛督葺經始于上元落
成于仲春粵稽先生遯世無悔雖里人亦鮮知之况卒于官嗣微
弱尙覲有司崇重于四百年之後乎唯無覲於生前故有稱于沒
世若先生真可使頑夫廉而懦夫立志修理事竣有感於斯附書
之以告來者

甲
之
集
示
卷
十一

四
十

皇明欽賜祭葬碑文

維


萬曆元年十二月丁未朔越十三日己未

皇帝遣福建等處承宣布政使司左叅議張尙文致祭原任刑部右

侍郎游居敬文

曰唯爾性資雅厚才質通明奮迹賢科儲英藝苑升華烏府晉
秩臬司歷轉雄藩旬宣績著薦更都憲保釐功多菲萋偶構於
浮言心跡竟白於公論再起林壑用佐秋卿引疾乞休遂成淪
謝訃音來上卹典宜頒治葬飭工遣官諭祭爾靈不昧尙克歆

承



平

五

集


二

六

祭大忠祠文

明張程吉安

惟靈鍾其秉秀作棟皇家取義成仁捐生殉虜雖鼎遷物改猶眷戀於七尺之孤泊蓬斷楫危尚徘徊於一盪之渡膏身柴市正氣常存開府劍州英風各在精忠大節等一死於鴻毛遺韻流風雖百年其胸隙是宜凡官其地者尙薦萍藻之雲而况予鄉之人乎寧無桑梓之感嗚呼世統變以容身分公九死而不顧也世同生沒可應草兮公揭日月而鞭雷霆也實者唯唯俎于一方兮公隨所往而殷薦也予宜感之文離于此邦兮公證乎默結予所不逮也余欲方而進學兮將以寄予之丹心也茲情之達乎冥漠兮倘鶴淚而來思也



Handwritten text or markings along the right edge of the frame, possibly bleed-through from the reverse side of the page. The text is mostly illegible but appears to be organized in a vertical list or column.

祭四賢書院文

明曾佩

恭惟道在天地孰寄孰傳不有聖賢孰開孰先統之者心躬履實
踐澄默詣極乃探其源口耳支離愈詳愈忒亦有異學作我茅塞
孰返我真相授指訣猗歟龜山載道而南源委脉絡程氏之統亦
授豫章乃獨得宗嚴毅清苦篋瓢高風能自得師惟公延平深潛
體認驗中未發不在多言靜中主宰啓我文公辭去復來心性隱
微聞益超絕專精致誠退然弗勝涵養本原罷去作文集諸大成
發明六經師友一堂淵源有漸俾我後人正學持循滄洲告虔不
忘推本佩生也晚雖邈有聞亦能無滄洲之念也耶茲於按延之
日拜瞻祠下見木主未具特命有司肅戒題四賢先生之謚并號

以爲神依庶俾後學識瞻仰焉惟神尙昭格庭止惠我等緝熙永
永其無斁哉

告城隍文

明巡撫 劉思問

萬曆戊寅夏五月淫雨不止洪水入城巡撫劉思問命有司具禮躬詣廟爲文以禱卽日雨止天霽人以爲神貺云恭惟

上帝阜我蒸民明則樹后王大夫文武百執事以節宣元化幽則授日月風雲雷雨山川社稷及爾城隍諸司應辰順布罔不備亦罔極無以以虐我民其分責於爾諸神甚悉惟是南劍實八閩要區比者霖雨連綿溪水泛漲漂山蕩谷淹沒我田禾衝壞我民居入我崇城溢於廣衢赤子嗷嗷蚤暮叫號罔克若厥生日何神之殲予而罔予恤也予方承上簡命撫奠全閩秉鉞鼓節於劍溪之陽誠不忍目擊吾民遽罹茲毒豈將事者之不職鑿

南 平 縣 志 卷 之 十 四 四 一
天和而神降之罰與民則何辜我心孔亟惟神哀此元元其尙
速聞于上帝亟除靈虐用若時暘俾吾民獲修其猷歆完其廬
舍庶克有瘳乎某敢不夙夜躬率勵文武僚屬宣鬱德化與神
明共庇爾一方生靈也此厥不聽而日殃則有歸豈國家所以
祀神所以奉天之意哉

祭義塚文

清官志涵邑人

維

乾隆四十九年歲在甲辰十有二月望日丙申翰林院檢討記名
御史官志涵謹以牲醴庶羞香帛之儀致祭于

新立義塚瘞埋遭水漂流枯骨之靈曰嗚呼傷哉汝何辜而適波
漲頓使安居之體忽泛爲斷梗而沒於巨浪憶予甲申之歲主講
蘭溪友人何蓉林適爲浦江之保障感吾延水東佛院停柩之纍
纍願得官爲之埋葬今宦浦江捐其廉俸仗君歸里爲之掩藏詎
意予歸而停棺已埋並佛院而俱蕩顧予受託而莫踐抱茲忱而
難忘恍今夏之暴流人物隨白波以播盪屍宛轉於建溪豁闌于

於河傍觸予懷以慘惻乃圖營爲斯壙非佛院之停柩是私茲積
骸其等量汝旣漂流而尙存幸吾收瘞而汝相遭水可痛歸上母
快汝諸骸其無知久冥漠而莫之悲倘其有知應轉饜而交暢汝
宜誌何公之令德遂其幽棲無爲鬼雄以茹辛永辭苦况歆我卮
酒饜我饋餉清風朗月魂來溪上忽悲骨肉之盡離或戚殘軀之
失喪各安厥命以適去來之儻何公平和制科浙江名宦號曰蓉
林其名子祥爲汝展告庶慰汝諸骸之瞻仰尙饜

告城隍文

清知縣 楊桂森 雲南

曰今有司奉

天子命出宰斯邑凡以爲教養斯民計耳斯民非有司之民

天子之民也

天以兆民畀之

天子

天子以一邑之民責之邑令民之生死安危饑寒飽煖寄於有司乎

係之有司以市心擾之而民不堪命矣今有司自詞省來受

天子恩深且重雖曰一行作吏乎而

天子所以責望有司者良非輕矣夫民可靜不可動也治民者可公

不可私也欲去其私必先於隱微治之務使一介不取之心時
嚴於夙夜而後一塵不染之概可諒於齊民有司砥礪廉隅之
念自束髮受書時已早定之至備員清華而此念益加嚴焉其
不必求諒於

神而自無不可共信於人蓋已素矣然邑宰職任用人繁且雜保
無有官親朋好家人書役隱賄其間此非有司之罪而皆有司
之罪也有司不敢任其罪則凡耳目所不及察時識所難周之
處必借

神力爲有司糾察之誅責之且人情靡不有初鮮克有終勵節於
始而謹其操於平易之時也易保節於終而堅其守於艱窘之

際也難有司雖自信甚深而恐歷久爲艱窘所迫而或易其節
也不敢不以誓日危懼之詞借

神報以悚惕之自今指誓以後敢有一念游移或踰久而變其操
或陞調他方而易其節者吾

神定以今日之言誅有司有司不敢辭也淡如鶴俸既冰况之久
安志學雞廉自霜貞之不改雖蓬山頓別已難希報

國之文章而竹節可安尙幸守承家之清白謹將酒醴用達精誠
有渝此盟

明神殛之尙饗

祈雨文

楊桂森

嘉慶十二年歲在丁卯季夏月辛未朔越祭日丙申南平縣知縣楊桂森謹以香楮之儀致祭於

行雨龍王有感之神位前曰蓋

天之仁愛斯民甚於父母之愛子

天不忍斯民之受饑饉甚於父母不忍其子之受饑饉解雨需雲

天固無時或吝焉而亢旱究不能免者則責在人事而已陰陽之不

和上下之氣不交也和甘之未應官民之情未聯也有司自卯

月蒞任於今四月餘矣膏霖未充田禾日槁意者惠不孚歟用

不節歟猶因怨深而刑罰失當歟有司自知清在一己無益百

姓內滋愧焉然

神明爲有司無善政而害及合邑之數萬生靈其無乃非仁愛斯
民之意乎宰官有罪謹省過而焚香蒼赤何辜願及時而沛澤
遲一日雨則徧枯百萬頃之田早一日雨則能生億兆之命請
聽四鄉搥鼓難堪吁救之聲願教卽日宣雷普潤滂沱之澤寧
嚴譴於司牧毋因敝我蒼生永息乖風廣霑利濟尙期油然而
作人共感

龍之爲靈若使置若罔聞我亦怨

神之不德臨祝無任惶悚之至謹奉牒以聞

藝文志

賦

神劍化龍賦

清童元璠

懿夫殊尤之質靈降自天神異之物隱見相沿溯厥英華白虹
紫電欽其品格太阿龍泉惟鍾秀之既久彩常耀於山川雖彼
此之遙隔卒會聚之有年爾其葛盧之鐵涵育其精赤堇之錫
鎔鑄得成龜文縵理羣比擬乎寶質干將鑞鄒兆錫與以嘉名
幾世塵封騰紫氣於牛斗崇朝穎脫出焰鏢於豐城鋒銛交輝
兮新劔初發嚴威相對兮雙匣同陳陸剽犀象兮狐兔遠跡水
截蛟螭兮魚鼈潛鱗大美同憐兮一效名賢之獻奇材罕覩兮

一留什襲之珍既參商之異地遂阻斷乎紅塵迨天日月升沈
光陰歛忽名流已往喪其故物雖三尺之尙存應孤鳴而抑鬱
人莫知其行藏疇可卜其伸屈追當日之相隨亦惟憶其髣髴
未幾而皇華有命策遣閩中翩翩公子劍佩玲瓏孤舟順度延
郡之東平流十里千仞潭空寶刀躍出入水爲宮俯而視之盤
辟如虹雙龍隱見仍結雌雄不可摸捉顧平生風乃知一先據
乎其宅一匹偶乎其中縱前後之稍異究神化之皆同由是而
或見其頡頏而下上或見其屈曲而翔翔或吐雲霧之鬣鬣或
降雨澤而汪洋舉網之漁翁盼波濤而驚駭撐舟之釣叟睇爪
鱗而徬徨幾不知其爲劍化之所而第以爲龍戲之場吾思夫

尋常之器適用爲良分析之深相離難合宋斤魯削未聞其變
幻之觀禹璧軒桐幾見同江海之納孰若此之相時而動遇傑
士之知音韞匱而藏壓塵氛之雜還譬彼闔門之好合一唱一
隨又如澤畔之行吟一歌一答機同英哲之出處道契乾坤之
闢闔者哉因傳聞而作賦爰浩歎以長歌歌曰劍津之水滔滔
瀾瀾豐城寶刃飛聚於此化爲雙龍奮騰而起潛見飛躍時行
時止澤被萬物功莫大矣人不能測神耳神耳

劍津賦

清林大來

維靈奇之鬱結麗榮光於斗牛翳象緯之洞達起廉鐔於沈幽
期黽勉以淬拭擘吾佩其前緜披琅函之錯鏤嬰修蛻以逍遙

意傾玉量金不假盼
鷲落於水嶽嶽之鍾州
粵稽神物之成也
赤堇山破若耶溪
旱雨師檄犇雷公
鼓竄鎔六英與五
精殫萬辟而千灌
倩豐隆兮奮椎擬
飛廉兮扇炭汨彩
浮兮星連耿陽
文兮陰縵羌辛勤
兮風胡歎遭逢兮
雷煥爾其鋒騰欄
具焰軼管涔泰華
可鎮江海亦沈灼
其匪鏗鏗者鑄宜
召衛於龍墀假
符乎虎節橫公子
之幌幃豎將軍之
佩玦夾綠綺牙籤
而縱鳴排珠盤玉
敦而衝折夫何偵
馮夷之幽宮躩蛟
人之邃穴垂蜿
蜒於秋水兮閃妖
虹而電掣辟象罔
之狂獠兮劃靈鼉
之腥血千秋萬歲
其逝者兮咸憑弔
乎稜稜三尺之鐵
吾觀夫桃花渡口
燕子磯邊櫂歌歎
乃帆影回旋撥琵琶
而夜半橫短笛於秋

問羊裘老子之釣鳴夷子皮之船楓落江而黯黯鷗過浦以
命未有元蠟光生於黃紐文魷綺錯乎白堅任荆棘銅駝之屢
變依合浦明珠以自全爾乃激瀨銜山潺湲繞郭扼八閩之吭
喉鍵上游之鎖鑰波撼垂虹之宮嘯近聞猿之關小營村外壘
燕飛來偉觀亭前楊絲乍落望歸雲兮峽斷連過冷風兮山寂
寞俯萬丈之濯淵見千年之干鏌是故朝浮珀影於金烏暮躍
珠光於玉兔颺颺風浪龐鏗鏘之鐘聲葱蒨霞波炫娑娑之火
樹石鯨鱗甲近水皆驚畫鷁帆檣非鳥亦渡或有南來遠宦北
徂勞臣江樓戍卒野驛羈人舟招吳越客本燕秦司馬曠遊之
迹東坡懷古之神拔七星而擊碎酣百回以微噴歌馮驩之長

欽弔靈均於江濱痛世眼之如肉邈物色於風塵溯滄洲以游
沐淪璀璨之鏗鋳重英雄之感曉來遊俠以恣神曉乎寶器非
小良輒亦多棠谿屬鏤燕支太阿剗鐘於陸刺犀於河悵今來
而古往昔不知其存沒之如何獨豐城之露影歷奕禩其耿耿
遇知己於囹圄脫神鋒於塵境俄幻化乎澄潭彷彿蛟龍而愈
猛合兩美以無言流芳名於有永耐剝蝕乎河山壯波濤之風
景非人心之愛偏豈天眷之獨暹抑亦萬物之有幸有不幸重
曰九峯峯律兮雲蒼茫河水清且淺兮吾徜徉吾徜徉兮樂未
央覽茲雙劍兮紛陸離於滄浪滄浪滄浪兮何當起是物而倚
之乎天間

修身賦

林大來

茲萬紀之一身兮曷草鹵以苟營既高下殊態之必競兮獨此
身芳臭其靡爭非綴美以標衆兮端以弗惡於乃心懸玷及於
我親二人兮增奮悚其彌深也孰艱限可辭以擇便兮或倦勤
之漸侵也邇影衮以宵旦相歡兮幽獨控要以存誠植本蔕以
如孺兮敦孝義而推發彌宏哀芸生之失所兮仁集四端而備
美盼儉讓之可寶兮敬依靈丹爲終始恕施利往終身兮憚憚
焉其勉之伎求不知德行兮摧卑態爲臧基嗟前聖所勤箴兮
如何其弗思也古賢森森立型兮忍離異而叛諸貫戰兢以匪
放兮因坦怡厥中而自如非避殃以覲社兮帝命來臨永如鐘

鼓之聲聞身潤心廣已占清吉兮矧百物繹趨而孔殷

劍津賦

清歲 謝純鑣 邑人 貢

原豐城之紫氣千百尺而冲天矚司空之青眼邀一盼而神傳
惟神物之不可終淹鋤犴狴而霜鏑宛然爰有建安從事晉室
少年沃以黃土飾以青瑱朱丹其室赤紱其縣充江皋之佩越
閩嶠之巔惟時雙津渡口九峰麓前湍急波翻山斷雲連挾一
天之風雨躍三尺於深淵漁人求之弗得用以名我山川溯自
雙溪碧落澗水春生東引甌越西控漳汀波洄潑合環帶山城
飛巨壑而走魚鼈窟蛟龍而嘯長鯨誠神奇之淵藪抑寶物之
筐篋爾乃如玉之璞如珠之蠙精華煥發炳炳麟麟嘯起波濤

如螺如鱗氣浮蕩漾如霧如銀如犀在海如蛟在津如龍影之
不可身親偃屈水底天矯清淪詎不如怪而如神以故變化無
端誰能方物鐫光兮水淬鐔芒兮沙拂星文兮若霜蒨緜兮似
綽鳴吼兮依稀蜿蜒兮髣髴鹿盧兮宛轉龜文兮屈曲照水兮
驚心刻舟兮難乞固有蟬脫成鋒瞻子喬之形早藕如椽費張
存之掘者也夫是旅客騷人名卿鉅公烏榜乘雲鷁首浮空探
巨闕於馮夷索太阿於龍宮津泛桃花光分紫電波淘皓月影
動白虹霜飛甬浦橋頭驚看湛盧出匣日射百花臺畔差疑屬
縷迎風若青萍若芙蓉若流彩若華鋒罔不與波上下歷千古
而莫知所終亦有長年三老笠叟漁郎解纜城畔鼓棹中央航

如月舟是棠衝巨浪逆光鉞趨百里撥魚腸驚鯢滅魄飛景定
光騰空見機奄日飛檣又莫不逐斷蛇於漭沆追流星於汪洋
爲陽侯之所不能抗昆吳之所不敢當自是水兮盈盈山兮巖
巖流峙爭奇神靈潛伏逃楚王之城穿晉庫之屋墮旌陽之三
走大帝之六磨礪星潭昂藏嶽澳照膽深懸破山不復其將輝
麗我名川乎用發秀靈於鍾毓云爾爲之歌曰劍水深兮繞四
匝劍山秀兮拱雙塔鯨鯢靜兮犀兕藏劍有光兮映閭闔干將
莫耶兮惟此津之永以終台

冰壺秋月賦

清歲 謝純鑣 邑人

有大人先生稟高亮之純粹揭明輝之晶瑩虛靈機而不滯澄

濁見而愈清文簡潔而備體道正大而光明冰壑雪山韻致收
千峰之澗風樞月牖胸懷據一水之泓夏鼎商彝方寶貴而無
價春風冬日被和旭而難名擬議胥忘言思皆絕評玉冠於崔
澹無當品題摹春柳於王恭徒滋媒褻爰是繪其清明方諸亮
節庶冰壺之一私不形其秋月之萬源俱澈蓋自含輝麗苑碧
確奧區等璠璣之佳製用敦琢而成壺鑑日裏之樓臺曜靈光
於紫殿瀉水中之琴瑟叶和雍於金竿外不磷而不溜中若虛
而若無陋軍持於瓦缶實玉府之甌瓠故貯日月而璀璨更凝
天地以精華若聚霜花以結體無煩賴髓以療痂結綠臺前冷
入鮫人之夢珊瑚架上光分青女之車一片雪肝腸不緣鐵縷

箇中眞面目如晤冰衙以故夜珠懸黎拂光風而難罄亦若冰
盤玉盃照皎月而無瑕然而皓徹晴空光搖一色壺固可珍月
尤難得山飛雪片走玉兔於梁園水泛銀絲映素娥於澤國零
落則白滿疏林平鋪則輝揚四塞沐子夜以餘光並陽明而合
德矧其金商飛越白藏時逢雲旣空而霄霽潦亦淨而津溶牛
渚渡頭泛清音於萬里庾公樓上挹佳興於千封桂樹團團香
薰蟾窟金波瀝瀝影弄虬松揭玉露而蕩滌採秋霜而磨蕪撫
清曠於高朗仰圓淨於叩顛豈玉輪足以方其潔冰鏡足以肖
其容乎夫惟埃壒不沾塵垢俱墜堅貞勵而有融天光明而無
我如水之瑳如素魄之輝騰如秋光之裊娜溯昭質之無虧乃

發揚而當可是以重門洞闢攬消屑之皆芬八面玲瓏哀高姿
之競爽恍置身於玉山儼晤語於冰幌自慚形穢乃不染於一
塵如步清虛望碧落於千丈企暉吉之丰儀塵德容於意想體
質璞而彌彰心活潑而元朗何以寫其澄澈之精神要惟驗其
靜中之氣象

南 斗 果 記 卷 一

藝文志

五古

雙溪閣

宋蔡襄

雙溪會一流新構橫
蘚赭浮居紫霄端
臥影澄川下峽深
風立豪石峭湍聲
瀉古劍成蟄龍商
航來陣馬晴光轉
羣山翠色著萬瓦
汀洲生芳香草樹
自閒治主郡王士
安高文勇枚賈顧
我久疏悴霜鬢漸
盈把臨津張廣筵
窮晝傳清琴舞鼉
驚浪翻歌扇嬌雲
惹懽餘適晚霽望
外遺空野曾是倦
遊人念慮亦瀟灑

同葉道宿彌勒寺

宋朱松

日出度松嶺露香
霏羽衣瀟瀟夜氣
清蒼蒼煙徑微川
光浴秋容蘿

影掛夕暉冰輪展空闊飛轍無因依擬掬星渚波恐觸天孫機偃佺
何時見沆瀣聊獨輝未應青霞志卽與素願違稍收塵外軫憇此巖
下屏清吟寫萬籟妙想絕百非不須河漢言盡解紛華固飛仙亦戲
劇元學乃庶幾釐山切丹極歲晚行將歸

遊報國寺

宋朱松

掩關味詩書青簡亦已槁相携出東城及此風日好僧簷覆溪綠共
取一樽倒眷此山松陰不接牛馬道殷勤玩流光齒髮行且老諸公
奠九鼎帝室欣再造優遊客我輩放浪事幽討念君東山姿文字富
天藻夙期在經綸彈冠苦不早寧如楊子雲白首太元草

詠歸堂

宋楊時

結廬東山阿恍然俯城堙下有蟄龍淵浮光薄層雲彼美谷口翁杖
屨來往頻明月足爲友顧影相與隣擷芷佩芳蘭不與麋鹿羣虛堂
發輝素黃卷日相親采薇芼晨羹弋鳧侑清樽曝日自巖竇携童浴
溪濱微吟曳雙屣踏破蒼苔紋歸歟自樂只此意將誰論點狂聖所
與聊欲繼餘芬

老圃亭

宋楊時

昔君居隱淪投竿拂珊瑚今來寓谷口結亭事春鋤亭下十餘畝蔚
蔚有嘉蔬野果含朱蕤蔓實垂青桴籬根有蹲鴟晨炊勝雕胡豈惟
充君腹鄰里亦饜餘疏泉動地脉磽确成膏腴諒彼漢陰人機械非
吾徒避俗柴桑翁不復歎荒蕪倦懷經綸手治此一畝居知子非隱

淪聊以寓壯圖人生出處分禮義安可踰茲謀異樊須甘作小人儒

和張公敘別古風

宋羅從彥

良工剏新第瀟灑侔洞府經營未畢工四面方興塔蛟龍忽夜徙空中
震雷雨親舊賀於門主人迎孔戶連喚鳳兒來藏書幾多部爲我
張廣筵酬賓酌以旅人謂主公賢敦樸嗤峻宇規模出心匠務卑由
乃祖欲圖久安逸勿辭暫勞苦忠孝闡家門詩禮光族緒居室云苟
完謙冲彌自處玉石不分別鶴雞謾爲侶顧予局促羣鄉評少推許
嘗遊莊嶽間喜作齊人語何幸天相之幡然交鄒魯早年欽大名馳
書卿以序比來揖春風談笑揮玉璽見之名利盡久侍豈無補素志
已深酬青眼猶相與默念湯盤頌未爲傾肺腑何當惠古風錦繡施

牋楮妙曲誠寡合取則憑柯斧

白丈山

宋朱熹

執熱倦煩謁駕言起宵分隨川踏曉月度嶺披朝雲攀緣白石梯拂
拭苔蘚紋噴薄驚快覲琤琮喜先聞奇哉此精廬眇然隔塵氛諸公
肯同來定非俗子羣永日坐清越短章策奇勳慨然念疇昔離居已
荒墳中路忘磬折寸心漫絲棼唯應泉石願三生有餘薰茲遊護重
尋十載心氤氳他年訪舊躅山靈莫移文

茶洋驛

元薩都刺

白雲飛出山怒劈蒼峽裂幽谷溼晴雲絕壁灑飛雪萬折入滄海龍
宮水晶闕簸揚弄珠人冰簾掛寒月

劍溪草堂

明顧璘

湯湯劍川水匯彼東西流漫衍各殊派赴海同所由古人隱龍劍靈
光燭窺幽神寶閣千載象罔焉能求卓哉李延平鳳舉遺高邱元論
啓曾閱遺緒紹孔周化宿去已遠精舍虛寒秋鄒子秉嘉尚寒室事
藏修六藝莽充棟超然冀冥搜一承公車召遂爲青鎖留明廷風雲
會獻納輸良箴豈不樂康濟長懷歲月適登高望故里撫杯良悠悠

風波嶺

明羅明祖

危嶺延十里堪復號風波風撼侵星座波飛倒漢河潭澄鵬沐浴樹
壓鼠婆娑祇應崎嶇死何時釋網羅

自浦城至延平

徐渭

溪山孕鐵英怪石穿水黑馬齒漱寒流冶火融自滴方艇走石罅白
日飛霹靂操舟信有神出入坦然適以知庖丁者解刃有餘力循理
稱達人險灘亦何感

黯淡灘

徐渭

黑鼇穴地出暝沫從天下春雪跌深潭驚雷迸鐵罅回思身所經險
怪幾日夜老石萬片焦飛湍千里射樂父窺綠淵人命輕一詫或似
鼓大冶青銅沸將瀉女媧散餘礫頑渣攪不化念彼旣憮然僊茲殊
可訝短檣起沈舟山字振深窵因之誤絲髮長與世人謝浪怒一何
愚終古不得罷有時搏陰飈寒色慘朱夏借言呂梁叟何時恣閒暇
余雖愧達人笑對成一嚇

將遊溪源從人借車徒不應

謝良琦

性愛遊溪山苦無濟勝具從人借車輿卽事多抵牾自惟冰雪姿與
世動作忤貧旅衆所輕寧不守其故奮然成獨往敢曰猛虎步林莽
屢登陟峰巒回互有時升層岡曠望豁毒霧有時俯深澗響答辨
吞吐小立雙樹間縹緲領深趣經年事肉食常恐流水住修途企丹
崖相失亦已數及茲蠟屐初六合快馳騫寄謝高車子胡爲感行路

芹溪夜泊

明胡瓊

丹楓俯清溪望望煙樹斜長洲作虎踞茅屋皆人家攬衣欲登眺畏
此多含沙離人怨止宿夜靜江聲譁

經延平津

明林鴻

昔人雙寶劍經此化神物晉室已寥寥劍光猶未沒紅纏斗牛氣黑
漾蛟龍窟千里一寒流池波向溟渤幻化宵莫測沴氣閉復開有時
潭水上白日飛雲雷伊予歎靈異狂歌負奇懷回船向明月浩蕩秋
風盃

舟次鐔津

明王恭

木落天氣涼鴻飛水容夕微燈射遠沙夜榜鄰幽石月色棲處寒霜
花坐來白遙見九華峰蒼蒼但蘿薜

應雨亭

胡謐

劍津今使君蘭臺昔侍史寸地藹陽春千里煦赤子維時夏已深旱
魃勢方恣農民憂曷任苗稼焦欲死使君躬祈禱辛苦凡百至禮神

肅壇祠檄龍遍淵水徒跣忘足胝齋潔祛肉味一誠格蒼穹連日沛
甘雨旱氣片時收歡聲四郊起川源無涸容四野暢生意翻然致有
收允矣樂豐歲念此弭災功咸爲使君喜花封有賢令感激重民事
作亭俯城堙具瞻昭令譽殷勤索我詩紀德思不墜使君強壯齡况
復富才藝起拜行有期權輿應在此

灘行五首

陳朝儼

溪石齒牙利溪水蛟鼉吼船落水石間千山疑馬走轉盼已驚心思
尺恐失手長梢拒其前橫槳翼其右撇捩如突圍一攬出陣後大聲
隱地雷語噤常閉口

水平嫌船遲灘急喜船疾快意伏危機徐行可無失當其履險時亦

未判凶吉君子有戒心爲慮常自密小人有倖心不記出險日

溪水無停流易盈亦易涸水滿石潛形水淺石露鏘知機或不早始
悔從前錯剛柔迭相催趨避誰可託石兮何時平無爲苦作惡於汝
卜進退應亦點頭諾

前船如梭飛後船如箭擲前船落坑塹後船畏毒螫竟同壁上觀或
反擠下石險隘爭一門縮手乏良策豈無援溺心自顧不遑惜死生
誠有命怨尤亦何益

生不識風波見險弗肯避頗縱耳目觀好事等兒戲老成有危言聽
言或如醉及其遭跌蹉夢寐亦相悸所以天下事一一要歷試

感遇

戊戌三月二十四日余張橋至
護城黃霧四塞俗人呼爲黃沙

游居敬

聖人握元化璿璣律天時大道或瑀鑿陰陽相蔽虧我行護城野黃
雲蔽空飛紛若塵沙集暗如黑霧馳咫尺色莫辨閉目懼莫支問之
僕夫者若此未遇斯前日大風作三月雪花披威遇方未已憂冲又
在茲

又

天王振綱紀臣治恐有欺貪墨去泰甚蝨賊衆志疑輪埋豺虎避轡
纒印綬辭不然金甌盛儆戒慮仳離趙高指鹿馬纒言變是非劉向
上封事漢治實鑒之深陳否泰理正直異詭隨怠荒生盛滿君子慎
其微烏呼苞桑繫昭假在轉移禍首福所倚陽盛陰乃衰羣賢方濟
濟重無傳與伊旣讎多齟齬蹲沓恒遊嬉存亡在所任古帝重得師

誰陳一德語載歌七月詩一朝煙霧掃翺翔威風儀琴瑟更乃協嘉
穀去其疵王道本蕩蕩所貴無偏陂我方赴薇省何以播音徽

延津春浪

施開治

延津春浪發每見心爲驚不是劍將起如何龍欲爭橫波遮四岸回
湍拍山城舟子爲射利飄然一葉輕

觀造竹紙

五十韻

朱彝尊
查慎行

信州入建州篁竹冗於篠朱居人取竹紙用穉不用老查
遑惜簫笛材綠波一例倒朱束縛投深淵殺青特存縞查五行遞相賊伐性力
揉矯朱出諸鼎鑊中復受杵白擣查不辭身糜爛素質終自保朱汲
水加汰淘盈箱費旋攪查層層細簾揭燄燄活火爇朱舍廳乃得精

去溼忽就燥查 擘來風舒舒暴之日杲杲朱 箬籠走南北適用各言

好查 緬惟邃古初書契始倉擘朱 自從史記煩方册布興查 中經

祖龍燔孰敢撲原燎朱 漆簡及韋編殘灰跡同掃查 當時禍得脫賴

爾生不早朱 漢代崇師儒家各一經抱查 截緝蒲柳麥刀削詎云巧

朱如何瓶物智乃出寺人造查 麻頭魚網布棄物收豈少朱 後來逾

爭奇新製越意表查 山苗割藤芟水澁采苔藻朱 桑根斧以斯蠶繭

機不絞查 澄心光緻鏡面波晶晶朱 研宜金粉膏繪作龍鸞爪查

桃花注輕紅松花染深縹朱 鴉青蜜香色一一隨沆淥查 十樣益部

箋萬番傳癖豪朱 紛然輸館閣逃矣來海鳥查 要爲日用需若黍稷

梁稻朱 惜哉俗暴殄塗抹太草草查 俗詩蛙蝸鳴俗書蛇蚓繞朱 俗

學調必俳俗文說多勦查流傳人有集刷印方未了朱積穢堆土苴

餘殃毒梨棗查或汁瓜牛涎或供蠹魚飽朱或為肉馬踏或被饑鼠

齧查黏窗信兒童覆瓿付翁媪朱遭逢幸不幸所繫豈纖秒查平生

嗜奇古卷帙事研討朱秘笈藉爾鈔籛金匪我寶查響榻溯摛斯斷

碑拈洪趙朱提携白刺史著錄庶可考查由拳法失傳將樂槽苦小

朱楚產肌理疏晉產膚澤槁查物理相倍蓰美惡心洞曉朱非無雲

霞膩愛此霜雪皎查小疊熨貼平捆載赴達道朱預恐壓歸裝又滋

征榷擾查

重過九龍灘

黃鶯來

夏天會過此飛沫濺巖花崩動翻龍窟巉巖履虎牙轟雷終日鬪觸

石一舟譁苦憶垂堂戒艱虞未有涯

登五穀巖

官志涵

終日面仙巖巖容翠窈窕今朝携杖登巉岿石磴小一脉演山分翠
峰疊雲表失足懼顛墮目眩魄震掉屐步學涎蝸孤鷺忌飛鳥停杖
試縱目細縷析枝瞭々于山尖頭迴彎少舒悄峽巔小庵懸柴門修
竹繞晴橋一倚座解顏對儕僚磽田數畝耕二人亦足了雖然久旱
乾芥葉綠何嬌燒釜作午餐提壺傾甕醪得飽氣稍充云歸力克紹
問途舍舊歷白道藏密篠暫喜耳目遮究竟肢體曩臥草滑如油危
嶒曲而繞黽勉日已低俯視猶木杪聯緣阡陌隘竊窳豁壑湫覓徑
向寶峰叢芥入冥杳懸度斷崖上拳拳枯樹標剛踏澗石卑又作雲

葉渺探奇險豈辭逢人面爲憇竟得先月歸茫如首復矯天際一痕
青真歎九霄詠

讀書蓬萊山庵

官志涵

松徑曲復曲茅庵隱叢綠僧去寮舍空山深忘暑溽濤聲撼長天澗
泉鳴碎玉雨氣晚來濃霽色朝先旭讀書枯樹根嶺外放瞻矚聞昔
得道人居此遠塵俗鐵筆久沈埋令人企芳躅

蕉窗六詠和韻 存四韻

蕉風

浙浙復槭槭微涼生小院蕉葉弄清風閃作晴窗電綠雲吹不開長
袖舞何善誰家奏落花秋淚掩團扇

蕉月

庵窗上濃陰明月來
虛際銀河阻迢迢
清光驚易逝豈能泮太清遮
掩勞睇晚時起步前岡皎潔開人意

焦煙

芭蕉態何濃惹煙籠戶牖
迷離積翠閒幽人中
春酒緣情如不勝定
在黃昏後豈須逐班騅夕陽向關柳

焦露

曉暈散浮碧庭蕉溼耳耳
金莖顥氣鮮芙蓉
淬秋水相如渴未除
仙人誰不死只宜供懷素
醉墨灑千紙

遊明翠閣

肩輿過城東仰見石突兀鳥鳴春滿山羣峭綠如潑曲磴盤空行人
語出林末琉璃駐小紅旛影盪佛骨檐高雲氣深江漲浪花闊業業
渡舟輕舊響灘已沒來叅玉版師禪味頗清絕半郭亦半村蕭散殊
可悅勝彼風日佳詩思一觸撥

建溪二十四韻效昌黎體

清紀 昀

危灘扼河心高浪齧石鷗燕尾若兩岐蟆背突中起呶呀菱盞角磊
落枰布子髣髴踞怪獸睽睽聳奇鬼斑痕綴螺蜥曲勢走雄虺劔削
開五丁欹側容一葦魚蟹需於沙龍鼉良其趾山靈守何固水伯攻
未已直下訝建瓴平吞駭摩壘百挫氣不回兩鬪力相抵碎匄裂銀
山鎖碎迸珠璣雷鼓撥莫停颺輪盤詎止屢梗勒奔駟陡決激飛矢

振舵毫釐差觸礁分寸徒前礙狼跋胡後胷狐曳尾撐拄轉丸蜣繚
繞旋磨蟻一步逾九折尺地距千里顛簸苦悸魂喧呶患聒耳瞬息
變險夷頃刻交憂喜魚腹縱然脫虎牙剛亦幾天心欲奚爲地勢乃
若此行者意云何睨之怖尙爾數舸載妻孥一櫂送行李念彼篷下
人搖搖舟如紙

自延平登舟偶作

紀 昀

長溪下建陽空山轉霹靂一瀉抵延平灘平波漸寂乃知水性柔剽
悍中相激鬱怒氣莫宣酣鬪遂不釋江河萬古流梗阻竟何益徒使
不平聲日夜交衝擊安得巨靈胡奮掌巉巖闢百轉繞青山滌澗一
綫碧

交坑夜泊

紀昀

暝色從西來亂山青莽莽灘河戒夜行薄暮收雙槳連朝困登陟茲
夕遂偃仰飛泉樹杪來一瀉落百丈徹耳鳴琤琮頗使心神爽荒戍
纏薜蘿孤卒友魍魎喜無鈺鼓音亂此環珮響夜靜人語稀沙岸自
來往流雲漸欲破山月微微上兩月纓上塵浩歌濯潑滯

閩學源流詩

清張國舉

七子子而後理學晦而不明濂洛關閩獨得其宗乃龜山崛起
負道南之目朱子集厥大成彬彬乎閩學稱尤盛也余官於閩
歲且久歷考遺蹟或拜其祠宇下竊幸近其居溯源尋流擬古
詩如干首以識景仰之忱云

聖經日星炳大道江河流心傳爭一綫落落千餘秋清淑者閒氣鬱
積憤鬱適草齋木吏隱皇墳資冥摅大儒實誕育中天曳瑯球講學
占壇最翼經茂功猷濂洛及關中大成集厥修尤溪濬靈脈洙泗來
悠悠

荒闢亮云艱南中誰先覺慨然賦北游遠溯伊與洛師門風雪深久
倚寧中却圖疇復秘傳陰陽從揮霍日送神俱馳道南欣有託鼻祖
永不祧龜山邈犖卓

定夫眞畏友德器何粹然所學日精進嘉賞聞伊川此後入臺諫草
疏聊復傳兄醇亦碩士文行共相宣建陽二游子俎豆儕先賢

豫章謝時榮冥心入孤詣於道常守貞在遇終未濟東南倡學時負

笈多高弟超超離其羣
寥天鶴清唳龜山一瓣香
惟公傳弗替

新安資地高宿契行自銜
及從延平遊滲漏乃屢見
先生學平實靜坐息流
眇山中數椽茅天人經研
鍊墜緒尋遺經妙解超曩
傳談道理障空辨惑狂欄
轉讀書四十年屢空頗能
晏性真默與怡外境何
歎美

我愛劉白水深究伊洛旨
荷鋤南畝閒心不關亂理
奉召原偶然忤相亦應爾
拂衣歸去來生徒抱書
埃擇壻無與倫其初遺孤
委崇安與新安冰玉成雙
美

獨行不愧影獨寢不愧衾
季通貽子書千古欽良箴
佞臣嫉儒術偽學禁森森
籍名多遠貶蕭寺悲分襟
惟有啖藜客了不戚其心
吾道

南 平 縣 志 卷 十 八
何顯晦世運關昇沈憂患遇恆有第願所以臨義明志不挫識定物
無侵真堪呼老友此外誰知音

北溪洵豪傑奮起潭江濱讀書既云博格物靡不爭詎問當世務力
抵儒修醇晦翁振潭俗風化與維新仕優學寧輟誰與共晦明南來
道不孤謂得一安卿

直卿有益人思堅而志苦館甥誼特肫斯道心早許理學有源流匪
委功良鉅病革授遺書珍重叮嚀語傳薪謹師承糟粕在訓詁歷官
著循聲無過取懷與易名固積學勉齋自千古

堂堂真直院抗疏動朝端長身而廣顙所至人聚觀奸相嫉儒術君
側寧久安中外剔弊政匡時力已殫晚著讀書記懇懇勤鉛丹斯文

日漸滅浦城迴其瀾

謁宋大儒李延平先生墓

楊桂森

千載道脉係隆邱宿草蕪我來肅瞻謁洒落仰規模
林泉湛明月精粹澈冰壺理奧在日用平實得工夫
紫陽聚沙雨先生德不孤綿厥守遺硯煦晒鳳岡梧

蚤起率成一首

陳國璵

早起兀然坐晨光疏牖侵好鳥拳枯枝弄舌傳清音
香殘冷睡鴨絃鬆閣瑤琴梅花夜來夢冉冉香留衾
靜習養元氣悟徹讀書聲一室有餘樂俯仰空古今

謁鄧栢欄先生祠

先生名肅字志宏宋左正言讀書沙縣之栢欄山

陳國璵

先生宋名儒讀書少穎悟所志在聖賢不肯泥章句纂述有萬言載
 筆如鐵鑄明體乃達用惜哉時莫遇大勢不可為宋室將南渡花石
 貢東南陳詩道民苦寇賊日猖獗舉朝盡驚顧鼓角逼南州金縉出
 內庫先生居諫垣兩月二十疏析檻殿廷呼直聲天下著慷慨厲風
 節以此遭衆妬退居屋一椽白雲共朝暮純孝鄉黨稱至性由天賦
 瑞氣藹門庭靈芝之產無數昔聞忠定公被謫經其路宋丞相李綱 倡和宿
 梅齋先生別業 兩人話心素鑿石引泉來聞鐘踏月去遊眺共一邱歲月
 知幾度目為小武夷真得山中趣我今覓叢祠荒徑隨樵步孤峰峭
 插天怪石寒團霧俎豆巍然存幸與先生晤古碑剔藤蘿讀罷愈思
 慕七百有餘年正氣猶如故半壁宋江山杜宇嗚何處黯黯六陵煙

不見冬青樹惟有此枌櫚慘碧含秋露

擬蔡君謨題延平閣步原韻

陳國璣

乘興上高閣日出萬山赭春水綠粼粼估船順流下瀑布劈空飛疑
是天河瀉衆峰奔復迴具勢如勒馬俯視萬人家水光寒浸瓦如此
好山川化工難陶冶詩筆鬪險幽欲待浪仙賈有客想梯青寒屋摘
一把憶昔化龍劍對月空舉潭深不可窺使我古愁惹隔水接虹
橋近城復近野呼龍起長津霖雨能飛灑

宿建溪驛讀陸放翁雨夜感舊詩卽次其韻

前人

亂犬吠殘垣饑鼠齧破壁百里暫辭家風景異疇昔冷雨坐深宵愁
宿建溪驛看書眼蔴茶倦向枕頭擲笑我似飛鴻到處雪留跡百虫

怨天明一燈如豆碧功名百不就何苦徒役役桃李園中花醉月念
前夕

花朝後一日遊九侯山

前人

春草綠芊綿春光豔羅綺大塊有文章煙光殊足喜行樂須及時招
邀二三子聞說九侯山林壑爲尤美一葉泛扁舟諸峰望尺咫溪面
綠波平頃刻達山趾蟻旋上高峰石尖路齒齒樵徑白雲深蒼苔滑
難履日暮到寺門掃雲坐石几殘陽下嶺西衆壑凝紅紫泉聲鳴碎
琴泠泠聽彈指古洞邃而幽疑是鑿神鬼講學憶五儒煙蘿沒舊址
山中石洞爲五儒讀書處更步天梯上縱目一千里天風吹客衣海濤震人耳少
焉明月生萬峰涼浸水我覽名山多如此真有幾寺門聯有如此僧
名山能有幾句

房假一宿盡把塵心洗
曉起下山來徘徊情未已
幾日夢魂猶在空山裏

皇 朝 通 志

卷 之 一

藝文志

詩

五律

挽古溪吳助教二首

宋羅從彥

室富眞儒業門多長者車明經方教子得第已榮家性守仍知分天
然不愛奢百年成古昔行路亦咨嗟

其二

新生誇躑躅舊德歎凋零冷帶商巖月光凌處士星布衣難得祿白
首易窮經追想今何在溪流對洞庭

翠雲巖次陳默堂韻

宋羅從彥

濟具遊丹洞穿林惹翠雲邇來多野趣殊覺少塵紛笑口花迎客臨
巖鳥喚羣真機皆自得此道與平分

和靜庵山居自詠

宋李侗

勝如城市宅花木擁檐前一雨曉時過羣峰翠色鮮採荆烹白石接
竹引清泉車馬長無到逍遙樂葛天

簡霄黯淡寺偈和志別兼送林御史次韻鐫石

青山當岸立孤寺倚江開樹色晴含雨灘聲晝隱雷漁樵清俗慮煙
水渺孤懷多饒兼難別分舟苦暮催

甕齋

宋李侗

憐君真率意清白出天然性定馨難變身藏味始全能添高士供偏

助野人筵堪歎豪家子珍饈空薦鮮

泊舟劍津

宋劉子翬

莽莽荒茨岸回回亂石灘
雨寒收市早風急泊舟難
寓縣兵猶鬪乾坤網正寬
殷勤屬龍劍莫久臥波瀾

挽李延平先生三首

宋朱熹

河洛傳心後毫釐復易差
淫辭方眩俗夫子獨名家
本末初無二存自不邪
誰知經濟業零落舊煙霞

聞道無餘事窮居不計年
簞瓢渾謾興風月自悠然
灑落濂溪句從容洛社篇
平生行樂地今日但新芊

歧路方南北師門數仞高一言
資善誘十載笑徒勞
塹板今來此懷

經痛所遭有疑無與析揮淚首頻搔

滴水巖

明方萬

丹澗何年闢靈竒自昔名龍蟠雨不斷鶴化月空明光映雲霞色虛傳鐘磬聲石牀如可借長此學無生

黯淡灘

明汪文栢

閩南灘五百涉此險尤多忽濺眉閒雪重騰水一梭乾坤何偏仄忠信亦風波不盡思親淚歸雲冷舊窩

詠溪源

明吳琪

出郭事幽尋盤桓入碧林晴嵐侵袖溼空翠落庭陰深澗凝寒雨鳴蟬韻玉琴夜涼虛籟寂偏契靜中心

遊溪源庵三首

明謝良琦

驅車度危磴，循水問溪源。
峰轉寺當徑，堂開山在門。
暮雲秋樹老，返照市煙繁。
好是閩中地，惟愁聞夜猿。

四面嵐光入，人如坐畫屏。
流雲過水白，空翠撲簾青。
策杖尋茅屋，吟詩寄草亭。
斯遊信奇絕，斟酌問山靈。

亂峰紆鳥道，深澗俯禪扉。
盡日聞流水，巡檐看落暉。
客心逢寂寞，秋色正霏微。
薄暮携壺坐，相期待月歸。

謁延平李先生祠

明徐渭

祠下風來好，單衣行暮春。
杏花鏗爾瑟，柏樹灑然身。
默坐澄千慮，傳燈與一人。
自慚何所似，馳馬醉歸頻。

祀道南祠值晴有感

明 彭 城

凌晨舉時祀廟貌喜尊崇宿霧連天白晴雲出海紅萬山開俎豆二
水協絲桐宋世鳴吾道鐔南見四公

吉溪山亭二首

明 游 居 敬

如何吉溪上綠野儼神仙天雨增溪響人閑好榻眠白沙圍茂竹青
岸渺平田尙記兒童日猶看漁釣竿

制額題儀鳳摳衣有鉅公輪轅稀浴客池樹俯鮫宮插架書籤舊趨
朝寵澤隆閑來一伫望蔭日有丹楓

觀物園四首

明 黃 焯

投歸謝拘檢酒力控詩懷自覺春無限誰知生有涯鶯花尋黨與山

水便同儕煞有棊枰興還堪幾陣排

小園時散步久矣壯心降洗竹穿花徑觀魚過石淙一經秋著耳漸
覺影橫窗幽事眞吾事閒人似不雙

棹歌尋舊興更上散人舟不惜新紋破應耽野色幽乾坤留眼孔日
月任沈浮一笑出塵外林園乃善謀

散步花邊立人來笑臉開評詩翻舊帙看竹下平臺管領輕舟興應
從弱柳迴山中快清賞談笑且啣盃

自延平冒夜雨赴順昌明日泛舟而返俱經王臺

明方 豪

一夜延平雨雞明已渡橋僕夫泥滑滑書劍雪飄飄短世忙何用多

愁醉不消出門殊自苦只合老漁樵

其二

風雨山行苦扁舟下劍溪急流如走馬亂石類蹲犀春早梅俱放天
寒鳥不啼夢回人報午津吏去前隄

題朱夫子手植雙榕

明胡綸

朱子曾經處雙榕植道旁垂陰能數畝被化卽甘棠偶爾留遺澤千
年結異香回思風雪裏不改舊蒼蒼

登將軍閣

明黃起莘

業並凌煙閣英風拂檻開孤忠千嶂迴勁節百川回芳艸王孫怨曇
花老衲培數聲幽磬裏山色送青來

前題

明黃夢瑞

花落春江暮雕欄四望開波流忠百折巖迥志千回俎豆因風祀河
山正氣培閒遊懷古處歸鳥帶雲來

延平書院

明黃仲昭

九峯分一脉遺廟屹當中橫翠軒猶在濯纓亭已空溪山閒霽月草
樹自春風仙梵爭華侈傷哉吾道窮

先生不可作千載仰儀型道脉承伊洛心傳在考亭池涵新漲綠碑
蝕古苔青墜緒今誰續斜陽草滿庭

南峰庵二首

明謝肇淛

路繞菜花行南峰滅復明竹成庵有徑壇迥澗無聲野色碧際海山

南 平 集 卷 一
雲青歷城老僧不識客隨意坐縱橫
拔地多榕根盤空幻作門僧歸板橋月人語夕陽村積葉春眠虎垂
籐夜渡猿興來還獨往徒倚望黃昏

詠溪源庵三首

施 中

城西寒澗道策杖問真源峽急疑無路峰迴卻有門鳳冠餘碧落龍
洞杳黃昏何處來遊者清宵乞夢魂

野刹依巖穩軒窗水氣中天清如見兩樹靜亦聞風靈鳥經時變疏
花隨處紅山僧矜古蹟往往說蕭公

信宿靈源裏林幽夏亦清香燈迷晝夜鐘鼓識陰晴四塞懸崖削孤
根積石成鐔南山水窟寂寞總怡情

前題

彭士英

小澗奔流遠循崖溯水源千巖迷野徑萬壑擁山門浴鷺吟灘急秋
花結子繁松關仙梵杳風送一哀猿

夜色增幽寂庵前水作譁巖栖珠樹鶴風度戍樓笳戶寂雲隨定簾
開月尚吟心隨禪境靜清夢寄梅花

過羅豫章先生故里

施開治

偶從名里過惆悵不勝嗟曲徑白雲溼講堂幽草花人心不竟死吾
道未云差覓問前賢後黃茅三兩家

九峰月朗

可愛峯頭月蕭然一望中月峰相皎潔今古共玲瓏在地疏疏白搖

南平縣志卷之八
波小小紅糝詞未帖安旦氣生於東

梅山朝旭

一頂花疑雪朝曦先爲紅高枝不畏冷吟閣有香風曉色煙如篆晨
光吐若虹山城山可愛第一是梅峰

灑淡洪濤

刺刺不停鉤寒心聽此聲兩涯石碎磳一色水崢嶸晦夜霜長白晴
朝雪更明伊誰爲設險錐鑿不能平

大忠祠

曹國楫

信國空開府孤忠重劍南天心無可挽臣事尙能堪檜栢英風勁乾
坤正義含千秋遺範在瞻涕向江潭

延平郡城

官志涵

城郭臨天末山川向海東
灘河三峽險複嶂二穀雄
驛路交衝處蠻方扼要中
惜無原野富懷古歎邠風

新春劍津發棹

官志涵

山雨猶遺斗溪風又襲衣
一篙新漲綠滿網更添肥
劇想謀煙艇因圖就的磯
得乘風雨便看鯉作龍飛

宿龍德寺

官志涵

梵寺倚音岑樟楠繞隴深
開軒延竹翠坐石落花陰
微雨含秋意空山生道心
留人過信宿嵐氣滿衣襟

溪源庵

官志涵

鑿險懸雲構庭軒鳥道通瀑泉驚驟雨巖樹送涼風石壁圍天小深
山欲界空靈奇傳古蹟何處訪仙翁

劍化閣題壁

陸大經

萬里同秋日征人到遠方但聞新市語未見舊家鄉華屋填山密清
流繞郭長劍津名勝地憑眺立蒼茫

夏日喜陳豸石黃朗伯張右宋朱洪載諸公見過

僧智永

有客尋蕭寺凌晨出劍城紅塵溪斷孤上興嶺頭生雲氣侵衣冷松
風入句輕冰壺欣對晤人與月同清

又同陳昌箕黃朗伯陳伊斐諸公過松門子避暑松門子無量

寺中淨室

何處堪避暑清幽獨此中
瀑飛晴夏雪山落早秋風
世路白雲隔源流黃葉通
席前峰影綴新月出溪東

資福寺幻園詩四首

僧戒文

飄泊疑無地棲遲托有山
竹深容鳥倦松靜待雲還
潭水深千尺茅椽窄一閒
半生如夢幻暫得此時閒

細雨晨初溼盆花春始栽
土垣猶護艸石徑未成苔
新幃浮靑入寒煙送碧來
柴門無箇事倚杖日悠哉

萬里南溟鳥巢林只一枝
兩風差可蔽飲啄頗相宜
時事誰能料浮生我自知
此中隨意適倒影上疏籬

不擇桃源勝晴窗掛薜蘿日長人跡少夜永月痕多燕壘泥初疊蜂
房螢乍和偶因桐葉落點筆興婆娑

和謝石驪別駕遊溪源詩

僧智永

香閣依危嶂悠然列翠屏鳥啼千樹碧人坐數峰青得句皆春草無
山不幔亭茲遊良不俗自是樹山靈

寂歷峰頭寺藤蘿掩石扉聊將消白晝何幸接元暉入竹逢僧話聞
香悟道機涼風生木末幾片暮雲歸

梅山晚眺

清李 瀾邑人

目送日西斜餘輝映處賒蒼松羈野鶴紅樹絆飛霞山白雲歸岫溪
溟雁宿沙冲霄看劍氣何處覓張華

遊金鳳山

李瀾

白雲隨屐破金鳳過林逢影亂花
節日濤翻風入松隔溪千疊嶂當
午數聲鐘山水拚時思離看是一宗

甲
五
集
示
各
一
八

三
一
一

藝文志

五絕

題冷風閣望演山

宋朱熹

方舟越大江，凌風下飛閣。仙子去不還，蒼屏倚寥廓。

題劍閣望南山

川流匯南奔，山豁類天闢。層巖麗西崖，朝日羣峰碧。

宿箕箒舖

宋朱熹

庭陰雙樹合，窗夕孤蟬吟。盤礴解煩鬱，超搖生道心。

憶鄉樂歌四首

宋馮夢得

儂是劍南人，慣識故鄉好。綠葉接紅花，輝映綏安道。

其二

炎夏天頗熱儂門對溪住搖蕩採蓮舟深處疑風露

其三

塞上秋始肅野草葉葉黃儂家有菊花灼灼不憂霜

其四

塞北寒氣逼對火擁氍毹猶憶儂家裏蓬頭兩夾襦

題梅山畫冊詩

曹學佺

亂山梅花白看與雪何別日出不曾消是花斷非雪

猿洞詩

明胡瓊

西風正悽惻古洞夜猿哀道人不悲秋好懷常自開

九峰月朗

明劉璋

日到九峰上清光映鬱葱
廣寒宮殿裏突出翠芙蓉

明廖紀

前題

姮娥傍晚妝鏡捧玉芙蓉
安得茅茨下清光照悴容

明胡瓊

前題

月到天心處芙蓉朵朵開
茅堂正相望神采過溪來

明劉璋

三寺雲深

三寺結幽寂山雲常與封
長風忽吹起天際遂從龍

明廖紀

前題

卷舒緣底事鬱鬱此山川
未去爲霖雨閒遮老衲眠

前題

老衲無機事禪關坐白雲
有時鐘磬發清絕半天開

明胡瓊

龍津春浪

神劍化千古雙龍此處蟠
桃花春浪暖飛上五雲端

明劉璋

前題

神物歸元造精光射斗牛
當春雷欲動吞吐出溪頭

明廖紀

前題

匣中三尺水躍入兩溪淵
別是龍門道春風浪拍天

明胡瓊

猿洞秋風

石洞月華冷元猿啼一聲
秋風起天末宋玉不勝情

明劉璋

前題

石竇雲如墨城空枕簟涼法家爐正焰叫斷使君腸

明廖紀

中巖瀑布

飛流一萬丈界破碧山煙醉眼朦朧看長虹飲玉川

明劉璋

前題

山中有靜者木食衣草萊白杼三千尺朝朝浣却灰

明廖紀

前題

徐凝詩未惡李白句多奇波濤入海去須憶在山時

明胡瓊

黯淡洪濤

亂石如林立奔流滾雪花全憑濟川手穩泛斗牛槎

明劉璋

前題

馬當天下險黯淡復何如人心猶未測到此獨躊躇

明廖紀

前題

世道如流水應悲怪石多君看黯淡險莫向此中過

明胡瓊

梅山朝旭

峻嶺面陽谷樓臺幾百家金烏纔離海飛彩到梅花

明劉璋

前題

日出梅山曉羣動挹華清爭看正亭午浮雲莫便生

明廖紀

前題

曾訪南枝去熹微在雪尖杖藜回首處春信滿閭闔

明胡瓊

衍麓晴霞

明劉璋

衍麓碧千仞晴霞傍日光天機文錦爛好補舜衣裳

前題

明廖紀

仙子何去住丹竈演山前天開雲錦爛疑是紫鑪煙

前題

明胡瓊

丹竈人應遠丹霞日護邱何須問晴雨祇憶此中遊

登化劍閣有感

明饒元

太阿何處去觀化喜憑欄昔有冲霄氣今同碧水寒

劍津

清官志涵

昔人久云徂雙劍亦已去千古不能忘低徊化龍處

黯淡洪濤

無名氏

湍水激層灘洪濤不可邇潮鼓撼江門恐是蛟龍起

猿洞秋風

無名氏

猿啼何處聲洞擁孤雲影秋氣薄林崖風吹煙雨冷

留春

清李 瀾

融和均育物何忍遽相離願得花閒意依然在故衣

送春

清李 瀾

昔從何處來今往何方去好鳥亦悲歌依依芳草處

藝文志

七古

橘溪釣臺

楊時

君不見釣橘溪上白髮翁一竿西去近冥鴻
敗車同載作熊羆鷹揚烈氣如飄風
又不見羊裘石瀨垂綸叟爽氣陵天動
星斗萬乘故人親訪求臥對鸞輿
忍回首聖賢遇合自有時潔身亂倫非所知
高風寥寥古已往較然得失知者誰
君有釣臺臨橘水橘溪不與桐溪比
修藏欲躡老涓踪笑撚髭鬚照清泚
澄潭夜月秋光浮撇波小艇沿江洲
長繩巨石不能繫飛帆半席歸蓬邱
巨鉤沈餌牽九牛一釣直掣金鼈頭
翻鱗擺鬣浪山起雲驅飛動隔千里
跨雲憑霧上青冥一

點孤燈照箕尾 按釣臺在橘溪迤湍之上咫尺間丙子兵戈之後十六年間泯滅而無見偶於元統乙亥山徑頽崩而其釣臺二字大如斗刻於石壁之上真逸民藏春漁釣之所也吳譜

隱鱗閣

宋黃裳

隱居求志非求名隱居待時非待人古來高誼久寂寞素隱行怪非天真不然狂似荷蕢者至老且死長林下嘗云此輩何所爲寧取定坐巖中僧不知在時有虛盈不知在物有屈伸行藏有義人之事廢興有命天之理龍潛所以爲躍用蠖屈所以爲伸用浩歌長往乃自絕更復相邀安足貴隱鱗石洞雲山陰知君此意誰能吟所養不愧龍蛇靈所待不阻風雷聲山月一溪琴一曲溪風一洞棋一局酒一

尊詩一軸一葦舟一竿竹仁知寓懷隨處之知君此樂誰能欲

醉吟軒

宋鄧 肅

淵明句法古無有頭上葛巾須漉酒太白毫端驚倒人舉酒望天不
計斗二子風流不可追公作幽軒爲喚回長鯨渴思塵江海錦囊妙
句坐風雷安得一塵在公側時時去作孔融客愁得酒生和風也也
向毫端寫春色

黯淡洪濤

宋劉子輦

南來甌粵無平陸林巒起翠波濤綠扶輿政恐犯霜露買舟倘可休
童僕清灘白晝雷霆作亂石驚湍犬牙錯平生珍重千金軀舟子一
篙那可托飄搖一葉勢轉急釜竈傾頽不能立眼看白浪散銀山蛟

百怪堂堂出人皆乘險欲趨利我不安行悔何及吁嗟世路風波
猛巧穿危機暗馳騁江湖溺舟猶自戒勢利溺人終莫省矯情鎮物
未足言書此聊爲後來警

黯淡洪濤

元薩天賜

長灘亂石如疊齒前後行船如附蟻逆湍衝激若登天性命斯須薄
如紙篙者倒掛牽者勞攀崖仆石如猿揉十步欲進九步落後灘未
上前灘逼上灘之難難如上絕壁雖有孟賁難致力灘名况復呼雷
淡過客攢眉增歎息下灘之舟如箭飛左旋右折若破圍歡呼踏浪
棹歌去晴雪灑面風吹衣飛流宛轉亂石隘奔走千峰如馬快賈客
思家一夕還傳語灘神明日賽下灘之易易如盤走珠瞬目何可停

斯須長風破浪快人意朝可走越暮可吳迺知順逆有如此逆者悲
愁順者喜請君聽我黯淡歌順則流行逆須止順者不必喜逆者不
必愁人閒順逆俱偶爾且得山水從遨遊

藏春峽

明胡綸

藏春峽裏雲濛濛藏春峽外水溶溶繚以羣峰錦繡錯羲娥背出懸
蒼穹笠子亭三一巖照數椽鴛瓦成新宮四時不斷花含笑聯吟審
律能妍工少室山人吹埴篴音徽嗣響孰趨雄是時宋削由安石動
稱堯舜謬厥衷獨蝗戴德隨旌旆春秋欲廢道幾蒙龜山勵志雪深
尺南歸不倦持正宗雅與兄弟有夙好青青光射秋水暉湘管留題
至欲遍無一本藍涪水翁吹噓忠肅實維力經義賴此先昭融豫章

淵源因有自又臻楊程雨化功况聞北闕曾馳赴底事淪落還蒿蓬
我今一過一惆悵匪就泉石圖潔躬

延平書院

明方岳

孔壇杏已萎濂洛流將匱先生天挺起延平斯道茫茫仍不墜鳳凰
千仞耀文明啾啾百鳥咸吞聲晦翁傳授得心法震聒斯道如雷轟
於今先生呼不起水色山光尙如此我來時薦藻蘋虔山斗巍巍空
仰止

劍溪草堂

魯鐸

劍溪謀道者誰子愛此地靈開草堂歲久魚龍解書史夜深牛斗連
光芒里同愿中澤未斬派出康成流自長寄語延平衆英俊休違閭

井說羹牆

黯淡灘

饒元

閩關嶮峻崎嶇陸萬壑千巖遶樹綠峻嶺肩輿夫役艱覓舟休息隨
同僕危灘黯淡洶瀉作怪石參差相亂錯雪浪滔滔倘爲傾微軀七
尺誰堪託掀天動地浪愈急任是舟人難穩立飛流急湍入波中幸
得一朝波裏出人能身退預知機若待臨危援莫及恒觀不厭貪心
猛比勢爭雄自馳騁舟遭水覆人皆驚勢陷英雄渾不醒留勸後來
勢利人時時刻刻勉爲警

市隱樓

陳畦

藏春先生厭山水鬧市叢裏開書樓危梯跨空疊千尺畫欄屈曲窮

西 東 一
三 一
一
雕鏤時時載酒獨登樓坐賞南山相獻酬既不學盧仝洛城裏長鬚
赤脚令人羞又不學臨邛相如抱貧病當鑪賣酒誇風流先生隱身
不隱迹灑落不類常人儔 神龍沛雨澤可惜蟠蟄青泥滿時焉
出處乃其趣自有至樂清百憂不將窮達累身世此生何遂逍遙遊

延平津

徐 渭

碧火吹雲煨山紫尤溪礦絕干將死空令精氣閤豐城石函憶煞延
平水司空臂上青絲斷秋雨生愁別雷煥從此深潭不敢窺九峰青
處摩寒電春雨桃花急鳴峽孤螭夜夢雷家匣誰教經過值有情那
得長隨君佩身為龍爲劍非二物或合或離何所因客子弔古不可
測浮天鐵母驚湍織光怪千年猶感人風雲欲作當時色

延津古劍行

李贊元

延水溪頭日色西江楓樹上烏夜啼客言能記昔年事含詞未吐風
淒淒憶昔紅鑪鑄劍年良工百鍊老飛煙月脊霜鋒未出匣浮光已
照斗牛邊西江王氣無長在化入延津變光彩碧水奔騰波浪驚空
山霹靂妖魍改此劍相傳今已昔黑雲欲障半天日牧豎曾游上苑
宮荆榛忽滿萬家室聞道當年漢代昌帝子三尺入咸陽誰虞一夜
長安火未央翻作麋鹿場我聽此言感歎頻漁舟暮雨泣霜燐玉樓
燕子飛飛去空對楊花愁殺人

天趣園

明李東陽

延平山水稱絕奇攢峰峭壁爭崔巍磐陀巨石坐其上勢脫險阻成

平夷源泉萬斛出汨瀟曲水百折行逶迤大者可以通園畦小者可
以流杯應青管黛蓄動復定樹影倒浸清冷池殊形異狀非一類或
有天巧非人爲居民乘流作水碓卻以人力禱天機臨磯釣魚魚亦
樂天也人耶兩不知藥鑪丹穴事恍惚誰見赤脚臨雲梯物華本自
地臨出寶劍會合雙雄雌人道蕭家好兄弟頗似岑參遊美陂君從
郡縣立曹省夢寐長在天之涯洞庭仙翁眼孔大七澤五湖皆品題
揮毫作記託心賞始覺山水逢鍾期嗟予此興亦不淺撫卷爲和滄
浪詩

己酉仲夏同余中邨登百角樓

清施中

東門樓閣空中起百角凌虛照潭水其上碧殿入杳冥敕祀湖南觀

察使曾聞宋室見侵陵陰兵奮擊人人靡又聞神靈遠寄書墨跡猶
存在陳氏宣德六年特重建固知廟食非淫祀坊民指點紹慶碑遊
人下馬車停軌張筵置酒作宮閣妙舞清歌帝燕喜吾友三華山中
來葛巾訪我龍鼎里白云未嘗入州府於今二十四年矣俯仰樓頭
山水閒風景依稀畧相似滿眼時輩動題詩八窗四壁毋乃是我朝
頗憶劉尚書作者無過胡御史二公邦之詞賦人佳句寥寥此何理
得無好事屢偷去野僧竊板供牀几文章顯晦有時命吁嗟埋沒那
勝紀我從後秋居縣東窮廬之巷且近此里長鞭撻時時聞日坐無
聊詩興死把君新詩動清趣令人激潑情何已吾曹所至有登臨焉
可無詩對知己

游溪源

謝純欽

吾延之山稱雄秀雄者高起秀者瘦出城西行十里餘懸巖怪石相
輻輳云是溪源之仙山中藏奇景不可究重重俱作鬼神窟壘疊還
若龍蛇竇自從下洋轉山麓遙望叢箐煙鎖岫逡巡度過小橋西瞥
然怪壁撐宇宙垂籐斷樹絕人行曲徑斜通只一溜林梢懸斷白雲
封澗濤日夜秋雨驟巖逢缺處蒼松補石遇平鋪青蘚繡嶺奇兀砒
來歷人且行且止愁顛仆山花異卉不知名遶路香風帶衣袖犬聲
隱躍出林陰一窩古寺依山石奔流齧石走其前峭壁摩霄峙其後
虹橋複道閣三層可見當年非俗構小扉啓處通上庵磴道騰空疑
靈鷲明欄曲檻穿雲霞諸蠻簇簇平檐雷當前一巖號鳳冠孤掌劈

空天削就阿誰鍊氣此巖巔呼吸通天比天壽上有仙牀與石鞋不
識何人爲雕鏤我欲訪之不可上攀羅附葛輸猿狖五月六日天氣
炎村巫野老恣狂走更有紛紛素夢人長軒短息東西首山神問我
何所求我願彩筆從天授夜來抵足臥山房輾轉無眠聽水吼自笑
才華不可乞不如頑樸仍吾舊

寺鐘警

清楊桂森

寺鐘獅吼衝聲突敲空性海徹肌骨世上聾人幾萬千可聞鐘聲興
也勃昔在文宣木鐸稱金口教人敦行植品高銘碣秦灰劫燼彝倫
敦正學荒蔓寄芒惚楊李挺生吾道南大海潮音警蕩汨此邦舊是
名儒產我來作宰得寶笈吁嗟乎爾民自有鄉先生之芳軌爾居喜

近鄉先生之門楨但使綠疇安鋤耒但使青箱謹簪笏無禮應知歌
相鼠立身還勉如俊鶴同井親族讓所先有容有忍德乃卒雀角一
爭百世仇遮莫紛紛妄牽梓幕上豈能容燕巢清時難藏狡兔窟一
篙春水漾輕舟無藉救生奪倉猝苦口良言心並苦願樂敦龐去淫
滑孝筍友棠慎萌芽德車文馬此輓輒謂余不信試聞鐘聲警警爾
懷明發

古劍篇

陳國瑛

有劍有劍名太阿壯士一見思摩挲苔花繡澀慘紺碧萬年入地無
人磨魚腸字古半滅沒曾殉古塚荒煙蘿我聞赤帝提三尺縱橫馬
上崎嶇過秦人失鹿誰其得斬蛇仗汝成功多季子欲把故人贈徐

公已死將奈何秋墳月黑掛孤樹空餘石馬寒嵯峨何時飛入豐城
去莫謂此事相踵訛嗟哉委棄陷深獄有如荆棘之銅駝張華博物
識怪異夜覘紫氣干星河玉匣乍啓鬼夜哭精靈出世降羣魔豈知
神物卒變化延津雷雨驚蛟鼉我今呼龍龍不應寒潭淼淼空煙波
倚樓弔古對明月酒酣斫地徒悲歌

重九後八日遊小西湖謁李忠定公祠

陳國瓊

西風吹冷湖水綠暮靄青蒼山四束我來湖上立孤峯秋色愁人堆
滿目曾聞南渡西湖樂燈火深宵畫船泊君相甘心半壁安湖山費
盡金縉博當年忠鯁誰如公道君教主真昏庸北行冰雪去不返青
山魂夢愁兩宮思公作相七十日十數萬言森鐵筆汪黃柄國倒太

阿謫歸閩嶠罷朝職陳東歐陽爲公死加此義氣殊難得於今遺事
七百年瞻仰廟貌巋然立嗚呼當時事勢猶可爲韓王岳王皆屬將
帥之奇才一遭讒死一擯棄從此不復中原地嗚咽傷心汴水流君
王偷向錢塘寄他日颶風匡山折龍種墮入蛟鼉穴百年宗社強支
持公魂在地應灑血閩山高閩水長松楸翠遠接迴廊公墓在侯官縣治十九都
大嘉山祠楹有朱海谷觀察社稷動多留俎豆湖山翠遠接松楸句
菱花紅間菱花白漁歌唱月烟波
涼平生吟眺愛此境去年曾對棋花飲去冬梅花開時曾飲於此那知又到菊花
時不堪重弔斜陽影

題顧秋槎憶石圖

陳國瓊

人生宦成何最樂大半寄情在邱壑先生之祖御史公姚莊村裏足

常託中有太湖石一拳鎮日相對忘寂寞風月林泉勝境饒此心何
事縈好爵亭榭參差景最多一經堂宇三弓拓聽雨樓前雨瀟瀟桐

花館外花灼灼

一經堂聽雨樓桐
花館俱圖中景

惟愛窈窕美人峰

石名美
人峯

矗立庭

際形如削煙鬢雲髻半偏欹芭蕉牆角當風弱翠帶宜借薜蘿牽綠
衣還用莓苔著珊瑚瘦影來何遲涼月夜深移院落御史微笑立階
除兩鬢斑斑似秋鶴時聽細響滴泉聲偶看寒影穿雲腳摩挲晨夕
樂無涯苦茗烹餘杯更酌上下二百數十年古色斑爛猶如昨先生
念祖意不忘滿懷心事眞磅礴携將彩筆繪丹青故山風景傳約畧
自云好爲憶石圖見此如見昔人作我聞此語心欣然孝思韻事誰
能若笑問何日駕歸舟石間好踐三生約

謝疊山先生號鐘琴歌

陳國瓊

波濤黯黯風浪浪賈卜橋上天昏黃何來古調互鏗豁天驚石破鳴
刀鎗白髮老臣此竄逐往往故作聲悲傷偉哉少壯負奇節憤逢德
祐倒朝綱信州城破賊已陷中原板蕩如沸湯先生變姓走閩嶠麻
衣竹杖燕雲望忠肝義膽無所放十指帶血鵬絃張一彈一罷一灑
淚滿天星月餘蒼涼西臺更有竹如意敲碎崖石聲相當新朝縱還
使屢聘那肯抱器登巖廊留此焦桐千古在銅駝歷劫經滄桑古銘
剝落尙可讀凜然廿字含風霜高山流水人已去悲風萬壑餘音長

擬樂府四首

百鍊鏡

陳國瓊

百鍊鏡明如月千古照人光不沒何年鑄此鏡奇古相傳五月五日
午揚子江心烈燄騰菱花現出蛟龍舞歐冶鑄鏡冶山麓赤堊夜崩
神鬼哭從知鑄鏡如鑄劍耿耿金精經百鍊劍解恩仇能刺人鏡別
妍媸能照面鑄成我欲獻君王蓬萊殿裡生輝光豈知君王自有鏡
鑒古鑒今鑒興亡

澗底松

陳國興

有松百尺倚峭壁老幹杈枒寒翠滴生長山中不計年風雨雪霜經
剝蝕天將留作棟樑材大匠何事終不來貞心獨抱老巖壑夜半忽
聞怒濤作空山明月寂無人雲深樹冷棲孤鶴根盤澗底老如龍待
乘時會風雲從君不見臥龍崗上臥龍起一灑霖雨蒼生喜

牡丹芳

陳國興

牡丹芳牡丹芳珠簾不捲春晝長
赤霞爛漫堆千片晨起庭院生紅
光宛如海棠春睡足蘭房浴罷凝
新粧君王醉看好顏色題詞笑喚
謫仙狂我聞洛陽富貴家十圍繡
幄春風遮魏紫姚黃門異狀仙人
琪樹不足誇畫堂綺席紅錦褥人
住香國何繁華紅酣嗷嗷鶯語澀
香醉雙雙蝶影斜玉欄杆畔晝清
坐金猊篆冷龍涎加夜深起看照
紅燭綠苞初破抽金芽此花富貴
誰與比芙蓉芍藥尋常爾金壺水
冷畫胭脂豈似粗材穠桃李花開
恰是三月餘忙煞侯門貴公子公
子寶馬看花來花間紅露滴羅綺
春光可惜不多時花落鳥蹄春事
已猶記春時過鄰圃雲錦爛若天
孫組想是天公護惜深漠漠春陰

三月雨三月雨插秧處處忙田父嗟哉赤旱今無禾願祝甘霖沛下
土花開只悅士女心禾熟乃救生民苦

紅線毯

陳國瓊

紅線毯一丈闊千兩絲織成鋪地無人知美人踏上醉歌舞繡鞋羅
襪生香上兩行樺燭照地光照見紅線密千縷此毯問是何人製宣
州太守好靡麗宮中歲進似催科年年十月都成例十月正是嚴寒
初無衣卒歲行人呼行人呼祇恐將來凍骨枯太守堂前一言進物
采過奢紅女病辛苦寒機織得成一絲一縷民之命

翠帷靡後有老梅數株別前三日與諸友盤桓其下各賦詩紀
之

陳國瓊

平生愛作梅花友今日得與梅聚首憐汝橫斜開半畝月移瘦影當
窗牖憶昔羅浮一夢後至今直隔千年久又自嫁爲和靖偶問訊難
到西湖口此來索笑巡檐溜撲鼻冷香一段有仙家曾放鶴來否天
寒仗汝花間守三尺土牆室如斗待臘亦有將舒柳欲雪未雪風亂
吼奚奴待掃先縛帚忽聞剝啄門外叩掀髯一笑來詩度謂徐松風孝廉狂
吟共對罇中酒爛飲不停杯在手詩成欲寫難伸肘冷風刺骨貌癯
醜亂峰月黑時正西徘徊不去爲花誘如此清福能消受恨不長在
花左右灌溉偶缺愁枯朽我將行矣誰之咎爲屬主人護惜厚莫放
斧斤肆踐蹂惘然無語別花走試問花還記某某

擬昌黎山石

陳國瓊

山石兩過樵徑微山翠欲活溼雲飛閒尋古寺叩門入當階竹瘦新
桐肥石頭苔蘚半繡蝕往來履迹行人稀老僧邀我對牀坐燒筍煨
芋療我饑一燈綠焰搖古壁虫聲如雨月滿扉夜深就枕不成寐曉
起林隙烟霏霏直窮巖壑到絕際嵐氣雲氣鎖四圍滿山紅日看漸
出樹陰一片染人衣此時遊眺興何極笑他名利徒爲譏林泉風月
有清福人生役役胡不歸

七律

天慶觀

唐王初

劍化江邊綠構新層臺不染玉梯塵千章隱篆標龍簡一曲空歌降
鳳鈞嵐氣溼衣雲葉晚天香飄戶月枝春盟金早晚聞仙語學種三
枝伴羽人

使福州至劍津贈僧亞齊

唐翁承贊

蕭蕭風雨建陽溪溪畔維舟訪亞齊一軸新詩劍潭北十年舊識華
山西吟魂惜向江村老空性元知世路迷應笑乘輶青瑣客此時無
暇聽猿啼

宿延平津

宋蔡襄

鳴籟蕭森萬木聲濃嵐環匝萬峰青樓臺盡處雙溪合雷電交時一
劍靈曉市人煙披霧旭夜潭漁火鬪寒星畫屏曾指孤舟看今日孤
舟宿畫屏

雙溪閣

劉子輩

雄觀今古快幽情突兀層樓出市甃二水交流何處盡孤舟不見亂
山蘂丹鑪寂寞仙遊遠劍氣蕭條客恨盈向晚移舟話流落可堪時
聽鼓聲聲

劍潭贈李似表

劉子輩

夜窗把酒對鵝峯分手悠悠各轉篷艤棹相逢煙浪際有家皆在亂
離中 久占清河地壯士誰收赤壁功他日著鞭先後耳飄零不

用歎途窮

藏春峽

王汝舟

短樓矮閣小亭臺中有高人避世埃寒翠自憐霜後竹清香誰辨雪中梅喧囂祇爲鶯聲巧漏泄多應柳眼開只恐藏春藏不得東君句
勒下山來

前題

李侗

詠歸堂裏靜怡神更步芳亭識趣新愛竹心虛初長笋觀梅香散漸含仁雲將膏雨過桐嶺水泛桃花出劍津生意峽中藏得否自家收拾滿腔春

顏樂亭用陳默堂韻

羅從彥

平時仰止在高山要以亭名樂內顏顛倒一生渾是夢尋思百計不
如閒心齋肯與塵汚染陋巷寧從俗往還堅守箠瓢心不改恐流乞
祭向播間

寄傲軒用陳默堂韻

羅從彥

自嗟踽踽復涼飢口安能仰四方目送歸鴻心自遠門堪羅雀日
偏長家徒四壁樽仍綠侯戶千頭橘又黃我醉欲眠卿且去肯隨何
客語羲皇

濯纓亭用陳默堂韻

羅從彥

十載猶緇京洛塵歸與那復厠朝紳君今談笑青油幕我但巍峨烏
角巾江漢更從尼父濯衣冠寧羨屈原新欲賡孺子滄浪詠會意還

須舍瑟人

題靜亭

鼎創新亭靜更幽四時景象鎮長留端如和氣裏談笑恍若春風中
泳游排闥山併藍色重憑欄水擁壁光浮我來登賞無窮趣好把詩

篇與唱酬

送延年行

延年弟子也不知何姓以詩辭歸先生因韻以餞其行

羅從彥

聖言天遠海潭潭獨在潛心久泳涵猥念百家非已好妄將一貫與
君談賢如賜也才知二學若陳亢只得三此道悞來因自足郊隨鵬
鳥話圖南

再用韻送延年

心源寂靜映寒潭每欲操存更養涵顧我日思攀劇論荷君時與得
高談眼前舊識知多少物外深交沒二三幸久相親頻握手遽成分
別又東南

和延年巖桂

羅從彥

幾樹芬芳檀與沈枝枝若占鄰家林風搖已認飄殘菊日照渾疑綴
散金仙窟移來成美景東堂分去結清陰我今不願蟾宮折待到蟾
宮問上吟

題德士退庵

羅從彥

牛頭山頂鎖煙霞簷月松風卽我家筏渡有情新活計袋空無物舊
生涯已將黃葉分雙手卻攜白茅占一窠會得懶慵歸去路索然忘

烏更忘花

賀田溪張公遷居

羅從彥

華構經營占地靈濃嵐環合數峰青苟完公子方成室趨訓兒孫已
過庭豈止一時誇壯麗定知百世享安寧顧惟善頌非張老祇貢湯
盤往日欽

過化劍津

元王翰

寶劍沈沙世已傾千年波浪未能平空餘故壘鄰滄島那復雄兵出
郡城淮上何人祠許遠海中無客葬田橫夜閒有氣干牛斗洒淚空
含萬古情

喜諸公見訪精舍

明胡瓊

詩 四 鼎 志 卷 之 一 五 十一
鳴雨前山忽變春茅堂真似讓西村盤殮艸艸情何盡更漏遲遲夜
不喧噫昔元戎誇小隊只今五馬過高軒野梅若解留人意倒影蕭
疏映綠樽

化劍閣

明 鄒維璉

神光一夕動關河神物飛騰萬里波曾與人閒殲魍魎在江上泣
鼉鼉濤聲怒咽風雷起斗氣虛懸日月多我欲移文滄海去檄龍
劍意如何

題先鋒廟

明 艾 廉

萬井樓臺此最幽千年遺跡鎮雄州雕欄檄道迷煙霧畫棟衝霄逼
斗牛四面江山從旦暮八窗風月自春秋嚴祠盼蟹威靈著時有神

光繞閣浮

前題

明管大勳

永日迴巒澹翠煙滿江秀色正澄鮮
塵囂不到空中閣鼓吹常聞劍
外天何處乾坤容吏隱依然城市見
鳴泉側身起傍雙龍窟猶有光
芒映斗邊

前題

明郭希顏

凌虛閣上曙雲開佳節相看競渡來
五色旌旗舟子舞八窗山水酒
樽陪龍闕勝地乘流迅鼓答輕橈
罷鬪回懷抱從今須酩酊故人明
日武夷臺

前題

明蔡汝楠

龍岩迢遞萬盤來唐代遺靈更有臺溪憶中流雙劍合山憐勝域九
峰開城頭返景明朱檻林際流霞映羽杯寄意漢霄青鳥翼何因傳
響到蓬萊

再登百角樓

閔度

舉目山河憶昔遊碧天無際舊神州藜燃彩筆星初煥潮湧江潭黛
欲浮閣似滕王開八面劍携雷煥合雙鉤吾來再覓留題處誰拂紗
籠在上頭

陪守道吳公中偉閣城還集凌虛閣賦

明郡守倪朝賓

百雉山城亦壯哉軒車歷覽重徘徊樓頭鼓吹風微度雲裏揮旌雨
欲來二水環流襟帶合千峰列翠畫圖開莫言海上長無事捍禦當

思願牧才

其二

列騎陪游四望奇
回車晚向習家池
登樓時近黃花候
脩酒人歌白
亭詞
庚老談元興不淺
鯁生屬和賦偏遲
風流此日應千古
山色青葱照酒卮

其三

何年匠手結高臺
飛棟凌霄接上台
石窟鑿開真混沌
江邊湧出小蓬萊
水晶簾浸深溪碧
雲母屏看遠岫迴
秋色滿樓成勝賞
且開懷抱到金罍

其四

危樓百尺臨雲巔，秋日登臨思爽然。
風月從來無管束，山川儘可入詩篇。
斗閣隱蹤雙龍氣，檻外依微萬灶煙。
飲罷歸來山欲暝，隔溪燈火泊魚船。

初夏讌集凌虛閣

明推官鄒維璉

江流一帶抱孤臺，海國風煙面面開。
軒廠千山如畫列，天清片月弄珠來。
觀魚不減濠梁興，避暑真同河朔杯。
况值南薰能解愠，放歌須到夜深回。

又九日前陪守道吳公閱城還集凌虛閣詠

明郡守倪朝賓

憲府秋深節鉞寒，翩然遊興動江干。
天邊爽籟隨車發，海嶠浮雲攬
瓣看錦旆倚騰龍，劍氣黃花偏映紫。
駟鞍關山戍堞煙銷盡，嘯倚南

樓醉未闌

其二

崔峨山擁劍城開
城外分流二水來
江影倒搖亭午色
雲光半入夕陽臺
觴飛竹葉花堪詠
秋老芙蓉雁正催
誰道習池賓客盛
風流今日更徘徊

其三

九日將歸客思深
登高一眺翠沈沈
雁峯忽憶驚人賦
牛首翻憐弔古心
未擬開樽酬菊節
已聞笑口發雲岑
孰秋何必尋彭澤
滿眼青山綠樹陰

其四

城頭車馬盡繽紛，覽勝牽帷自昔聞。
峴首故招羊叔子，龍山誰是孟參軍。
千家暇色迴遊騎，一曲清歌散彩雲。
乘興喜陪公讌罷，歸來月上帶餘醺。

百角樓詩

明劉兆元

危樓百尺倚城隅，體勢嵯峨接太虛。
門外岡山天外聳，境中雲樹水中居。
月明雙劍波光合，風透疏櫺暑氣除。
自是延南真勝槩，休論蓬島更何如。

先鋒廟

明劉璋

先鋒廟枕翠微閒，百尺危樓俯碧湍。
雲霧隔溪飛畫棟，星牛入夜掛雕欄。
疏鐘隱隱千門曉，古殿陰陰六月寒。
聖代只今崇祀典，靈旗彷彿

佛擁虬鸞

雲擾閩南苦戰攻生靈無計可潛蹤英雄汗馬來桐嶺吳越投戈走
雪峰功并龍山高嶺恩深劍水遠溶溶更聞金虜來侵宋猶起陰
兵一破鋒

登百角樓

清謝良琦

危樓百角歷城開四照煙雲亦壯哉日月兩溪雙劍出東南疊嶂九
峰迴游觀自昔登高地檢點誰堪作賦才日暮倚楹頻北望玉京消
息幾時來

登百角樓四首

張遠

雲外高樓實壯哉虛窗八面倚天開山青雨歇溪風至秋老潭空劍

氣來唐將祠堂還俎豆王家宮殿委莓苔憑欄目擊滄州迥故國關
心首重回

其二

停橈溪畔息驚濤躡屐頻登不憚勞西牖塞鴻和雪盡南來鐵馬倚
秋高中流黑浪盤歸棹白日青溪走巨鼇莫更臨風時把酒閩中征
調正嗷嗷

其三

畫棟飛甍俯逝川九峰山色正蒼然江湖招我千尋攬霄漢親人尺
五天風雨綠林驚旅舶沙塲白骨損炊煙座中亦有從戎客一笑相
逢說去年

其四

諸峰不斷舊時青
劫火乾坤無暫停
剩水殘山存勝概
棟雲簾雨護精靈
健兒歸牧來城外
孤鶴排空下遠汀
薄暮舟人催解纜
落霞秋色晚冥冥

道南祠

明蘇章

黍稷馨香拜廣廷
古今公論付諸經
若非載道來伊洛
安得傳心到考亭
經世可堪逢叔季
濟生寧正用參苓
北山絕頂懸祠廟
遺像堂堂肅典型

借陳僉憲謁道南祠

明龐泮

道南祠下挹清秋
山自巖岈水自流
此日望風還列拜
當年立雪與

誰遊聖朝有典崇千祀廟貌何人被七旒直欲躋攀窮目力考亭只此白雲陬

登四賢祠

徐卽

閩海山川此上遊千年學脉四賢留南來吾道傳心印虛過一生愧汗流未發直教看氣象大成還擬接尼邱夜深坐看寒潭月劍氣依然貫斗牛

登延津百角樓

釋智永

嵯峨百角傍江干獨跨山城亦壯觀樓閣尙留唐日月威儀猶見漢衣冠接天煙浪神書幻抱閣溪流玉帶蟠徙倚不知歸去晚津頭劍氣逼人寒

祭李先錄

鄭泰樞

巍然高閣祀忠助主祭豈期屬廣文常把瓣香尊至聖可無杯酒奠
將軍名垂百角樓前石氣肅雙龍浦上雲卻怪張雷無別廟空山如
火口飆飆

七月十九日潘景塘置酒明翠樓上同尹莞石楊鳳池午集

明管大勳

官舍青山忙裏過偶逢佳客興何如羈迷歲月蹉跎甚搖落江湖感
慨多絕景飛雲空世界上方晴日蔽烟蘿高懷此際相和切隱水漁
舟也放歌

卽日次管暮雲韻

明尹瑾

南平縣志 卷十八 五十一
皂蓋團雲小寺過風流聯騎有陰何清秋出郭塵緣少久客登山野
興多幾處樓臺衝暮景萬家煙火隔藤蘿憑高意氣驅今古滿院清
風白雪歌

明翠閣

清朱詔武

高閣插漢繞朱欄穿過疏林曲磴盤一片白雲歸岫暗數聲紅葉落
江寒漁歌斷續秋風亂雁影橫斜夕照殘卻擬閒身留客宿月明携
酒與僧歡

延平書院

魏瀚

曾向遺編味至言鐔津今日泝淵源百年興廢祠堂在千古儀型繪
像存新樹竹梧期集鳳舊題風月想開嶺九峰蒼翠無邊趣收拾都

歸在一軒

延平書院

羅璟

道學淵源繫我思
九峰山下拜遺祠
高山流水千年意
秋月冰壺百世師
像設儼然如靜坐
心傳卓爾見深期
充融經濟誰偏識
祇有當時弟子知

延平書院

韓紹宗

五星奎聚應昌期
一代儒師衆所依
窗外江山曾聽講
劍中草木亦增輝
數椽舊屋雲猶護
半畝荒池月自歸
不有真傳留晦老
誰人定得是和非

延平書院

陳錫

講堂高倚九峰青千古吾人仰德馨
聖域微言承統緒冰壺秋月想儀型
中興豪傑功勳啓俗學塵勞夢寐醒
瞻拜遺容訪遺迹風雲橋上不勝情

延平書院橫翠樓

明 俞廷芳

先生危坐讀書樓詣極探元到白頭
一濬淵源承道統幾從邱壑味川流
不求聞望如司馬自抱純誠繼伯牛
千載斯人安可作登臨弔古不勝愁

前題

周孟中

千古清風江上樓九峰紫翠滿樓頭
道南師友眞三傑人物乾坤第一流
授受已知窮畫像行藏何用喻犧牛
愚蒙自顧生來晚墜緒茫

茫不盡愁

前題

毛伯溫

九峰高處此書樓濟濟衣冠到上頭一脈延平開戶牖千年洙泗共
源流明時理學昭星日宋室奎光射斗牛再拜祠前勤仰止歲華駒
隙使人愁

前題

吳昂

不爲尋芳上翠樓將窮活水到源頭延平下啓新安派伊洛上承洙
泗流天際網緼飛野馬竅中混沌鑿金牛晚生鑽仰無容力瞻拜徒
懷墜緒愁

前題

明陳山

九峰橫翠映高樓吟倚西風最上頭師友淵源承道統江湖詩酒總
儒流雙溪波浪衝閩越萬丈龍光射斗牛詣極探元人不見夕陽芳
草不勝愁

題延平書院光風霽月亭

王公濟

擾擾紅塵一水閒那知幽徑掩柴關泉濺翠竹有深處人共白雲相
對閒便掃丹軒留夜月莫令歸鶴怨孤山此心不繫渾無定何必靈
丹煉九還

客中憶延平七首

明劉璋

濫竽京國宦情灰遙想家鄉日幾回二水台流趨海去九峰飛翠過
溪來尋芳野寺多逢雨鬪筍深冬半破苔最是元宵風景好花燈萬

朶閣樓臺

別卻家鄉四十年一廻憶著一欣然
半溪月照啼猿樹百丈人牽上
瀨船僧舍開門修竹裏文峰滴翠落霞邊
延平自古稱鄒魯道學淵
源仰四賢

城樓一眺景多奇面面芙蓉山四圍
水漲斷橋人怯渡雲巢深樹鳥
知難澄潭劍氣衝星斗遠寺鐘聲隔翠微
我欲買舟尋舊隱寄言鷗
鳥莫驚飛

每接鄉人歎我扉因詢鄉曲久徘徊
日斜溪上客帆宿風滿樓頭山
雨來萬壑有泉皆稻熟以時無日不花開
怕談正統終年事烽火通
宵畫角哀

城鎮東南氣勢雄地靈人傑古今同山來四野飛丹鳳橋跨雙溪臥
彩虹結屋半依榕影裏行舟多在浪花中延平書院龍津渚夜夜文
光燭太空

二水奔流合劍溪溪頭樓閣瞰沙隄灘聲入夜雷霆鬪山勢凌空星
斗低盧橘炎風林下熟鷓鴣春雨竹閒啼仙亭聞說仙人在願借蓬
萊一鶴騎

山郭千家坐翠微杏花時節雨霏霏月沈劍水醒龍夢雲起仙亭伴
鶴飛十里灘頭翻雪浪萬年枝上駐春暉何時得遂休休去覓取鷗
波舊釣磯

延平城詩

劉璋

突兀孤城石作梯，酒帘搖曳路東西。
一番白雨漲溪壑，兩岸青山啼竹雞。
榕徑陰森疑晝晦，筆峰高拔覺天低。
莫愁衰老無筋力，欲上仙亭散馬蹄。

寶章閣

明蘇章

傑閣崢嶸捲上簾，翬飛高接九峯尖。
便從河漢捫奎宿，先向蓬瀛見海壖。
遺構百年新棟宇，賜書萬卷舊牙籤。
秋堂風霧涼如洗，齋沐虔誠祀事嚴。

延平改建學宮於城外，以舊址作察院，按部首臨其地，偶詠。

關中楊九澤

鐔城氣運久知回，已化巖宮作憲臺。
聖道行時王道合，文星明處法

南平縣志 卷十八 六十一
星開雨餘尚覺芹香晨風動俄驚豸繡來規制總教仍舊貫天然穹
勢自崔嵬

延平院中獨坐

楊九澤

孤身萬里寄空堂迸絕塵襟晝漏長一曲晚煙春樹渺半簾斜日暮
雲黃鶴穿松徑霑清露鳥宿花叢帶野香回首鄉關何處是樓臺鐘
鼓自微茫

在京送人還延平有懷四賢先生祠

明徐階

道南祠屋郡城西三載神遊路不迷江閣抱雲春獨臥石壇乘月曉
誰躋新移徑竹知猶短舊植庭松想漸齊頭白擬終供洒掃結廬常
對九峰棲

無量寺南峯淨室詩

明謝肇淛

路轉南峰結草庵，嵩邱蘭谷老瞿曇。
片雲茅屋三更雨，流水繩牀五尺龕。
問法有時過鷲嶺，漱流長日到龍潭。
禪心定後無人會，處處香風度石楠。

九峰月朗

明吳恭

中天鬱秀擁嵯峨，海上紅雲捧素娥。
九疊翠屏齊岱嶽，一輪金鏡照山河。
豈無才子思攀桂，亦有樵夫坐爛柯。
安得太清呼李白，將船載酒共高歌。

三寺雲深

明吳恭

南阜連雲特地青，招提森列梵王城。
雨餘殿影參差見，月落鐘聲取

次鳴石上暫留低樹濕筵端長宿衲衣清老僧盡日堪怡悅想與無
心絕世情

前題

楊德政

諸天深隱萬山重處處閒雲盡日封上界煙消時見塔下方風靜只
聞鐘鑪香暗引啣花鹿潭水長留護法龍縱有松關開覺路塵沙那
得幾人逢

龍津春浪

吳恭

紫氣高騰貫斗牛寰中神物豈長留昔人並鶴來金闕此地雙龍臥
碧流濁浪排空春浩浩神光拔地夜悠悠何當採取津中物環珮乘
風上帝洲

猿洞秋風

吳恭

猿穴巢居小洞天
商飈動地思悽然
夜長失伴呼秋月
果熟將兒坐
暮煙樵徑積紅飄
落葉石橋鳴玉瀉
流泉李公祠宇今
猶在千古令人仰
昔賢

中巖瀑布

吳恭

銀河垂地三千尺
掛在中巖石壁端
瀑布倒懸秋色淨
雪花飛墮曉
光寒谷深信有神
龍蟄歲早寧憂海
水乾更欲携琴來
此處擬邀莊子共
盤桓

黯澹洪濤

吳恭

鐔津東北水縈迴
十里灘聲勢若雷
水面洪濤飛浩蕩
江心恠石起

崔嵬浮沈絕類汾陰鼎出沒猶疑豔頰堆千古溪心流不盡前舟初
過後舟來

梅山朝旭

吳恭

玉樹橫斜第一峰金烏浴海湧微紅雙溪城郭煙霞上萬戶樓臺錦
繡中玉漏滴殘喧奏角禁門方啓罷鳴鐘何郎東閣多詩思應與揚
州興味同

衍麓晴霞

吳恭

層巒如嶂翠交加五彩輕浮散落霞貝闕初張雲母錦丹牀細碾玉
鑊砂紫崖點雪棲歸鶴碧樹殘陽叫亂鴉應有朱顏長服食白雲深
處到仙家

八景迴文

僧能持

重疊九峰當月明徑三三寺晚雲橫
曠曠日影梅山曉歷歷巖泉雪
澗清風攪龍津溪滾浪霧藏猿洞
夜聞聲洪濤黯淡煙迴棹
霽景新霞衍麓晴

冷風閣

明劉璋

九峰佳處老君臺風景撩人不易裁
野鳥啁啾絃管弄雲山黯淡畫
圖開鏡留客夢橫江去水泛桃花
出洞來自是仙家在塵世何須弱
水問蓬萊

沂泉曾某冬日同心齋晴岡二寅丈遊元妙閣酌樓中次心齋韻

南平縣志 卷之八 二十四
傲吏尋仙暮倚樓仙人縹緲碧空秋孤霞飛閣橫吹笛淡月鳴鐘落
釣舟二水綠縈丹竈靜萬峰青砂酒杯愁掀鬚我亦瀛洲侶肯放塵
埃到白頭

大忠祠詩

張程

航海當年事已危猶將忠憤誓王師程嬰只爲孤兒在諸葛空成八
陣奇怒雨春深愁奠罌狂風夜靜肅靈旗傳聞龍劍能飛躍不與英
雄助斬魑

閩廣原無百二形成田旅衆慟孤臣千金欲散酬誰死一脉猶存肯
自湮食鼠張巡惟報國牧羝蘇武幸還身捐軀未盡啼鵲血遺恨山
頭照野燐

金甌萬里付斜暉國破何心廟貌巍使魯空傳爭問鼎哭庭誰爲賦
無衣漸看赤幟趨南盡不見黃冠自北歸寂寞故園喬木改傷心惟
有暮雲飛

前題

張恆

時聞陽九厄羣陰大厦將傾雨雪深雙劍未能伸浩氣孤忠空復嘔
丹心幾年和議成癡潰此日賢勞付陸沈回首不堪頻極目追思往
事淚難禁

前題

清龔貞

長松修竹翠陰陰峻嶺祠堂雲護深南渡衣冠空疾首北行山水總
傷心旃旄正氣風雷動杏藹忠魂星月沈回首一時同志士鯨鯢催

浪恨難禁

詠冷風閣

明朱詔武

仄徑多年碧蘚封徐行不用倩孤筇青歸處處春前樹翠滴層層雨
後峰新霽漁舟閒晒網荒涼仙觀不聞鐘憑君莫減登臨興此地由
來有臥龍

前題

何蘭

一帶高峰九疊青元都俯瞰碧溪汀玉臺護法龍津劍金字書符鳥
篆經上帝高居雲自接仙人長往戶常扃擬招羽客參無始斷鼓零
鐘亦杳冥

三千八百坎

王際鏐

峻削巉巖靈氣通橫斜古道逼高崧初沈落日千山雨亂捲浮雲滿
樹峰放眼高天垂字閣振衣峭壁世緣空何須謝眺驚人句一嘯聲
傳萬谷中

遊金斗山

王際鏢

古殿金臺巖絕巔登臨有興獨居先暮雲初起橫連壑斜日餘暉直
射眉宇出胸中無限地到來此處別開天同人不用催行急歸去應
須月滿船

登延平明翠閣

清林長楠

策杖重尋明翠閣凌虛突兀壯西甌九峯羅列窗前現二水平分檻
外流寒逼魚龍星影動氣衝霄漢劍光浮放寬眼界開懷抱長嘯一

聲天地秋

登劍津明翠閣

清林 遂

嵯峨高閣枕山巔極目蒼茫思渺然有客題詩青石壁何人倚劍白
雲天峰依雙塔孤城迥地劃三溪一水連試憶化龍今古事荒涼落
日起秋煙

登劍津城樓

清丁 焯

澄潭龍老已千秋夜夜寒光動斗牛有客携琴瞻碧漢何人說劍向
滄洲孤城削壁全臨水八面無山不到樓取次高懷生遠趣一聲長
嘯起驚鷗

延平城樓

清李開葉

虎崛峻嶒此一關
建瓴高屋俯千灣
歸雲峽口三溪水
橫翠峰前百丈山
忠定謫來官舍冷
龜山老去講堂閒
垂虹閣向龍津倚
燭漢星光隱照顏

文昌閣

清張爲經

臨軒四望野雲浮
山色參差入畫樓
一帶人家沿岸住
數行帆影傍溪流
幽林鳥語來僧舍
高閣鐘聲送客舟
咫尺延津明日事
沈吟此夕臥江頭

大忠祠

張秉誠

開府猶圖挽落暉
那知時與志相違
全家殉義間關日
一死成仁慷慨歸
正氣不隨山色改
忠魂長逐劍光飛
五坡襲執人何在
信國高

南 正 鼎 志 卷 十 八
名久愈輝

宿南峰寺

朱韶武

水繞山迴萬木叢南峰寺隱翠微中客穿修竹衣沾綠僧度斜陽頰
映紅月影暫停聞吠犬鐘聲欲斷雜鳴蟲藕花池畔傳清磬塵夢醒
時課未終

遊蓬萊限韻

陳 彬

登臨身立萬山巔處處峯頭看了然擴我襟懷添逸興留人松竹綴
題牋白雲深鎖僧尋寺紅杏爭開客憶年鐵筆已無空悵望惟留勝
迹不留仙

化劍閣

何 蘭

斗閒紫氣原神物一躍溪流不可尋
遂使關津皆號劍更將州郡亦
名鐸時清魑魅窺人遠歲久蛟龍入窟深
莫謾登臨訪遺跡風帆沙鳥只如今

前題

施開治

崔巍傑閣倚山阿石磴陰回挂薜蘿
每到登樓情未已常憐神物世無多
茫茫獨攬西收日滾滾惟聞東逝波
安得潛鱗一再起携雲挈雨此中過

南峰方丈次壁閒韻

施開治

纔入山門情自別滿腔俗慮一齊刪
數閒矮屋可容膝四面疏窗好看山
菊賸餘葩留客醉楓翻紅葉上僧顏
連朝信宿緣何事煙景羈

人不遣還

劍化閣

官志涵

夾城溪水迸東流
潭上煙光劍氣浮
應有精靈在天地
卻留風景與林邱
重巖霧影常迷浦
鎮日濤聲自撼樓
神物出來從未試
不知會合果何求

王臺舟中

官志涵

火雲層疊聳奇峰
西去舟迎日色紅
應有石淙安几席
那無雲路破樊籠
山將暑氣常爲雨
樹散繁陰不動風
獨喜隴田新稻熟
飯香細細出蘆叢

潭湖坂寺雨

清楊桂森
知縣雲南

香林花雨透禪居
滴到心庚翳盡除
飛檻痕添寒竹瘦
垂檐聲送夜鐘疏
濟人有意功歸實
潤物無聲法是虛
溪漲寬來一航渡
相看魚樂自如如

寺茶

楊桂森

敢言羹鼎仗梅和一串新
椽且辨訛如我性情淡
處有似君滋味苦中多
泉飛蟹浪燃雲竹月浸
蟬膏吸露荷料得午耘
渴也甚願將清飲潤農
蓑

登冷風閣次壁閒韻

清朱 灑

生平性癖愜尋幽
高閣凌空我獨遊
秋色有心飛落葉
釣翁無事傍行舟
蒼苔煙鎖明時碣
烏鵲泥巢宋代樓

閣右有李延平夫子讀書樓址

誰念冷風

長送客凭欄吟眺不勝愁

宿清淨庵

朱 漢

禪房淨寂碧峰巔有客探幽帶醉眠窗外花香入臥榻松閒月影瀉
流泉遠村燈火自明滅野渡漁歌忽斷連夜靜江天渾一色幾疑身
寄斗牛邊

同張礪亭陳松亭伍桃莊登明翠閣小飲次壁閒韻

朱 漢

古閣依松靜不譁柴門一半綠陰遮橋橫斷岸連雲鎖風入薨樓帶
雨斜世事安能常酌酒人生那得盡如花諸君莫負當前樂何必東
陵五色瓜

登明翠閣

謝純鑣

三巡畫閣倚巉巖
眼底溪山盡不凡
峰帶丹煙浮紫蓋
水橫劍氣射孤帆
秋原稻熟炊香爨
古渡人回負藥鑿
最是合尖臺畔好
天風拂桂滿輕衫

詠秋柳八首之二

朱 澐

綺陌蕭疏動客悲
何堪復覩瘦腰肢
黃金散盡無顏色
碧玉彫傷感歲時
莫笑衰容迎送苦
不禁涼氣起眠遲
可憐兩岸都零落
回首江邊空有思

詠秋柳八首之四

朱 澐

寥落吳江千萬條
依依景象已蕭蕭
殘絲難結同心結
雅調徒傷兩

地遙幾處青樓人舞散數聲羌笛旅魂消而今直待東風轉春色仍
然鎖灞橋

古梅

僧林友

占得鴻濛一段神風霜飽歷見天真疑從炎帝已前植豈是逋仙而
後人傲骨千秋曾化鐵芳心半點不隨塵類看世事滄桑變獨有寒
花歲歲春

早梅

羣芳落魄獨精神始信孤根節操真能向園林先作主未經霜雪更
宜人一枝縱放江南玉餘樹猶封塞北塵惟得幽禽偷眼覷卻疑天
地有私春

孤梅

獨抱純陽寡慾神蕭然物外守清真棲遲卒歲誰同伴笑傲空山祇
一人子影但能交素月幽香爭肯惹紅塵生成癖性甘寥寂不與羣
英共混春

寒梅

嚴霜凍合愈增神信是冰姿氣骨眞世上罕逢清節士山中獨見苦
心人艱難立盡三冬雪凜冽吹殘九陌塵一片堅貞含造化花開何
必借陽春

重九同石樵何兄致千鄧兄梅溪魏兄登明翠閣分韻得花字

汪 淳

十里湖光鎖暮霞
天高落日隱城闈
山含晚景樓臺靜
地集同人氣味嘉
四海交情渾白眼
一年秋色負黃花
懸知事業摧霜鬢
頻對西風憶歲華

題彭筱川匹馬出塞圖

安徽懷寧令解組
自請新疆投効

胡雲章

萬里長征匹馬寒
黃沙白草路漫漫
不煩血刃屠牛易
豈服鹽車識驥難
滿篋冰霜携社藁
一鞭風雪指樓蘭
開圖迭唱陽關曲
聽到琵琶劍欲彈

行李蕭條冷一肩
關山不盡雁連天
中原戮力謀先左
大將成功志在邊
獨上祁連尋戰壘
敢勞充國策屯田
崦嵫日近時非晚
再傍桑榆快着鞭

登貞元閣

陳國瓊

好風吹出磬聲圓
特向峰頭訪老禪
看竹衣裳黏翠粉
烹茶石銚汲
清泉亭圍幽樹深
如洞欄俯寒潭
倒見天日暮
山禽催去路
緩尋苔磴踏疎烟

題白雲寺壁

陳國瓊

不到名山十載餘
重遊此地復何如
拈花古佛還嘲客
問姓高僧尙
記予松影滿階風
定後桐陰一院雨
晴初偷閒半日禪
房坐斜倚南窗讀道書

訪山家留贈一首

陳國瓊

草沒苔深石徑斜
山坳老屋白雲遮
檐陰欲雨鳩啼樹
籬落聞人犬

東 五 集 卷 十 一
一
吠花無吏催租常閉戶有兒能讀便成家老翁止我田間宿閒寒
宵酒當茶

桃李村題壁

陳國瓊

栗冽寒生萬瓦霜雞聲啼斷漏聲長滿天星影羅羅照一樹梅花淡
淡香馬足經旬淹客路蝶魂連夜到家鄉地爐楮燬將盡兀坐蘆
簾待曙光

過峽口

陳國瓊

勞勞亭短更亭長曙色微明照粉牆瘦馬踏殘官堠月亂鴉啼斷驛
樓霜隔江楓葉濃如醉近水梅花淡有香茅店雞聲聽最慣廿年作
客感流光

七絕

過延平津

唐歐陽詹

想像精靈欲見難
通津一去水茫茫
空餘昔日凌霜色
長與澄潭生
書寒

龍津

唐胡曾

延平津路水溶溶
峭壁危岑一萬重
昨夜七星潭底見
分明神劍化為龍

茶苑

宋黃裳

莫道南芽非北苑
須知山脈是東溪
旋煎石鼎供清話
容照巖前日
未西

其二

想為春風噉動山雨前收得一籃還斧斤不落幽人手且喜家園禁日閑

其三

誰知谷口勝龍潭最愜輕雲回味甘聞道溪東新得苑夢中風腋落溪南

藏春峽

黃裳

幽巖獨抱百花根峽裏尋春野思存祇恐主人藏未得卻隨風雨過南園

容照巖

黃裳

誰獨思君坐處深
陽精陰魄許相尋
也知自有天光在
漫借餘輝照我吟

劍津

無名氏

水過雲津勢漸平
雙流匯作劍溪清
漁舟來往無人見
隔竹時聞欸乃聲

暗香亭

楊時

漫愁素女妬新妝
已有風傳處處香
試問隱淪溪上客
欲將春色若爲藏

虛心亭

楊時

山橫麓脊碧巖岈
亭對浮筠縹緲閒
簫鼓爲誰三徑侶
祇應長近白

雲閑

容照巖

楊時

清時投迹在嶽崙一穴清光破晚陰刺草未容忘魏闕故應長有子
牟心

藏春峽

楊時

山銜幽徑碧如環一壑風煙自往還不似武陵流水去殘紅那得到
人閒

偶詠諷東山不起時龜山及王朝論薦吳儀吳熙二公赴召而
東山方命乃召客看圍龜山回詩諷之

楊時

幽人長往不知還將謂雲心遇石根見說東風桃李好也隨蚊蝶過

花園

綠陰亭

楊時

沙邊幽鳥傍清漪
瀧下漁船逆浪歸
身在輞川圖畫裏
晴空惟欠雪
花飛

藏春峽

陳瓘

主人心地冷如灰
只把園花取次栽
峽外漫多閒雨露
直須併此入
出來

其二

花落花開蝶自忙
琴閒書札日偏長
我來不爲看桃李
只愛幽蘭靜
更香

其三

朝廷鸛鷺日振振不道天涯亦有人弟勸兄酬無可恨歡然別是一
家春

其四

孺子無心作聘君使君懸榻意何勤世人不道芳蓀好可是清香不
遠聞

觀書有感

羅從彥

靜處觀書塵不染閒中稽古意尤深周誠程敬應粗會奧理休從此
外尋

自警

羅從彥

性地栽培恐易蕪是非理欲謹於初孔顏樂地非難造好讀誠明靜
定書

示諸生

羅從彥

知行踐徑固非艱每在操存養性閒此道悟來隨寓見一毫物欲敢
相關

自述

羅從彥

松菊相稱莫厭頻紛紛人世只紅塵自憐寡與真堪笑賴有清風是
故人

勉李愿中五首

愿中以書求道甚力作詩五章以勉其意然借祝聽於聾盲未知是否

羅從彥

聖道由來自坦夷休迷佛學惑他歧死灰槁木渾無用緣置心官不

肯思

學道以思為上孟子曰心之官則思書曰思曰睿作聖惟狂克念作聖佛法一切反是

不聞雞犬聞桑麻仁宅安居是我家耕種情田勤禮義眼前風物任

繁華

今古乾坤共此身安身須是且安民臨深履薄緣何事祇恐操心近

矢人

外吾聖人之學申韓佛老皆有書在決擇也

彭筆畫空空不染利刀割水水無痕人心安得如空水與物自然無

怨思

吾道當無凝於物

權門來往絕行蹤一片閒雲過九峰不似在家貧亦好水邊林下養

疏慵

顏樂亭

羅從彥

山染嵐光帶日黃
蕭然茅屋枕池塘
自知寡與真堪笑
賴有顏瓢一味長

邀月臺

羅從彥

矮作垣牆小作臺
時邀明月寫襟懷
夜深獨有長庚耀
不許庸人取次來

延平先生云
侗見先生出此詩
嘗妄意云
下兩句不甚渾然
先生因改云也
知鄰鬪非吾事
且把行藏付酒杯
蓋作此數絕時
正靖康閒也

送南劍王守歸

羅從彥

三年政化被生民甘雨祥風溢劍津解組幡然賦歸去攀留無計可
留恂

未把陽關三疊吟且將謬句寫離心千尋浩浩鑿溪水別恨不知誰
淺深

題一鉢庵

羅從彥

可憐萱草信無憂誰謂幽蘭解結愁欲得才田斷荆棘只消一作長
伴赤松遊

梅林春信

李侗

積雪千林凍欲摧倚欄日日望春回天公爲我傳消息故遣梅花特
地開

輓李延平先生用西林韻

朱熹

履來
一自籃輿去不回故山空鎖舊池臺傷心觸目經行處幾度親陪杖

上疏歸來空皂囊未妨隨意宿僧房舊題歲月那堪數慙愧平生一
瓣香

題西林院壁

朱熹

觸目風光不易裁此閒何似舞雩臺病軀若得長無事春服成時歲
一來

其二

巾屨翛然一鉢囊何妨且住暫公房卻嫌宴坐觀心處不奈簪花抵

死香

注云簷前有柚花

題西林可師達觀軒

朱熹

窈窕雲房深復深
澄軒俄此快登臨
卷簾一日遙山碧
底是高人達觀心

其二

古寺重來感慨深
小軒仍是舊窺臨
向來妙處今還恨
萬古長空一片心

示西林可師

朱熹

身世年來欲兩忘
一春隨意住僧房
行逢舊隱低回久
綠樹鶯啼春晝長

其二

幽居四畔祇空林
啼鳥落花春意深
獨宿塵龕無夢寐
五更山月照寒衾

延平水南天慶觀夜作

朱熹

石樓雲臥對江城
城角吟霜永夜深
料得南枝正愁絕
不堪聞此斷腸聲

腸聲

詠歸堂隱鱗洞

宋王汝舟

先生名利比塵灰
綠竹青松手自栽
擬把一竿盤石上
幅巾閒過峽山來

其二

清時勇退一何忙撫志山西漢仲長靜覺眼根無俗物
翛然一室自焚香

其三

隱德家聲累世聞考槃幽澗作閒人天紅過眼隨榮謝
菊秀蘭香自占春

其四

種竹淇園遠致君生平孤節負辛勤需賢側席非無意
地遠言輕豈易聞

龍津橋

明陳宓

兼旬積雨截晴虹洗出溪山罨畫中別浦漁歌來暝色
長橋人語半

秋空

登化劍閣

明王鏡

兩鏢當年悞入流至今投贈未曾收千秋神物幾時去空笑詞人尚

刻舟

黯澹灘

明程仕

太古無情撇此川嵯峨亂石積年年挽回用盡篙師力第一艱難上

瀨船

菊香澗

明胡瓊

菊香澗裏菊花開澗畔因行獨往來野叟自吟還自得鳧鷖相對莫

相猜

祭五代閩越王墓詩

明黃宮良

五季橫戈孰有聲分封閩島控長鯨年深荒塚餘喬木早晚羣鴉慙
亂鳴

九峰月朗

明孫衍

一輪皓魄夜三更九朶芙蓉白晝橫我欲振衣從此去
蓬萊頂上看

潮生

前題

明陸嵩

朶朶芙蓉蘊太空碧天如洗月華濃望中佳致堪圖畫未數匡廬五
老峰

三寺雲深

明孫衍

白雲如海漲山陬山上僧廬勢欲浮莫謂無心自舒卷年年散作大

田秋

前題

明陸嵩

提森列展旗山十里松陰始叩關浮世紅塵飛不到老僧長伴白

雲閒

龍津春浪

明孫衍

鐔津雨過碧溶溶神物當年化此中昨夜風雷起南國海門桃浪湧

春紅

前題

明陸嵩

滾滾桃花浪拍空雷聲入地勢何雄祥光夜夜干牛斗神劍當年此

化龍

猿洞秋風

明孫衍

洞口秋深猿嘯哀風傳清響過溪來使君自信無機事肯作朝三暮

四猜

前題

明陸嵩

西風一夜到林邱月冷天清小洞幽洞口無猿長嘯罷青山寂寂水

悠悠

中巖瀑布

明孫衍

一派高從碧嶂來白雲滿地走春雷誰將倒障狂瀾手挽下銀河淨

九咳

前題

明陸嵩

萬丈飛流掛碧岑
雪濤滾滾作雷鳴
豪來欲挽源頭水
一洗胡塵四海清

黯澹洪濤

明孫衍

中流亂石東奔湍
逆上非難順下難
灘寺白頭僧碧眼
看人汨沒利名閒

前題

明陸嵩

灘險瞿塘懸瀨堆怒濤
洶湧破山來
天瓢便擬分涓滴
散作甘霖徧九垓

前題

明朱鉉

衆水爭流未肯平滔滔不斷怒濤聲世人都說風波險此地風波尙可行

梅山朝旭

明孫衍

日射山頭梅九英通詩水月合爭衡隙中誰是鳴陽鳳腸胃文章此際呈

前題

明陸嵩

破曉梅峯旭日升曙煙斂盡萬山清憑高四望乾坤小疑在金鼇頂上行

衍麓晴霞

明陸嵩

山光絢紫暮煙凝樹杪晴霞幾抹橫舊日仙人在何處數聲樵唱不

勝情

前題

明孫衍

山中仙客杳難攀
留得仙名重此山
衣袂不須尋往事
雲霞終古見
嬾懶

聞猿洞

明袁深

聞猿洞似不聞猿
聞卻終妨一夜眠
息個心猿如了得
洞門深鎖月
明天

中秋凌虛閣燕集候月卽席有作二首

明鄒維璉

南樓秋色八窗開
有客登樓待月來
報與望舒催命駕
清光先付故人杯

月

系

三

三

國文志卷十一

南平縣志 卷十一
八十二
把酒清香發桂卮
長空淡淡鳥歸遲
曾聞天上霓裳曲
不似人間樂府詞

訪溪源四首

明林世璧

溪源一派玉爲流
錦樹紅霞爛素秋
兩岸垂蘿雲嶂合
數聲啼鳥石林幽

幽源何處可棲真
流水桃花此避秦
日暮清溪看曉網
隔船時問打魚人

沙岸紆迴碧浦通
仙踪縹緲自難窮
便應一葦臨滄海
直訪蓬萊玉蕊宮

溪上橫橋十四門
煙霞杳藹入溪源
定知此夕遊仙夢
一枕清風白

鶴窩

登化劍閣

清施中

渺渺平津東閣開
幾番風雨更徘徊
神龍恐識遊人意
仍化豐城寶劍來

劍庠有堂無署蓋
頭者老屋三椽而已
余爲翦茅闢穢作小亭
一書窩三可以讀書
可以會文亦寂寞中
快事也詩以落之

清周宗濂

荒荒官舍草平扉
闕就孤亭且息機
曉起晴嵐初湧日
雲林一幅護書幃

其二

芭蕉葉碎桂初馨
四面秋光一草亭
謾道日長無箇事
當鑪管著品茶經

其三

晚樹妝秋度夕紅
開軒時撥菊花風
茶根喫得書還讀
也博清閒自在窮

其四

杜門卻掃抵敲詩
短榻疏櫺聽漏移
夜靜不知塵笑語
一天涼月浸荒池

明翠閣

清朱 鉉

巍巍古閣倚城東
一徑崎嶇翠色中
四面青山皆入畫
春花秋葉隔

橋紅

延平書院

施開治

茫茫古洞何年開今日無人此地來古哲名區頽落盡空留明月夜

猿哀

其二

萋萋蔓草一荒邱莫說當年庭院幽可惜吾生生獨晚山川文物兩

悠悠

過通天庵

清謝 麟邑人

試馬歸來禮佛前頻看四處藹雲煙千巖萬壑無窮盡別有人間

洞天

無量寺螺峰

僧白香

謾言螺嶼不虛中一吹鴻音衆樂從驚起六天齊側耳曼陀遙散滿長空

宿砂溪二首

官志涵

秋雨瀟瀟江上岑驛樓欄檻出楓林尋常短白忘滋味坐對青山細細斟

其二

斜風薄霧散輕雷郵店三楹草樹隈記得孤燈坐秋雨客牀溪上對榕開

過箕營嶺

官志涵

幾竿修竹夕陽邊想像名賢停蓋年
五色靈芝何處種九峰山瘦不

成田

拾松子烹茶

官志涵

石鼎香生松子煙携籃手自拾山巔
帶來一徑晴陰綠烹出層花雪

浪鮮

朱漢

詠溪源庵

曲曲溪橋鎖翠深迷離煙霧繞禪林
當年學道人何在空有流泉響

劉今

寺雨

清楊桂森知縣雲南

蛩集螢飛靜不譁偷閒且試老僧茶
連宵愛聽垂垂雨四野催開早

言
二
集
元
卷一
一
稻花

猥偷未除將如何弱才難學虎冠苛雨能洗面心兼洗應待文翁教
澤多

詠醉楊妃菊


陳國瓊

舊是唐宮睡海棠西風吹冷改紅粧籬東別却長生殿來與陶公醉
一場

華清夜宴記依稀又過重陽送白衣看到秋容憔悴甚而今不信玉
環肥

宿醒乍醒暈難消如此丰姿不可描瘦骨珊珊扶不起籬邊猶作十
分嬌

金盤玉露飽天漿
國色嫣然又國香
想是梨花經雨後
驚魂無定落
柴桑



詞

過南澗雙溪樓

宋 辛棄疾

舉頭西北浮雲倚天萬里須長劍人言此地夜深長見斗牛光焰我
覺山高潭空水冷月明星淡待燃犀下有凭欄卻怕風雷怒魚龍慘
峽束蒼江對起過危樓欲飛還斂元龍老矣不妨高臥冰壺涼簟千
古興亡百年悲笑一時登覽問何人又卸片帆沙岸繫斜陽纜

南澗雙溪樓

瑞鶴仙

辛棄疾

片帆何太急望一點須臾去天咫尺舟人好看客似三峽風濤嵯峨
劍戟溪南溪北正遐想幽人泉石看漁樵指點危樓卻弄舞筵歌席
歎息山林鐘鼎意倦情遷本無欣戚轉頭陳迹飛鳥外晚煙碧問誰

憐舊日南樓老子最愛月明吹笛到而今撲面黃塵欲歸未得

南劍雙溪樓 歸朝歡

嚴仁

五月人閒揮汗雨離恨一襟何處去雙溪樓下碧千尋雙溪樓上匏
尊舉晚涼生綠樹漁燈幾點依州渚莫狂歌潭空月冷慘慘瘦蛟舞
變化往來無定所求劍刻舟應笑汝只今誰是晉司空斗牛奕奕紅
光吐我來空弔古與君同記凭闌語問滄波乘槎此去流到天河否


延平雙溪閣落成 風流子

張允幹

飛觀插雕梁憑虛起縹緲五雲鄉對山滴翠嵐兩眉濃黛水分雙派
滿眼波光曲闌外汀煙輕冉冉莎草細茫茫無數釣舟最宜煙雨有
如圖畫渾似瀟湘

前題

使君行樂處秦箏弄哀怨雪鬢分行心醉一缸春色滿座凝香有天
涯倦客尊前回首聽撤伊州惱損柔腸不似碧潭雙劍猶解相將



一
二
三
四
五
六
七
八
九
十

歌詠

西溪泛舟六章

施中

水心則平而爲波瀾石實相欺不得辭艱難

其二

蕩漾中流歌笑未闌凡我同舟母曰宴安深潭之下乃有高灘

其三

燕子磯頭惡浪漫漫晝夜不殘負心之徒至此心寒

其四

山谿之水喜怒無端稍有失足舟敗江干江干覆轍行人一看

其五

高崖石壁爲水所餐此示以隙彼乘以鑽中流四望如白如篔如缸
如盤

其六

操舟之子閱歷靡歡下水戒懼上水辛酸

茶陽灘

查慎行

大水大湘小水茶洋巨川塞路如牛如羊叱之不動迺是石波臣橫
踞千步岡當時大禹疏鑿不到此漸長牙角勢莫當棄置九州外放
流比投荒如今郡縣關海外尙於中道梗咽爲民殃何人爲剷除毋
令與水爭強梁石言吾何辜水性本易怒請君看取淮揚交正坐中
流無砥柱

鳩源插秧歌

插秧何插秧何低頭更負雨中簑一把秧鉞握在手青青布列無偏
頗無準繩必須直直處全憑兩眼力鞠躬盡瘁何時得休息

鳩源牧咏

伴黃牛到山頭青草是爾糧巖閒是我牀日落山花正香跨背吹短
笛一路煙茫茫

題龔耐亭刺史罷釣歸來圖

胡雲章

纍纍若若者其可薄耶落落莫莫者願可託耶胡不營一邱一壑胡
不事一琴一鶴而超然去來乃在乎烟水之頭雲山之脚豈鴟夷子
之扁舟恣遊抑羊裘叟之一竿獨著將還叩於先生先生不言抱膝

自樂

列傳第二十二

十室之邑必有忠信十步之內必有芳草而况一邑之廣百里之大乎其間應運而生紹淵源於伊洛顯功烈於巖廊昭明德之馨香永他邦之遺愛者代有作人故舊志有道學鄉賢仕蹟諸傳既分門而標目復彙舉以書名雖井井有條然例以孔子世家孟荀列傳之義則拘矣夫天生賢哲非爲一邑而豪傑之興後先同揆無他人不以地限地乃以人傳也南平人物漢晉之間貌不可考至宋而文明大啓人才輩出有海濱鄒魯之風其最著者楊羅李朱四夫子授受相承道德醇備可謂盛矣前乎四子者若范道卿之不苟進退黃冕仲之不負科名後乎四子者若張振綱之著績中外馮夢得之卓越羣

僚洵一代之偉人也明清以還繼主組者彰勁草忠葵之義藏名山者殫聖經賢傳之功至於一官一職不乏有守有爲其人非皆可傳者歟故歷敘之以列於左

列傳

宋

范迪簡

黃裳

吳輔

張維

馮夢得

魏任

陳麟

練愨

吳播

吳方慶

魏郁

范潔

黃藻

吳一鳴

吳應酉

俞亨宗

明

劉璋

羅明

胡瓊

黃焯父中

子應林附

鄭慶雲

游居敬父綸

子於北 於廣

王廷附

王宗仁

葉宜

魏宗

李勝

吳毅

陳綸

王顯

張榮

朱顯

吳珙

吳泰

陳紳子應

孫正謨附

王焮

吳必學

黃成樂

吳思立

朱成武

林若桂

甯烈

黃縉

王以蒙

林有梧

邱憲章

應懋璜

黃應春

陳應桐

吳道宣

徐登第

楊秉紀

余履信

陳國楨

林以文子鍾鳴附

甯善

黃夢瑞

魏懋績

游文信

江榮

林有檣

駱天閑

楊大韶 弟大武附

李鳳翔

葉成章

清

鄒儀周

陳儼 子世蔭

林日勳

林鍾

謝聖揚 子珍瓚

危世美

黃宮桂

李永芳

危履亨

應丹詔

盧家元

應鑾階

葉新榆

應肇元

應衷

下
之
果
示
身
一
力

三

宋

范迪簡字道卿慶歷六年進士陳襄得其文二軸大加稱賞嘗爲
趙抃引薦後調官至闕下不肯一謁議者偉之子峒岫崆嶠嶠
俱登科岫官至龍圖閣直學士

黃裳字冕仲一字道夫爲諸生時常有魁天下志博學多通尤邃
禮經元豐五年舉進士第一政和間知福州累遷端明殿學士
禮部侍郎時方行三舍法裳謂宜近不宜遠宜少不宜老宜富
不宜貧不如遵祖宗科舉之制人以爲確論建炎中年八十七
卒著有演山集六下卷

吳輔字鼎臣少孤兄仲已鞠之力學自奮登天聖八年進士歷道

州推官時蠻獠蠢動有傳寇薄城郡僚惶懼欲撤橋嬰城守輔
曰橋以南皆吾民也其可棄乎聞者壯之民心以安寇亦不至
監司知其能鄰郡有訟不能直者並使鞠之攝來陽醴陵二邑
篆既去民攀留以千數改著作郎知臨川縣事忤上官意謫台
川酒務徙南城令歷屯田員外郎致仕歸輔生平以道德教化
爲己任與人落落不苟合在台州日於稅廨建一軒扁曰怡軒
因以自號有詩文數百篇楊龜山爲之序次子僊及從子熙皆
隱居求志時稱爲雙璧見獨行傳

張維字振綱一字仲欽紹興中登第初調賀州司理參軍不行徙
汀州軍事推官盜起屬邑附從萬衆抄掠三郡境維護巡尉兵

會大軍討平之身履巢窟撫其餘衆秩滿承龍溪改左宣教郎
知閩縣首定差役條約貲倍者半其停年民以爲便遂著爲令
積餐錢數十萬義不自取民號曰張太清以便親自請得主管
崇道以歸會陳正獻公知建康府辟通判府事又遣攝守當塗
吏戢而民安之擢廣南西路提點刑獄公事自虜再通好維每
謂符離之役失於輕舉而人心終不以爲非四郡之乘急於休
息而人心終不以爲是先嘗告執事者宜將順教正使上於起
居食息不替坐薪嘗膽之誠修明政事使人心曉然知朝廷未
忘中原之念及對遂以立志開上心且引益之所以戒舜者以
謂今日正當汲汲自治不可狃於小康便謂太年語甚切至孝

宗曰朕何敢望舜維對曰有爲者亦若是願陛下加之意而已
孝宗嘉納且俾察部內守令臧否以聞到部案行周徧郡縣陳
船渡海所至邊氓難噉以爲百年來始見使者旌節官吏有望
風解綬去者還臺條上臧否若干人卽日施行就除直秘閣知
靜江府主管經略安撫司公事平易近民撫循周洽間召長老
從容與語授以教條使轉相告戒禁吏妄賦奏減經總之額滯
訟或數歲不決者取故牘置便坐暇日躬閱視予奪咸得其情
有暴橫若亡匿者立誅斬作興學舍按故典新社稷風雨壇壝
月遣官屬潔除爲圖以著其兆域修登降之位甚飭南丹徭莫
氏以賂結永樂王氏藉兵以逐其兄而自立旣立背約王氏以

兵攻之莫氏因急請輸並塞田及銀冶稅塲以乞師察屬咸謂受之便維曰莫王連兵正坐貪此耳又將以咱我卽國家爲夷夏宗主屬國不奉條約正當以義結之維於是遣一小校持檄往諭二酋頗類受命卽日釋兵或告昭州故盜甘文誠者謀叛去郡給而縛之欲致之死維察其非辜撫遣之未幾象郡徭反使者欲調兵遂捕維曰以官兵入箐歷險與猿猱角勝負非計也遣禪機戍山口且文告之徭曰前年殺凌鐵往年殺王宣今年又殺甘文誠非從若招者耶誰敢聽命維遣文誠示之則皆大喜亟遣子入謝罪進直徽猷閣留鎮五年孝宗方謀北畧移軍建康使者謀作屯營不如指乃召維爲江南東路計度轉運

原
稿
缺

原
稿
缺

1709

魏任字亨之唐太常少卿滋七世孫元豐五年進士初尉海鹽以
獲賊功授虔州節度推官郡卒有忤太守意者將寘極典任力
爭之上其讞於朝卒從任議徙蘄州防禦推官攝羅田縣事縣
適草創任經營有方民以不擾用薦改知虔州石城縣豪強斂
手盜賊屏跡兩陽不時祈禱隨應以慶典轉奉議郎兵馬都監
賜緋

陳麟字夢兆舊居劍浦後娶於沙因家焉大觀三年登第授閩縣
令有富室誣里民爲盜麟辨其冤尋獲眞盜邑人神之勢家欲
徙人墓部使者以屬麟麟不可使者杖縣吏撼之終不爲動使
者復令諸邑求翠羽奇花怪石麟亦不顧使者恚甚使謂之曰

汝何恃敢爾應曰孤寒小官恃潔己耳紹興初知韶州鄰寇至率所部敗之獲其渠魁及餘黨數百人擢河南轉運判官孫光遠石城令

練慈爲旌陽令雅有清操凡飲酒遇清者人輒曰此練長官酒也吳播君偁子政和五年進士紹興間知建寧縣謹飭有吏才省科役抑豪強潔己愛民民甚德之

吳方慶字少琳雷州刑曹觀長子宣和三年進士臺檄考試昭武得李綱卷批云必能爲國了事擢爲解首調尉永昌以外艱去起授福州司戶歷知松溪縣以禮化民修崇學校多所成就歲饑開倉賑給境賴以全邑有崇先潛結凶黨爲變期夜半竊發

方慶廉得其情先期警備賊計無所出遂就擒獄具白郡郡將
嫉其能一切釋放方慶力爭不得後范汝爲復起果皆其黨既
以秩滿還鄉會李綱卒遂無意仕進屢請不得復調遂安軍節
度推官紹興始以通直郎致仕歸結廬曰真佚及卒妹壻李侗
爲狀

魏郁字周文滋八世孫少遊學京師中上庠建炎二年成進士補
潭浦縣尉適洞蠻竊發朝命招撫之郁被檄先往數日朝命不
至蠻以爲誑已使立雨中窘辱之毅然不爲屈後蠻得朝命大
悅厚宴郁餽以白金五百兩馬二匹郁辭之不獲悉以歸公族
人虎臣政和間以貢任豐城簿奉檄按視陂堰覈實無所隱匿

遷朝陽丞亦有清儉聲

范潔字景圭南渡初知新昌縣披榛櫟撫瘡痍以創縣治紹興間
守光化軍後守鄂州終於漕使二子留居新昌

黃藻紹興丁丑進士乾道間爲清流令興學養士躬課試而激勸
之縣有貼銀鈔鹽錢藻請蠲之催科必究利弊惟恐厲民歲大
歉行勸分法民以不饑鄰寇作自相戒曰彼有善政慎勿犯之
秩滿去任老稚攀留數日始得出境

吳一鳴字伯大號定齋紹定五年進士爲潭州益陽尉帥李華聞
其賢置之幕下政事一以委之復薦於朝遷泉州德化令時康
維新帥漕或謂之曰三司例得歲舉其屬一人公何獨不薦維

新日留以待吳一鳴也遂薦之調長樂令縣豪家逋租歷數令不能詰一鳴督之輸納恐後期年倉廩皆盈乃廣學舍修公廡邑人作歌頌之邑有盧尙書被劫得賊所遺一刀一鳴悉召鐵工示之一工認爲泉州巨賈從人所作物色得之一訊而服人以爲神後爲仇家所誣去任行李蕭然邑民遮道號哭執政亦知其枉擢臨安僉判樞密鄭清董修六內疾作知一鳴賢委使代之官終浙東帥司機宜

吳應酉字叔西嘉熙戊戌進士歷任司理司錄各有能聲調廣東提幹減鹽價增官窳私販無所牟利倉漕三臺交薦之再調宰瑞金感寨官勸梗民轉朝奉郎遷信州倅父老遮留之爲福州

宗丞純用儒吏直監解試揭曉每放一名則衙吏一人降階拜拜問之曰向皆掾之子孫也遷徽州倅秩滿歸甫抵家聞北兵入不食不語而卒

俞亨宗字原章嘉泰初以朝請郎知漳州罷粥鹽及河渡等累又捐俸代民納丁錢民德之

明

劉璋字廷信幼失怙母翁氏苦節撫教之稍長卽知力學天順元年成進士授戶部主事器度溫雅濟以廉慎大爲長官所器遷本部郎中歷山東左右叅政時歲歉且疫璋與同官二人分道賑卹二人相繼染疫死璋悉心往來經理弗倦亦弗懼也尋遷

浙江左右布政使浙雖大藩而諸郡倉儲多缺璋通計出入尙
欠米二十二萬石軍儲停支皆欲棄伍璋恐若輩一動必滋事
端徑支巡撫積貯餘糧價銀二萬五千兩折給又奏准諸郡歲
輸戶口食鹽鈔令照時價納米以充軍糧舊制各衛屯田餘糧
掌於都司多中飽璋力爲釐剔宿弊一清由是儲蓄充裕歲計
外更餘六萬石成化二十年擢右副都御史奉勅總督漕運軍
兵留靴以識去思河南數州饑戶部主事張倫上言宋之漕運
皆由黃河以達於汴今宜倣此法運漕河之米往賑有旨命張
倫督運十萬石璋督運十七萬石倫不知宋之漕運江不入淮
淮不入汴以黃河之險非江淮之舟所能濟也璋乃選巨艦而

高大其帆檣募習黃河水性者操之通運二十七萬石以往復奉敕兼撫鳳陽等處會鄖陽流民嘯聚朝廷恐其滋蔓特命璋往撫治之先是蝗蟲爲災民憂惶無計璋至大雨如注蝗盡投水死民情大悅未幾改撫四川時亦乏糧有詔許農民入粟補吏璋命有司聽其納銀且減其數旬日間得銀萬餘兩給以平糴歲足軍需仍餘米八萬石前播州宣慰揚輝鍾愛庶長子友請特設安寧宣撫以友爲之築城堡以居其後友謀奪嫡誣奏其弟愛有不軌謀而愛亦許友不法事朝廷遣大臣勘得其罪罷友宣撫并家屬發保寧府安置璋以安寧道遠城堅友少弟敏及所親附天家仲家士兵素號驍勇其屬又有爲之謀主者

恐負固爲變且貽害故不卽發詔先遣友親信二人詣安寧慰其家屬曰撫軍謂宣撫遠出弟敏年少特遣吾輩護印信以防外侮又遣能幹士官領兵分截安寧出入之路榜示天仲二家諭以順逆禍福懸重賞以購主謀區畫既定乃宣示詔旨遣官收其家屬印信而發遣之尋復奉敕省刑有僧如方坐命案抵罪璋察其冤立出之所平反免死者凡四十餘人入爲工部侍郎陞南京禮部尙書在部清慎以嚴率屬洪治七年召代賈俊爲工部尙書俊素廉慎居工部八年望孚朝野璋在工部亦數有爭執名亞於俊九年以老乞休加太子少保馳驛歸仍命有司歲給廩隸如制璋蒞官垂四十年處事精密喜愠不形家居

屏跡官府觀書吟咏以自樂年八十三卒賜祭葬祀府鄉賢

羅明字文昭成化二年進士拜河南道監察御史奉勅清理浙江鹽法均徭戢橫豪強斂跡出按廣西適有內批命鎮守少監黃泌貢其地珍禽異鳥明奏止之行部所至憲度嚴整貪墨吏望風解綬還掌道事會冢宰員缺覬覦者衆明率同列疏請公舉必得才德兼茂聞望素著方可勝任若非其所關不細由是奔競少戢東直門災朝廷範白金爲眞武像遣內監送武當山崇祀以弭災變明疏言徒費財擾民無益於事又因災異迭見力陳修省且言變輿遊幸南城西海錫賚無度非敬天弭災之道時有大臣以賄罷而夤緣復進者又有近倖奏請得錄其幼

子入監者又有方面以考察被汰而妄訴屈抑得復職者明並請追寢成命時論韙之出爲陝西按察副使奉敕撫治漢中漢中山深林密每爲逋逃淵藪奏立白河縣以安輯之內艱去任民遮道涕泣不忍舍起復仍副陝憲屬州有竊發嵩洛銀鑛誣逮平民論死者四十餘人明力爲辯雪坐者三人而已遷本省廉使值歲旱饑民相食明講求荒政全活甚衆仍條救荒十二事上之多見施行遷雲南左布政使尋擢右副都御史巡撫甘肅其地卽古河西五郡控引西域流沙諸部番胡參錯號稱難治明居陝日久稔知宿弊至卽奏罷貢獻以息橫斂復奪勢家所擅草湖還之軍士均水利清兵馬蠲逋負多所建白尤盡心

於學校請增貢額以振淹滯選秀民著錄庠序以教育之先是
甘肅祭

先聖率用俗樂明命有司依禮制備古樂舞器服而演習之八音既
諧乃以奉祭邊方由是知有雅樂洪治己酉東路有小警且有
詔錄囚民舊苦煩疾至是以勞復作遂卒後旬月朝廷以明有
區畫哈密功璽書褒獎晉工部右侍郎皆不及見矣訃聞賜祭
葬明爲人外和內剛歷官二十餘年清介勤慎始終一致祀鄉
賢子雲麟字世歲年十五遭明喪自燉煌徒步扶櫬歸當蔭敍
讓弟雲鳳以貢任湘鄉訓導致仕屢飲大賓

胡瓊字國華號九峰子正德辛未進士除知慈谿縣慈谿多顯宦

其子弟干請不遂則羣嗾之使去瓊至公明自持勢宦不得出一語反德焉蒞慈三年治績甚著召入試山西道御史考授一月以疾歸結廬東溪之麓與二三同志講學疾愈起巡按貴州遠在絕徼民夷雜處致多頽廢瓊風裁飈發鈎刷奸弊毫髮不遺毀淫祠興學校立名宦鄉賢以昭示來者土苗作梗計捕平之請設兵備於雲南霑益以便控制奏中官王閏之贓發總兵昌佐不法事臧否諸司靡不帖服人以才御史目之內艱服闋起掌山西道以議大禮廷杖卒瓊天性孝友事嫡母如所生家事悉以付弟私室不蓄一錢延俗父母喪在外不敢迎歸以爲不祥瓊造新室迎母喪朝夕臨奠不變於俗詩文清新流麗對

客揮毫灑墨咄咄逼人著有九峰稿奏議若干卷藏於家

黃焯字子昭正德甲戌進士父中字大本以貢入南雍授武康丞
視篆疏河渠廣儲均役民咸利之性至孝父疽發背侍湯藥匝
月衣不解帶葬其伯鉞歸族叔翰之櫬於珠崖間恩誼咸篤以
貴進中順大夫家居年八十屢筵大賓及卒門人私謚曰貞
孝華亭徐階爲表其墓焯以進士由南禮部精膳司主事歷知
永州府永民情於耕桑焯勸導之永之風俗親歿輒多破產齋
僧若無以葬則委之於野焯禁而治之俗因爲之一變前用兵
於九溪蠻軍需悉出自民郡有鹽引前守錢公率入於私橐焯
令貯庫以充兵餉民賦漸紓郡治有舜塚置祀田設守者二人

建周濂溪祠闢東山書院聚文學子弟教之郡人由是益知學
擢湖廣左叅政攝藩篆三月百度惟貞庫羨毫無所取以疾告
歸葺觀物園孝奉二親朝夕承志親歿祭葬如禮日從事翰墨
著述自娛接親舊破崖岸非分請託則嘿不應林居十餘年非
公事未嘗一入城府所著有遵美堂政錄修來篇論語中庸讀
法貽光堂集藏於家祀鄉費焯子應林字德甫由鄉薦令遂昌
以才優調太平楚門海田多爲潮汐所嚙林請之當道築堤疏
河田以無害邑有雁鳴山捐俸建塔以培文運復調樂昌治聲
蔚起致政歸著有四書講義量田管見藏於家

鄭慶雲字舜祥幼奇敏爲文多不屬草其詞乃若宿構登正德甲

成進士知瀋山縣部使者優其才調煩南昌當是時寧庶人方恣橫慶雲不爲撓踰年徵拜南禮科給事中世宗卽位首劾中官楊琳貪不奉法及留守大臣之不職者會議大禮與時宰不合引疾歸所著有劍溪愧稿及延平郡志

游居敬字行簡號可齋嘉靖壬辰進士改庶吉士父綸字邦濟以貢卒業南雍選授睢寧令政務安靜與民休息有蠹民者亟除之捕蝗災濬河道憫邑凋瘵申減協濟邳州夫千餘名睢民德之膺封致仕家居杜門簡出樸素有古人風勉子盡心職業卽所以爲孝時居敬爲監察御史嚴介執法毫不容私巡視蘆溝按商人匿稅語侵司農司農憚之巡按應天劾僞學捕奸黨出

自 二 鼎 記 卷 一 九 一 五
徽民之久滯獄者池州守某倚相勢恣睢爲墨到卽按之雖時
相爲之先容弗顧也出爲浙江僉事覈吏俗畫民便利禁湖游
戢戒壇枕俗爲一變擢廣東湖廣叅政仍按察浙江歷左右布
政使內艱服闋補原任時倭寇猖獗調主客兵以數萬計庫無
贏羨百凡倚辦居敬咄咄辦之議者欲練土著汰客兵客兵當
關而譟督撫無策居敬前諭之皆解散外艱歸起右副都御史
巡撫雲南鎮守沐朝弼故恣橫居敬裁以分義歸其所侵騰越
州庄田東川蠻酋阿堂亂謀篡東川強奪府印擅立作亂奔馬
撤致與宣慰安萬銓士官安九鼎相攻十餘年矣至是復侵羅
雄州逼會城居敬疏請聯川貴兵誅之有旨令川貴撫按勘明

具奏居敬因屢招阿堂不服乃出不意督土漢兵進勦阿堂窘
急自刎死三省遂定沐朝弼故啣居敬言於巡方王大任以不
俟朝命會勘輒興兵疏劾居敬坐逮杖論戍碣石穆宗卽位赦
歸廷臣交章訟居敬召起南刑部右侍郎轉左高拱再相欲甘
心徐階凡見彈劾者一網空之居敬語所善同官曰相君必不
忘情華亭計所嘗抵牾特斤斤耳孰與姑舍是以謀社稷乎拱
聞之悲嗾其門生以老論居敬居敬方上三疏一言中貴擅權
一言時宰作威福一言羅從彥李侗宜從祀孔廟拱擬旨摘其
詞繁稱奪俸三月遂乞歸或勸少緩旬餘恩蔭可得居敬不顧
越四月卒訃聞賜祭葬居敬平生學務實踐衣粗食糲一席十

年漆枕櫛匣尙青衿時物歷官四十年歿後諸子有不能舉火者所著有五經考註可齋文集奏議丹園集及延郡志若干卷祀鄉賢居敬子於北字懷蓋由恩貢選令雩都有巨奸殺人匿尸屢經會審莫決於北廉得其情獲尸牆下抵奸於法當道旌其能調令醴陵丈量一灑積弊邑稱公平於廣字懷約居敬之被逮也蓋方討阿堂在兵間云兵間去會城五百里時於廣從宦官舍年方十六冒寒凍疾走三百餘里尾居敬居敬已至貴州界矣於廣且饑且馳旬日始逐及於普定驛居敬曰孝哉兒也既長從閩王應鍾講學後以太學生以蔭授太僕簿節縮馬價千餘遷上林丞歷戶曹郎總推邗關預修玉牒以勞卒官王

庭端直諒懃砥行睦鄰由貢歷訓建陽於潛攝二邑篆操持勁
潔官歸饗餐不繼教授生徒與實庭十有六巡按朱克簡扁曰
粉榆偉望以旌之

王宗仁洪武初知會稽以廉能著秩滿去父老擁留祀名宦

葉宜字守義永樂壬辰進士除貴州銅仁府同知地屬蠻徼宜拊
循有道民懷之丁艱服闋擢戶部郎中出知衛輝府時有蝗爲
民患宜齋沐禱於城隍數日忽有羣鳥飛而食之蝗盡而鳥亦
死宜出米與民令收死鳥穿大穴瘞之自爲文以祭號曰鳥塚
遷浙江左叅政致仕祀鄉賢

魏宗字本敬美丰儀尙寬恕有幹濟才以歲貢同知台州陞廣州

知府調守寧波至則咨詢民情察利弊而興革之驗民丁稅以均其役揭示通衢里胥莫能高下置櫃座側訟至納詞其中以次推理一出已斷訟庭寂然有獄空之頌

李勝字仲寬以楷書薦預錄永樂大典書成願就養期發身科目九年舉於鄉授無爲州判官蒞事勤慎崇儒術有惠政民德之肖像祀於李冰祠

吳毅字仲剛由歲貢入太學宣德間授戶部主事居官清介嘗督儲浙江藩司黃潭見其衣樸素具鮮麗者四襲餽焉毅對使一服畢遂解付之曰善致黃公已承惠矣奚必垢敝然後爲毅之服哉縉紳咸嘉其廉云

陳綸字孔經景泰庚午舉人授知新興縣時土寇鄧李保等附流賊爲患所司屢招不下巡撫總兵統大軍欲進屠之綸請緩師躬詣賊壘諭以順逆許其自新賊感悟皆稽顙乞降誅厥渠魁所活萬計媚功者以事羅織去之

王顯字仁鑑景泰間援例入太學天順中任府軍左衛經歷許介有聲都御史軒輓薦之陞貴州按察司經歷操守愈堅貴撫陳敬薦爲本司僉事不報委署分巡印務丰采凜然秩滿致事家徒四壁終日怡然以壽終至不能成殮士大夫咸重之

張榮字顯仁景泰間貢入成均成化五年授星子令時民多流竄巡撫夏時正檄有司招徠之榮以民無生業故多逋亡乃括邑

之閒田招使耕藝勸富民助之牛種民復業者百餘戶居任九年民懷其德奏績稱最遷江西布政司理問致仕

朱顯成化間知香山縣性寡交遊門無私謁扶弱抑強悍卒豪民織織搏心在事六年以憂去

吳珙字廷瑞成化壬辰進士知臨淮縣時城爲河水所澆民遭墊溺珙至請於巡按調撥軍夫萬餘人開濬使水有所歸復增築東西二壩以防之至今民賴其德外艱起復補龍泉縣廉介自持一身所需必取諸其鄉陞戶部山東司主事以病歸子觀瀾傳見孝義

林埜有聲郡庠正統間沙尤寇起蔓延鄰邑埜自陳効力率民兵

戰至建寧高陽里遇賊鼓勇而前俘渠魁謝保大並其黨一百八十餘人斬首六十餘級所至克捷事聞授尤溪簿陞廣西布政司經歷

吳泰字守謙洪治甲子舉人授仙居教諭陞九江府判未行泰清修勸節善迪士子多所成就仙居人文罕著得泰司教遂以交盛及卒多士哀之祀仙居名宦

陳紳字文佩正德己卯鄉薦知寧遠縣地界西粵雜以苗民強梗難治紳徧歷鄉曲召諸長老諭以禍福諸苗悚聽莫不帖服居官三載邑稱治入覲考最以任遠母老不便迎養三疏乞改教職補廣州教授便道抵家一日而母卒紳哀慟成疾未幾亦卒

子應鶚嘉靖丙子鄉薦歷判濟南府督餉遼東出納無私邊軍
心服政暇教民接竹引水溉田邊民轉相效法年獲有秋陞知
萬州致政歸孫正謨字宗禹萬歷甲戌進士授黔縣令以才調
知休寧先是歲賦絲絹倚辦於歛歛有宦於朝者請均派祁休
婺績四縣民間譁然幾至激變正謨爲民請命力爭得免事息
爲忌者所中罷歸

黃掖改名燾嘉靖甲午舉人任黃州通判賦性剛勁蒞事嚴明清
查藩府錢糧覈實招怨後署縣事復以執法爲權勢所尤未踰
年遷王府審理

吳必學字以思嘉靖丁酉鄉薦初署容縣教事大修學舍題科貢

姓名於堂左右邑絕科目垂五十年自必學振興遂有領鄉書者遷知亳州減徭役建學宮內艱服闋補海州時倭寇猖獗築城扞禦民賴以安改象州設法靖獠賊屬歲屢暇竭力賑恤遷九江同知復補臨江所至以清介聞致政家居多所撰述郡守易可久延修郡志

黃成樂字和卿六世祖宗寶明初以明經赴廷試授知靖州捐俸成梁十七座民無病涉終長沙知府成樂嘉靖壬子鄉薦歷知茶陵州擢松江同知畫策弭盜治河浚渠民間稱使後病以長史致政歸

吳思立字叔禮以貢授茂名教諭毅然以師道自任茂學舊無文

廟立請建之以艱歸補龍泉諭陞國子監典籍出宰大埔有境坑看牛坪三賊巢世為潮患思立諭以恩信賊伴服陰劄廉知其狀迺相機搗其巢不煩重兵賊眾悉平潮民為勒石紀功遷知上石州致仕性友愛伯兄子貧為贖田賜之仲兄歿殯葬盡禮年七十五卒著有正學發軔射禮全書四書類藏於家

朱成武字維烈嘉靖乙卯舉人知封州縣大羅合山洞賊寇城成武率所練兵力禦却之擢判潯州愆柳州貳守以母老乞養歸林若桂字斯芳由選貢授溧陽學訓陞遂昌諭興文課士多所造就當道重其丰裁待以殊禮事具兩邑碑誌中陞廣西宜山令邊徼物產蕭條民獠雜居梗化難馴若桂正己率物因俗利導

因循者悉加振刷歲旱集誠禱雨歲饑捐俸濟貧白生員徐一槐等之冤計除巨寇藍龍虎等之暴當道交薦得旨褒嘉入覲考最回任道卒宜人哀思之

甯烈字思畏嘉靖甲子舉人授登封令蒞事勤慎風裁峻整爲宦者所誣謫廣西首領尋遷興業令處置民徭各得其道終以不肯詭隨解組歸

黃縉字時升由選貢授銅陵令復社學墾圩田銅陵無城沿江多警縉始築之

王以蒙字養夫萬曆癸酉舉人爲如臯令歲饑設法賑濟全活甚衆濬河告成蒙上賞百姓以租調至者令自封識投鉅毫無染

指擢守沔陽未任卒

林有梧字德陽父瑄字仲和孝事繼母善視諸姪爲諸生時海忠介瑞特獎薦之以貢選任博白令解綬歸不問家人產業有無萬歷丙子舉人時議割坊表價立先師祀田有梧了無難色後守姚州清介自矢姚故夸士選社師嚴鄉約以化之督夜巡查哨舖以防緝之卹貧生旌節孝善政具舉撫州貳守未任調知秦州操守瀟厲值歲大旱步禱以勞卒囊無長物秦人哀思祀之名宦

邱憲章字從周萬歷丁未進士授廣東惠州推官砥礪名節冰蘖馳聲矜慎刑獄多所平反壬子分校所取多得人考績行取以

以內艱祀鄉賢

應懋璜年二十登萬厯辛卯賢書教諭錢塘多所造就歷知融縣
保山二邑皆有聲

黃應春字仁甫爲諸生時孝友無間言宗族多所存恤以貢司訓
新淦遷感恩諭著樂會邑篆講鄉約汰冗兵革陋規當道交薦
爲國子助教致仕歸杜門訓子鄉里稱之

陳應桐字維瀨父祚早喪撫幼弟應昌友愛備至由選貢任長汀
教諭楷範端肅青矜貧者割俸周之至今見思

吳道宣由歲貢歷郡縣教授學問該博模範端方畧邑篆有冰蘖
聲養親孝謹鄉人重之舉祀鄉賢著有楚遊文集

徐登第字時傑爲諸生有學行以貢授學博教士以身心性命之學部使者首薦之擢知容縣茹蕞持法以侃直掛冠歸

楊秉紀字國理由歲薦歷教宣平江夏處州所至却諸生贄攝龍泉青田篆一無所染嘗著晚閣庭訓有貽謀以積德爲先處官以正倫爲主留有餘於百姓惠無疆於子孫之語

余履信字順卿以恩貢入太學中萬歷辛卯應天副榜謁選授大倉州判冰蘖自誓特立不阿爲忌者所排移粵闔幕攝連州篆歲荒力請發賑多所全活海氛猖獗監軍援勦殲渠魁撫裔從遷楚府審理歸年七十五卒子慎行傳見孝義

陳國楨號調梅萬歷庚子舉人授泰寧諭遷長寧令值山寇陳萬

鍾據九連山朝命三省會勦糜金錢十萬不下國 率鄉勇計
搗其穴斬級七百賊奔潰事聞賜宴紀錄時議闢九連爲連平
州以彈壓之臺司故才國楨委使經營劈畫不日告成先是萬
歷癸酉族叔某等謀劫粵刺寇開縣長寧邑民俎豆之迄國楨幸
是邑開連平之節於西事若昭合邑人合祀於百口塘行取考
選值內艱歸昭某等戶部主事國楨幼治羣書老而不倦著有
車塵雜述暨西事外言諸刻

林以文字維博由憲貢司訓連城瑞金陞鄱陽諭署瑞金石城信
豐三邑篆信有學生某閨閣爭寵妾悍自經事訟久不決以文
下車立平其獄太學試數百金爲謝固却之邑民有越訴者當

道謂之曰汝邑林博士一錢不取汝何梗化至此積穀額餉舊
逋未清者文捐俸代償士民德之邑侯閱址以文故所知士也
登堂而拜且遺金帛辭曰汝筮任方新安辦此閱嗟嘆久之致
仕歸卒祀鄉賢子鍾鳴字啓純孝友醇篤父鍾愛其弟父卒體
父志卯翼其四子逋課鬻屋代之償由明經訓廣信謀士得人
相與分韻賦詩濁酒素琴怡然爲樂攝興安野篆自開治未有
第者鍾鳴爲建塔鑿池增培地脈是科果第廣信亦停科至再
三鍾鳴爲正鬻路鑿春浦門以迎江潮卯辰遂聯魁數人自後
不輟皆公之貽及陞政和教諭未任卒孫子潤藁傳見孝義

甯善崇祀鄉賢傳原缺

黃夢瑞萬曆甲午舉人癸丑副榜初授廣寧令擢撫州郡丞數攝郡邑篆皆有政聲九宰陞思州守致仕年七十二卒後二年郭天才率衆入閩所至焚掠其部曲多江右人至館後見夢瑞匾額相戒勿犯

魏懋績字大昭萬曆壬子舉人爲文昌令五載城多火患懋績精堪輿更建南門患遂息理冤剖牘有廉平稱以梗直解組歸

游文信一作文義字國寶由選貢任海豐教諭署邑篆值大征調度有方於民不擾遷隨州學正致仕

江榮以歲貢司訓縉雲屬久旱有司祈禱不應榮積誠具疏言某雖不與民社天寧忍此子遺忽大雨如注以病卒官士民惜之

林有檟字本用萬懋間貢入太學授卽墨令邑多寇有檟命築堡設候有警則鳴鑼塔截瞬息達數十堡寇無所竄患遂息有利財殺人而沈諸江者魂憑隣婦以訴有檟爲理其冤僧憨山以太后賜銀巨萬建寺聚衆千數爲言官所論詔毀其寺撫按以太后故集屬議之且曰以此者云何有檟曰是必遭旨憨山以危語罔之曰是欽奉慈懿中有祝聖龕二誰敢犯有檟圈其置御容者曰留此餘悉毀憨山竟謫戍蒞治三年致政歸

駱天閑字履康天啓乙丑進士知宜興縣時有宦門故常托庇於鄉先達者其子孫中落欲奪其厦天閑令懸像以感之宦奪如故且啣天閑坐以浮言聚黨傾之調知嘉興左遷應天教授歷

禮部儀制司主事罷歸

楊大韶字子舜由將樂徙居南平以鄉薦任唐山令再補武緣入寨撞韋銀豹等分據作梗大韶單騎入寨諭降之監軍霍與瑕曰楊君膽畧可當萬夫

楊大武字子周與大韶讀書麀山之巔以歲薦司訓汀州晉江遷建安教諭端方善誘貧士尤加優恤所任皆有遺愛碑記

李鳳翔字天瑞由監生應天府中式任江西瑞金知縣性勁特於世寡諧居家以禮自持蒞瑞金甫八日卽以病辭歸卒於家

葉成章號台元博雅不羣以恩貢任承天倅治蹟表著居鄉四十載敦睦簡靜懿行足風壽九十有三

清

鄒儀周字西齋順治戊子舉人知丹徒縣慈惠勤敏遇事敢言士民勒碑焦山有一江明月兩袖清風之語後致仕歸甲寅耿變被拘下獄備受酷刑堅志不從嘔血卒王師入閩臬司吳興祚以抗志不從忠節可嘉褒之

陳儼字昌望國楨子以戊子拔貢考授司理改知青縣邑經兵燹兼遭河患井里蕭條而旂莊石田浮額至三千兩大爲官民累儼力請蠲除民乃復業墾地千餘頃時興濟合並於青儼以兩學生徒近七百人請廣廩貢之額於是青庠額廩三十歲貢二人實爲曠典奏績當內遷以梓里奏銷罷當事惜其才題補樂

城以卓異薦復因部批冒支庫帑解任赴理改知鎮平鎮故多盜置法者歲且數百人儼至力行保甲措置有方頑民漸革會順撫新舊乖違以青邑豁荒爲罪波及報罷儼三任巨邑多惠政如誓河而妖龍潛踪祭野而蝗不入境尤爲異蹟子世蔭由貢丞平遙歷威縣令外艱起復補知崇陽歲饑設粥賑貧全活千計民鬻子女代贖之矜慎刑罰不以苛察爲能陞順天府判晉戶部雲南司員外郎年八十卒於京

林日勳字以洪由歲貢司訓邵武攝光澤邑篆值防汛兵變有撫戢功遷政和教諭興學造士士爭從之喜讀異書搜奇抉奧不屑隨人年九十有三卒

林鐘字仲呂順治庚子拔貢任豐城丞擢知靖安縣邑遭寇災民人逃竄鐘至乃爲捍禦身入賊營諭以禍福賊不敢犯城者二年後大兵進剿鐘爲運籌賊悉就撫復請蠲逋賦修文廟課諸生百務以次而進年七十致仕歸祖餞泣送絡繹於道著有哦

江集拙菴紀事詩集

謝聖揚字言夫順治庚子西舉人授平南知縣縣經吳逆兵火之後僅存茅屋數椽聖揚下車卽爲殘黎請命詳免追徵陋規日夜拊循哀鴻遍野以勞勩卒官子瓚康熙庚午鄉試第二人爲和順令縣屬五村極頂食用取給於商稅稅重人多裹足瓚革去私稅免里民解糶雜費民甚德之以內艱歸父子繼宦囊橐

蕭然人服其清德次子珍改名作霖由歲貢司崇安訓舊無學
署捐俸建造請定學租以贍貧士士多稱之

危世美字虞臣康熙己酉舉人歷任崇安晉江教諭勤於課士撫
軍金聘修閩省通志陞知利津縣始至值歲旱蝗設法驅捕虔
禱立應徵收漕糧剔除陋規潔己愛民口碑載道致政歸閭里
誦其謙厚延爲鄉飲上賓

黃宮柱字擎菴康熙壬子舉人任邵武教諭壬戌成進士授鎮海
令清慎勤敏百廢具舉歷吏部郎中典江西鄉試能得士生平
醇謹有長者風

李永芳字聲紹康熙庚子舉人選餘杭知縣改調當塗倡修府縣

學擴充齋房義學延明師時親考課募佃墾官灘蘆洲獲租營
息充普濟堂以贖孤貧值歲荒流民載道詳請賑恤秋成給費
送還本籍湖陽等處蝗災躬督屬撲滅歲以大熟在任八載以
病歸

危履亨字又武乾隆癸未進士授趙州臨城令邑久旱八月抵任
始得雨邑有五龍廟爲禱雨之所日久就圯卽加修葺又梓潼
宮舊附學中殿宇秋益無以展禮四十二年度地於學旁拓地
數武捐俸創建四十二年重修鸞鷲書院暨諸生肄業之所煥
然一新是年又旱百姓乏食先施粥賑濟繼請官糶鄰境蝗蟲
四起本境十六社安然無恙大憲旌之尋以老病致仕

應丹詔字銘石號次峯乾隆乙卯進士授浙江義烏縣事政簡刑
清昕夕勤勞除弊興利自奉儉約不改儒素甲子調陝西城固
縣政聲尤著原城固有五門堰所灌田五萬頃有奇偶遇暑雨
冲崩積淤填塞小民怨咨憂無已時乙丑春親詣相度捐廉三
百金爲倡買椿石造圈木及時興築以資灌溉始得旱潦無虞
合邑頌德以鄉渠白隄比之後歸家居邑令楊公桂森聘修邑
志以司總纂閱年告成公之政學兼優爲時推重

盧家元字世美號畏壘邑之寶龜人也少穎悟善讀書未冠爲邑
諸生家無擔石兄弟四人公居次餘均力田每勸公以舌耕而
公以己學未優不便教人日俟兄弟往田始就家食抱書於鄉

之背山名八坵凌雲洞中苦讀年壯未娶出遊省會寄食於族
商適逢筴官孝廉浙江補用衢州府魏瑛者招考贅壻公與其
考三次中取因贅於魏焉乾隆己亥恩科中八十二名舉人春
闈屢薦未售乙卯大挑一等分發湖北試用知縣嘉慶三年征
教匪督糧有功候叙議升歷任黃安雲夢來鳳利川遂安知縣
調補宜昌分府居官勤慎清廉邑民頌之生平以名臣自許著
有學庸五經集疑名曰畏壘集疑存家未付梓戊子科湖北同
考試官旋委督修黃河差以兄弟在署多明水道親往築隄固
而不崩餘金巨萬同事知公清苦勸其寄家而公以既給月俸
則所餘者係國家之物焉敢自私概解於大吏後偵知金盡瓜

分己丑年三上萬言書其二均爲公座師朱中堂珪所阻後中堂病爲御史所進部議以位卑言高奪職問罪出關辛卯謫戍烏魯木齊公寄家書云韓文公謫潮州蘇學士謫儋耳古來名臣未有不閱艱難險阻者抑又何悲焉旋以朱中堂病篤薦公謂可惜一御史才謫戍邊疆道光十三年壬辰蒙恩特赦調升知府回籍再入朝謝恩因子勉卿卒遂致仕家無中人之產而琴書自適晏如也歷主講龍溪建甌書院後家居設帳道光十五年卒壽七十有四而鄉族後進親承公講說家學相承皆公之遺訓也其配魏淑人深通經史亦工文藝子勉卿隨調肄業兩赴北闈薦而未售孫懌與瑞麟均郡諸生亦屢薦未售皆淑

人親自督教也所上萬言書於彈劾中貼切易義又在宜昌府
署作學庸集疑會源緒言洵儒者之言云後道南山長劉存仁
先生題其訓子家書有曰嘗讀至郟俠上流民圖神宗爲感動
歎歎翌日詔停一切弊政夫監門一卑官耳竟敢發馬遞陳時
政忤權相神宗亦不加罪何宋代言路之寬也我朝嘉慶間南
平盧世美先生由大挑任湖北利川縣令一日上萬言書情詞
激切洩大府轉奏上躋之部議以位卑言高奪職奉嚴譴出關
旋即蒙恩賜還放歸田里直聲勁節亦聖明有以恕貫之歟今
則非御史不得越職言事矣家居貧甚授徒考終萬言書軼不
傳卽零星贖墨亦不可多得余遊劍津久老友雪樵教授出此

卷屬題書以歸之而前輩古風於此可想見矣

應鑾階字崧高號平坡道光甲辰舉人初任咸豐縣時以廉潔勵志勤慎斷獄治甫三月士民交口稱賢邑本瘠貧父老於歲暮時嘗負白米携土物以進羣相謂曰吾儕小人深慚無以爲報公再三却之戊午八年調署松滋臨行士民攀留祖餞滿道依依不舍任松四月又調棗陽下車未三月豫之捻匪圍城躬率民人力爲防堵固守城池得免失陷上憲聞之其功績奏請旨以同知補用並賞花翎是年七八兩月復值髮捻二匪三次圍撲公親督兵勇擊退極力防守邑民德之癸亥二年奏旨賞加知府銜旋以丁母憂致仕歸田

葉新榆字白樞道光癸卯舉人大挑知縣隨僧王督師剿捻匪以
勞勩保授直隸臨城縣下車之初卽修舊廢堯峰書院籌備膏
伙選觀風應考生童肄業朔望親往宣講聖諭月課皆手自評
閱凡民間訴訟不一旬卽訊結案無留牘時遇大旱步禱烏龍
潭雨至不肯張蓋四野歡聲若雷辦修皇道亦以民價僱工百
姓爭先應募上憲叠嘉其能兩次大計卓異在任八年勤政愛
民都人士以危公比之有南平人皆是清官輿論翕然卸事之
日公送節愛勤廉匾額奉長生祿位入書院調署南樂斷謀產
誣奸案民頌神君革徵糧陋規閭閻苦免追逋未三月旋陞雲
南阿迷知州以父母年老不赴遂告終養回里囊餘薄俸首置

義田創立合族蒙養私塾家居事親以孝待弟以誠布衣蔬食
儉示子孫壽至六十有四

應肇元字望高號得安平生剛直秉性不阿由附貢歷任浙江壽
昌淳安縣事政聲卓著光緒二十三年蒙撫臺發往嚴州差遣
適知府劉與紳董舞弊背賣義穀未幾地方告饑貧民乏食往
署請求開倉施賑反被斥責元聞之不忍親爲百姓力請於府
劉心慚始行允賑地方秩序得以安謐後恐遭上峯之忌遂告
假返省州民攀輿不捨

應衷字眷烈號莘臣性慈善精岐黃由附貢歷官江西德化奉新
鄱陽等縣循聲卓著素以民生爲重公餘施診捨藥民有赴署

請診者均親診之貧者給以藥民甚德焉後辦李家渡釐局別
除積弊萬商稱善冬施棉衣民感其惠爲立長生祿位以祝之

循吏傳第二十三

古之君子贊襄於朝則嘉謨嘉猷入告爾后宣力於外則已飢已溺痼瘵我民故其在職也民畏之如神明愛之如父母其去位也則尸祝之久而勿誼漢書循吏所居無赫赫名所去嘗見思又云安靜之吏悃悃無華日計不足月計有餘若吳公之守河南文翁之治蜀黃霸之守潁川龔遂之治渤海皆以廉平見稱民俗大化謂之循吏不亦宜乎夫羔羊之詩以美節儉正直周之所以盛也大車之詠以畏刑政威嚴周之所以東也故吏以奉公守法爲良不以苛察勇敢爲能昔眞彝齋宰南平有悼吏逐之歌海剛峰爲學師著教職之論皆賢吏之卓卓者也舊志首白邑令以及教職典史固有可稱者焉今

民國裁郡前自嘉慶以降道府有循聲可稽者並錄之以著於篇

循吏

元

眞寶字朝用號彝齋蒙古人由崇安主簿擢政和達魯花赤律已
嚴而待物恕郡縣疑獄行省必以屬之廉訪使按縣至松溪輒
返口不須往政和眞君在也改調南平政和士民紀其政績爲
泰和善政錄旣蒞南平民歌之曰眞彝齋早不來田棄稼穡家
棄孩天之腹從民欲彝齋下車悍吏逐風雨適時歲成熟閩中
學校頽廢憲使檄行修舉之乃清積蠹隱田以廩多士士民愛
之如父母僚吏敬之如神明後官至監察御史

明

百

二

系

三

卷

二

循吏傳第廿三

一

劉居信揚州人洪武初知南平縣廉慎勤敏撫恤凋瘵凡百建置俱有條理尤急於興學勵士清譽播於列郡

朱孟常字守常餘姚人洪武中鄉貢知南平性愷悌爲政不事苛刻有古循吏風劇寇趙子貴爲民患捕置之法西芹河泊魚課歷歲逋負奏蠲之江西民兵採木南平饑餓瀕死賑之以粟時遣中官至縣督催木尙未備苛急駭擾常服力安撫中官夜夢神告曰若第去朱令在何憂中官覺悉以付常常從容處置事集而民不擾

徐中郵縣人正統閒知南平縣慈惠廉明不事筆楚一毫不取於民民甚悅服

歐陽興安福人景泰間知南平性行簡靜先德化而後鞭撲蒞任
四載致仕歸

王貫南海人成化初以舉人知南平政務德化民有爭訟者反覆
開諭使自感息貧民逋租更爲規措以償政聲藉藉以疾卒民
哀思之

蘇昭宜都人童時日記千言成化中知南平有政聲致仕歸人以
厚德名其里

陸嵩字如嵩歸安人洪治丙辰進士由羅源令調知南平政務便
民義所當爲不避艱難憫南邑衝疲申革祇候庫子重役興學
校瓶齋舍以造士政暇登高時傳佳什稱爲儒林良吏值歲旱

借守孫衍禱雨龍湫雨至徒步却蓋行十餘里與守同時感疾
卒民如喪考妣祀名宦祠又與孫合祀永慕祠嘉靖間當孫穉
以刑部郎來閩郵刑拜祠下人榮慶之

江良貴字汝思貴溪人洪治乙丑進士知南平振作有爲縣治舊
在西關外貴內遷之以便守禦召爲監察御史民立祠祀之

鄭貴濂字宗周歸善人正德中由舉人知南平興利除弊不務炫
耀政善而民安之陞南昌通判去後民思不置

伍偉漢陽人舉人嘉靖中知南平樂易近民鄉民有避役逃匿者
逮至不加鞭撻溫言諭之遂樂趨恐後表徐貞婦墓雪順昌民
冤政教大行擢潞州守

張壽南昌人嘉靖閒任南平令冲曠和易諸務節省刑罰不苛當事貴之壽曰吾寧去矣不以百姓膏脂承上旨政暇吟詠自暢符希曾字曰唯感恩人萬曆辛卯知南平有吏才批決如流悉中情理編審豁丁均役不避權勢一切羨餘毫無所取士民誦之段然江夏人起家進士爲南平令首加惠青衿獎孝義旌節烈禁車剝捕訟師尤長於辦疑獄緝訪賭盜大書榜其門親自省耕勤課察軍黃二册弊藪竭慮條畫兩臺刊式八閩政成調常熟攀臥者遮道

堵維垣無錫人由進士知南平萬曆甲午歲大侵多方議賑全活者衆革餽遺陋規興起斯文人覲斧資不給鬻家產充費內艱

歸邑人思其德祠祀焉

陳夢麟歸安人由鄉選知南平清操自勵却餽送斥羨餘值吳建以白蓮教惑衆露夜巡警不時啟門納鄉民奔竄者及平躬詣巢穴撫集逃亡奉檄會審被誣者咸與昭雪以勞卒官檄祀陸公嵩祠

徐久德上饒人由選貢授府推署邑篆值歲荒發粟賑貸勤於課士所刻有劍水錄遷南京工部主政郡人建祠置田祀之

王道焜杭州人天啓辛酉舉人令南平廉明敏給善理煩劇考最陞同知聞李自成陷北京縊於家

祁熊佳字文載興人崇禎庚辰進士令南平博學有吏才追徵嚴

革火耗令民自封投櫃雨暘不時隨禱輒應月申鄉約朔望與
諸生講明道學見時事孔棘招募鄉勇習騎射嚴武備仕宦往
來江干舊例撥夫守宿索夫價名爲折乾百姓苦之熊佳悉行
汰去及行取士民遮道泣送不忍去

何鼎鄞縣人成化中爲南平諭勤於訓迪六載卒於官生徒哀慟
輓歸相送百餘里

黃淑廬陵人由胄監教諭南平善啓迪明義利尤工於詩與尹陸
嵩倡和以憂去

韓源慈谿人舉人正德中教諭南平謹厚自持師模端重不屑較
徵利而常周諸生之急啓迪時勤士無不率教者陞南國子監

學正多士思之

李日芳從化人正德中教諭南平文藻富贍多題詠善草書訓士勤篤陞長汀知縣

張存誠饒平人舉人嘉靖中教諭南平性質直無町畦與諸生講論不厭有不率從容誨諭無忤色人稱長者遷國子助教

夏汝礪融縣人舉人司教南平和易可親待諸生以誠賢愚皆獲其益或有過輒嚴飭之能改卽禮遇如初士心悅服

海瑞字汝賢廣東瓊山人嘉靖己酉舉於鄉入都卽伏闕上平黎策欲開道置縣以靖鄉土識者壯之署南平教諭御史詣學宮屬吏咸伏謁瑞獨長揖曰堂謁當以屬禮此堂師長教士地不

當屈因著論曰孟子言爲貧而仕者非也抱關擊柝委吏乘田無在非道而尤莫如教職蓋人才所由造而世運所由理其職亦何尊且難乃稱爲貧哉自世沿此說不察故居此官者多媿媿不舉其職士習蠱而吏治媮所從來矣平居教士揭中根剛者之辨鄉愿忠信廉潔之似古人不見諸侯之守以砥礪之學使者臨學諸生講書中有借美言以獻媚者加倍獲賞瑞斥之曰以聖賢書曲說媚人他日容悅之臣必若矣卽奪其賞遷淳安令入爲戶部主事抗疏直諫世宗下之獄隆慶初累官南京右都御史卒贈太子少保諡忠介瑞生平爲學以剛爲主因自號剛峰天下稱剛峯先生

百
二
縣
志
卷
之
一
八
一
鮑承堪樂清人嘉靖中教諭南平有師嚴道尊之概

黃榜烏程人萬歷閒任南平諭性孝友迎母於官舍每食必具甘
脆撫諸弟無私蓄代巡李樂榜友也嘗駐節於郡榜絕無私謁
在任三年以親老乞休郡守管大勳書孝廉風遠四字贈之諸
生惓惓臨別多有下淚者

余光辰福清人順治辛卯舉人教諭南平模範端整啓迪不倦嘗
修飾先師廟齋廡甲寅之變嘔血而卒康熙十六年祀名宦

方夢龍宣城人隆慶閒司訓南平豪爽能文月課諸生孜孜不倦
品題甲乙皆厭衆心屢署他篆毫無所染歷湖州通判

黃元 寧德人司訓南平勤慎寡言笑謂釋菜菲薄非尊祀先師

禮捐俸爲倡約諸生賓興者割坊價共置田增設春秋祀品復
於於學宮後山培植材木以庇宮牆遷壽寧諭庠生立碑頌德
袁希白福寧人司訓南平每月課士自辦供具所獎拔咸得人不
問修甃而食貧有行者力造就之祀先師必求豐腆出橐金以
佐每有頒賜悉加封貯以購學田左遷歸猶解裝助建雙塔諸
生勒碑頌之

劉暉萬州人天順閒任南平丞寬惠謙謹禮遇賢士創廟學修壇
壝區畫有法蒞官六載致仕

何昌楙山陰人爲南平丞分駐峽陽潔清自好從不妄准一詞有
投牒者必反覆開示俾知感悟不至終訟胥役皆欲退去後署

縣篆清操愈勵陞羅源令卒

李生光順天人順治開大歷巡檢甫蒞任密訪不軌者戎以自新
不孝者痛懲以法俗有以符咒托神惑衆者聞生光至遁去自
是所轄無姦民

湯恩武進人嘉靖中任南平典史廉能有聲獲上得民艱於嗣息
歎曰吾無子也錢何爲但令南邑後世知有湯典史耳及歸民
立碑以志去思

王益子元貞中爲南平簿持身廉潔以文學飾事士民敬愛之
楊忠青州人洪武閒任南平簿廉靜質直不苟同於人而加意卹
民禮士輿論高之

姚泰秦州人天順閒任南平簿廉介公平催科不擾愛民如子餽遺一無所受去之日行李蕭然

覃彬馬平人洪治閒由監生爲南平簿剛明果斷不避權要遇事敢爲吏畏民服郡守旌以聯云清慎持身與百姓秋毫無犯公勤蒞政以一人數事常兼三載乞休云

王士和字端育號味艾江西金谿人父丞年六十以端午日舉公竊喜曰田文賈充俱以是日生相傳謂高大於父吾門其以是兒興乎公幼卽奇穎書無不記慨然以節義文章自命中崇正庚午舉人歷兩都之變哀慟幾失明丙戌七月二十六日以兵部主事屢疏爲監國嘉納授知延平府當國事播遷紛囂決裂

公勞瘁粗定約以六事進陳皆國計民隱八月二十二日征南
將軍貝勒孛師薄城下時百寨已爭先擁衛去獨公留守欲背
城借一而諸軍皆亡而已登陴力守士民復逃竄殆盡公歸署
題壁云朔風烈烈搗虛城正氣從來履險貞一月守延甘殉難
孤忠千載有誰明遂衣冠懷印北面再拜從容縊死南下將卒
悉驚歎稱忠執公長子宗翰見貝勒官以父官翰泣辭願扶櫬
歸賴郡人鴻臚鳴贊練國本生員國寀爲具殯殮延民感其忠
合祀之於大忠祠生平所著有率意錄喬木居集及秋興紀事
諸刻

清

汪衡字仇懷湖廣人順治己丑進士知南平縣博學工詩文作興學校立耕瑤社勤會課故事子衿謁見皆持手版衡第令投刺以揚士氣才長政敏士民德之

章世德池州人康熙壬戌進士知南平縣時久困大當雖經憲禁猶未盡革世德至力爲奉行積害遂除編審虛丁悉豁免之縣當四衝往來輻輳皆躬親支應不令擾民以勞卒於官卒之日獄中纍囚有號哭失聲者

朱夔字舜一奉天鑲白旗人康熙五十六年三月蒞任廉敏明察寬嚴互濟吏畏民懷待百姓如赤子拊循煥咻惟恐或傷而鋤強懲暴不少寬假然當其罪而止無多求也每折一獄闔邑頌

明允焉積穀舊多浮額胥隸中飽爲數不貲於村落愚民苛索尤甚鄉里苦之俟於常額十八石外無所取於民間歲免徵穀以千石計至於絕包苴杜詩託案無留贖役鮮奸貪緝盜禁賭中夜巡行雖嚴寒不輟善政難以悉數於清慎勤三字洵無忝云

許廷璠臨桂人由舉人知南平縣爲治息事寧人訟獄一清邑苦虛糧廷璠查出逃絕空田一百四十餘頃魚課米七十餘石具詳豁免又因就糧勻丁南邑丁多田少不敷勻派仍攤通縣壯丁完納貧民不堪會編審之期往復請命詳免浮丁銀三千二百一十八兩續復請豁缺額田內無徵丁銀三百六十五兩土

民戴德立碑頌之

劉辰駿武進人以庠生薦舉賢良方正授將樂縣調繁閩縣轉補南平潔己愛民尤慎於獄多所平反尋以艱解任巡道張坦延爲道南山長師模端肅郡名宿多往從書院之興蓋由之始

蘇渭生新平人由舉人以軍功選授南平知縣勤於政治率多振興廣修學宮自祠廟以及道路橋梁悉捐金葺治李文靖朱文公特祠未有祭項詳請動支地租春秋致祭建育嬰堂區畫欸項以贍祿母量移海疆值賓興猶寄金爲諸生卷費勤勤於愛士如此

李浚源山陰人由舉人令南平寬和愛士恬淡恤民在任六載邑

人德之

王裕增仁和人乾隆中以進士令永安丙戌夏署南平蒞治精明
庭無留獄

張爲鈞安鄉人由副貢令長樂乾隆丁亥秋署南平勤儉自持加
意學校清出禮門基址以復舊規未週回任長樂送者遮道

倪慶成都人由舉人令南平甫下車課士問俗禁賭鋤強廉獲盜
賊以六畜塗其面奸邪斂跡民賴以安

楊桂森字

雲南石屏州人嘉慶十二年由庶吉士出宰南平

甫下車爲文告城隍神以清廉自矢有曰自今指誓以後敢有
一念游移久而變其操或陞調他方而易其節者吾神定以今

日之言諫有司有司不敢辭也語出至誠四閱月時苦枯旱禱於龍神甘霖立沛延見紳耆詢悉利弊約束胥役剔除奸蠹葺署內小芸閣每月十二日課生童於內親爲評定給賞詢知四鄉子弟失學苦於無師次年清釐寺僧逋賦查出寺租九百餘石攤完積欠外提出三百二十石分設若村白塔明洋當龍窟餘東保福虎鼻山林重寺等處義學就近撥給館穀自是鄉隅始多向學復捐俸新建腰塘九所於西北路詳明撥兵防守以便督緝其潔已奉公如此在任重修邑志並羅李二先生墓至建言當道明白曉暢判決詞訟民無冤抑洵不愧儒吏云

蔡啟昫江西

人同治三年署南平篆清廉愛士杜絕苞苴時

值軍興驛站夫馬厨傳供給負累數千金當縣試日有浼人以千金求案首者堅卻之後以虧空免臨行父老錢送以果一鹽一水一錢之謂爲果然清云

孫興壽字小濂浙江嘉興人由拔貢中癸酉經魁入京考取咸安宮教習光緒十二年冬抵任不携眷屬行李蕭然惟書數篋爲人堅苦耐勞能薄嗜慾自奉儉約而愛士卹民雖費不計蒞任五載從不聞催科遇命案下鄉嚴束胥役不取輿費有爭訟者多方開導令自悔息尤顧惜士體十三年哥匪蠢動徹夜巡邏不下榻者累月一日傍晚有雞公船數十艘多藏軍械泊河下民心驚惶公聞之卽帶親勇按船盤查搜得白布鎗械無數隨

拘船首四人訊辦帖然無事其臨事果決如此每屆冬防查夜漏盡始歸嚴寒勿辭故公在任娼賭斂跡盜賊衰息公之勤勞誠不可及也後調任龍溪復調松溪俱以清勤見稱云

謝金鑾字退谷侯官人乾隆戊申舉人嘉慶閒任南平教諭十三年協修邑志循循以孝友教人孝廉黃俊苑時爲諸生從之游公語以篤實爲己之學以程朱爲宗所著有教諭語祀侯官鄉賢子宗本丁酉舉人宗善丁酉拔貢

劉烈南平教諭課士特勤有諸生林某因族人虛糧累差被鎖手林毆之邑宰怒其毆差請公到堂戒斥公曰戒飭秀才當在明倫堂林不任咎奚以責爲竟携林生出宰怒申憲謂其庇林公

百
二
鼎
志
年
二
一
一
一
諭林曰國課當完耳盍先倡輸諸生應之宰封櫃欲坐林罪公
稟諸上憲准其輸完林得無事諸生於海公祠左以祿位與林
大萊廣文同祀

許獻諷字傳業福州舉人同治末任南平教諭清廉儉樸寡言笑
工文善草書校勘舊志具見細心頻年課士勤於改削入泮卯
金不計多寡士類稱之

清道

胡應泰北平人進士出身善書法咸豐三年由福州府調署道篆
時土寇竊發公善卜預請省兵駐延聞永沙失守截留過境餉
銀數萬四月杪紅巾匪首黃有使擁匪衆數千簿城下公請益
兵令善水者至水口催軍賊圍十三日省兵至內外夾攻賊逸
去同時協戎李壽春由武探花任延協先期率營兵往西芹禦
賊適宋千總中伏陣亡公欲死戰卒跪請曰願公退保城池於
是躬率士卒晝夜巡守不懈賊有踰城入者公持大砍刀立斃
數人又斬執旗者賊始退續率省兵擊賊圍解積勞成疾卒於

任闔城感其德皆爲掛孝時有神機妙算胡道臺盡忠報國李
協臺之謠遂以胡李二公祀書院四賢祠左

袁良字績懋以探花任道篆廉謹自持謙和接下時奉命兼辦軍
務值髮逆據建昌分擾邵武上游告急公率兵防堵順昌髮逆
大股踪至兵潰公殉難於順昌事聞贈卹如例詔建專祠與延
守金公合祀焉子學顯後宰南平捐金增修之

周立瀛江西進士同治閒由福州府署道篆性清廉愛民養士邑
有排捐定章撥充膏伙按年撥買義穀千石教養兼施民歌惠
政續以母老請終養歸

府

金萬清字穀生浙江人先以進士知永安縣事愛民如子每相驗下鄉單車屏從不令供給自開輿費詢民疾苦剖決如流案無冤濫建設斗山燕江書院捐廉罰款以資膏伙士民德之甚深及陞署延平府剛正廉明一如治永時永民間公至或不遠數百里謁公間道其被匪苦狀公聞之怒焉不安稟諸上憲請兵剿辦適順昌土寇猖獗公奉命往查緝獲賊匪悉戮之親往萬全坑匪巢督剿衆寡不敵爲賊所獲不屈賊怒分裂其尸焚骨灰燼永安之民無不墮淚事聞贈太僕寺卿卹蔭如例詔建祠與觀察袁公並祀之公當督剿時先爲文以告天曰萬清旣非吏才又乏將畧偶幸邀乎科第遂筮仕於南閩未洽絃歌之化

十載臨民濫膺簪紱之榮一麾出守竊欲儀型下屬筦鑰上游
無如德薄位尊鼎眞覆餗進銳退速師或輿尸嗟赤子之無辜
值紅巾之肆虐良以有司失德故降之災自知無善及人不稱
其職伏維神明憫茲下民殄彼羣醜俾金戈鐵馬隨霖雨以俱
來庶白叟黃童拜英風於不朽否則萬清不能與地方俱存惟
願先百姓而死幽明理一夢寐路通乞賜先機俯垂照鑒謹告
今讀其文猶見其熱忱云

楊福五道光庚子進士咸豐末守延平吏畏民懷時臺勇駐延公
禁賭勇沿街設賭具口出詈言公下輿自擒二人卽升堂笞責
勇率數百人持鎗炮畏公威不敢犯自是林統領嚴加約束日

以訓練演統爲事民賴以安辛酉公卒於署或夢其爲府城隍神云


趙均字樾菴浙江紹興人同治六年知延平府事時粵逆初平上游各屬伏莽未靖公履任舉辦聯甲城設總局四隅設分局四十二處立門牌稽查戶口注重山廠客民以清匪源自南邑起推行各屬著種棉說勸民種植鄉愚民貧生女或不舉往往溺斃公心惻然詳請道憲周公立瀛修改天寧寺旁屋設育嬰堂收四鄉自送女嬰覓雇乳媪以養之訂定章程勸殷商多題善願每願三百文並薄捐茶箱百貨以其餘市田租百餘石至今數十年救哺女嬰數千皆公之恩也復捐廉興修府縣學宮公

幹事明練有吏才故能有成洵足與召父杜母齊芳矣

董兆奎以翰林典試江西鄉闈於光緒二年任延平知府適清泰坊民與耶穌教民爭教民捏以紳衿主使奉檄解省公不令知申文辦白拂上意解任調省闔城紳民餞送事平回任公馭下嚴吏不敢作奸月爲諸生評甲乙續丁內艱服闋改任廣信府亦著循聲

雷榜榮字瀛仙陝西朝邑進士由部曹任延平政尙簡靜教養爲先當下車時徧召諸生試之擇其尤者令月呈三藝親爲改竄光緒丙戌十二年五月東溪大水漂流民屋無算公焚香告天曰民何辜願以身代泣下數行午刻水退煮粥以食城外之不

能彘者十三年哥匪潛跡郡城邑紳請辦保甲公乃借撥考棚
育嬰款五百金與之曰城全民安賠累所不惜也聞王臺匪驚
擾公往諭之而安後兼護道篆以老病告歸子如同登甲辰進
士



1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

附武績

元

李鉉字伯鼎至正間襲兄鈞副萬戶守延平擒寧化寨寇魏梅受
解福州圍擊福安寇戰於泗洲橋弗克死之賦詩有君親恩莫
報忠孝事難全之句事聞追贈鎮國上將江東道都元帥護軍

隴西郡公

明

丁泉汶上人爲延平衛指揮同知正統間羅不寇沙縣泉率衆奮
勇先登殺獲甚多復搗其壘俘賊首蕭政通林福祿等後陞都
指揮僉事天順六月上杭寇起泉往禦邑賴以全明年寇復來

攻泉且戰且守寇力屈而去未幾巡方伍驥奉命督都司往勦
泉獨入巢穴攻破石馬岐等寨卒與賊遇力戰而死邑民哀感
爲像祠之成化十年知縣蕭寵以聞朝命賜額褒忠命有司歲
時致祭

金廣固始人衛指揮僉事時鄧花七雖就戮餘孽金洪三等未殄
廣率壯士追殲之賊平陞本衛同知

金鼎臣襲職指揮同知司屯務清出匿田百畝卹軍修城有保障
功五登薦贖歷陞薊鎮遊擊

清

張國柱遼東人官副總兵鎮延平值揭竿蜂起山海交訐蔓延八

郡順治丁亥八月建寧陷延六邑先後遭掠孤城四面受敵官民危疑國柱從容守禦衝圍陷陣輒以身先所至望風解散拾所棄軍資器械無算聞其聲者有小張飛之目戊子三月大兵復建寧延圍以解反爲同事所誣幾受拷掠百姓願以身代當道悟寢其事改海口雲霄鎮卒於陣

張天祿援勦副總兵官順治九年延寇陳統等分據大界七里餘東漳湖坂各處爲亂數年百姓苦之天祿兵次建寧赴愬者雲集佯爲不理陰發兵分擊諸寨擒渠魁黃雲紀陳二等十六人俘賊卒四百餘人闔郡官吏趨赴演武亭集民兵環觀諸路檻囚一時畢至斬級白且及暮復於人叢中縛所撫反側子戮其

南平縣志卷一
一二以示威餘皆膽落諸路悉平民大稱快

柴自新字鼎臣陵縣人延平右營守備順治三年南徵之役自仙霞直抵延平兵不駐城市不易肆一郡生靈咸沐其德其時以署守備並防七邑值上游四郡寇亂蜂起率衆攻刦城邑焚燬民居破將樂戕殺邑令又破順昌及沙尤二邑自新東西勦殺平定功多十年仙塘巨賊吳賽娘聚衆結寨七十餘處索餉掠財瀾漫無極自新語協鎮各寨巖石阻險兵難驟進當以計破之逾年遂單騎入賽娘寨諭以禍福俾投誠賽娘懷疑未決因請治其要以誓盟保無虞次日置酒小樓上於樓下犒其軍飲至二更自新驟起斬賽娘首用衣裹之太呼從樓上跳下率隨

行兵士奮勇殺出賊各逃散星夜馳至歸化報聞高賀二副總大喜士民爭奉牛酒郊迎次年又有會石強寇楊成洪假名聯甲勒派鄉都助餉每月千計又招納亡命劫奪官運錢糧時自新調防尤溪高副總至將樂急趣自新回縣贊畫次日卽台諸路官兵進剿賊悉衆拒鬪官兵追殺陣殲成洪生擒賊首揚君贊廖衆珍等十餘人亂平百姓慶更生云

李壽春 人武探花咸豐二年任延平協副將有勇力常持大刀四觔時值多事講求武備至三年四月間紅巾黃有使作亂於永安沙縣旣陷隨下攻郡城李協先出防西郊賊至急入城守賊數千環攻數日一旦昧爽賊由東門龍山偷入守者覺李

協聞警手提大刀馳上山殺數人旋擊賊退城得以全適省援
兵至遂率兵開城出戰加攻破之月餘積勞成疾卒於署闔城
士民爲之掛孝泣祭

儒林傳第二十四

以道得民曰儒古之儒者以道爲己任故尼山述六經明帝王之治子輿作七篇敍見聞之知皆以統緒所寄有待於後儒也乎漢興六經始立學官賈董許鄭諸儒類能本其師說守其家法雖衰殘詁遠未遑折衷亦一代之師資也濂溪生宋挺繼孔門二程講學河南淵源始大於是龜山立雪得程正宗仲素愿中並起劍津紫陽執業親接講壇全體備於平實綜幽微於日甲道無津涯由四賢求之則有其舟航矣閒嘗考其生之先後不過數十年地之相去百里而近師弟親承四嬪一脈流風餘韻迄於明清之季而未湮後之有志於儒者要當法鄉先生之爲學身體而力行之則庶無愧於儒矣故統敍

西 縣 示 卷 二

其本始及其流行以列傳首

宋

楊時字中立五世祖自宏農避地居將樂時生卽穎異幼能屬文稍長潛心經史熙寧九年登進士第時河南程顥與弟頤講孔孟絕學於熙豐之際河洛之士翕然師之時調官不赴以師禮見顥於穎昌相得甚歡其歸也顥目送之曰吾道南矣四年而顥卒時聞之設位哭於寢門而以書訃告同學至是又見程頤於洛時年四十矣一日見頤頤偶瞑坐時與游酢侍立不去頤旣覺則門外雪深一尺矣關西張載嘗著西銘二程深推服之時疑其近於兼愛與其師頤辨論往復聞理一分殊之說始豁然無疑杜門不仕者十年久之歷知瀏陽餘杭蕭山三縣皆有

惠政民思之不忘張舜民在諫垣薦之得荊州教授時安於州縣未嘗求聞達而德望日重四方之士不遠千里從之遊號曰龜山先生時天下多故有言於蔡京者以爲事至此必敗宜引舊德老成置諸左右庶幾猶可及京是之會有使高麗者國王問龜山安在使回以聞召爲秘書郎遷著作郎及面對奏曰堯舜曰允執厥中孟子曰湯執中洪範曰皇建其有極歷世聖人由斯道也熙寧初大臣文六藝之言以行其私祖宗之法紛更殆盡元祐繼之盡復祖宗之舊熙寧之法一切廢革至紹聖崇寧抑又甚焉凡元祐之政事著在令甲皆焚之以滅其迹自是分爲二黨縉紳之禍至今未殄臣願明召有司條具祖宗之法

著爲綱目有宜於今者舉而行之當損益者損益之元祐熙豐姑置勿問一趨於中而已朝廷方圖燕雲虛內事外時遂陳時政之弊且謂燕雲之師宜退守內地以省轉輸之勞募邊民爲弓弩手以殺常勝軍之勢又言都城居四達之衝無高山巨浸以爲阻衛士人懷異心緩急不可倚仗執政不能用登對力陳君臣警戒正在無虞之時乞爲宣和會計錄以周知天下之財物出入之數徽宗首肯之除邇英殿說書聞金人入攻謂執政曰今日事勢如積薪已燃當自奮勵以竦動觀聽若示以怯懦之形委靡不振則事去矣昔汲黯在朝淮南寢謀論黯之才未必能過公孫宏輩也特其直氣可以鎮壓奸雄之心爾朝廷威

望不振使奸雄一以宏輩視之則無復可爲也要害之地當嚴
爲守備比至都城尙何及哉近邊州軍宜堅壁清野勿與之戰
使之自困若攻城畧地當遣援兵追襲使之腹背受敵則可以
制勝矣且謂今日之事當以收人心爲先人心不附雖有高城
深池堅甲利兵不足恃也免夫之役毒被海內京城聚斂東南
花石其害尤甚前此蓋嘗罷之詔墨未乾而花石供奉之舟已
啣尾矣今雖復申前令而禍根不除人誰信之欲致人和去此
三者正今日之先務也金人圍京城勤王之兵四集而莫相統
一時言唐九節度師不立統帥雖李郭之善用兵猶不免敗衄
今諸路烏合之衆臣謂當立統帥一號令示紀律而後士卒始

用命又言童貫爲三路大帥敵人侵疆棄軍而歸孥戮之有餘
罪朝廷置之不問故梁方平何灌皆相繼而遁當正典刑以爲
臣子不忠者戒童貫握兵二十餘年覆軍殺將馴至今日比聞
防城仍用闖人覆車之轍不可復蹈疏上除右諫議大夫兼侍
講敵兵初退議者欲割三鎮以講和時極言不可曰河朔朝廷
重地而三鎮又河朔之要藩也自周世宗迄太祖太宗百戰而
後得之一旦棄之北廷使敵騎疾驅貫吾腹心不數日可至京
城今聞三鎮之民以死拒之三鎮拒其前吾以重兵躡其後尙
可爲也若种師道劉安世皆一時名將始至而未用乞召問方
畧疏上欽宗詔出師而議者多執兩端時抗疏曰聞金人駐磁

南 四 鼎 志 卷 二 一
相破大名劫擄驅掠無有紀極誓墨未乾而背不旋踵吾雖欲
守和議不可得也夫越數千里之遠犯人國都危道也彼見勤
王之師四集是懼而歸非愛我而不攻也朝廷割三鎮二十州
之地與之是欲助寇而自攻耳聞肅王初與之約及河而返今
挾之以往此敗盟之大者臣竊謂朝廷宜以肅王爲問責其敗
盟必得肅王而後已時太原圍閉數月而姚古擁兵逗留不進
時上疏乞誅古以肅軍政拔偏裨之可將者代之不報李綱之
罷太學生伏闕上書乞留綱种師道軍民聚者數十萬朝廷欲
禁防之吳敏乞用時以靖太學時得召對言諸生伏闕紛紛忠
於朝廷非有他意但擇老成有行誼者爲之長貳則將自定欽

宗曰無逾於卿遂以時兼國子祭酒首言三省政事所出六曹分治各有攸司今乃別辭官屬新進少年未必賢於六曹長貳又言蔡京用事二十餘年蠹國害民幾危宗社人所切齒而論其罪者莫知其所本也蓋京以繼述神宗爲名實挾王安石以圖身利故推尊安石加以王爵配饗孔子廟廷今日之禍實安石有以啓之謹按安石挾管商之術飾六藝以文姦言變亂祖宗法度當時司馬光已言其害當見於數十年之後今日之事若合符契其著爲邪說以塗學者耳目而敗壞其心術者不可縷數姑卽一二事明之昔神宗嘗稱美漢文惜百金以罷露臺安石乃言陛下若能以堯舜之道治天下雖竭天下以自奉不

爲過守財之言非正理曾不知堯舜茅茨土階禹曰克儉於家則竭天下以自奉者必非堯舜之道其後王黼以應奉花石之事竭天下之力號爲享上實安石有以倡之也其釋鳧鷖守成之詩於末章則謂以道守成者役使羣衆泰而不爲驕宰制萬物費而不爲侈孰弊焉以愛爲事詩之所言正謂能持盈則神祇祖考安樂之而無後艱爾自古釋之者未有泰而不爲驕費而不爲侈之說也安石獨倡爲此說以啓人主之侈心後蔡京輩輕費妄用以侈靡爲事安石邪說之害如此伏望追奪王爵明詔中外毀去配享之像使邪說淫辭不爲學者之惑疏上安石遂降從祀之列士之習王氏學取科第者已數十年不復知

其非忽聞以爲邪說議論紛然諫官馮澥立主王氏上疏詆時
會學官中有忿爭者有旨學官並罷時亦罷祭酒時又言元祐
黨籍中惟司馬光一人獨褒顯而未及呂公著韓維范純仁呂
大防安燾輩建中初言官陳瓘已褒贈而未及鄒浩於是元祐
諸臣皆次第牽復尋四上章乞罷諫省除給事中辭乞致仕除
徽猷閣直學士提舉嵩山崇福宮時力辭直學士之命改除徽
猷閣待制提舉崇福宮陞辭猶上書乞選將練兵爲戰守之備
高宗卽位除工部侍郎陞對言自古聖賢之君未有不以興學
爲務除兼侍讀乞修建炎會計錄乞恤勤王之兵乞寬假言者
連章丐外以龍圖閣直學士提舉杭州洞霄宮已而告老以本

官致仕優游林泉以著書講學爲事卒年八十三諡文靖時在東郡所交皆天下士先達陳瑾鄒浩皆以師禮事時暨渡江東南學者推時爲程氏正宗與胡安國往來講論尤多時浮沈州縣四十七年晚居諫省僅九十日凡所論列皆切於世道而其大者則闢王氏排和議論三鎮不可棄其學自立雪程門載道而南一傳而羅豫章再傳而李延平又再傳而朱晦翁理學大明有功往聖其源委脈絡皆出於時所著有學庸論語解易詩書禮記解周禮解經筵講義易春秋孟子義較正伊川易三經義辨字說論列子解莊子解目錄論奏議詩文等集子五迪迥迥道造俱登進士迪字遵道亦從學伊川先生之門伊川先生

深器重之稱其好學質美諸經皆通於易春秋尤精惜早卒有遺文朱文公爲之跋諸孫登科第者數十人支裔昔有遷住南邑城鄉族屬數百家代有舉報祠孫奉祀宋紹興五年誥贈左中大夫賜賻葬十二年追贈少師諡文靖咸淳三年勅建書院御筆賜龜山書院額仍照郡縣撥田以優其後有司春秋致祭元至正二十七年加贈太師追封吳國公明成化元年勅建道南祠宏治九年從國子監博士楊廷用之請賜爵將樂伯從祀孔子廟廷清康熙四十五年允督學臣沈涵請御賜書祠額曰程氏正宗

羅從彥字仙素先世自豫章避地南劍因家劍浦後徙沙縣曾祖

文弼祖世南父神繼宋神宗熙寧五年生從彥幼穎悟不爲語
言文字之學及長嚴毅清苦篤志求道初從吳儀遊已而聞同
郡楊時得河南程氏學慨然慕之時爲蕭山令徒步往見三日
驚汗浹背曰不至是幾虛過一生時亦許其可與言道常講易
至乾九四爻云曩聞伊川說甚好彥卽走洛見而問之頤反覆
以告彥謝曰聞之龜山具是矣乃歸卒業盡得不傳之秘時常
語今之學者只爲不知爲學之方又不知學成要何用此須是
著力來實見聖賢所得之道若只要博古通今爲文章作忠信
愿慤不爲非義之事則古來如此等人不少且如東漢處士名
節有聞者多責以古聖賢之道則畧無毫髮相似以彼於道初

未有聞故也。方今學者平居則曰吾當爲古人之所爲，纔有事到便措置不得由，是觀之學而不聞，猶不學也。又嘗教學者讀書之法，以身體之以心驗之，從容默會於幽閒靜一之中，超然自得於書言象意之表，蓋其所得者如此。時之壻沙縣陳淵嘗詣之，必竟日乃返。語人曰：自吾交仲素，日聞所不聞，其奧學清節真。南州冠冕，旣而築室羅源山中，絕意仕進，終日端坐，閑謁時將溪上吟詠而歸，恆充然自得焉。嘗采祖宗故事爲遵堯錄，靖康中擬獻闕下，不果嘗與學者論治，曰：祖宗法度不可廢，德澤不可恃，如廢法度則變亂之事起，恃德澤則驕佚之心生。自古德澤最厚，莫如堯舜，向使子孫可恃，則堯舜必傳其子法度。

之明莫如周向使子孫世守文武成康之遺緒雖至今存可也
又曰君子在朝則天下必治蓋君子進則常有亂世之言使人
主多憂而善心生故治小人在朝則天下亂蓋小人進則常有
治世之言使人主多樂而怠心生故亂又曰天下之變不起於
四方而起於朝廷譬如人之傷氣則寒暑易侵木之傷心則風
雨易折故內有林甫之姦則外必有祿山之亂內有盧杞之姦
則外必有朱泚之叛其論士行曰周孔之心使人明道學者果
能明道則周孔之心深自得之三代人才得周孔之心而明道
者多故視死生去就如寒暑晝夜之移而忠義行之者易至漢
董仲舒公孫洪倡言經術唐韓愈柳宗元誇尙古文二者漸失

周孔之心於是明道者寡視死生去就如萬鈞九鼎之重而忠義行之者難又曰士之立朝要以忠厚正直爲本正直則朝廷無過失忠厚則天下無怨嗟一於正直而不忠厚則漸入於刻一於忠厚而不正直則流入於懦其議論醇正類此朱熹謂龜山倡道東南遊其門者甚衆然深思力行任重詣極者仲素一人而已紹興二年特科授博羅主簿未幾卒年六十四世稱豫章先生一子敦紱其遺書有詩解春秋解春秋指歸語孟師說中庸說遵堯錄台衡錄議論要語二程龜山語錄理宗淳祐七年謚文明萬曆閒從督學熊尙文之請從祀

孔子廟庭清康熙四十五年賜御書祠額曰奧學清節

李侗字愿中世居閩之南劍州劍浦縣崇仁里樟林鄉侗祖父皆以儒學起家宋元祐八年侗始生侗幼警悟弱冠游鄉校有聲政和六年侗年二十四始受學於郡人羅從彥從彥學於楊時時學於河南程灝程頤兩程之傳則於濂溪周敦頤闢始之敦頤接千五百年已絕之統以主靜爲學要黃庭堅稱其胸中灑落如光風霽月侗私淑焉侗初見從彥書曰侗聞之天下有三本焉父生之師教之君治之闕其一則本不立古之聖賢莫不有師其肄業之勤惰涉道之淺深求益之先後若存若亡其詳不可得而考惟洙泗之門七十二弟子之徒議論問答具在方册有足稽焉是得夫子而益明也孟氏之後道失所傳枝分派

別自立門戶天下真儒不復見於世其聚徒成羣所以相傳授者句讀文義而已耳謂之熄焉可也夫巫醫樂師百工之人其術賤其能小猶且莫不有師儒者之道可以善一身可以理天下可以配神明而參變化一失其傳而無所師可不爲之大哀耶恭惟先生鄉丈服膺龜山之講席有年矣况嘗及伊川先生之門得不傳於千五百歲之後性明而修行完而潔擴之以廣大體之以仁恕精深微妙各極其至漢唐諸儒無近似者至於不言而飲人以和與人並立而使人化如春風發物蓋亦莫知其所以然也凡讀聖賢書粗有識見者孰不願授經門下以質所疑至於異端之人固當置而勿論也侗之愚鄙欲操被箠以

供掃除幾年於茲矣徒以習舉子業不得服役於門下先生想
不謂其可棄也且侗之不肖今日拳拳欲求教於先生者以謂
所求有大於利祿也抑侗聞之道之可以治心猶食之充饑衣
之禦寒也有人迫於饑寒之患者遑遑焉爲衣食之謀造次顛
沛未始忘也至於心之不治有沒世而不知慮者豈愛心不若
口體哉弗思甚矣然饑而思食不過菽粟之甘寒而求衣不過
綿布之溫道之所可貴者亦不過君臣父子夫婦長幼朋友之
閒行之以仁義忠信而已耳捨此之不務而必求夫誣詭譎怪
可以駭人耳目者而學之是猶饑寒切身者不知菽粟綿布之
爲美而必期乎珍異侈美之奉焉求之難得享之難安終亦必

亡而已矣。侗不量資質之陋，妄意於此。徒以祖父以儒學起家，不忍墜箕裘之業。孳孳矻矻爲利祿之學，兩終星紀。雖知眞儒有作，聞風而起，固不若先生親炙之得於動靜語默之間。目擊而意會也。身爲男子，生在中華，又幸而得聞先生長者之風。十年於今，二十有四歲矣。茫乎未有所止，燭理不明，而是非無以辨。宅心不廣而喜怒易，以搖操履不完而悔悵多，精神不充而智巧襲揀焉而不淨，守焉而不敷，朝夕恐懼不啻猶饑寒之切身者。求充饑禦寒之具也不然，安敢以不肖之身爲先生長者之累哉。聖學未有見處，在佛子中有絕嗜慾捐想念卽無住以生身者，特相與遊亦足以澄汰滓穢洗滌垢塗，忘情乾慧得所。

休歇言蹤義路有依倚處日用之中不無益也若曰儒者之道
可曾爲一所以窮理盡性治國平天下者舉積於此非自愚則
欺也衆人皆坐洞以此而不知侗暫引此以爲入道之門也仰
惟先生不言而飲人以和接物而與之爲春未占而孚無有遠
邇此侗所以願受業於門下以求安身之要故吾可舍今我尙
存昔之所趨無塗轍之可留今之所受無關鍵之能礙氣質之
偏者將隨學而變染習之久者將隨釋而融啓之迪之輔之翼
之使由正路行而心有所舍則俛焉日有孳孳死而後已侗當
守此不敢自棄於門下也侗書意精語粹醇乎其醇蓋未見從
彥已能體道之融若此旣從從彥得河洛之學春秋中庸語孟

之說從彥好靜坐侗退入室中亦靜坐從彥令於靜中看喜怒哀樂未發前氣象而求所謂中者久之而於天下之理該攝洞貫以次融釋各有條序從彥稱曰愿中求道甚銳趨向大抵近正亟許焉作詩勉其意從彥清介絕俗雖里人鮮克知之見侗從游受業或頗非笑侗若不聞從之數年盡得其所傳之奧退而屏居山田結茅水竹閒謝絕世故一志於聖人絕學體驗四十餘年皆詣乎極紹興二十三年癸酉侗六十一歲是年夏朱熹來受學於門熹初師劉屏山胡籍溪自以爲於道未有所得乃見侗熹強志博見凌高厲空初見侗卽與論禪侗正其誤曰懸空理會面前事卻理會不得道亦無元妙只在日用閒著實

做工夫處理會便自見也教熹看聖賢言語熹將聖賢書讀之
漸漸有味頓悟異學之失乃返博歸約就平實處爲學於道日
進侗喜之嘗與羅博文書曰元晦進學甚力樂善畏義吾黨鮮
有晚得此人商量所疑甚慰又曰此人極穎悟力行可畏講學
極造其微處某因追求有所省渠所論難處皆是操戈入室俱
從原頭體認來所以好說話某昔於羅先生得入處後無朋友
幾放倒了得渠如此極有益渠初從謙開善處下工夫來故皆
就裏面體認今旣論難見儒者絡脈極能指其差誤之處自見
羅先生來未見有如此者又云此人別無他事一味潛心於此
初講學時頗爲道理所縛今漸能融釋於日用處一意下工夫

若於此漸熟則體用合矣此道理全在日用處熟若靜處有而動處無卽非矣戊寅春熹見侗於延平庚辰冬又見侗於延平寓居舍傍西林院者閱月壬午春迎謁侗於建安遂與俱歸延平復寓西林者數月答問論難及往來書甚夥熹之能承聖道者皆得之於侗侗之論易曰尹和靖謂伊川易傳所稱體用之源顯微無閒爲最切要然須看得六十四卦三百八十四爻都有下落處方可語此若學者未曾子細理會與之如此說是體之也其論詩曰詩人興刺雖亦曲折達心之精微然必止乎禮義夫子刪而取之以此爾若不止於禮義卽邪也故詩三百一言以蔽之思無邪而已頌魯侯者偶於形容盛德如此於馬言

之者又有秉心寒澗然後駢牝三千之意其論春秋曰魯桓公二年滕子來朝考之春秋夫子凡所書諸侯來朝者皆不與其朝也胡文定謂諸侯之朝無有合於先王之時世朝之禮者故書皆譏之也滕本稱侯此來朝稱子者以討亂賊之黨於義爲精若以爲滕自此終春秋之世不復稱侯爲其祖世有罪而并貶其子孫非春秋與人改過遷善又善善長惡惡短之意觀夫子所書討亂之法甚嚴滕不以桓之不義而朝之只在於合黨締交此夷狄也既已貶矣後世子孫碌碌無聞無以自見於時又壤地褊小本一子男之國宋之盟左傳有宋人請滕欲以爲私屬則不自強而碌碌於時者久矣自宜貶也若紀侯來朝志

不在於朝桓則非滕子之類也列國有急難以義而動又何貶乎紀侯左氏作杞後有入杞之事傳皆有說胡氏因公穀作紀字如齊子糾左傳作納糾伊川以二傳爲證又嘗有看春秋之法云以傳考經之事跡以經別傳之真僞參考理義之長求聖人所書之意庶或得之又曰春秋一事各是發明一例如看風水移步換形但以今人之心求聖人之意未到聖人灑然處不能無失耳又論公孫敖事曰公孫敖如京師不至而復便是大不恭魯亦不再使人往便是罪蓋經初無從己氏之說胡文定有色出於性淫出於氣之說失之又曰看左氏要見曲折又曰看春秋玩味久必自有會心處卒看不得惟考其事又玩味所

書抑揚予奪之處看如何積道理多庶漸見之其解論語曰孔子言三年無改於父之道所謂道者是猶可以通行者也三年之中日月易邁若稍稍有不愜意處卽率意改之則孝子之心何在如說春秋者不忍遽變左氏有官命未改之類有孝子之心者自有所不忍耳非斯須不忘極體孝道者能如是乎論顏子足發子夏起子曰顏子氣象與子夏不同先玩味二人氣象於胸中然後體會夫子之心亦足以發與起予者商也之語氣便自不同顏子深潛純粹於聖人體段已具故聞夫子之言卽默識心融觸處洞然自有條理故終日但見其不違如愚退省其私則於語默日用動容之間皆足以發明夫子之道坦然而

之而無疑也子夏因問詩如不得繪事後素之言卽禮後之意
未必到因問此一事而夫子卽可之與顏子不同類也論志學
章曰聖人之道中庸立言常以中人爲說必十年乃一進者若
使困而知學積十年之久日孳孳而不倦是亦可以變化氣質
而必一進也若以鹵莽滅裂之學不用心焉雖十年亦只是如
此則是自暴自棄之人爾言十年之漸次所警乎學者雖中才
於夫子之道皆可積習勉力而至焉聖人非不可及也論忠恕
一貫曰孟子稱堯舜之道孝弟而已人皆足知之但合內外之
道使之體用一原顯微無閒精粗不二統同盡是此理則非聖
人不能是也中庸曰忠恕違道不遠特起此以示人相近處然

不能貫之則忠恕自是一忠恕耳論殷有三仁曰三人者各以力量竭力而爲之非有所擇此求仁得仁者也微子義當去箕子囚奴偶不死耳比干卽以死諫庶幾感悟存祀九疇皆後來事初無此念也仁只是理初無彼此之辨當理而無私心卽仁矣其解中庸曰鬼神章發明微顯之理昭然易見令學者有入頭處但看此理須於四方八面盡皆收入體究來令有會心處方是又曰肫肫其仁淵淵其淵浩浩其天乃體認到此達天德之効處就喜怒哀樂未發處存養至此氣象儘有地位也其解孟子曰夜氣之學所以於學者有力者須是兼且晝存養之功不至梏亡卽夜氣清若且晝閒不能存養卽夜氣何有又曰孟

子言仁人心也心體通有無貫幽明無不包括與人指示於發用處求之也大抵學者多爲私欲所分故用力不精不見其效若欲於此進步須把斷諸路頭靜坐默識使之泥滓漸漸消去方可又曰孟子養氣大概是要得心與氣合不然心是心氣是氣不見所謂集義終不能合一也此心氣合一之象更用體察令分曉路陌方是某尋常覺得於畔援歆羨之時未必皆是正理亦心與氣合到此若髣髴有此氣象一差則所失多矣豈所謂浩然之氣耶某竊謂孟子所謂養氣者自是一端緒須從知言處養來乃不差先於此體認令精審認取心與氣合之時不倚不偏氣象是如何方可看易中所謂直方大不習無不利然

後不疑其所行皆沛然矣又曰心與氣合者不見所謂氣所謂
心渾然一理流浹也到此田地若更分別那個是心那個是氣
卽勞攘耳又曰孟子對齊王每遇一事便有以處置將去如說
好貨好色便如是說此盡心道理又曰孟子言象憂亦憂象喜
亦喜兄弟之親天理人倫蓋有本然之愛矣雖有不令之人傲
狠鬪鬪於其閒而親愛之本心則有不可得而磨滅者惟聖人
盡性故能全體此理雖遭橫逆之變幾殺其身而此心湛然不
可搖動其論學曰人之念慮若是於顯然過惡萌動此却易見
易除却怕於猝然閒底事爆起來纏繞思念將去不能除此尤
害事又曰道理須是日中體會夜裏却去靜處坐地思量方始

有得又曰凡蹈危者慮深而獲全居安者患生於所忽又曰古之德人言句皆自胸襟流出非從頷頰拾來如人平居談話不慮而發今之學者譬如鸚鵡學人語言所不學者則不能耳又曰受形天地各有定數治亂窮通斷非人力惟當守吾之正而已然而愛身明道修己俟時則不可一日忘於心此聖賢傳心之要法或者放肆自佚惟責之人不責之己非也又曰陰陽之精散而萬物得之凡麗於天附於地列於天地之兩閒聚有類分有羣生者形者色者莫不分繫於陰陽陽以燥爲性以奇爲數以剛爲體其爲氣炎其爲形圓浮而明動而吐皆物於陽者也陰以溼爲性以耦爲數以柔爲體其爲氣涼其爲形方沈而

晦靜而翕皆物於陰者也又曰動靜真偽善惡惟求靜於未始有動之先而性之靜可見矣求真於未始有偽之先而性之真可見矣求善於未始有惡之先而性之善可見矣又曰虛一而靜心方實則物乘之物乘之則動心方動則氣乘之氣乘之則惑惑則斯不一矣則喜怒哀樂皆不中節矣又曰思索義理到紛亂窒塞處須是一切掃去放教胸中空蕩蕩地了卻舉起一看便自覺得有下落處又曰理會文字須令一件融釋了後方更理會一件凡遇一事卽當且就此事反覆推尋以究其理待此一事融釋脫落然後循序有進而別窮一事如此既久積累之多胸中自當有灑然處非文字言語之所及也又曰凡遇事

大段排遣不去只思古人所遭患難有大不可堪者持以自比則亦可以少安矣又嘗與熹書曰吾人大率坐此窘窶百事驅遣不行唯於稍易處處之爲庶幾爾某村居兀坐一無所爲亦以窘迫遇事窒塞處多每以古人貧甚極難堪處自體卽啜菽飲水亦自餘矣又曰今學者之病所患在於未有灑然冰解凍釋處縱有力持守不過只是苟免顯然尤悔而已又曰吾輩立志已定若看文字心慮一澄然之時畧綽一見心與理會便是正理若更生疑卽恐滯礙又曰遇事若能無毫髮固滯便是灑落卽此廓然大公無彼己之偏倚庶幾於理道一貫又曰某自少時從羅先生學問四五十年每遇情意不可堪處卽猛省提

撥以故初心未嘗忘廢非不用力而迄於今更無進步處常切
靜坐思之疑於持守及日用盡有未合處或更有關鍵未能融
釋也大率今人與古人學殊不同如孔門弟子羣居終日相切
摩又有夫子爲之依歸日用閒相觀感而化者甚多恐於融釋
而脫落處非言說可及也不然子貢何以謂性與天道不可得
而聞耶又曰今之學者雖能存養知有此理然且晝之間一有
懈焉遇事接物處不覺打發機械卽離閒而差矣唯存養熟理
道明習氣漸爾消鑠道理油然而生然後可進亦不易也又曰
學者須見到心廣體胖遇事一一灑落處方是道理又曰某尋
常處事每值情意迫切處卽以輕重本末處之似少悔吝願於

出處閒更體此意又曰問學有未愜適處只求諸心若反身而誠清通和樂之象見卽是自得處又曰論文字切在深潛縝密然後蹊徑不差又曰欲進學須是盡放棄平日習氣更鞭飭所不及處使之脫然有自得處始是道理又曰處事擾擾便似內外離絕不相該貫此病可於靜坐時收攝將來看是如何便如此就偏著處理會久之知覺卽漸漸可就道理矣又曰學者須自見得病痛窒礙處然後可進因此而修治之推測自可見又曰有失處罪己責躬固不可無然過此以往又將奈何常留此愧悔之念在胸中卻是積下一團私意也到此境界須推求其所以愧悔不去爲何而來且留意神化二字所存者神便能所

過者化私吝盡無卽渾是道理卽所過自然化矣又曰學問之道不在多言但默坐澄心體認天理若見雖一毫私欲之發亦自退聽矣又曰大率有疑處須靜坐體究人倫必明天理必察於日用處著力可見端緒其論古人曰孔明不如子房之從容子房不如孔明之正大其解通書西銘皆挹其精凡答問多得之程氏語錄及往往引重謝上蔡侗拙於語言然其講道奧析極秋毫於無可語言處以不言爲言其能得時行物生之妙當時士大夫惑於王氏之學南渡後彝倫多斁時論又牽於和議侗嘗與熹書曰以今日事勢觀之處此時惟儉德避難更如韜晦爲得所他皆不敢以姑息自恕之事奉聞也又曰當今之時

苟有修飭之士須大段涵養韜晦始得若一旦齟齬有所去就
去流俗遠矣然以全體論之得失未免相半也又曰韜晦二字
嘗驗之極難非大段涵養深潛定不能如此遇事輒發矣時烹
將上封事商之於侗侗答云封事熟讀數過立意甚佳今日所
以不振立志事功不成正坐此以和議爲名爾書中所論甚善
見前此敕文中有和議處一條又有事迫許便宜從事之語蓋
皆持兩端使人心疑也要之斷然不可和自整頓綱紀以大義
斷之以示天下向背立爲國是可爾明道語云治道在於修己
責任求賢封事中此意皆有之矣甚善甚善吾儕雖在山野憂
世之心但無所伸爾亦可早發去爲佳又答書曰今日之事只

爲不曾於原本處理會未流雖是亦何益不共戴天正今日第一義舉此不知其他卽宏上下之道而氣正矣又答書云今日三綱不振義利不分緣三綱不振故人心邪僻不堪用致上下之氣閒隔而中國之道衰義利不分自王安石用事陷溺人心今不知覺如前日召旨有升擢差遣之類緣有此利誘故人只趨利而不顧義而主勢孤此二事皆今日之急者欲於此留意二者苟不爾則是雖有粟吾得而食諸也侗雖不用世而議論侃正蓋能體用一原者烹首用其說以爲對世躋之侗少年豪勇夜醉馳馬數里而歸後養成徐緩雖行二三里路常委蛇緩步如從容室中尋常人喚人喚之不至聲必厲侗喚之不至聲

不加於前其居處有常不作費力事所民狹隘屋宇卑小然甚整齊瀟灑安物皆有常處其制行不異於人亦常爲任希純教授延入學作職事居常無甚異同類如也不好著書作文若一田夫野老鄉曲子以善人稱之每終日危坐神彩精朗無墮墮氣侗於熹父松爲同門友雅重侗沙縣鄧迪以冰壺秋月似之侗生平得於周敦頤之灑落熹稱爲依乎中庸遜世不見知而不悔之君子非諛也侗子友直信甫皆舉進士試吏傍郡更請迎養隆興元年癸未侗就養自建安如鉛山訪外家兄弟於昭武旣歸道出武彝福唐守汪應辰以書禮來迎求質所疑十月侗應聘至福唐方三日疾作卒於府治之館舍年七十有一侗

孫護喪以歸葬於劍浦之瓦口鄉門人朱熹來會葬爲詞以誄之並誌行狀熹竹林精舍成行釋菜禮祀孔子以顏曾思孟周敦頤程顥程頤邵雍司馬光張載並侗配享熹述侗延平答問爲一書行於世淳祐六年提刑楊棟爲請諡七年賜諡文靖元至正二十二年以胡璩請贈太師封越國公明萬曆四十二年從學臣熊尙文請從祀孔廟清康熙四十五年允學臣沈涵疏御書賜額曰靜中氣象

朱熹字元晦一字仲晦徽州婺源人父松謫尤溪尉寓溪南鄭氏而生熹少有求道之志家素貧初依劉子羽居崇安晚遷建陽之考亭紹興中第進士待次同安簿徒步來延平從李侗游累

年所傳河洛之學孝宗立應召上封事言帝王之學不可以不
熟講修攘之計不可以不早定本原之地不可以不加重帝王
之學必先格物致知以極事物之變使義理之所存纖悉畢照
則自然意誠心正而可以應天下之務又曰今日之計不過修
政事攘盜賊然計不時定者講和之說誤之也又曰四海利病
係斯民休戚斯民休戚係守令賢否監司者守令之綱朝廷者
監司之本本原之地亦在朝廷而已隆興初復召入對申言封
事之意而加剴切時湯思退方倡和議除武學博士待次已而
大臣相繼論薦皆不至起知南康軍疏言天下之務莫大於恤
民而恤民之本在人君正心術以立綱紀反復千百言極陳近

習蒙蔽之狀以疾請辭不報陳俊卿等力薦除江西常平茶鹽
使者改浙東入對首陳災異之由與修德任人之說所奏凡七
事上覽奏嘉納之下其社倉法於諸路鄭丙上疏詆程氏之學
且以阻熹熹入奏終篇有曰願陛下自今以往一念之頃必謹
而察之果天理耶則敬以充之而不使少有壅闕果人欲耶則
敬以克之而不使少有凝滯推而至於言語動作之間用人處
事之際無不以是裁之則聖心洞然中外融澈而天下事將惟
陛下所欲爲無不如志矣除崇政殿說書以足疾辭又投匭進
封事以天下大本與今日急務爲言大本者陛下之心志急務
者則輔翼太子選任大臣振舉綱維變化風俗愛養民力修明

軍政是已斯六者皆不可緩而本在陛下。一心光宗朝除知潭州乞行經界從之。其後除命屢及門皆不拜。寧宗卽位趙汝愚首薦召赴行在。奏事除煥章閣待制侍講。辭不獲入對。首勸寧宗盡負懟引慝之誠。致溫定晨省之禮。又願陛下日用之間以求放心爲之本。而於玩觀經史親近儒學益用力焉。數召大臣切劘治道羣臣進對亦賜溫顏反覆訪以求政事之得失民情之休戚。而又因以察人之邪正短長庶於天下之事各得其理。又乞行孝宗通喪之禮及議僖祖不當祧韓侂胄自謂有定策功居中用事熹上疏斥言左右竊柄之失在講筵復申言之未幾以寶文閣待制補郡已而籍僞學詔落職罷祠已未寢疾辛

酉改大學誠意章甲子卒於正寢是日大風拔木洪水崩山門人近者奔赴遠者爲位而哭其後學禁旣解追復原官累贈寶謨閣直學士諡曰文熹登第五十年仕於外者九考立朝僅四十六日山林之日長講學之功深其學大抵窮理以致其知反躬以踐其實而以居敬爲主所著有易本義啓蒙著卦考誤詩集傳大學中庸章句或問論語孟子集註太極圖通書西銘解楚辭集註辨證韓文考異所編次有論孟集註孟子指要中庸輯畧孝經刊誤小學通鑑綱目宋名臣言行錄家禮近思錄程氏遺書伊洛淵源錄又有儀禮經傳通解未脫藁沒理宗朝贈太師徽國公從祀孔子廟廷清朝康熙五十一年升十哲後配

享

案漢書儒林傳傳經家數師弟備載以見淵源一綫延平楊羅李
朱四先生生宋後先相距不過數十年師友過從授受親承一
脈聯貫皆屬延郡人南平爲延負郭邑昔附郡志故前爲立四
賢合傳以志理學源流之所緣起也今仍其舊非敢摭他邑賢
以爲敝邑光也且查楊龜山四子適之裔孫居延之玉地鳩源
鄉者聚族數百餘戶朱子次子埜之裔孫居延城鄉者亦夥現
有遺像刻石奉祀祠龕宋人題贊并勒清康熙頒賜程氏正宗
御書猶在玉地家祠至今寶守楊朱二賢裔前代累以祠孫入
邑庠民國八年玉地全鄉遭匪焚燒而龜山祠巋然獨存是亦

龜山神靈所呵護也故不敢以楊朱二賢登諸流寓使其賢裔
自外於先人竊有所未安也

明

朱成文字希純嘉靖壬子舉人授於潛令究心理學與田一庵王
龍溪錢緒山講學天真書院著讀書會要越閩議畧天目劍津
會語鍾臺問答續壤瑣吟藝林枝語等集子廷獻字蓋卿萬歷
癸酉鄉薦丁丑副榜著有啓莊文稿

清

林昌麟字尼臣號青蓮又號北山靖安令松濤公次子也祖居南
邑西溪茶坑發源天台乃祖茶子公諱就日遊楚黃授麟經真

詮遂家府治北山築瑞雀樓爲讀書處先生幼穎慧過人見書
卽能悉記茶子公初授以孝經繼授以春秋便孜孜不輟喜而
不寐茶子公指而謂之曰麟經家學其始於予而昌於子乎先
生遂以此命名焉陳鍾文公奇其才以女妻之及長不從他師
隨仲叔直庵公諱筆癸卯賢書遊咿唔瑞雀樓中慨然曰人生歲月不
可恃壯盛智慧不吾來不於此時有所著述寂寂人閒徒湮沒
老耳不幾負此日月也哉因自朝至昃不遑夜以繼日凡五經
旨趣聖賢微言以及詩詞歌賦無不洞然於胸中故其爲文也
幽古離奇無一語寄人籬下順治己亥松濤公出宰新城先生
天性孝友隨親之任督糧京師同勦靡監舟過鎮江有相者曰

公福德俱佳惜猶有未盡處從者呵之先生斂容肅然起敬問
故相者曰天與君以才不與君以壽已運當有一津過此應在
古稀之外先生心焉藏之遂絕意仕進篤嗜詩書雖僕僕風塵
之下終不以彼易此道義之氣一發於詩歌濡毫染紙百韻俱
落倏忽淋漓其上矣丁未松濤公再補豐城豐古饒邑也車轂
擊人肩摩車馬輻輳商賈奔馳號爲名勝區且人文輩出如丁
澹園先生諱蕙雷君諱曾舒君諱其瑄輩皆玉堂偉望積學有
聲產於其地者知先生湛深理學愛之慕之無不折節請教游
金焦二山諸僚佐畢集相與刻燭以紀一時之勝先生援筆立
就不假思維在座者無不心異其才咸慶公得有令子焉癸丑

春始回延省萱親赴試補郡弟子員卓有聲名然以耿逆之故未及咨部維時邦家多難綢繆外侮無有休息親族避難踵至其門先生於日用飲食無不欸納如平時未嘗以時艱辭之其豪俠如此甲寅秋元配陳孺人仙逝高堂甘旨乏供承親命繼室蔡孺人乙卯松濤公又爲督撫董公諱安國題請旋調靖安夫靖固山僻之區經殘破之後一時盜賊充斥人民多流亡當事之題請也亦謂公能致身報國智勇兼全耳先生聞之寢不安席食不甘味思維此方非可安坐而理急辭萱堂而數日至西江兼程而進人非不自惜也顧以先生孝心純篤欲以勤父勞耳始至之日請於其父布大公以招徠開至誠以安撫其民

去而爲盜者咸投忱待命不啻如晉悼公服鄭焉佐靖數年錢穀簿書代親維持絕不假手幕賓常歎曰衙門吏役作弊甚多若明察不至雖有愛民如子實心亦終爲人所蒙蔽矣因力請於其父去大害革積弊除奸宄而惠良民催科之中寓以撫字正供之外不索秤頭布政施教境內肅然所以松濤公在邑有慈母神明之號凡靖之紳衿士民知先生能相父以致君澤民於其來也歡欣載道感靖邑有賢令猶感令之有賢子無不以望見顏色爲幸歲屆戊午海內承平人心樂業先生瞿然思曰父兮生我母兮育我欲報之恩昊天罔極今天各一方兩地睽違不得竟其溫清定省之職且爲人子者朝西暮東僕僕道塗

何日得盡其志乎於是與其兄諱起麟計遂奉親抵靖然是歲八月而萱堂告訃矣先生哀痛盡禮枕塊寢苦三年未嘗見齒已未松濤公以招撫有方題請適有內召之命當時先生以父年老跪請曰宦海無涯知幾其神昔人云知足不辱知止不殆功成身退天之道也吾父歷任西江數十年仕途甘苦已備嘗矣曷若致政歸田爲休息天年計乎松濤公於是決意解組出境之日公卿大夫老稚邑民皆設祖道供帳城門外攀轅不舍僉曰此眞從來未有父母也歎息泣下如二疏歸田云庚申抵家園先生遂杜門謝客靜坐樓中課訓子姪門人慕李白高風自號爲青蓮逸士辛酉歲輯四書庭訓及孝經麟旨秘擬古今

文章壬戌輯詩經庭訓自娛集是歲之夏丁澹園夫子督學閩南衡文事竣登其堂造其廬見其著作之富不禁肅然與松齋公言曰世兄洵一代理學名儒也流連竟日者久之因勸之仕不應曰士各有志毋相強也吾將見聖賢於羹牆矣自書樓聯句云骨傲難逢世才疏僅著書訓子以文藝則曰作文無別法昔人云多讀多作老蘇當日取孟子韓子經史諸書讀之七八年後來便做出許多好文字今人資質不能及此讀之不必取其多惟求其精平日宜將經書旨趣爛熟於胸中后取古今佳文而口誦心維久之自有得心應手之樂讀書須嚴立課程毋或作或輟苟口誦書而意雜身對書而心馳工夫無由而純熟

也訓子以交游則曰君子小人以類而聚昔人云君子之徒同德小人之徒同惡外甚類中實遠諺云結交須勝己似我不如無况小人乎訓以詩詞歌賦則曰當今以制藝取士待博得金紫后及詩詞歌賦未爲晚也昔人云荆山之璞雖美不琢不成其器顏冉之才雖茂不學不宏其量汝既具有用之才自當營心舉業遠繩祖武若悠悠忽忽是美玉未琢無異於碲碲也居恆屏黜浮圖曰仙佛何必遠求家有二親卽活佛也兄弟聚首卽眞仙也士子得官如得道寒儒登第便登天矣裴晉公云雞猪魚蒜逢著便喫生老病死時至則行卓哉斯言也癸亥輯禮記麟文攷古纂要甲子輯易經性理纂要諸書至丙寅春告成

夏輯書經醫學纂要丁卯輯春秋庭訓一書以成祖父之志是
時尙未告竣而先生疾作矣其子姪門人請輟筆先生喟然曰
四書庭訓等書已告成矣而春秋不獲竣事可乎此書上係先
人之傳下啟後人之緒倘不加以意小子何述安敢以疾而廢家
學也且予亦樂此不爲疲抱病著書戊辰之莫春月而疾不復
起矣臥牀講書親朋畢集欲爲請禱先生哂曰生死命也禱何
爲哉夫子云朝聞道夕死可矣假使神無知則不能降福有知
固不可私己而媚說之也且人年至五十不爲夭但以親老不
能終養爲恨耳手書戒其子曰勉之勉之昔人云積金以遺子
孫子孫未必能守積書以遺子孫子孫未必能讀吾雖無經遺

汝承祖父福蔭家今差於昔無恤饑寒菲飲食薄衣服節夫一者亦可讀書凡此手輯經傳述先聖精意整百家紛言庶幾竭吾才女唯時其玩味尋繹研鑽不替敬慎威儀以近有德可以不辱於所生若忽焉不識亦已焉哉是月也念二日夜半在子猶談古今書史論鬼神之爲德章意且曰鬼神之理幽渺難知昔人云獨行不愧影獨處不愧衾吾自念生平無一不可對人言者而今而後庶幾免夫辰刻東首披衣冠辭親至巳刻而先生卒於正寢年正五十也先生天性孝友然諾不欺襟懷灑落不妄交遊視軒冕如草芥屏嗜慾若沙泥淡泊明志寧靜致遠勤以力學儉以足用飯一盂蔬一盤冬一棉夏一葛凡人有求

輒應與之未嘗以故辭策事後當否若燭照龜卜亦能山水酷類雲林筆意嘗於嚴寒冰凍之夜手抱一編吟哦達旦覺時惟見雪深三尺矣隱居北山著書瑞雀樓不求聞達以理學著名於當時後進私謚文淵因其所居之地稱曰北山先生


論曰父在晨昏定省母沒寢茨枕塊先生之孝也身為諸生隨親行役先生之忠也負志氣不欺然諾能為人通有無先生之仁也處親族閒恂恂自下始終無閒言先生之恭也剛決似乃考文藝似仲叔離奇幽古絕不讀漢魏以後書雖止於博士弟子員不獲大展其用天非故抑之也天正欲以理學勞其衷自不以紛華累其志凡所以歷試諸艱者正使之深其養精其業

開後進於無窮耳噫若先生者洵當代名儒而非僅一鄉一國之彥也乎

黃俊苑字清美又號止齋居邑城西角父孤苦以商起家頗積貲產好敬禮賢士遂開後人之緒先生年方就傅失怙恃伯兄仍父業始從陳揆亭先生學性聰穎沈靜好讀書弱冠入邑庠越九年始食餼適候官謝退谷先生爲南岸教諭講明理學訓諸生以篤實爲己工夫先生聞之喜願爲弟子得聞所以力學爲人之道不沾沾於時文博涉經史及先賢語錄而學益進年四十登嘉慶戊寅科賢書五上公車兩赴大挑皆報罷絕意仕進感友人張繁露學博之言乙未暑月歸家遂立簿起草日書數

條以詔學徒子姪自省身克己遷善寡過以及處世觀人因感觸發而於人心風俗惓惓三致意焉其語簡而純其理精以切皆人生日用所不可廢者晚年涵養益邃與將樂梁月山先生移書講學反復切磋具見書內自幼與伯兄友愛敦篤白首同居訓姪語出至誠設帳數十年束脩悉歸於兄以濟家用游其門者繩趨矩步循循有先生之風先後入庠者廿餘人獲雋者二人遠近爭挈子弟來學至館不能容先生遭家多難生計益艱處之晏如也平居輒好靜坐手不釋卷常戒學者以傲而勉以立志知恥知悔作文以讀書明理爲先皆切要之語也若先生者庶幾言行相顧學不厭而教不倦之君子歟先生歿後三

十年閩劉存仁山長掌教道南書院與先生有舊訪於先生高
弟陳國瓊葉新榆二孝廉得先生手記遺書十六卷而刊之觀
察張啓煊公郡守張國正公據邑人士合詞呈請崇祀鄉賢得
旨俞允信乎先生隱德不耀雖阨於生前終顯於身後而理學
之緒猶未墜云



可

鼎

河

家

丁

丁

丁

丁

丁


丁

丁

丁

文苑傳第二十五

自書契之制聿興金石之文斯廣揚玉馱而並馳總金羈而齊駑轡
虎握蛇軌躅競尙矣夫言本心聲而文爲道券名賢規學祇在敦倫
飭紀之中碩儒修詞不越型仁教孝之旨擷其華則僞體乎實則真
輪轅之飾信弗庸也然皆根柢六經綜貫百家班馬同儔歐蘇並駕
詞騷仿楚吟詠宗唐淵瞻喬皇爲邦家光於是登著作之堂而總其
菁英詳其藻絢用克經緯天地彌綸區宇埒清美於前修發芳譽於
來葉文名之成豈偶然哉吾邑自宋人文鵠起代有名儒匪詞章之
可傳亦文行之並美故述其人以爲之傳



宋

王端字道源嘉祐八年進士講學最爲范祖禹所重

胡璞字器之熙寧三年進士博學工詩嘗經采石渡題詩弔李白
云抗議金蠶反見仇一杯蟬退此江頭當時醉弄波閒月今作
寒江萬里流蘇軾見之疑唐人所作歎賞不置

黃卓字德美博學能文尤長於詩時稱曠壇元白朱熹嘗爲題其
延平春望圖

張顯甫字敬之十歲通九經傳記淳熙十四年成進士嘗受業於
朱子與游敬仲爲同門友朱子嘉其篤志

元

張本字在中元統元年會試以蒲輪賦得高選登進士第官至寧
都州判官

明

吳恭字敬昭天性孝友篤志尙學淡於世務家業悉讓二兄永樂
丁酉舉於鄉考選才學舉人賜冠帶讀中秘書戊戌成進士官
翰林院庶吉士延人入翰林自恭始與修宣宗實錄以疾歸授
餘干教諭致仕卒有學古齋集

林應芳字茂實甘貧力學父縉歲貢以文學稱任安化訓導卒於
官應芳方弱冠扶父柩遇颶風忽作抱棺溺湖中俄觸沙畔得
起歸葬如禮由選貢訓溫州修雁蕩山志遷吉安教諭教授南

安所在以講明道學爲己任後以老乞歸猶教誘不倦

張體中字居靜賦性簡澹淹貫經史由歲薦歷香山宣城福寧學

正學博行端著有經書講意洪淹詩集溟螺集藏於家

黃起莘字思衡爲諸生屢試高等鄉試輒中副車壯年失偶不再

娶弟亡遺以二女皆厚奩遣之當歲薦讓友者再始就貢司訓

莆田所取皆知名士他庠問奇者雲集遷泰寧諭以骯髒解組

歸著有書經正說說鈴四書詩經講義及詩文集

趙弼字輔之自號雪航博學多識尤邃易學學者稱爲雪航先生

有雪航膚見等集今通鑿有雪航趙氏史評卽其人也

郭顯字如晦由歲貢授處州司訓未幾乞歸聚徒講學郡守鄒雅

重之一日聞講聖門一貫之旨及動以天論恍然有得貽以詩
曰聖道原來本自天曾參一唯悟天然那知發論千年後卻羨
心孚萬古先冉冉文華妍似錦滔滔筆勢動如泉好將此妙傳
新進忠恕都希動以天

清

林就日邑庠生姿性聰穎好學洽聞著有太極圖說元祐黨人碑
贊胡傳刪補春秋講義若干卷

邱三捷字子升順治丁酉舉人知宿遷縣受事初值黃河衝潰蔡
家樓地方五口橫決三捷身先衆役一夜塞五決口以能吏加
一級歲饑分廠賑給男女不素人沾實惠復以宿地宜粟不稻

徵漕易米維艱詳請改粟部覆允行遂爲成例以抗直忤上官
歸杜門讀書著述自娛有閒吟雜著文藝作述仕學說等編

蕭泳號柳溪康熙癸巳舉人任溧水知縣六年致仕歸善詩古文
著有柳溪集游武夷草

官志涵字靜夫少豪邁不羈辛酉選拔入京師乃斂飭恂恂爲儒
者由教習諭連江庚辰鄉薦聯取進士第授翰林院檢討大學
士劉公尙書觀公保舉御史已引見記名未幾假歸聚徒講學
於蓬萊諭學者以立品爲先未嘗私干當道甲辰建溪暴漲漂
流男婦無數積屍徧河干公爲買山於城之東郊置義塚收掩
以數百計自爲文以祭之生平工書善屬文不再脫稿乙酉同

邑請修邑志有懷金求錄者公正色曰名豈可買耶其人慚而去誌成未及付梓今藏其稿於家

馮上瓊字元璞由歲貢選福寧府寧德縣學訓導勤於課士不問修脯及老告歸囊底蕭然回梓後仍設館授徒來學者甚衆爲人忠厚正直步趨不苟鄉閭咸推重焉年九十一歲以壽考終

陳國興字聘卿晚號雪樵幼聰穎與長兄國琦同學琦天才英縱中道光壬辰科舉人長於文藝昆季切磋後十年癸卯興亦獲雋而長兄中道捐棄興亦屢上春官未第遂絕意進取潛心性理之學沈靜淵默情耽吟詠以大挑銓授侯官教諭歷任長樂詔安學升福州府學教授在學友接士類引掖不倦所得束修

散給諸姪澹泊自甘一如諸生暇輒以詩自娛多清微澹遠之作尤長於古體島後進爲學當求實踐無徒競功名其言論頗宗莊老而有心得故能保精蓄神年逾七旬晚生三子能世其業若先生其可謂有道之士歟

王世醇字樸堂咸豐壬子亞元是科墨出膾炙人口得名大家神髓嘗授徒沙邑之湧溪造就多材後掌教梅岡道南兩書院士聲翕然所得修脯族中有不能婚娶喪葬者均分助之爲人厚重寡言歷辦公益爲當道所重知邑缺糧食尤兢兢於保存義穀囑之後人未可漠視焉

歐立元號掄軒世居城西家貧授徒於鄉肆力經史好古文詞中

所
平
縣
志
卷
二
十
五
道光丁酉副榜留學京師數年而學日進主司倭相國仁深器
重之延訓其子而運蹇不遇至同治元年壬戌恩科復赴鄉闈
邑令杜公世銘爲監試搜遺得先生卷讀之古奧刻峭薦上獲
雋蓋知之有素也赴京佞相一見喜甚曰吾誤抑子遲子二十
年科第矣及春闈不第倭相尋逝遂絕意仕進居家恥於干謁
日以論文爲事游其門者多知名士品評得失不爽秋毫引掖
後進諄諄不倦暇輒批改文藝筆不停揮竄易數語出人意表
其著作遺篇率多散失而咸同閒孝廉皆以先生爲稱首云


高序東鏞余西里人少穎悟讀書過目成誦曾游省鼇峯書院每
月考必列超等其爲詩一主性情深得風人之旨長於古體由

廩生中丁酉拔貢入都朝考著有北遊吟草一時傳誦其過溫
州界云天低疑是岸海闊欲無洲過黑水洋云健筆落教三島
動壯懷高欲十洲凌等句意氣豪邁逼真盛唐自連城教諭任
滿返籍主講道南書院及屏山書院門弟子乃日益衆課暇輒
與徐乃秋兆豐觀察酬和晚年尤耽吟詠至漏下三鼓猶聲琅
琅不輟而几席閒縱橫陳列皆名人詩集也泊洪山橋得江花
無主可憐紅之句悱惻纏綿大爲乃秋觀察所歎賞謂不可及
以邑乘日久不修遺編散佚乃廣爲摭羅嚴加甄別自唐迄本
朝得詩六十九家計二百三十餘首名曰劍浦詩編付之手民
先民遺墨賴以不墜科舉停之二年充師範學堂講席又著紫

雲山人詩鈔二卷所得俸金輒散諸弟姪家無私儲鄉黨稱孝
友焉卒於宣統元年壽五十有二

獨行傳第二十六

伯夷之清柳下惠之介尙矣後世特立獨行之士雖未能從容中道然其苦心孤詣足以動天地而質鬼神富貴不能淫貧賤不能移威武不能屈故孔子曰匹夫不可奪志也若夫巢父一枝壺公一壺芝蘭不與蕭艾爭芳貞女不與粉黛競美隣二仲之蓬蒿尋三徑之松菊修至樂之道全獨善之身夫亦各行其志而已南平自嵩伯避招緡輝陳季儀熙棣華匿采宋代元明以來巖穴銷沈者不傳其人豈畧之耶抑逃名者之故秘之耶故因前志之所載者列之於篇



可
之
果
示
今
二
一

獨行傳

五代

陳陶字嵩伯博學善屬文工詩更精歷象唐末携妻子隱居南昌之西山自稱布衣山前種柑橙賣以供食宋齊邱守南昌徵以安車蒲輪不赴自詠云一顧成周力有餘白雲閒釣五溪魚中原莫道無麟鳳自是皇家結網疏與水曹郎中任曉及方千友善詩江南後主卽位陶知其運祚衰替以修養爲事尚書嚴字鎮豫章遣妓蓮花往侍陶殊不顧歿字哭以詩宋開寶中人或見之已得仙矣

宋

吳儀字國華父輔以學起家居官歷著循聲儀其次子也學問該博模範端嚴本州人士常以經明行修舉儀恐占解名懇避不就性不樂仕宦卜居於城東之藏春峽備亭館諸勝以山水自娛偕從弟熙嘯傲其中與楊時陳瓘黃裳爲友時爲題其釣台詠歸堂各詠藏春峽詩以贈之見藝文志南劍州守王潮舉儀及弟熙論薦於朝稱其篤志博古名節自勵故汝舟詩云種竹淇園遠致君生平孤節負辛勤需賢側席非無意地遠言輕豈易聞陳瓘和云孺子無心作聘君使君下榻意何勤世人不道芳藻好自是清香不遠聞羅從彥嘗從之游學者稱藏春先生後祀鄉賢

吳熙字季明舉進士偕從兄隱居不仕勵志力學潛心經史涵養益厚與宗人析產推其豐腴自取薄少廉介之節古人鮮比楊時稱其資稟純粹清高絕俗終日靜默寡言或與之談道論文傾吐疊疊不倦南劍州守王潮器重其爲人而首薦之辭不應召著有二傳通解二卷禮記講義十卷孝經一卷詩文集三卷藏春語錄學者稱東山先生與兄並祀鄉賢

忠烈傳第二十七

孔子曰志士不忘在溝壑勇士不忘喪其元余誦是言未嘗不廢書三歎也夫庸懦之臣飾言貌以固寵榮踰踰如婦人一旦有事則身家妻子之念重社稷封疆之念輕國家安賴有是臣哉故士窮見節義世亂識忠臣食人之祿者死人之事非盡爲知己者用也蓋有百折不回之志然後有一往直前之氣蹈白刃而不顧視身命若鴻毛古之烈丈夫諒如是也我邑前志所書當宋之末若黃乾叟之死拒江寇徐丹衷之殉難五坡嶠然與日月爭光元有陳子才之保蓬浦明有徐師臣之捍西蜀忠壯激烈揚名千載矣清代臺灣林逆之亂吳陳宮唐諸人一介胄士俱能知大義得死所然此猶其食祿者也

若義急桑梓投效戎行捐軀以報團結村堡折首不辭恤典未加於國殤英聲猶傳於故老名氏雖微要皆所謂忠烈之士也故述之於傳

宋

黃復字乾叟寶慶二年進士除山陽尉聞汀寇猖獗獻廟堂三策境賴以安真德秀陳鞞交薦之通判滁州與守陳廣中協力拒寇廣中死攝州事城被圍八十餘日援不至前後數百戰而死遺子書云父老矣食君之祿繼之以死雖死猶生也總制趙葵餉臣吳潛上其事於朝爲立廟所著書凡三十卷子厚廣皆從事郎

徐自飯字丹衷咸淳十年甲戌進士授鬱林州牧丁父憂恭宗卽位元入臨安文天祥起兵勤王自飯率族赴之戰死五坡翁元興建興里民皆逃竄四方自飯子進三鞠於其姑沙厝魏家世

祖庚辰詔赦年十四矣始出遷居溪後

元

陳君用字子才少負才汀寇騷動集壯士保鄉里至正末紅巾賊入閩閩授君用本縣尹給錢募兵復散家財以繼之克復建陽浦城等縣累官權同知副都元帥引兵至連江與賊戰而死追封潁川郡侯諡忠毅

明

徐尙卿字師臣萬歷戊午舉人崇禎丁丑授四川劍州守甫蒞任獻寇突至明史本傳云崇禎十年十月李自成惠登相等以數十萬衆入四川大將侯良柱敗沒於廣元遂致陷昭化縣王時尙卿與紳士謀守禦兵僅五十有奇賊渡河破昭化化死之尙卿與紳士謀守禦兵僅五十有奇賊渡河破昭化

請援不至尙卿以監庫諸重務分屬領之繫印左肘曰此君命也存亡與共親登陴督士民捍禦矢石俱盡乃北面再拜曰臣力竭矣以血書襟帶云孤城不可守仗節死君恩鼠竄豈無計殊羞衾影存自經於東門城樓賊入戒勿毀其衣冠事聞贈朝列大夫四川布政司左叅議廕一子崇祀名宦鄉賢

清

吳洪縣城東人由行伍超拔調任臺灣城守營把總逆匪林爽文滋事奉撥剿捕乾隆五十一年十二月初九日在竹塹樹林頭莊遇賊拒敵身殞奏聞賞恤祭葬給雲騎尉世職後襲次完給恩騎尉世襲罔替

陳桓璧吉田里夏坑人由武舉授連江營千總乾隆五十一年臺
匪林爽文滋擾奉調征剿歷戰著勞五十二年七月十三日在
大崙村殺賊遇害奏聞賞恤祭葬給雲騎尉世職俟襲次完給
恩騎尉世襲罔替桓璧鑑子以弟映璧承襲

官廷梅縣城東人由行伍拔擢任建寧鎮右營把總乾隆五十一
年臺匪林爽文滋擾奉調赴臺奮勇屢捷五十三年七月十三
日在鹿仔草打仗被陷害奏聞賞恤祭葬給雲騎尉世職俟襲
次完給恩騎尉世襲罔替

唐起龍由行伍拔補福州城守右軍額額外委臺匪陳周全滋事
被害傳載昭忠祠

王洪由行伍拔補臺灣北路中營額外外委臺匪陳周全滋事被
害載昭忠祠

陳藝縣城東人由武生隨營考拔福寧鎮左營千總緣事休致寄
居臺灣嘉慶十一年十一月蔡牽竄臺藝領鄉勇勦捕死之賞
賜祭葬入祠祀恤賞加一等陳藝能奮身敵愾効命疆場洵爲
義烈可嘉著給雲騎尉世職俟襲次完給與恩騎尉世襲罔替
藝無子以兄子陳元輝襲世職

高奪魁鳩源鄉人咸豐間由行伍拔陞把總從林文察軍門出敵
髮逆力戰陣亡蒙恩卹世襲武職

高孟隆大歷鎮人幼習武藝咸豐八年年已六十一八月間髮逆

臨鄉奮勇直前獨與拒敵殺匪八人後爲匪圍剖體而亡

高君榮大歷鎮人咸豐九年髮會寇順昌及上洋君榮年方三十爲大歷鄉團練民兵髮逆至鄉拒戰陣亡

延平卒者邑之城守兵也咸豐三年五月初旬紅巾圍城卒與守禦龍山之敵樓頂賊由東門越山入衆以數日守倦皆寐罔覺卒獨醒見大炮位移向城將燃急以餘粥溼炮門大呼有賊衆始驚起卒爲賊砍斃而城獲全當時失查其姓名今未之知惜哉

廕清衢峽陽人咸豐八年出敵髮逆力戰陣亡事聞蒙慶制軍獎給軍功六品

孝義傳第二十八

援神契曰孝旨如醴泉夫其醞釀也深其感契也微矣是以集苞思
藝黍之勤循陔有采蘭之詠動天地而感鬼神胥於是徵焉若乃孔
奮分甘姜肱共被或義篤猶子或仁撫諸孤或焚貸者券或與餓者
食肅雍一門綱紀九族凡百懿德何非孝行所暨耶孔子曰愛親者
不敢惡於人敬親者不敢慢於人孟子曰親親而仁民仁民而愛物
誠使推差等之愛引氣類之同孝弟成風親睦在是矣式標前美以
厲末俗而爲之傳

卷十一

孝義

宋

黃演字耕樂天性純孝年十五失恃竭力事父及父病革求醫弗愈乃籲天割股以進創痛頓絕復甦後孫焯貴顯人以爲誠孝之報

元

吳璧字出玉居家孝友隱居不仕元世祖初以文學行舉不赴詔書諄迫乃出拜校書郎知屯田政事父早逝母沒贖墓三年甘露降於林端靈芝產於墓側事聞得旨旌閭後歸隱米巖金鳳山贈特進光祿大夫浙東行中書省平章政事諡曰貞孝

南

平

縣

志

卷十一

孝義傳第廿八

一一

一

明

朱經字伯機永樂辛卯舉人任德安訓導居家敦行孝友人無間
言在官勤於訓迪德安人士稱爲賢師

謝伯衡永樂十年五月洪水暴漲父柩漂流水勢洶湧莫敢操舟
伯衡急躍入水抱柩號慟頃之泊岸人柩俱免遂出資卜葬置
祭田不責諸弟人以爲孝友

蕭源字本清其弟以戶役解料物之京遇寇劫掠源恐貽母憂盡
鬻已業償之自甘節儉致甘脆以養母族黨頌其孝友以貢入
成均授南康知縣歷九載有能聲致仕歸子崇禮以歲貢爲枝
江教諭孝友尚義撫姪如子人稱克紹

查厚字文載性至孝雖貧窘奉親必備甘脆自茹苦淡以貢任潮陽星子二縣訓導主白鹿洞講日以道義爲訓陞會昌教諭以老致仕孫應秀字思賢博綜經史善古文詞性端莊以貢訓長秦武昌清俸養母捐餘囊以厚其弟歷崖州學正歸著宦遊集並從祀七賢要旨

游姓字潤玉天性過人與弟禧祐同居共爨家三十餘口飲食衣服均平有法出入先後有序天順間郡守旌其里曰雍睦

廖得金世業農自其高祖至得金五世同爨每晨起婦女聚一堂治女工男子則出治農業門內雍睦人謂得金一門未有讀書爲儒者乃有古禮義風如此

郭延壽以任俠豪鄉里間與莊伯良爲刎頸交鄧寇之亂同起兵相犄角嘗乘勢逐賊至沙縣小洞洋賊設伏於黃竹坑力戰死伯良聞難引兵力破賊黨求遺骸於亂屍間葬之

黃鎮字尙璣事父母以孝聞與諸弟同爨無私蓄二弟繼沒恩撫諸孤構社學以教鄉之子弟輕財樂施建橋梁鑿石通纜道砌

吳坑樟槎路以便行人屢爲郡邑所旌卒年八十有三

段思賢性端方動履必出於正弟沒子女視若己出教養婚娶必盡心力族人私鬻祭田者贖之仍與衆共由歲貢司訓閩庠教導生徒多所成就子孫相繼登賢書

黃應賢週歲失怙事母陳氏至孝母或不豫輒朗誦以慰之母節

聞於朝建坊旌表晚膺歲薦母年八十矣絕意仕進家居終養
妻董氏亦竭力事姑時稱雙孝

黃嘉爵性孝友天啓間以歲薦歷官建昌衛斷事明允攝南康府
家終養歸與弟慶賓年俱六十餘事父應宿凡父所需必躬親
進晨昏惟謹父年九十三卒里人以享大年孝養榮之

林潤琴號信雲鍾鳴仲子父沒於官潤綦時已歸試聞訃重趼奔
喪扶柩以歸霜雪寢棺下父宦橐蕭然舌耕奉母教養二弟治
諸弟妹衣食婚嫁崇正癸酉領鄉薦赴京謁選臨授職忽中動
急歸母果抱疾後家益落就歸化諭甫及任復中動乃棄官母
果病革侍以瞑目以過毀卒著有詩文集兩弟潤蘅潤芝皆督

誨有成

潤芝戊子舉人與秦營建都中會館至今德之

吳觀淵字有本少補部諸生精醫歲歉出粟賑貧繼又大疫施棺二百餘具以埋瘞者郡守孫衍以禱雨卒囊空子幼爲治後事悉從豐厚巡按旌獎之卒年八十有八

張天祿字君錫性篤孝以忠信節義自勵年十二遊鄉校父以公役卒於京天祿鬻產扶柩歸葬遂絕意進取授徒賣卜以養母談理雋永聲靈可聽古今史傳必析其原委郡大夫延之西席悉心教誨不以貴介少有假借有以公事屬者面斥之介節至老不衰鄉績績胡璣黃焯以魯仲連徐孺子擬之

林茂幼孤祖育之嘉靖甲辰歲荒疫悉力施賑蠲租焚券不令人

知又合保嬰丸以濟世知府林梓榮以冠服榜其名於誼善亭
謝應壽孝事其母母老疾日夜奉侍歷九年如一日

劉應高以貿粟爲業取直公平萬歷甲午夏初斗米至易一帛應
高盡發其藏平糶以濟撫軍許旌之

林祖勝性敦樸好施周貧濟乏未嘗以無力辭有侵其屋基者慨
然讓之或負逋不能償悉焚其券子廷紀篤行惟謹布德施惠
綽有父風

金歐字君卜天性孝友篤親厚故里鄙推重居恒博覽羣書風雨
不輟子世禎領鄉薦任榆次令有循聲

黃炳如字本正篤志敦行事親盡孝恪遵庭訓孺慕不忘晚膺歲

薦究心程朱之學後進奉爲師表

黃昌嘉靖壬戌間流賊縱火焚掠昌父柩未葬募壯士扶柩走賊追急昌伏柩慟哭賊感其孝而釋之

黃鐘性孝友祖早逝祖母鄧氏年十九孀居撫鐘父殷護殷護卒停柩於家嘉靖間流寇焚掠民皆逃竄鐘獨伏柩號哭賊相戒存其屋

黃中字大本以貢入南雍授武康縣丞視邑篆疏河渠廣儲均役民咸利之性至孝父疽發背侍湯藥匝月衣不解帶葬伯鉞賜從叔濟歸族叔瀚之櫬於珠崖不私其產以子焯貴封禮部主事進階中順大夫家居年八十屢與大賓元孫機任大家宰康

熙九年督學田公檄文送入鄉賢

羅雲麟字世瑞侍郎明之長子孝友出自天性父以撫邊徼卒於
燉煌跋涉扶輿歸當廢叙讓諸弟雲鳳亦人所難也以責任湖
廣湘鄉訓導致仕屢鄉飲大賓

楊應魁週歲喪父其母官氏孀守撫育魁稟氣純誠竭力事母因
母病日夜侍奉湯藥無效禱神封股調劑母病遂痊鄉老鄰甲
咸頌孝行

清

余慎行恩貢生幼隨父履信任太倉州佐母卒哀毀幾絕父切諭
之少止越數載父卒哀毀如之廬墓三年居恒恭讓恂恂有古

人風郡庠改建梅山寺見基址甚狹捐居屋以廣之

謝豐部庠生父宗尹邑之名宿事繼母以老聞性好施常用人之急豐善承父志囊雖澀必婉轉將順父或稍不豫卽治具延父素交談讌以娛其意喪葬悉從厚年八十遇忌辰必素衣哭泣悲感終日郡守以孝足風世旌之欲上聞因叻變中止生平精醫所著有瘴癘指南諸証辨疑理元脈訣等書子坦以歲貢任德化訓導孫純欽乾隆甲戌進士未仕卒著有一軒草

毛章業郡歲貢生性友愛善事二兄飲食服御悉自己出撫育弟姪待其婚娶所置產復以均之著有蔚廬詩文集

施中號田間初名外黃吉田里人長於詩字獨抒性靈不斤斤摹

法前人幼失怙卽有志聖賢之學每見先儒語錄抄誦佩服津
津不置行年五十色養九旬老母如嬰孩兄人瑞有聲膠庠死
於難自傷孤特視兄夢弼若同懷錢穀聽其出入食餼將貢以
母病棄去介節孤行當道賢之禮招不屈或就見輒潛出避之
著有望歲莊集子開治亦有父風早歲棄諸生詩文奇古集曰
自怡

楊之禎字瑞之龜山十九世孫幼失怙性孝友事母不離左右母
性憚服藥有疾輒持杯跪而進之或口啣以哺撫孤姪如己子
家貧勵志讀書康熙癸丑宗師張取入縣庠值耿變遂絕意仕
進以詩文自娛生平學術醇正品行端方士多從之遊所著有

崇儉篇及迂草卒年七十八

林自麟字青蓮郡庠生鍾之仲子也父官靖安縣值寇聞報馳赴安境凡守禦招降身任其勞平定後卽勸親歸隱自是杜門不出留心經史著有四書融會解自娛集行世督學丁匾稱理學名儒郡守梁區贊醇厚孝友學者稱北山先生雍正二年奏勅建節孝祠享祀

連文生幼失怙家貧力耕養母母患瞽以舌舐之母嗜榛栗嚼而哺之市肉必戒其妻留以養姑得私其子冬溫夏清不改其常文生未嘗讀書而事親動合古人其天性也

陳光耀邑庠生事繼母以孝聞每有所往必屬其妻善具甘旨奉

姑遭耿逆之亂急於母而後妻子口則以肩輿送母匿山中夜則輿歸士論多之

謝涵字蘊玉邑廩生性厚與人交必盡其誠家貧甚饗餐常不給餅餘米少許留以養親已與妻子啖藜藿時過友人或留飲固却之不忍獨飽也親歿哀毀骨立臥柩側三年遘疾卒僅一子繼天論者不無伯道之嗟云

李本盛字敦實康熙癸卯選貢父病乞禱於天求以身代父疾旋愈弟貧加意周恤以優行見稱

張鶴翼字還禎居家孝友睦族恤鄰謙恭自處課子成名郡守范以醇德旌之年八十六卒

吳瑤青字丰藻恩貢生天性醇厚竭力事親雍睦以待諸弟姪祖
父遺產悉讓與弟族屬力不能葬者爲謀窀穸當事欲舉優行
瑤青謙讓未遑也

王際鏞素端謹動必以禮讀書之外泊然寡營性孝友事親色養
無違親沒盡哀遇諱日素服閉門哀慕不自勝至老猶然以歲
貢任泉川訓導諄諄以積學砥行自勗甫及歲卽致仕歸授徒
自給薄俸爲親置烝嘗田與姪輪收供祭知縣陶敦和特延大
賓士論翕然

林珩邑泮生姓至孝父病經旬衣不解帶歲荒閭里親戚貧乏者
分粟周之傾儲不吝鄉里誦其高誼

官維嶽其先自安溪徙居南邑以丹青自給尤工於樓臺殿閣之屬事親至孝父年九十餘得風痺疾維嶽每日抱持出入撫摩抑搔常至宵分忘倦父喜觀劇雖遠必負以往時具飲食俟劇畢乃負以歸如是閱十餘年父沒哭泣盡哀茶湯羹飯日必三獻忌辰素服號慟悲不自勝終身孺慕云

吳鼎文生平好義捐置黃澤墟茶田租穀三百觔於仁壽庵置發竹舖渡田穀一百五十觔沙溪渡映田淨穀四百觔爲修船之費民不病涉里無派累人咸德之又施茶合藥掩骼埋胔善行尤多郡邑嘉獎勒石永垂焉

梁孟慶性端謹兩事繼母俱以孝稱同異母兄弟六人父母喪葬

自 卷 十一
悉出己資爲諸弟婚娶授田給資俾無缺乏撫恤從子至於成
立雍正四年饑螽慶捐金赴建甯市米平糶再往閉糶乃倡率
勸分里藉以安後遇荒歉輒踵行之

盧特懋幼業儒長兄以食指繁多分爨次兄又患癱疾特懋服賈
養父母及次兄父母疾不遑寢食及沒力營殯瘞二兄與嫂繼
沒喪葬咸賴之撫育諸姪推己財產與共復置烝嘗輪收族黨
鄰里多受其周卹居恒抑抑憾不得卒業置書田延名師日以
振興鼓舞爲事

施斯行少孤貧力耕事母母紡績夜每至雞鳴斯行不敢先寢溫
酒以俟母性不怠稍拂意雖壯有室輒撻之斯行敬以受至老

言及親猶悲慘不勝陸族有恩受其養育給資本者不一而足嘗有耗其資買妾以歸據其貸負德不償者皆不之校與族姪揆之質於蘇揆之病痢醫之沒殯之歸其櫬與財一無私焉老而好讀書謂人曰吾失學書多不解得一人爲吾析說以終餘年誠快事也

楊文生西門外衣香巷人乾隆十五年七月大水巷屋盡淹及半壁楊以浴盆渡母盆翻母溺急以門當筏往拯並溺水中漲退得屍母子相抱不釋

李庸徐洋鄉民父病爲禱人割股以療之隨愈通判楊知縣李各誌之亦足以風爲子弟法其匾字也

李士孝親疾割股療親稱爲愚孝

葉紹禮性至孝康熙五十三年五十七年親病篤兩割股和藥親疾俱愈雖人子之孝不在於毀傷肢體而愛其親不敢愛其身其愚固不可及也

吳善燧處家孝友與衆謙和鄉里推其長厚郡守蕭延至賓筵以德符月旦旌之子拱顏素行謹愿樂善好施亦有父風

黃如松安福里民幼喪父家貧年三十餘未娶傭耕奉母母病瘋松奉湯藥代梳洗扶抱如廁拮據爲弟娶婦侍母未二年氏死松日侍左右夜臥榻前凡二十餘年無倦母年七十有餘卒里人美之

謝宗尹字士衡博學能文弱冠食餼繼母性不樂城市居兄宗喚
迎養於大坪村衡挈植進觴途次僕爲虎所啣衡持杖擊之虎
俛首而竄人以爲誠孝所感巡按王旌其門曰品卓行芳年七
十六卒

官曰炳字良玉以婁故輟學然通曉大義喜解人之紛勸誘後生
勿憚改過身居卑履若不甘自溷薄鄙亦不願以之溷人雖砥
行有學之士弗能過也延名醫推謝君峻有日炳事之恭盡傳
其術謝沒歲時起居鮮必親餉久不勸素善同邑許仰山許合
遜之夕陋其室慍不赴日炳正容曰妻齊也可以色論耶許感
其言遂昏嘗爲人醫有老夫婦共抱一子候甚危而徬徨無力

購善藥日炳憫而予之藥疾遂愈其子長而逆其親因呼而爲
述前事以戒之其子感涕謹受戒伯兄爲縣吏有故遂代之役
縣有被枉殺人者力爲寬護之以金謝金固鬻兒物也廉知急
持金贖兒還之歸而長喟語其妻曰甯餓死胥不可爲也其生
平行事類如此妻杜氏生子三曰志泗志潤志涵志泗爲邑諸
生志涵官翰林院庶吉士日炳以子貴贈如其階云

陳師尹有卓行士類仰之以責任教授歸迪子孫後進至老不倦
鄉人大賓者五

鄭光烈號勤菴習岐黃術每值夏秋瘧痢發施藥餌貧家延治者
多弗取藥值工楷書能詩與邑名人聯吟唱和卒年五十六

鄒琳字爲璋丁丑歲貢負性純厚竭力事親不忘慈訓三十餘年無倦意更能樂善好施凡遇公事皆願爲之倡里人美之

王希善字元衡仁厚性生友愛尤篤與兄弟析業不計多寡美惡後子姪輩有以此生疑者召之問所欲據與之孤寡來家市米悉還其值生平爲善不求人見年八十有六卒

陳希善性直四歲失怙事孀母時刻不離左右雖十家之遠必稟命而行有堂孀老而喪子捐已田以供之平日從無一字入公門隣族稱美焉

龔廷芬字桂軒十二齡失怙性孝友敦厚事母克謹素無祖業居殖致裕然不中資以分弟廷麟麟早卒產業蕩然婦矢貞遺孤

女一子二其一方襁褓芬力任供給厚恤之撫姪成立爲擇婚
嫁助貿易資又葬祖塋費皆身任不諉房族里中咸敬焉教子
及孫俱登科

謝麟字幼玉延愷右營把總性剛直有勇畧好爲詩乾隆十年匪
逆魏現寇建揆四役健兵二人夜馳往縛寇歸尋有順邑毛虎
林伯興魏匪相倚仍偕二役僞爲獵者潛通鄉之富室夥捉之
後以疾致歸倚杖優游益事於詩有古儒將風焉

包翰容慷慨好義嘗周恤戚族以田濟從兄供養治喪鄉有危嶺
崎嶇容購嶺邊田廣闢嶺路數十丈行者利之

蔡穎邑庠生孝友嫻陸有長者風父母早逝幼弟繼亡撫姪如已

子遇族內有力不能婚葬者恒勉力出資以助之至老不懈族
之人無不欽服年八十有八無疾而卒

李居敬字又簡世襲李廷平嗣生也年二十娶妻陳氏僅生一子
甫六歲而陳氏亡并自親操出入復顧族友勸其再婚以便浣
濯居敬誓不忍負惟日課兒讀不惜厚資延師長時繼襲焉卒
年八十有三

蔡奇瑞字云卜邑廩生品行端方弱冠失怙事孀母維謹出告反
面族黨以爲難家貧嗜學三科房薦不售遂絕意功名與其
徒講明心性參而忘倦兩廡沙尤從游者多獲雋以去卒之日
棧亭官太史有窺年值備心識已傳世彬彬業有餘之句哭之

謝純鏞字聯春乾隆丁酉歲貢性孝友父麟病足有年日侍左右
進湯藥無倦容事母至八旬以上家雖貧每食必具甘脆弟純
欽少年登第歿於漳平扶柩歸里爲之營葬時弟妻少女幼皆
賴其全節而長成之生平爲人正直嗜讀書工詩文並精於岐
黃入泮以來屢試高等數薦鄉闈而卒不售邑人惜之

民國續增

盧天富世業農父仲生嗜酒醉後常至傾跌見父時飲戚友家盡
日歇工趨伺扶持父醉常背負而歸歷久不懈家貧力耕以具
酒脯而能承順顏色無所違拂雖勞不怨人以爲難能

蔡夢熊字思昂號渭濱邑之西芹人也三歲失怙停殯未葬伯兄

又不幸早殤母子相依伶仃孤苦及壯克自樹立始葬父殯事
母奉命唯謹出告反面晨夕就讀不忍母氏操勞遂輟學納粟
入國子監營商以給甘旨事母四十餘年先意承志常博母懽
母疾侍寢床側衣不解帶者數旬因研究醫書以調藥餌故母
年老而健壽至七十有八以母節請旌奉建坊入祠及歿哭
泣盡哀喪祭備禮性爽直見不平輒義形於色爲人任患解紛
必忠必信人皆服人鄉鄰搆爭因其勸導而息訟者不可勝道
堂兄思白舉充光澤鹽商幾至破產賴其維持三年得退辦省
紳郭伯蔭稱之曰不惟手足而且腹心咸暨年間匪亂日棘當
道舉公爲聯甲總董公不辭勞瘁地方獲安八年冬候補道陳

公維漢奉命率廣勇戍芹圃匪諸事悉詢諸公公訪察周悉精
白乃心於是擒誅拾惡獲匪二十餘人而宥其初犯得以全活
者多自後觀察夏公家秦郡守趙公均舉辦聯甲咸以公正目
之公精岐黃晨起遍診病者而後食出門以次往診寒暑無間
概不受酬而着手立愈至今猶有寶其方者當順昌失守浮尸
蔽江而下公見之惻然邀諸同好捐金雇舟撈辨百數十具於
江滸因置義山造義塚市訖歲當年收瘞之骨復購田立施棺
社以收路殣至今賴之他如修祖墓建宗祠置義渡修橋梁結
惜字會皆公身爲之信公年花甲有術家言先葬地未吉卒遇
明師指授吉壤得改葬焉公喜曰吾今爲人子事畢矣公後諸

孫科名鵠起人皆以爲公之積德所致云

陳彥菁字鶴莊咸豐癸丑恩貢母早卒事父及繼母以孝二弟皆繼母所生曲體親心式好无尤甘貧少分以教讀爲業咸豐年間入局襄辦團聯事觀察以其貧也議給薪水堅辭不受時髮亂未平籌餉孔急上降命員紳往鄉派捐辭不獲乃往樟湖坂鄉量力勸輸獨無所私人皆義之

林茂年字介堂光緒辛巳恩貢事父母孝友於兄弟弟有子三女二乃親訓猶子均入庠迎養堂嬖及奉寡嫂溫恤周至其子女皆爲婚配名門戚黨咸稱頌焉嘗董育嬰深憫無告悉心稽察保全者多設帳四十一年講說不倦令人易曉及門入泮者者

六十餘人均訓以立品爲先而從容和氣令人可親一望而知其爲有德者焉

盧廷元字傳貴號梅峰孝友誠樸人也爲邑增生年七十一鄉舉介賓幼曾讀書家賢輟學而耕父爲豪奴所欺赴田呼令轉家就讀力學三年入邑庠時已二十八歲矣卒能發憤以慰父志友愛昆弟雍睦一堂爲鄉里所稱凡族人有相爭者公出數言而解王臺庠生黃大暉聘於家教讀循循善誘生徒日衆皆入邑庠歷四十餘年館穀其家尤足令人欽佩年六十九鄉衆聘爲義塾師而王臺紳學商農各界衣冠濟濟沿途餞送者數十人極一時之盛越三年一日自著衣冠坐中庭囑咐後人無疾

而逝云

李鍾英大歷口人專親孝順愉色婉容能適親意人無間言加以恤孤憐貧好行其德見稱鄉黨壽至七十一歲而卒

陳南松大洋汾人爲人仗義好施篤於家族待寡嫂孤姪食用必周雖早分爨視如同居族人稱焉

鄭良彬字孝起以子元楨登進士封贈中憲大夫少時以家貧棄儒就賈志行獨高不儕流俗性孝友父早逝事母先意承志母性嚴急於公訓督尤峻公則屏氣愉色多方仰體以母違爲要兄弟三人各營生業公少獲贏餘分餉兩伯兄無畛域迎母獨養養殮必具甘旨而自奉則甘粗糲營業餘閒常隨侍左右仰

承色笑數十年如一日生平髮膚身體愛護無毀傷蓋以親心
爲心天性純篤爲庸常所難及其他義舉如修路施棺恤寒賤
濟親族孜孜爲之不遺餘力宜其子孫騰達食報無窮民國七
年 大總統鈔發匾曰孝友兼著

謝廷錫字用蕃邑庠生年十三失怙母陳氏守節撫孤幼以力學
繼父志先生聞命悲愴矢志讀書以弱冠補弟子員而家計不
充兼營商業時值髮亂出爲地方効力防務上憲獎其勞績奏
保浙江縣丞加六品銜因母老不遠宦游母性嚴明有疑難事
輒稟命而行事之垂五十年意盡願承出告反面衣歸必抵母
寢詢寒煖饑飽而後卽安有疾晝夜環侍進湯藥細察形體稍

愈則喜否則跼踖終夜或衣不解帶者兼旬每食必具甘旨佐以茶點友愛胞妹憐其體羸多病默禱以慰母心母壽八十有五事之終無倦怠喪葬盡禮爲母節請旌建石坊東郊費千金不吝當道重其品望舉爲保甲局董才識明亮地方利弊知無不言方壽七旬時王學使以孝思不匱匾額旌之邑紳僉贈以聯云孺慕矢終身念冰蘖劬勞先意承顏色笑成根至性文宗褒一字婉春秋純孝行修名立精神益壯稀齡人以爲不愧其詞云

廖漣清字冰如邑之溪口人也家貧苦讀躬自耕樵以養父母及壯入邑庠猶灌園種菜而刻意爲文光緒丁丑孫宗師亟賞之

錄取一等第二食餼是時父母年俱邁老父有煙癆竭資以市
無令匱乏毫無吝怨見於言色授徒齋舍無間寒暑必歸以省
親束修淡泊又多子累惟恐以烟食不繼傷親心母患目疾失
明自與兒以舌舐之數月復明二老有小恙輒衣不解帶終夜
服事一日母疾已愈齋宿於祠館其子昭忠因孩疾取藥館內
夜半雪甚見其父和衣臥椅上問以何不就枕答曰吾母疾雖
得汝奉事吾安能安心偃息乎可見其心常在親也父壽至九
十五母壽至九十喪葬盡禮哀痛迫切每遇忌日猶思慕哀號
如親沒時生平孝養見稱鄰里亦可謂能用力者歟

曾延祚字壽榮世居城內天性柔順昆季五人延祚最少常得父

母心父母亦憐愛之。父性躁急，能曲意承順。父年老，好靜棄家齋居。呂祖宮延祚，嘗引以爲憫，不能朝夕奉養。然每旬日必須饋食，省視後終於家。母年七十，善飲，每日必沽以待。一日疾甚，服藥罔效，延祚私禱於神，願以身代。私搥臂血和藥以進之，母疾始痊，秘不敢言。人罕知之。母壽延至八十二而亡，其孝心感神有如此者。

張文洛字獻書，父祖爲善事，孀母以孝稱，家無遺產。生子七，游庠者五。文洛序居六，幼年失怙，母吳氏訓從，諸兄讀聰穎過人。入邑庠，食餼時諸兄相繼早逝。三兄文漱爲郡廩，生力持家政，食指日繁，負累不資，節次收束，既竭心力，念兄勞苦，潛心力學，授

徒家塾所得束脩月課盡以助兄爲理光緒初文湫以恩貢成
均數年復逝囑曰吾父孝兄友爾所當念今我將亡願弟體父
兄遺志無分爨善視諸姪吾願畢矣是時一家三十餘口姪未
娶者五女未嫁者三教養艱娶不勝况瘁恐辱兄命復習岐黃
書則診脈不暇夜則批改文藝至漏盡和衣而寢待人殷勤闢
不獨於門弟子爲然工書法鄉試三房薦一堂備自三兄歿後
家政獨力肩之前人遺累復能籌償地方善舉靡不提倡處兄
弟間怡怡笑語如賓友故張氏孝友家風爲一時冠人無間然
陳厚熙字洽春幼失怙家貧母施氏茹苦守節昆季五人熙居三
八歲就讀後營商及壯娶王氏相得甚懽撤妝奩以助資本而

業始大念延城爲兩溪衝木排利可居與四弟協力營業時諸昆季各散居母年邁以諸子不得團聚爲憾熙輒慰母曰供養兒力能給何必累諸子室王氏亦賢順能適母意及獲利頗巨欲酬母言乃購龍鼎坊大屋修造千餘金盡以公諸昆季擇日五室喬遷母甫入門懽然笑謂曰非汝安得有此今日五子同處乎爾於父母兄弟可謂盡心矣復爲兄弟娶室姪娶婦不以利財自惜母歿喪葬獨力任之畀各昆弟以田四弟亡憫其勞獨畀其子三百畝有少弟浪取店金數百母聞愠甚王氏陰告夫可權詞以對無令老人氣熙見母曰他人言不足信弟何至是非孝友素存能如是乎生平待人忠厚雅有度量戚族間有

困迫事盡力周恤緩急相通遇諸善舉慷慨捐助而孺人性尤好施每歲暮以米餽貧乏諸親族多少視其食指窘者加以錢歷年不斷翁晚擁多資不汨汨於利遂休業家居構廣廈日與耆舊會延師課子長德元四德章俱入庠翁心喜之人以爲善行所致云

鄭元塋字善華號子厚天性孝友幼失怙生母楊淑人矢志守節寒燈課子閭里稱賢塋與弟元勳元植元沂讀志甚堅嗣因境困難繼習賈業乃一意培植諸弟日中爲市晨夕仍率諸弟讀爲勵志之倡獨任家務雖拮據難支終歲膏伙無少缺復爲諸弟成室家以償節母抱孫之願平生廉正無私蓄同居怡怡卽

一箸一酌之微必與諸弟共之弟元勳補邑增生長延平中學
校善施教育季弟元楨登進士出宰廣東龍門堃常勗以手書
謂承先德崛起當作好官以慰民望母歿喪葬盡哀如禮民國
七年蒙 大總統賜鄉爲稱弟匾額入咸以題褒允當焉

1924

列女傳第二十九

夫繁霜既降彰後凋於貞松疾風加嚴志不屈於勁草匪惟古子抑亦婦人然則易筮女貞詩歌誓死清芬載馳香名永劭矣雖順逆殊遇而恭懿同軌倘其從容禮闈笄珈永偕舅姑歡奉乎特豚珉璜式節其步矩佐讀糠粃挑燈帶斷梁鴻有妻文伯有母既昭婦則亦擅母儀故於篇首冠以名媛亦以處順者夥而稱賢者寡以以楷模廣程巾岫至於羅幃既卷素幃泣寒非鐵石之宅衷詎胭脂之頓屏然或眷戀難遺勲翹烏哺持熊丸而有憑亦鸞鏡之任空矣其有瑋瓦未卜鴛鴦早分又素壁之徒居竟霜操之不改誰謂荼苦其甘如薺允宜懸諸日月襮氣鬚眉矣然此猶夫婦之恩深而結髮之盟重也

至若十年甫字百兩待歸尙遲鳳飛倏爾鳧寡即使志於改絃誰復
責以膠柱而乃完其太璞守其大素祇婚書堅於鐵券重一諾逾於
千金蓋堅奇性生匪因教至宣之內則不可以廉頑立懦乎宋明以
前尙矣自有清至於民國初年以貞烈節孝著錄者六百五十八氏
遂乃次第著之於篇

列女

名媛

宋

羅令人宋左司郎中張維妻沙縣人生二十有二年歸維事姑羅
恭人以孝謹聞姑愛之如己女維故貧初仕將遣其女弟而無
資羅悉出橐中裝以奉之無吝色事維二兄日暮率諸幼稚以
次問起居無一日闕禮子姪就學歸沐輒具湯餅會諸娣姒男
女語次從容問所學業勞勉諸姪以勵其子油油如也姑嘗疾
氏靜夜露香致禱願捐己壽以延姑年如是者數月姑疾頓愈
後三年氏卒姑哭之慟至老念之不能忘與人言必稱其孝至

明

於泣下氏儉約謙下好禮法有識度嫁時篋中黪色絺衣忌日
輒被以奉祭稱慰如儀常所服禮衣橫幘如民間法或告以張
公且通朝籍盍改用命服氏曰此非拜恩何敢服也卒以禮終
朱氏名多穌字長林江藩石城王孫拱棧女林有棉妻幼習詩書
長能文字遍覽諸內府六藝之科雌黃三校自謂女子居質柔
非綫蹊鍼孔槩鉛不了自甘茭鄙如非心志高古聰善烝澄雖
有姬姜出諸孔孟吾未見等員殊方智鑰一操也善夫宋若昭
曰女子而修文尙武非關輔弼功自是無爲化言此道初不因
誘掖蓋自達固耳與夫姬婦黃氏唱酬有風流誰得似廣殿說

逢迎之句可以想其意趣

黃氏名唯字無違林翔鵠妻沙縣孝廉黃幼山孫女幼山善詩畫
氏性娟慧學其筆墨惟肖嘗作女三字經又以蘇氏瓊璇圖包
宇宙精英括人情機巧特爲屬和兼標原圖讀法諸母朱氏爲
點定作序崇禎癸酉元旦語家人曰我夢太元夫人召我往會
於上元前一日果如其言而脫所著有汝梅閣集曾孫昌麟刻
於瑞雀樓

清

某氏黃臺溪後人姑先沒事舅惟謹家貧饗餐取辦臨時一日晨
炊無米舅坐臥小樓食頃寂然問曰飯熟未孝婦婉詞以應已

浙米矣更緩須臾其實夫出易米尙未歸也恐傷舅心慈火
炊飯卽此委婉其平日之孝養可知矣

陳氏廩生應廷對妻廷對生三歲而孤母謝氏教之成立陳德性
幽閒庭內有如賓之日常以艱劬勸夫置妾廷對不忍也陳曰
君年逾壯不亟圖嗣續負吾姑矣乃出奩資屬夫門人張在魯
於會城選宜男女子得吳氏歸待之如姊逾年舉子掄魁陳保
抱提攜甚於己出妻妾相得終身無間言

應氏盧端樹妻年十七于歸其時舅姑無恙氏事之唯謹越三年
夫卒舅續娶張氏甫五年張氏得癱瘓疾手足不能持行應氏
晨起爲張梳洗畢乃操井臼奉餐則飫之起臥則抱持之日率

如常至張卒氏事之八年矣且舅老體羸多疾子烘幼勞瘁無少勗氏委曲畢備無難色年未五十而卒

朱氏魏朝恕妻自幼婉婉及適魏赤貧處之自若姑年邁多病護侍無難色一日姑病篤思食肉氏以已買慰之實無錢買也乃割股以進姑疾亦漸愈里人傳其事有聞而泣下者年五十有六卒

劉氏譚麟妻歲貢純鏞進士純欽母也年十六歸麟麟以武職出防氏持家教子成立口事堂上內外賢之幼能詩未以示人至四十時有隨雨隨風到白頭之句年八十有五人以爲詩語之驗云

貞烈

宋

小常村婦失其姓名農民妻叛卒楊勅寇亂道出小常村劫掠執婦欲污之死不從遂遇害棄屍道傍賊退人爲收瘞屍所枕藉處其迹宛然不滅每雨則乾晴則濕削去則復見覆以他土其跡愈明

明

縻氏延平衛戎籍仲華女名曹婢早失怙恃依父妹居年十九許聘王文珍正統十三年未嬪而珍卒越三日知珍將葬柩必過其門取受聘衣飾之屬付所依者乃沐浴更衣登樓隙中目送

其喪過卽自縊邑人尙書劉璋輓以詩郡守孫衍通判金蘭各相與倡和美之舊志謂爲女中卓行

劉璋詩

玉顏未嫁痛夫亡潛上高樓日送喪淚灑西風輕一死芳名直與日爭光

徐氏黃瓊妻名冬使少艾適瓊蕩子也欲鬻徐於富商徐涕泣不從曰卽見逼有死耳富商駭愕而去瓊又誘惡少娶之徐度不能脫奔母家與訣母曰若夫誠無賴惡少固不足託豈無他匹乎何自苦爲徐不聽悞惋歸其室是夕自縊死嘉靖十七年知縣伍偉上其事郡守裴椿爲之斂葬題其墓曰貞節

林氏郭茂賢妻嘉靖四十年爲流賊所擄欲污之唾罵不從賊以刀斷其舌猶罵不絕四肢解而死儻極慘酷

黃氏林鳴鳳妻名怡姐天竺里人嘉靖壬戌流賊猝至氏年十七扶其姑出走爲賊所獲氏以頭搶地鮮血迸流不得死執至高樓卽奮身墜樓下死賊退夫收其屍時已七日矣顏色如生

無名氏不知何許人某歲水暴漲女偕母附水漂流由建溪達延津舟子援焉悅其美欲污之堅執不從乃溺其母以駭女女亦急赴水以死事詳羅明祖貞女賦

吳八姑鏹女甫及笄許字某未婚而卒終身守節

葉金姑蓼地里人文足女有兄八人遭明初世亂諸兄離散八兄

孔明抽當潼關軍金姑義不忍嫁與孀嫂相守年七十七以貞女終

清

朱氏施二酉妻善事舅姑婉婉將順家人皆稱其孝二酉業儒有潔癖烈婦事之唯謹卒無忤色順治戊子春郭天才兵入古田擄掠二酉夫婦逃竄相失烈婦爲賊所獲欲污之烈婦不從賊怒而殺之二酉踉蹌奔覓見其手握裙帶猶堅也亦痛哭罵賊而死

張氏桔溪吳華壽妻順治己丑山寇肆虐遷喬諸鄉華壽病不能逃縊死廠中張氏見夫自縊恐爲賊辱投縵夫側賊見之亦稱

清

卷十一

列女傳第廿九

下

烈氏南平訓導張應麟之女閩清人

魏氏生員李光啓妻啓避賊出走氏爲賊執誓不受污賊刃交下
遂見殺

管氏性貞淑配李某終年遊蕩衣食不繼久而貧窶益甚遷徙無
定遂有餌以錢帛而思穿屋墉者氏厲色正容以拒之不得已
歸依母兄李以貧故屢欲嫁氏以苟活甚或強以不堪氏皆堅
決不從後見夫性行終不悛改一日辰起盥櫛如常從容自刎
合郡人士或爲立傳或作歌詩事在康熙四十七年閏三月十

七日鳳山之母

梅氏名桂第邑人梅雲彩之女幼喪母年十九許配丁鴻緒未嫁

而鴻緒卒氏思既受其聘卽爲丁家婦矣何忍再適他姓俟父
外出卽毅然自縊雲彩奔救無及矣嗚諸府縣嘉其節烈准送
入九烈祠

章氏蓮妹儒童陳宏謨妻結褵一載而宏謨卒氏亦投繯從殉附
祀九烈祠

鄭氏克有女年十七適洋洧村林志光末期志光歿婦痛事夫之
日短而身爲未亡人不忍遂閉戶自經家人驚救不能活乃納
含佩一腕獨失其釧及殯志光釧在臂蓋氏矢同穴早撫尸而
約之矣事矣在乾隆十七年七月十五日

廬氏寶龜山世英女年十六適峽陽梁某次子思顯年幼翁令獨

宿爲新臺之要氏弗從一日弟往省視氏脫首飾付曰汝善啓
母見物如見女弟歸遂自縊

蔡氏尤邑芝田蔡禹積之女字潭湖坂陳道貢未婚而道貢沒氏
年十五聞訃自經氏母胡送屍夫家同殯葬焉

王氏庠生鄧法天妾氏年二十歸於鄧相從五載法天疾卒誓不
獨生念嫡孀守隱忍相依閱三載嫡又卒氏營喪既畢遂投縊
自盡

李氏正黃旗延平知府周元文子兆熊之妻事上孝待下慈夫亡
日夜哭不絕聲擇日移夫棺郭外托言晝寢從容易服閉門自

縊

陳氏張昌雲妻年二十三夫亡殯殮畢遂歸房自縊人稱其烈

施氏折竹魏武燦妻年二十而燦亡僅遺一子氏哀痛迫切誓不欲生時親族有勸以保身撫孤爲重氏不答及夫殯殮畢閉門自盡人咸稱其從容就義云

吳氏瑩王臺廩生吳宮曠女許字林思廣請期矣廣病疽卒瑩年十七聞訃不欲生家守護焉瑩乃黝妝毀容獨居一樓與厩廩相對朝夕望而墮淚見父母未嘗有戚容數遣弟問姑安如是者二十年姑命之歸恪恭婦職得姑歡心閱今又七載君子以爲難焉時嘉慶十三年

衛後坊民人某妻未婚夫其姓氏五歲抱養夫家舅姑早世其夫

游蕩無以存活逼之改嫁顛連撻楚堅執不從未合番以餓終
年十有五嘉慶十一年事咸豐九年彙請咨題

彭氏儒士李壽臣妻李疾卒氏服毒自盡與夫同時殯道光緒元
年彙請咨題

張氏大坦鄉生員陳國松妻咸豐九年恩科松鄉試回梓卒於舟
氏以火藥自焚死衣裳膚髮全不毀傷學憲徐以寒水貞石匾
額獎之已請咨題

黃氏太平鄉儒士張光才妻年十九歸才踰年才故後夫喪六旬
後痛哭三日房中自盡時道光二十八年八月二十五日也經
保元社報請咨題光緒十九年十二月十八日同陳烈婦奉勅

旌表建坊入祠

許氏儒士何上桐妻年二十桐故欲殉烈繼母守之與同寢至首七夜扼吭而卒時臘月廿六也

朱氏餘東生員陳守詳妻詳病痔兼嘔血事之維謹詳故七七後營葬遂自縊時氏年二十八歲

民國

郭氏鳩源鄉生員陳式蕙妻也同治三年蕙初入泮年方十四氏與同庚適定聘而未完婚不料蕙成名隨卒氏聞訃痛不欲生告父愿赴陳門守節族備輿迎接至家壑守靈自後深閨不出節凜冰霜親族罕見以姪為嗣其節烈出於天性云卒

年六十一

魯氏武生盧心成妻二十六歲守節嗣因子夭受姑凌辱恐夫之
異母逼嫁遂自盡而死時年三十二

蕭氏安豐橋民人劉世才之妻馬站雞公隴蕭道川之女幼配與
才至十七歲清光緒二十四年七月歸寧於十六夜突遇匪攻
女力拒姦被刺而亡情甚慘烈詳奉督憲核准附祀節烈祠以
伸幽憤

高氏民人蕭德金之妻道川之媳翁家雞公隴地僻光緒二十四
年七月十六夜遭匪徒數人攻劫入連斃八命氏方寢覺拒匪
逼姦被刺身亡時年二十歲僅遺幼子一人獲匪正法案結蒙

縣詳奉督憲核准移學附祀節烈祠以伸幽憤

節孝

宋

朱氏晦翁姪女楊守誠妻年二十六夫逝遺孤六尺誓不改適貞靜自守卒年八十四隆武丙戌以節聞錢按院旌之

明

翁氏贈工部尙書劉通妻尙書璋母也幼嫻內則歸劉以孝謹聞年二十九通卒長孤旭方髫齡次璋在襁緥翁辛勤紡績教育二孤脫簪珥遺之入學郡守雷誠欲上其行辭曰守節婦之恒豈願有聞卒後八年而璋第進士游志節志皆作翁氏郡志

作愈非是

何氏名妙玉劉雄妻年十八歸甫三月雄詣京襲父囑指揮秩卒
於邸訃聞守節自誓閉門事女紅養姑姑卒殯葬以禮煢煢乎
子立持身益嚴足未嘗出戶限雖親屬隣婦罕見其面鄉人咸
重其節

劉璋詩

良人早云歿茹苦世間無家將誰託姑衰只自扶
乾坤雙鬢短風雨一燈孤萬古綱常繫人憐孝節俱

葉氏黃勝寶妻寶疾亟語曰修短命也第親老子幼汝能守瞑目
矣氏曰敢忘君言時年二十五勵志守節事老育孤以孝節名
卒年七十一兵部尚書孫原貞節鎮八閩輓以詩有想見地下

夫無愧生前好之句

梁氏延平衛指揮僉事張瑄妻瑄病篤梁方娠三月仰天誓曰縱非男嗣此生決不作他人婦瑄歿梁年二十七卒如其言生子勝襲父職梁年六十餘卒

林氏國子生歐澗妻宿州學正金梁母梁生甫期澗卒林年十八誓志靡他撫孤終身精白無愧推官徐階爲序旌之

林氏王鼎妻年十八適鼎生一女而夫卒年甫二十一舅姑早逝家貧林勤苦撫夫弟南函如子遺讀書俾克成立年五十一以節終郡同知吳彥親弟其家匾旌之

薛氏楊文厚妻名玉蓮年十七適楊末期楊卒遺娠七月及生子

南 卷 十一
赦父母欲易其志氏斷右鬢自明朝夕紡績撫子成立孀居四
十年內外賢之年五十六卒嘉靖元年詔修先朝大典部使上
其事

游氏吳節妻年十八適吾生二子年二十三而夫亡言不踰閭事
翁姑以孝撫二孤以慈勵生苦節人無間言卒年六十五

魏氏張倪瑤妻年十九適張生二子年二十七瑤卒二孤相繼歿
卒不奪其志年五十而終

吳氏痒生陳瑞妻年十九夫亡舅姑憐其無子諭以他適吳誓死
苦守垂五十年七十一歲卒巡按上其事詔建坊旌之

任氏廖詩妻年二十六詩卒越五月生遺腹子度氏事姑孝撫育

慈鄉里稱之卒年六十督學胡公匾其門曰貞節

省志作順昌人

李氏庠生蕭元春妻梅東里人春故年十九一子在襁褓苦心字之始終完節按察使姜公御史樊公匾旌之

何氏楊大夏妻年二十三夏卒遺三子長道東次道泰皆在襁褓三子道浩遺腹未生苦志孀守道東道浩俱入膠庠卒年六十有九

黃氏庠生楊繼祖妻羅源里人年十八適繼祖未幾周卒遺孤甫九月復殤氏慟幾絕姑曰天奪吾子復奪吾孫吾與汝相依爲命汝死如老嫗何黃悟乃止茹苦事姑年八十二卒督學姜公御史樊公徐公陳公皆旌其門

李氏謝元學妻年十八生一子夫死貧不能殮姑欲火葬李泣求
備緘以營窆空又諷以再醮李曰所以不死殉夫者爲孤也卒
不改操至七旬終

李氏名秋菊何繼文妻年十六適何三載夫卒無嗣以姑垂白忍
死奉之夫弟八歲拊育稍長付以家業撫其次子邦裕爲嗣以
節終

潘氏謝允敬妻早寡兒方襁褓苦守至長娶婦楊氏生孫而男又
歿姑媳雙守皆完其節

張氏諸生葉韓榛妻年二十一夫亡子復不育氏苦節四十餘年
卒年七十一

楊氏庠生謝其勳妻年二十勳卒孝事孀姑撫育稚子昌應閨儀
謹恪內外賢之

謝氏楊德裕妻年二十四夫亡冰霜自勵事舅姑盡禮勤課二子
之珩之璜幼入黌宮長模多士年七十有一而卒

曹氏徐璉妻年二十璉歿矢志守孤終身不改其操

張氏徐良翰妻年十八良翰歿氏守節至八旬終

鄭氏王台黃萬竹妻年十六作婦二十四歲喪夫僅生一子教子
有違母之賢事姑等盧姬之孝享壽八十有一含笑而終歷苦
五十七年竟如一日至今鄉里猶榮道之

盧氏黃方巖妻年二十夫歿遺腹九月生男一竹與姑鄭氏冰節

同勵人稱雙節氏性樂施修堤岸於城門灘以便船行釘一升
於附內以讓佃穀又捐修官路自李公橋至樟槎口行人便之

李氏黃金騰妻年二十四孀居子甫四齡淡泊勵志撫孤成立四
十九年霜操如一

謝氏十七歲爲徐日環妾僅兩月日環客死於外氏遺腹生男苦
志堅守事孀鄧氏維謹共撫遺孤年至六十而卒

張氏徐聯英妻年二十七而聯英故遺腹生子茹荼撫育年七十
潔清愈勵

楊鍾對詩

水鏡芳標絕塵三千八百擬麟胸身甘槁木寧云醜口嚼清
霜豈厭皮五夜驚孤筠節勁七旬璧映柏舟斬和熊豈獲遺麻

遺趾定振
振羨玉麟

王氏黃西峰繼室年二十四喪夫撫養二孤一體優恤守節終身
施氏大芹山人年十五爲吳至善副室十八歲至善疾篤自度不
起時施娠三月至善指謂妻張氏曰我不幸施氏身後事不可
知且年茂任彼自爲計至善歿遺腹生男倪宣施自矢曰夫歿
生男志操愈勵嫺戚罕見其面年六十而卒以妾而年少守節
蓋尤所難

陳氏吳朝安妻年二十四而夫歿舅姑囑氏弟告以無子難守當
自爲計陳曰一夫一婦人之常也縱然無子決無他適遂潛居
一室早夜紡績以自給

徐門四節婦林氏徐大壯妻王氏徐雲鵠妻魏氏徐九章妻黃氏
徐之楫妻林與王魏皆年二十黃年二十二早歲相繼喪夫家
無儲積又乏偉嗣媿妯矢死不二績麻舂糧以守其志遭逾苦
而節逾堅林魏卒年七十餘黃亦六旬有奇惟王僅五旬餘耳
魏氏邠權妻年二十于歸八年喪其君子姑老子幼矢志孀守迨
孤有室中道云徂養育幼孫備常困苦卒年七十有六
謝氏秀娘年十九適鄧賢三載賢歿生子旭方二歲誓節撫之中
年沙寇擾攘躬負孤兒奔竄備歷艱辛年六十七完節以卒
林氏壽巖里高詩通巖守節崇禎十三年旌表建坊於門

清

江氏汪綸妻年二十二而寡子烈甫四歲母憐其貧勸他適不從
守節撫孤年七十有餘人罕見其面巡按朱邑侯姜交區其廬
盧氏何蒼霖妻霖死處方有娠時當鼎革萑苻竊發逃匿山中茹
草乳孤逾月寇靖始克還家以節終

王氏朱應曦妻年二十五夫歿翁姑在堂三子皆襁褓氏茹荼養
育歷三十餘年冰霜不改

謝氏蘭妹盧晉錫妻年十四于歸生二子而夫死謝方二十二歲
伯叔咸以改嫁勸哭告其父長吉曰所欲女嫁者爲婿產耳盍
盡賣之母生伯叔心其志益堅衆不能奪康熙四十六年卒年
八十四矣

吳氏鄒國恩妻孝廉儀周庠生儀謨之母恩亡周謨俱幼氏紡績奉姑篝燈教子康熙戊子儀周登科氏對姑則強開顏獨處而涕交臆明年姑歿氏哀毀號慟水漿不入口七日卒事聞建坊旌表

張氏庠生王武妻初武艱嗣三爲納妾武死僅妾遺子二妾皆他適氏守節鞠孤三十年如一日

葉氏俞大訓妻名保卿年二十一夫故守節事姑教子卒完其節巡按崔旌獎之

張氏庠生俞大本妻本故子士旂生未週姑且老氏斷髮矢志擇師教子後旂列邑庠順治丙申巡按朱上其事建坊旌表

黃氏萬應潮妻年十八夫亡足不踰閭年八十八以節終

賴氏生員練錦標妻有婦德夫素輕氏氏不爲戚年十八夫卒無子以節聞壽至九十而終

黃氏朱運熙妻適熙生子智臨九月而熙故氏年二十堅守苦節孝事庶姑年未老鵠形雞骨起居需人其媳孝事之後子智臨遊庠

朱氏楊其芳妻年二十二夫亡子繼辛甘貧苦守撫孫成立

陳氏魏雲鼎妻適鼎生子香世甫在襁褓鼎病革謂氏曰汝少孤幼守否自裁氏痛不欲生矢志弗二夜勤紡績課子讀書人稱賢節

駱氏庠生徐一德妻夫喪艱辛撫孤卒底成立壽七十三

陳氏練縉妻年二十夫亡氏栢舟自矢中年子復殤節操愈勵孝事舅姑始終不移年七十有三

徐氏庠生何仕雲之母年二十四夫亡勵志守節課子成名

陳氏王錫璋妻夫亡時年二十五子幼辛勤守節拮据撫孤五十載不以家貧萌異志郡守范公光陽旌之曰巾幗鬚眉卒年八十

嚴氏尤溪進士嚴自恭女年十六歸邱易甫三載易卒無子以夫弟之子爲後苦節自勵年五十四全節以終

葉氏黃成基妻年二十夫亡遺腹三月撫孤成立三十年如一日

黃氏生員林隨妻年十八歸林生二子而隨卒氏矢志冰清孀居

四十年完節而終知縣許廷璠詳請旌表建坊

魏氏王之瀚妻未婚瀚死守節以終

上官氏黃載璣妻年二十三喪夫守節撫孤卒年八十有四

邱氏官子安妻年二十四子安故生一女並遺腹女而二甘貧守

志上奉舅姑年至七十二卒宗族稱之

謝氏楊倫嬰妻二十四歲孀居撫孤清新卒年六十有六

張氏馮順我妻羅源里人年二十二夫往鄉遇賊見害一子在

襁褓舅姑垂白氏制淚養育年七十卒郡守蕭公題其棹楔

駱氏慶娘黃偉夫妻庠生黃詮母年二十四夫亡詮尙穉氏誓不

改節卒年八十二郡守范旌曰節凜冰霜

郭氏應蒲蚊年二十四夫亡遺腹七月氏凜冰操撫養孤兒以節壽終

葉氏曹廷燮妻庠生曹邦英媳也適曹甫期而夫卒生子朝舞撫孤苦守舅姑垂白家貧備織以養年至六十

王氏寶龜山盧又煥妻年十七適盧家貧孝事舅姑年二十三夫故生子德姚方六歲遺腹生德春勤苦紡績族人罕見其面卒年六十一

官氏桂英監生盧定槐妻年十八適定槐生子政明年定槐故氏斷髮毀容誓不二適舅卒氏嘗簪珥殯殮姑嘗病目氏舐復明

家遭回祿冒火抱姑出避右股爲火所焮孀居四十二載里黨賢之

官氏淑貞年十八適盧匡佑六年而佑故家徒四壁女紅以養公姑歿則盡禮極哀竭蹶摩畫以葬三柩年七十一卒計其苦節蓋歷四十六年三歲撫子亨遠教以克家

林氏年十六適駱繼生三十歲而夫亡家貧徹骨二子俱稚氏績麻度日破屋臨街不蔽風雨人莫得窺其面有富人聞其德思娶之氏曰改節豈人所爲耶愈深自匿五十六歲以節終

練氏庠生金大有妻年二十九夫故撫一男二女上奉舅姑朝夕不怠代父兼師子華燻遊泮氏六十三齡卒

嚴氏太學生班如機妻十九于歸二十有八而寡星霜三十易節

孝兼盡

胡氏陳生鄭國鑑妻年二十四鑑卒守志立姪鄭文滔爲嗣年方

週歲氏撫育成人三十年冰操不改

余氏陳恩光妻年十九喪夫嗣子大坤終身守節年八十五卒

馮氏陳璋馨妻年二十一夫亡無子孀居二十歲中間立嗣多故

資志以終鄉黨哀之

施氏陳廷延妻年二十五喪夫家貧無嗣誓不改巡撫周上其事

建坊旌表

張氏王臺吳振公妻年二十七夫故撫其遺孤夢元年七十八卒

松筠節操歷五十一年無改柯易葉之日

林氏王臺黃文適妻年二十二夫故無子茹荼立嗣年六十一完節以終

黃氏梅西庠生盧荊州妻年十九歸盧老姑疾勉夫深夜淪茗沸湯以進姑疾終歲不起氏侍湯藥扶持不離二十四歲夫歿遺孤三齡孝養鞠育垂四十餘年卒完所志

黃氏盧怡孫妻十八合卺二十而寡遺三月腹成以改適爲勸氏剪髮自誓彌月生子撫以有成年六十二乃卒

余氏右營把總盧王有妻年二十四王有奉檄隨征順昌賊虜天章過勞而卒遺一幼子年至二十餘亦夭折氏二女相依饑寒

苦節年七十而卒

嚴氏黃衡英妻年二十四英亡堅貞自矢至六十操績麻自給備
歷艱辛年六十六終

張氏將弟年十四適官宜顯生子文茂八歲宜顯歿張氏二十三
歲貞靜守節至乾隆二十六年年七十一終

徐氏鄒延經繼室生二子年二十四夫亡矢節堅守孝事翁姑鞠
子成立卒五十有七

葉氏秀吳墩監生高翔之母生翔數月而寡氏年少倚父家守節
翔長携歸夫族足不出閫年五十卒

祖氏三連塹庠生張名世祖母早寡守節備歷艱苦乾隆 年

旌表

黃氏王臺蔡敬山妻蔡亡氏年二十六事瘋疾姑二十餘年曲盡婦禮撫育幼孤家貧勤紡資生里稱善焉

林氏鄧長和妻生一子六歲而夫歿氏年二十四苦節撫孤終日紡績以節終

朱氏小瀛洲葉端然妻年十八而寡撫子一女一誓不再嫁事繼姑惟謹姑歿尙遺幼孤氏乳哺之卒年七十四

余氏王臺謝士仲妻夫故時三十歲撫子守節里無間言

范氏王臺黃文光繼室生二子年二十六夫亡矢志貞潔自克持家邑侯許廷璠以松筠節操旌之

姜氏王臺黃慕周繼室年二十六失夫姜秉性方正母儀端肅治家有法內外肅然

朱氏庠生鄭彬儒妻生二女無子年二十二夫卒誓不適人夫弟勸其再醮遂自經家人救甦寡三十年不妄見親戚熒熒獨守苦節自甘卒年七十三

袁氏陳永立妻年二十四夫亡子五齡事孝年太姑舅姑盡婦職四十年教子勤讀入庠

羅氏杜溪林奇鑣妻年二十三夫故無子以夫兄子爲嗣撫育成立守節以終

吳氏邱敬之妻二十五夫亡生子二俱夭其母以氏年少家貧勸

改嫁不從乃以從姪之子爲己天子嗣自撫育哺之雍正十三年十月屋前失火後抵高牆氏抱嗣孫登梯號泣曰予燼不足惜但恨邱祚斬矣都閩聞之呼兵掘牆以救家資盡燼依其弟衣食難繼代人縫緝而以苦節終

鍾氏千總汪文耀妻年十八歸汪克盡婦道康熙六十年臺匪滋事文耀奉委出勦氏持家惟謹凱還後功加都司簽書氏益以力圖報効勉其夫雍正五年耀卒鍾年二十五慟不欲生念子淳方五齡溶初邁遂矢志守節夫喪葬俱鍾經畫和丸教子讀書淳弱冠食餼南屏乾隆癸酉登鄉薦鍾苦守稍懈未幾淳溶相繼歿家徒壁立淳妻林氏亦勵節凜操姑媳早夜力作鍼黹

以育諸孫督孫勤力學入泮鍾性嚴毅寡言笑孀居尤凜至晚
不褻可以法矣

江氏施又煌妻年二十二夫亡氏悲痛幾絕毀容守節凜若冰霜
葉氏陳樸成妻年二十一子陳卒氏年二十六貧窶無依姑勸改節
氏艱辛撫孤誓不二志卒完其節

李氏陳燦文妻年二十一夫死孤幼人疑其必他適也諷之氏容
不飾居不見齒邑令王大輅以堅節撫孤旌之

高氏溱下黃如光妻年十九夫卒生一子不他適凜凜有操里人
羨之

羅氏堃田張日昭妻年二十三夫故無子依夫弟撫幼女清貞完

節

鄭氏塹頭黃室臨妻年二十七孀一子四齡一女初週矢志撫孤

杜門清守

邱氏庠生姚宗周妻年二十九孀孤甫六歲次方九月事羣姑惟

謹姑歿治喪以禮教孤勤讀遊庠勵節四十年里無間言已侯

耿嘉平以節勵貞旌之

魏氏李恒邳妻年二十孀居言笑不苟足不出壺終身勵節共稱

其賢

龔氏蔡灝妻年二十一未育而寡夫兄子爲嗣旋亡氏甘守節不

越閭房外兄穎憫其志囑妻媳朝夕進膳房中卒年七十二

童氏溪頭陳維炳妻年二十一適陳方一週夫亡慟不欲生家持
護不死后五月墮腹生子永年冰操孝事舅姑撫孤成立卒年

六十

蔡氏安豐橋袁紹祖妻年二十九而寡遺孤復天立節不移卒年
五十

包氏后溪施朝梓妻年三十寡子幼有勸之醮者氏厲聲拒之嗣
后人弗敢言氏念一門無依恐遇害毀節迎其父君選相爲撫
孤內外嚴肅里無間言卒年八十二

陳氏陳純熙妻年二十八失夫子甫四齡氏翁念其貞孝予以田
穀爲鉞備資卒年八十

林氏夏古王阿尾妻年二十七夫亡辛勤守節歷三十餘年無異志卒年六十五

蔡氏胡文光妻性端嚴年二十四未育夫故哭之哀隣厭之諷以未死夫在氏聞哀益甚夫弟又詈之乃閉戶自縊父應魁覺而救避引歸家分已備田穀以養終身茹苦足不踰閭里黨咸重其節卒年六十一

朱氏張允恭妻幼家貧事姑惟謹恭喪年二十六勵志冰操撫孤成立宗族無間言年五十八卒

蔡氏邑庠林昌麟妻年三十麟卒孀居三十載內外稱之卒年六十有三雍正二年送貞烈祠祀

魏氏謝定溶妻未育而溶卒以夫弟之子繼嗣年二十有二栢舟自矢靜守深閨戚族罕有見者卒年七十七

吳氏陳治恭妻年二十三夫亡子甫四齡貞守教孤嚴肅內外素言守節非艱撫孤不易愛子孫讀書甚切甲辰年見孫遊庠曾孫生乃以壽終時年六十有三枝亭官太史曾顏義門貞樹於額且述其概以表之

黃氏朱遇春妻年十六歸朱有奩田三十餘斛生一子方四齡夫卒年二十八兄利其奩田勸他適氏曰白髮孀姑何託既而姑沒兄復勸之氏垂泣曰生爲朱室婦死作朱家鬼雖口不再餐弗他適也歸奩田於兄歷二十餘年撫孤守節以終

賴氏庠生黃見龍妻年二十一而寡哀毀欲絕誓死靡他七十三歲而終

黃氏性貞淑配陳盤秋年十七于歸時夫疾篤未成婚氏侍湯藥五十餘日而秋亡哭泣盡哀卒以節終年七十有五

官氏寶龜山盧才戶妻茹苦守節乾隆二十七年旌表建坊於坑頭路傍里黨清曉其貞操進士卓道翼挽以詩云夫亡子幼孰憐孤家又清貧節又愚垢面蓬頭隨弱柳芳踪始得耀當塗

陳氏壽巖里葉茂元妻生二子夫故年二十七苦守勤績篝燈課子聯雋遊庠親視五代而卒壽九十七

劉氏洋尾林聖瑞妻年十六適瑞逾年生子甫三月而寡時孀姑

年逾三十輕信從弟招贅余某迫氏他適不從余乃蕩林產族
呈於官縣令文公見劉年青慮其守不終狎以改醮試劉劉即
出剪斷髮毀容令亟止之曰汝誠堅貞吾名汝子曰貞觀給劉
產業印照劉堅守鞠孤嗣徙城訓子觀業岐黃以癩痘科名冠
一邑氏年五十有四以節終

陳氏國學生高升炳妻年二十夫死子稚矢節撫孤成立江西戴
大學士以匾旌之卒年六十

班氏郡增生何炳妻年二十四夫以勤讀遘疾卒無嗣舅姑在堂
事之惟謹杜門清守六十餘年如一日卒年八十有八

林氏黃亨遠妻二十六婦居勵操訓二子入庠年六十六卒

黃氏 妻年二十二夫死家貧紡績守節五十年而歿

盧氏 妻 陰妻夫故無嗣以夫族姪承祧艱辛勵節年七十三卒

陳氏 林 綉彩妻林故子幼家貧以女紅度日不他適後繞膝四代

卒年八十一郡守福旌曰節凜松筠

吳氏 陳 有用妻用故娠甫三月誓不改節育一子撫之成立守貞

三十歲以終

張氏 溪 后 魏伯充妻夫逝事舅姑惟謹素勵冰操乾隆乙未年建坊

葉氏 丁 盛照妻年十九適丁善事姑三載未育夫亡矢節夫兄以

次子爲嗣甫生孫而嗣與媳繼亡氏撫孤苦守至六十二歲卒

黃氏施開滑妻夫喪杜門紡績冰清自矢卒年八十有四

盧氏邑庠魏一廉妻廉故氏謹奉舅姑貞靜勵操里無間言乾隆
乙未年建坊旌之

汪氏石土豪妻千總廷璜母也豪卒氏撫孤備歷艱辛卒年七十
有三

張氏楊鳴珂妻操守貞潔卒年五十四隣里稱之

賴氏年十七適官廷梅任建鎮把總赴臺勦匪遇害氏年二十七
孤道所七齡家無升斗戚黨勸他適咬指瀝血誓不二夫夫從
弟廷桂聞而重之賴依其家撫子織紵足不踰閩因傷悼染血
症年三十七卒

朱氏林雅陸妻年十九適林生子甫週陞故矢節二十餘年事姑以謹鞠孤成立

謝氏陳廷桂妻年十八桂逝孤子文甫二歲守貞年逾六十里無間言

楊氏陳繼盛妻子甫二齡而孀誓不再適卒年七十有四

施氏鄒世衡妻貢生琳之母也年二十三喪夫遺腹誓不改節迨琳產生撫孤成立三遷教子治家嚴肅經歷風霜三十餘年冰操無失年五十五而卒

陳氏國學生陳光魯妻鄭亡遺腹生子守節至七十八歲卒邑侯許給匾以旌

董氏施能新妻年二十四孀里有富豪謀爲繼室其家人勸之醮
氏聞言大痛哭曰一日失節何顏見人終身矢志不移里人稱
之年七十卒

黃氏楊巖純妻貞靜賢淑年二十六而孀矢志撫三幼孤治家嚴
肅里人賢之卒年七十有九

胡氏黃煖妻年二十二孀居無子生一女氏甘以節自守卒年五
十三

曹氏吳鵬舉妻夫卒遺孤三茹荼撫孤清潔自守年八十卒

張氏郡庠劉瓊芳妻夫歿清白自守以孝事姑郡守范旌曰節孝

可風

曹氏何華國妻夫死子稚無依歸母家清苦守貞教育其子遇泰
孫其彬俱遊庠氏年八十一卒

張氏虞禮惇妻年二十二喪夫家貧紡績自給足跡不出戶庭子
長授室生孫二未幾子故長孫繼亡次孫稚弱姑媳熒熒孀居
一室誠苦節也

三
蔡氏許九德妻許亡賫志自守課子遊庠克承夫志卒年五十有

氏張元 妻增生張廷素母克事舅姑夫亡堅貞自矢以其事
上聞建坊旌表

王氏盧特茂妻夫喪后以節烈著里人重之捐建節烈亭開基時

地忽湧泉一窟水清而潔人咸異之謂漢之姜詩妻以孝感而
泉湧蓋以節烈建亭掘地得泉非其貞氣致之然歟

張氏 妻二十四歲喪夫誓志靡他撫幼子成立壽九十二

終

王氏吳聯俊妻年十九俊故無子以夫兄子嗣柏舟立節五十五

歲卒

翁氏應嗣灝繼室年十九灝亡有節操撫前孤如己出教育備至
事舅姑以孝聞李學師上其事於大憲請建坊表

羅氏年二十一適汪肇初孝廉承蔭祖母淑性巽順克修婦道初
亡冰霜自潔邑侯張給匾以旌壽九十有三

楊氏葉常榮妻時年二十夫故生子登瀛甫三歲以貞節誓謹事
舅姑訓子遊廩庠卒年五十六

余氏徐維謙妻徐逝家貧以女紅資生守節年五十三卒

朱氏饒州叅軍瀟長女年二十適邑庠生鄭彬儒生一子早殤夫
死柏舟自勵卒年七十三

謝氏黃鑑妻夫亡家貧苦守年六十一以節終

高氏吉田里武庫陳奎妻夫亡無子以夫弟之子爲嗣終身廉
節年五十六卒

黃氏陳恩榮妻孀居源操卒年六十餘

魏氏高子明妻自幼端謹年十七于歸二十四而明卒生子甫四

歲誓節不改孝姑教子勤儉裕家年八旬而終內外稱賢

康氏王 妻年二十四夫亡守節不移年五十卒

江氏康 妻年二十二夫喪撫孤守節年六十餘卒

張氏劉青龍妻年二十八而孀終日勤織謹事姑撫子成立卒年

六十四

王氏魏惟李妻年二十八孀居守節康熙癸亥村民乏食命其子

施粥四十餘日人咸賴之卒年五十四

徐氏李延平裔孫元昇副室年二十四失夫生子潤六齡鞠成授

室潤旋亡長孫甫三歲次孫僅七十日熒熒赤貧其媳改適徐

終茹苦誓不易節勤績星霜撫孫成立訓讀遊庠卒年七十四

施氏李均妻無子年二十三而寡家貧勤績撫夫弱弟成立卒七

十

高氏吳宗亨妻年二十七亨亡長子甫五歲次子遺腹而生上事

婦姑惟謹同室守節撫孤成立卒年五十二

祖氏應爾哲之妻哲故時氏年三十誓不改節撫二子以成立卒
年七十有二鄉里稱之

葉氏高維萬妻萬故氏年甫二十苦節自守秉性恭儉卒時年七
十有二閭里賢之

陳氏林文松妻年十八歲適松夫死氏年二十二歲膝無男女獨
依兄嫂食貧自守數十年族黨無間言卒年六十歲

陳氏洪纘周妻年二十一夫亡僅一女勵志守節撫繼子以延夫嗣鄉里賢之卒年五十五

康氏陳維坤妻年二十九歲夫故撫孤廿必自守待子成立享年七十有一無疾而終

羅氏梅汝瑛妻年二十四歲夫故守節子甫六齡事姑不懈家貧苦守教子成立五十餘歲無疾而終

劉氏葉中檀妻檀癩不解人道劉性端淑年十七適檀善事檀無異志檀故尤勵貞潔堅守年六十九卒

葉氏應汝輝妻監生璉母年二十六夫亡守節觀察元旌以彤管楊休時年九十一歲

曾氏蔡天漢妻年二十四未育而孀家貧凜節夫兄以四子爲嗣
授室生孫甫三歲而嗣子及媳繼亡氏勤勞撫孤宗戚不接見
苦守五十餘載時年八十三

龔氏楊振繡妻年二十八繡故哀不欲生以舅姑老子幼強存旋
舅姑繼沒拮据治喪以儉訓子裕家刁邑侯以柏操凌霄旌匾
時年八十一

林氏峽陽里應鶴齡妻年二十六歲夫亡遺二子尙幼氏堅貞自
矢教子成立且善持家政內外肅然時年七十有七

羅氏蔡徹三妻年二十二夫逝生一子家貧鍼黹自給誓守不二
時年七十五

官氏大橫 景高妻年二十七 矢志貞操 鍼黹自給 誓不二志 時年七十五

廖氏 尙德妻年二十六 夫喪家貧 自守鞠孤 事姑盡職 和睦妯娌 年七十四

陳氏葉茂山妻年二十三 孀男一女 俱襁褓 誓志守節 順事姑 子早故 時年七十四

陳氏胡紹文妻年二十四 孀茹荼 自守鞠孤 成立時年七十三 金氏峽陽里 應遇選妻年二十六 夫亡 氏立志守節 孝事翁姑 撫

育二子 親族罕見其面 時年七十有三 曾氏監生蔡錦妻年二十八 喪夫 足不出閭 謹事姑 邑侯賀以冰

霜矢志匾旌時年七十二

陳氏魏國梅妻素慈巽年二十八矢志冰霜課子誦讀其次子及

孫俱遊泮年七十二

黃氏監生吳隆佐妻年二十二歲孀勤績勵節時年七十一

謝氏王尚啓妻年二十一歲寡冰霜自持撫孤成立時年七十

林氏峽陽里應克宜妻年二十四夫故氏堅貞自守鄉人稱之時
年七十

李氏漿口鄉朱昌長妻年二十四而長故遺二子尙幼家極貧親
族勸其再醮氏答曰我在三口單我去二子寒誓不改節終身
紡績自給撫孤成立時年七十六

康氏陳阿壯妻年二十四失所天無嗣守節時年六十七

劉氏羅國粲妻年二十五孀甘心守節時年六十五

樂氏楊文錦妻侍舅姑特謹年二十八孀子甫週家貧勵節時年

六十五

吳氏庠生曾沂妻年二十四孀有冰潔操訓子游泮時年六十五

魏氏吳紹岐妻年十八夫故守節不改時年六十四

葉氏吳士堯妻年二十八孀勵志貞操時年六十三

陳氏邑廩生黃允敬妻順事姑姑亡撫夫弱弟年十九孀無出以

夫弟之子嗣自勵貞節夫兄弟三人皆繼亡撫夫姪如已出家

人事之如母焉趙毅士太史以貽我彤管顏其家時年六十三

陳氏林啓榮妻年二十四寡操守貞潔族無間言時年六十一

鄭氏吳元諒妻年二十七守節矢志靡他時年六十

鄭氏監生劉學鈺妻年二十二而寡閨門肅如時年六十

劉氏陳輝燦妻年十三適陳二十一歲夫故鞠孤成立上事祖舅

及姑朝夕不懈矢志不改節時年六十一

魏氏王其棟妻年二十孀貞守不移時年六十

謝氏 公敦妻家貧氏年二十歲敦亡勤紡績茹苦自給親族憫

之勸其他適氏不悅曰此等事豈我所爲耶守貞不改族里欽

之時年五十有八

陳氏小茶陽郭廷亮妻年二十七失夫子甫七齡誓不他適訓子

遊泮時年五十七

葉氏 世燉妻年二十夫故不再適撫孤成立謹事姑時年五十

六

陳氏楊體文妻年十九孀無嗣以夫弟之子繼之敬重舅姑事後
姑亦謹慎和妯娌守節靡異時年五十六

葉氏高一本妻年三十未育夫喪家貧守節事公惟謹立夫堂姪
爲嗣時年五十六

席氏孝廉液次女吳盛寬妻年二十九而寬亡家貧苦守誓不改
節時年五十六

章氏官肇松妻年二十九寡堅貞自守鞠孤成立時年五十五

葉氏林阿興妻年十九孀居勵志守節時年五十五

廖氏歐明也妻二十四孀立志守節時年五十五

謝氏進士純欽之女陳國標妻年二十五孀未育立節不改自甘

淡泊迎母同居晝夜緘齋清守無難色時年五十四

丁氏李聖發妻年二十九寡守貞撫孤成立時年五十四

蔡氏年十六適吳仲華年二十九夫卒無子以夫兄次子爲嗣家

貧食粥自甘足不踰閭每遇年節必致祭痛哭卓有賢聲時年

五十一

蔡氏胡堯降妻年十八歸胡結褵三載降卒子穉苦節賚志時年

五十一

謝氏魏廷俊妻年二十孀居撫孤成立貞靜自矢時年五十一

陳氏黃右淮妻年十九夫故痛不欲生誓志守節時年五十二

劉氏高宗熹妻年二十一夫逝未育誓不改節時年五十一

蔡氏黃捷秋妻年二十八夫故誓不他適撫孤成立時年五十

陳氏林相妻年十五于歸勤順翁姑二十一喪夫不肯他適翁姑

憐其苦守以膳田穀予之終日勤績撫成弱孤時年五十

陳氏施發明妻年三十夫死子甫八月家無斗筲氏母勸改適誓

死施門日惟捆屨度活足不出閭備歷艱辛里人欽羨現年五

十

席氏王宮振之妻年二十六而宮振故生一女氏立志守節家貧

不給業女紅以養幼女迨女長適人氏隨父同居足不踰閨時
年四十七

魏氏環姑監生徐志毅妻自幼貞靜寡言語長歸徐順事舅姑常
以紡績佐夫讀書年二十九毅故家人以其乏嗣勸改適氏矢
志金石足不出閨學師林以貞德傳徽旌之聞其節於上

楊氏聰坑黃思翰妻生子履中甫六月而思翰卽世氏守節撫孤
教音備至知縣高質慎以松筠節操四字旌之時年六十有九
黃氏王高封守年二十七喪夫奉事翁姑誓志守節焚燬孤鄉
族稱之自孀居後足不出閨五十餘年如一日時年七十有八
張氏湯日光妻年二十五歲夫故撫繼子事公姑朝夕不懈矢志

靡他家無間言時年七十有九歲住餘東里橫坑坊

施氏李均聘室也未婚而均疾狂兩載弗瘳氏年甫十八父母房姑皆欲爲離婚謀已急氏奔訴舅姑泣伸已志遂爲之成禮后夫疾革至二十七歲而寡以夫姪繼嗣督學恩公登入潛德幽光錄

陳氏李長辰妻辰故氏勵志矢節以女紅微積營葬舅姑戚屬稱之督學恩公登入潛德幽光錄

邱氏吳紹極妻早故氏茹苦營葬舅姑學師黃聞督學恩公著其節於潛德幽光錄

林氏康選妻夫喪年青日事勤績終無異志學師黃聞督學恩公

載潛德幽光錄

陳氏連超露妻夫故營葬舅姑見稱族戚督學恩公登入潛德幽光錄

胡氏陳國柱妻年二十四夫故寡極人勸其他適胡氏仰天發誓永不再嫁秉性孝慈公姑愛之尤善於女紅里人每以女師目之時年五十

林氏余廷玉妻矢節營葬舅姑人咸稱之督學恩公登入潛德幽光錄

陳氏庠生應鵬獅妻二十八歲夫故子監生國琨方四齡守節撫孤壽至八十有六

以上節孝均照嘉慶十三年修志登載

汪氏南平郭賢林妻郭亡青年矢志操比松筠以節終

高氏大歷口儒士徐光祐妻年二十四徐亡家貧子幼矢志養姑

道光二年五十八歲請旌

汪氏民人許惟正繼妻事嫡姑生姑以孝年二十六正亡僅生一

女遺孤璉方八歲夫前妻石氏出也氏愛如己出時有族孽涎

其產迫之改適矢死不二兩姑相繼亡殯葬盡禮壽六十三至

道光十五年總督程咨題

官氏翰林記名御史志涵孫女舉人建安訓導廷桂次女性貞淑

適邑增生張聯舉工針術以佐舌耕年二十八舉亡子中書銜

歲貢祖銘甫遇歲氏玉潔冰清志堅節勁奉姑以孝課子成名
道光十五年五十五歲總督程咨題建坊東郊

陳氏庠生曹聯魁妻庠生有翼之母年十八歸曹奉姑克謹二十
七歲曹亡氏茹孽撫孤貞心不改壽登八十有七至道光二十
一年請旌

歐氏儒士廖宗麟妻監生廷俊武舉廷豪母也年十九夫卒氏上
事二老下撫兩孤鄰里稱其節孝道光二十四年六十一歲請
旌

九氏庠生王萬懷妻儒士世昇舉人世鏞之母年二十五夫卒氏
茹孽飲水代夫孝養和丸畫荻訓子能賢與妯張氏均以節聞

咸豐三年沈文肅公爲御史時上其事建總坊於西郊

張氏孀王萬臨妻年二十六臨亡誓志守節養舅以孝訓子遊

岸孀守四十二年歿咸豐三年與婁陳氏同時請旌先是學憲

彭獎以筠節雙清匾額

歐氏民人胡克通妻年九歲字通爲室未婚而通卒氏年方十五

矢志守貞誓不改適上奉翁姑下育嗣子以貞節終咸豐九年

彙請題旌

余氏生員陳恩光妻年十八光亡氏志堅松柏久暫不渝侍奉翁

姑恪供婦職壽至八十有七

黃氏民人陳諸寶妻年十八歸實方四十日而實亡終喪三年媒

灼有入其門者氏毀容截髮以誓不二事姑以謹恪聞壽至七十有四

劉氏儒士高宗熹妻年二十三高卒氏勵志守節族戚罕見其面夫弟宗泰三人庶姑所出自緦襍迄成人撫字半資其力壽至六十有六

楊氏儒士李遠岐妻年十八適岐識字知書深明大義年二十一岐亡氏誓守節嗣子大椿中道夭折勵節尤堅孀守二十七年歿

官氏儒士葉萃苑妻年十九苑亡貞靜自守上奉高堂下撫孤子歷二十五年歿

林氏儒士吳元敏妻年二十適敏踰年夫故氏事翁姑孝守節撫孤歷二十五年歿

陳氏生員胡璋妻年二十璋卒二老在堂遺孤在抱氏克修婦道撫孤成立壽至七十有七

張氏民人胡德琚妻年二十二琚亡養親以代子職撫孤無愧母儀守節二十四年歿

鄧氏儒士盧錫揚妻年二十二揚故氏青年守節不施膏沐克修婦職舅姑賢之歷二十二年歿

王氏民人胡孝選妻年二十四選亡上事舅姑下撫幼子孝敬慈惠聲溢里黨壽登八十有八

鄧氏民人林玉書妻年二十四書亡痛不欲生以翁姑在堂吞齋
飲泣五十餘年力崇儉樸壽至七十有六

張氏監生吳斯進妻年二十四進亡氏侍養邁姑十餘載無倦容
課子成名爲郡廩生

黃氏儒士盧聖文妻年二十六文歿事舅姑盡職殯葬以禮松筠
節操至老彌堅壽至七十有五

魏氏生員徐嗣元妻年二十七元故氏志勵冰霜備嘗艱苦事親
撫赤兼盡孝慈守節歷二十八年歿

上官氏民人徐聲泮妻年二十適泮未于歸時有鄰姓者里中巨
族子也聞其賢欲奪娶之至訟於庭氏以旣受徐聘願歸徐工

苦度日翁姑之喪佐夫盡禮年二十九徐亡鄧適喪偶通媒求
娶自計覲親氏截髮自誓晚年依子壻爲活卒時面色如生當
暑不變

張氏生員吳章南妻庠生邦璧之母年二十八南卒姑患瘋疾服
事無懈姑歿典釵珥殯葬嗣璧殂喪偕媳傅氏撫孫椿齡成立
壽至九十有一

張氏生員王廷璵妻年三十夫卒氏矢志守節撫一孤成立壽至
六十有八

張氏民人楊文光妻年二十九光歿氏奉翁姑孝撫嗣子慈亮節
冰心老年彌篤壽至八十

王氏生員楊普慶妻五品銜廣東通判署昌化縣炳勳之母年三十慶亡勤苦操作節凜冰霜事姑以孝課子成名守節歷二十八年歿

謝氏儒士彭巍觀妻贈武信騎尉梓之母儒士錦珠把總奪標祖母也年二十九彭客死臺灣氏聞夫凶信痛極投繯家人環守得免嗣以翁姑在堂忍死盡孝壽至六十有二曾孫昌均昌垣俱從九昌宇介賓昌墀員外郎銜昌塏州同昌堃增貢人稱望族

陳氏民人潘明樹妻年三十樹亡氏上奉二老生事死葬盡其儀下撫遺孤立業成家善其教壽至七十有一

涂氏民人蘇長盛妻年二十九盛歿氏冰潔自矢歷苦彌貞愉色
婉容代夫孝養壽至七十有九

鄭氏龍灣儒士吳昌芹妻庠生上卿母年二十四芹亡家貧子幼
日勤紡績以養舅姑守節十六年歿

陳氏民人彭爲楨妻從九昌均長子婦也年二十五楨亡奉事舅
姑先意承志冰霜勵志足不出戶守節十五年歿

官氏寶龜山儒士盧紹元妻增貢侍詔銜恪之祖母年三十元歿
氏代夫孝養得舅姑歡訓子課孫慈嚴兼盡壽至八十三

陳氏民人林繼采妻年二十七采故日勤紡績奉舅姑必供甘旨
妯娌從無間言壽至八十一

梁氏監生李星炤妻廩貢長坤庠生加待詔銜長瀛之母年二十九炤亡子女俱幼誓志守節力撫三孤壽六十二

楊氏民人張斌妻增生廷垓母年三十斌歿事姑以孝鞠子以慈守節至八十歲卒

葉氏民人張廷垣妻年二十八垣歿氏視膳問安共寡姑以砥節和丸畫荻教孤子以成名守節歷三十二年歿

呂氏民人蕭應麒妻年二十三夫卒家無擔石苦節不移孝事慈育胥克盡道壽至九十二

邱氏儒士廖煥妻歲貢昂長子婦也年二十九煥亡守節撫孤奉高堂必以甘旨長子邦墀宦遊粵東次子亦克成立守節二十

三載咸豐元年歿

朱氏儒士吳介石妻生員國楫母也年十九適石年二十八石故
邁姑在堂常抱幼子於側含飴嬉戲俾以承歡子楫及諸孫皆
成名人以爲節所致歷十七年嘉慶十三年歿

魏氏儒士陳天埴妻年二十九埴亡氏奉事舅姑能盡孝道教育
孫子胥克成名壽至八十二

陳氏寶龜山儒士盧力山妻年三十山歿堂上承歡克兼子職聞
中垂教復善師資壽至七十四

羅氏儒士黃翔鷄妻年二十八夫故立志守節事繼孀庶姑皆盡
婦道孀守二十八年歿

邱氏儒士羅霞錦妻年二十七羅亡矢志撫孤家雖困乏事庶姑必供甘旨壽至七十四

黃氏寶龜山都司職盧朱通妻年三十通卒終養邁姑殯葬盡禮教育二子膠序成名守節二十年歿

蔡氏儒士邱在洞妻年二十八夫亡敬以事親慈以鞠子守節二十七歿

曹氏儒士曾振烈妻年三十烈亡子甫二歲家貧守節針黹度日奉高堂靡不盡禮壽至七十一

范氏民人李長增妻年三十夫故以養姑課子爲己任喪葬婚冠歷盡艱辛壽至六十八

蔡氏吏員康廷欽妻年二十九康亡孝事舅姑慈撫幼子艱辛備
歷節操孀堅守節二十七年歿

張氏西芹監生蔡中美妻監生理問街夢熊母州同肇封祖母也
年二十九夫故冰霜自矢歷久不渝邁姑在堂侍養弗怠壽至
七十有九曾孫建賢登乙酉賢書建泉建箴亦遊郡庠人以爲
節孝之報云

楊氏生員章鎮元妻國學生嘉猷之母歲貢荃祖母也年十六適
元二十四歲夫故氏自夫亡後與姑同居一樓久無惰志愛嗣
男尤不廢教課孫輩亦各成名歿年五十有六

呂氏儒士邱蔭槐妻歲貢在泗之媳拔貢就職州判昌照母也年

卜七適槐二十九歲夫故氏內言不出貞靜自持孝敬翁姑死
生盡禮守節歷三十三年壽至六十有一

葉氏儒士蕭世杰妻年二十三夫故氏矢志冰霜內言不出奉侍
舅姑一秉和敬

葉氏吏員張廷芳妻年二十七芳故僅生一子聯登氏守節撫孤
壽至六十三

趙氏儒士吳天兆妻年二十九兆卒孝事舅姑旨甘不缺撫育孤
子節義彌堅壽八十有八

黃氏儒士鄒德浩妻年二十五浩亡家業蕭條氏冰霜勵志終養
舅姑子向宸克臻成立

何氏生員王廷琅妻年二十五琅卒氏黽勉持家善體親志成豐
二年學憲黃以茹荼完節匾獎之壽至六十有三

盧氏民人王紹安妻年二十三安歿氏奉養服勞克遁婦道守節
歷二十六年歿

李氏寶龜山監生盧覺妻年十六適盧二十六歲夫故侍奉高堂
無違親志以節終

盧氏寶龜山儒士葉向春妻年十八夫故堂上承歡代修子職閨
中垂訓克樹母儀守節十六年歿

廖氏民人吳開滿妻年二十一吳亡氏遺腹生子苦守以臻成立
善事翁姑和顏悅色咸豐九年七十五歲彙請題旌

高氏儒士馬瑞書妻年二十五書亡僅生一女立夫姪爲嗣茹荼
守節事庶姑以禮請旌時年七十五歲

陳氏儒士胡克緘妻年十八歸緘結褵一載卽賦柏舟生事翁姑
殯葬盡禮越十七年以夫姪爲嗣請旌時年六十八歲

鄧氏民人陳景望妻年二十三陳亡家貧子幼善事舅姑及孤有
室又遭夭折茹荼勵節至老彌堅請旌時年七十五歲

王氏生員危際熙妻年二十六夫故撫庶姑二子克臻成立殯葬
翁姑靡不盡禮請旌時年五十四歲

鄧氏儒士林昌祐妻年二十八夫故氏勤苦持家代夫盡養親課
二子列文武庠請旌時年六十六

王氏民人何千春妻年二十九春卒氏與姑同寢處女紅操作矢志靡他請旌時年八十二

蔡氏樟湖坂儒士胡茂妻年二十適胡踰年夫故遺腹生女以夫姪德湛爲嗣仰事俯育備極劬勞請旌時年六十六

蔡氏民人陳聯劍妻年二十六夫故氏茹荼守節事高堂恪遵婦道訓幼子卓秉母儀請旌時年八十有三

鄭氏民人陳揚纘妻年二十三陳故寂守深閨笑顰不苟盤匱奉養靡間晨昏請旌時年六十

羅氏民人莫元岷妻年二十二岷亡氏事邁親朝夕不懈冰心柏操至老彌堅請旌時年七十有四

王氏儒士魏文賓妻年二十四魏亡氏矢志守節姑患瘋疾奉侍湯藥三年無懈事繼姑三十餘載無惰容請旌時年七十有五鄭氏儒士魏仲可妻年二十三氏養殮不繼忍飢以養舅姑及舅姑歿竭力殯葬均能盡禮請旌時年七十有七

黃氏儒士張祖壽妻年十九夫故子甫週氏奉事舅姑撫養幼子孝慈兼盡請旌時年五十四

吳氏儒士魏文宮妻年二十九宮亡氏深明大義矢志靡他孝養翁姑日勤紡績請旌時年七十有三

陳氏民人吳國鏞妻年二十八夫亡僅生二女矢志守節及女出閣賴以終老請旌時年六十六

歐氏民人胡驥發妻年二十八胡亡氏奉侍舅姑恪代子職諄勤
課子無愧母儀請旌時年五十有五

吳氏儒士陳學文妻年二十三文亡氏冰心松節撫孤以慈請旌
時年五十有四

林氏儒士施利涵妻年二十夫故氏秉性貞一上敬下慈三十餘
年足不出閫請旌時年五十有四

葉氏生員林昌俊妻年二十四俊卒氏柏舟自矢操凜冰霜孝養
高堂宗族稱之請旌時年五十八

陳氏儒士葉開五妻年二十九夫故茹荼守節上有重堂邁姑事
之維謹下遺三月孤子教以克家請旌時年六十六

曹氏舉人仙遊教諭有年四女十六歲適生員吳國楫年二十九
楫故矢志守節事祖姑以孝課三子成名長上焜入南庠加翰
林院待詔銜精書道次上勳三上壽皆歲貢生爲邑中名宿士
爭師之雖屢薦未售人爲惋惜而氏和丸教子不以功名爲榮
學憲吳以畫荻儀型匾獎之請旌時年六十四

吳氏儒士游逢映妻年二十四映亡氏事姑以順撫孤成立心如
白壁操比蒼松請旌時年五十有四

邱氏生員吳永芬妻年二十五芬卒氏志皎冰霜心堅鐵石姑疾
侍湯藥晝夜不倦姑歿葬之以禮請旌時年五十四

許氏儒士葉超僮妻年二十六夫故氏志勵冰霜維持家政代夫

終養教子克家請旌時年五十八

陳氏西芹儒士葉思賢妻年二十五破亡茹荼守節典釵珥以養

遺孀中年子亡撫夫婢爲嗣教養成入請旌時年七十六

黃氏西芹儒士陳宏衢妻國學生鴻達祖母年二十四夫亡氏貞

操自矢不出戶庭孝事翁姑內無間言請旌時年五十有七

章氏儒士樂鵬舉妻年二十九夫亡氏事姑以孝育子惟慈貞靜

幽閒肅持家政請旌時年六十有二

王氏西芹民人洪恩詔妻年二十八詔歿氏奉姑以順逮下以和

履深懷清戶庭不出請旌時年五十有五

莫氏生長讀書修妻年二十八夫故氏柏操石心歷久不變潔修

隨以養高堂人稱其孝請旌時年六十二

張氏民人魏鏞祖妻年二十四夫亡養舅姑孝敬無虧訓遺孤課讀不倦請旌時年五十有五

范氏儒士陳詔妻年二十六夫故氏高堂之奉甘旨必供熒熒稚子撫以成立請旌時年六十

羅氏儒士張如山妻年二十六山卒氏荼蓼備嘗清同冰雪代夫養志訓子克家請旌時年五十有八

鄧氏民人黃維彰妻年二十六夫故孝敬翁姑足不出閭和丸畫荻訓子遊庠請旌時年七十有一

應氏寶龜山生員盧愉妻年二十七夫故氏望族名媛事舅姑孝

母儀足式妯娒咸欽請旌時年五十有五

鄒氏生員呂廷鵬妻年二十八夫故氏事翁及繼姑克謹節操凜然請旌時年五十有五

汪氏民人張有經妻年二十八夫亡氏獨守深閨奉翁姑撫幼子孝慈兼至請旌時年六十

丁氏儒士游元傑妻年二十九傑亡氏苦節撫孤備嘗况瘁事舅姑曲致和順請旌時年八十

陳氏儒士曾宗肇妻年二十九曾亡邁姑在堂藉女紅以佐菽水姑歿慘不欲生念孤尙幼撫以成立請旌時年六十

黃氏寶龜山生員盧書煥妻年三十夫卒奉姑盡職養志承歡課

子讀書治謀式穀請旌時年五十五

張氏職員葉亨貴妻年三十貴卒氏矢志守節事堂上以禮訓子

錦遊庠請旌時年六十二

蕭氏典史紀世晉妻年三十夫故翁姑有疾典釵易藥撫育四子

慈不失教請旌時年六十五

許氏儒士吳梓興妻年二十八夫故氏秉性沉默苦守無怨舅姑

在堂侍養維謹請旌時年五十八

陳氏寶龜山儒士盧朝武妻年二十九武亡氏代子職以養親秉

母儀而課子含荼茹蘗冰玉同清請旌時年五十有四

盧氏寶龜山監生葉利潘妻年三十夫故事舅姑敬恭克盡教孤

子詩禮傳家請旌時年五十四

張氏民人王萬彩妻年二十九彩故氏上事翁姑下育子女針黹
度日貞潔自持請旌時年九十

黃氏西芹生員蔡夢奎妻歲貢從封之母年二十八奎卒柏舟自
矢孝事舅姑課子成名孫建家亦遊庠氏請旌時年五十有六

楊氏西芹儒士陳雲衢妻例貢獻之母年二十八衢卒氏志誓從
一事姑無疾言厲色生事葬祭各極其誠孫鴻禧鴻飛曾孫運
新均入南庠請旌時氏年七十九

湯氏西芹儒士俞聯奎妻年三十俞亡矢志堅貞貧不易節敬事
邁姑姑歿竭力殯葬請旌時年六十有二

陳氏西芹生員俞若臯妻年二十九臯亡氏獨居一室親鄰罕見
事姑孝敬不衰請旌時年六十有二

官氏儒士陳玉光妻貢生世珍母年三十光亡勵節撫孤姑老家
貧事女紅以佐甘旨孫家楡亦已遊庠請旌時年六十有九

鄭氏儒士康文珠妻年二十八珠歿氏貞而有才善持家政事舅
姑供膳不缺請旌時年六十有三

王氏鳩源生員楊登瀛妻廩生殿材之母年二十八楊卒氏茹荼
守節教子成名以孝弟見稱請旌時年六十有二

陳氏民人魏履塏妻年二十九塏亡氏順承親志課子維勤請旌
時年五十八

王氏民人廖洪蛟妻年二十二夫亡氏苦守遺嬰殯葬翁姑以禮
請旌時年八十二

張氏儒士梁汝楫妻年二十八夫故氏與寡姑同勵苦節筠操兩
堅請旌時年五十有六

饒氏民人范成美妻年二十六夫故氏女紅餬口訓子克家請旌
時年六十二

俞氏西芹儒士蔡文蔚妻年二十三蔡卒撫姪爲嗣敬事舅姑節
孝兼盡請旌時年五十二

王氏民人傅瑞麟妻年二十一夫亡氏承歡養志孝行無虧勵節
守貞冰心不改請旌時年七十有六

應氏寶龜山監生盧怡妻都司銜見龍之母年二十九夫故氏恪
秉婦儀代修子職勵節尤堅請旌時年五十二

謝氏寶龜山職員盧憬妻年十八歸盧越一載而盧卒氏履潔懷
清終養盡職請旌時年五十有三

王氏寶龜山監生盧蜚颺妻年二十八夫卒氏事高堂謹課幼子
慈松筠勵志冰雪同清請旌時年五十二

林氏儒士黃錫夔妻

許氏儒士陳拱堯妻庠生居東曾祖母也年三十夫亡矢志守節
力撫三孤次子祥極三祥梅復不祿與次媳曹三媳邱均以節
聞壽七十九

曹氏儒士陳祥楮妻庠生居東祖母年二十三楮逝上孝寡姑下撫孤子壽至六十三

邱氏儒士陳祥梅妻梅亡事寡姑孝撫三子成立守節歷二十四年歿

陳氏峽陽生員梁子杰妻性聰慧嫡母無子氏與三弟一妹皆庶母所生母卒歷於嫡母不克成服乃率弟妹跪而哀請嫡母感其孝許之年二十一歸梁事翁姑孝咸豐壬子科梁鄉試回梓卒於舟氏年二十八聞訃投繯家人環守得免子二早殤以夫兄增貢鈞鳴子爲嗣學憲孫以清徽勵俗獎之

應氏峽陽儒士張紹藝妻邑庠生錫炳母也年三十張故炳方五

歲堅貞守節課子成名學憲孫以清徽勵俗匾獎之守節歷二十五年歿

黃氏大洋汾儒士陳義臣妻從九禮樹母年二十八陳故事翁姑順待下以慈壽至八十有八

曾氏職員陳國猷妻

梁氏峽陽廩生梁鳳鳴女年十八適同里應華棻棻亡遺腹生子旋天氏事姑惟謹矢志靡他學憲孫獎以清徽勵俗匾額

官氏儒士張文彬妻年二十三彬歿立志守節足不出閩孀守歷三十六年歿

陳氏儒士葉際鏞妻藍翎同知銜例貢生文瀾藍翎侍詔銜監生

文濬之母年十九適鏞二十九歲夫故家貧鍼黹度日含辛茹苦訓子克家孫玉植歲貢徵士玉槐附貢氏守節歷二十七年歿

許氏生員邱陸安妻邱亡子甫十齡矢志撫孤不辭辛苦守節歷二十年歿

張氏職員葉正春妻

黃氏儒士林以顯妻

王氏儒士薛樹椿妻

張氏儒士吳朝佐妻從九品邦賢母年二十一佐亡賢僅二週矢志守節撫孤成立

傅氏儒士許湘海妻

葉氏大洋汾儒士陳坤洋妻年二十一夫亡子從暫甫生數月守節撫孤事姑以順時年七十三

陳氏儒士許日照妻

盧氏儒士黃可楹妻

許氏儒士王仁繡妻

李氏高埠頭歲貢李國滋長女年十九適峽陽里儒士應華杏三十歲杏卒子邑增生浩然甫四齡氏善事高堂志堅節勁持家勤儉課子成名學憲孫以清徽勵俗匾額獎之時年七十有三孫秉鈞亦遊庠焉

王氏杜溪鄉儒士魏賢僑妻附貢邦晉之母年二十三僑亡事翁
姑孝課子成立學憲孫以畫談延禧匾獎之時年七十三歲次
孫慶雲已遊邑庠

黃氏井窠儒士曹興純妻附貢金聲母年二十八純亡矢志守節
課子遊庠壽至六十有八

楊氏峽陽職員應培運妻運同銜瓊階母也年十七歸應素守閨
範笑言不苟二十二歲夫故矢志冰霜撫孤成立晚年孫曾繞
膝屢以勤儉謙恭爲訓家道由是頗豐壽至七十有四

張氏大洋汾武生陳應三妻郡廩生書軒母年三十夫卒孝養翁
姑持家勤儉和睦妯娌教子義方時年七十歲

歐氏儒士樂賡孀妻

張氏儒士葉光潮妻年二十五潮歿矢志守節茹苦含辛同治十年戶部主事魏鵬軒上其事

胡氏職員陳桂生妻年二十六夫逝以夫姪振常爲嗣孝養耄翁守節歷二十四年歿

李氏儒士張鴻恩妻

陳氏廩生姜嶠妻沙藉庠生聖深母年三十嶠亡矢志守節訓子成名壽至七十有八

林氏儒士王世祥妻從九家箴之母年二十七夫逝節比松筠事姑以孝撫孤成立光緒六年禮部郎中萬培因上其事

臧氏舉人葉芳椿妻年二十四適椿甫四月椿赴會試留京病卒
氏青年未育聞喪晝夜哀泣誓欲捐生翁姑憐其早寡螟蛉一
子與之承順高堂下撫幼孩愛如所生卒年三十九

劉氏儒士陳見渭妻監生聯魁祐梅之母例貢生厚熙祖母也渭
亡家無擔石力作女紅以養羣翁自甘枵腹守節撫孤壽至八
十六曾孫德元已遊庠矣

陳氏儒士呂廷鯤妻歲貢成雲之媳年十八鯤亡翁姑俱邁姑且
有風疾氏與妯輩殷勤侍奉勵節堅貞撫夫姪瑤爲嗣孫承俊
亦已遊庠

鄧氏儒士陳葵生妻舉人汀州教授國璵嗣子婦也年二十一葵

卒僅生一女長適廩生陸其祚氏青年誓志孝養翁姑以守節
終經如心社彙請題旌

章氏生員朱禹聲妻年二十六夫逝無子以夫姪嗣復天清貧守
志堅矢柏舟藉針黹以奉姑晨昏匪懈凜冰霜而立志節操彌
堅經如心社彙請題旌

陳氏監生謝有耀繼妻附貢六品銜縣丞廷錫母事翁及夫親生
母維謹年二十四耀卒錫甫週歲矢志勵節姑歿殯葬盡禮訓
子成名同治二年刑部副郎吳伯敬上其事建坊東郊壽八十
有八

臧氏國子監典簿蕭德修妻順籍藍翎訓導廩貢翔雲歲貢錦雲

母也年二十五修卒代夫孝養課子成名同治十二年題旌建坊東郊

陳氏武童邱鏐妻庠生在澧母拔貢蔭樺祖母也年十六適邱克盡婦職二十九夫亡生五子已殤其二苦守三孤課次子澧入庠守節歷三十一年歿光緒十年御史萬培因上其事

陸氏庠生邱在澧妻拔貢蔭樺監生蔭梧監生蔭模之母年十九適澧事澧極謹二十九歲夫故養姑守節課子成名以勤儉裕家光緒五年知縣梁廷錫詳請咨題壽至八十四

王氏儒士藍文琇妻年十九夫亡事繼太祖姑及姑以孝誓志靡他守節歷十五年歿光緒六年萬培因爲禮部郎中時上其事

與母林氏同時請旌

魏氏民人陳玉堂妻年二十九堂故守節撫孤心堅金石光緒十五年內閣中書陳壁上其事時年六十有四

余氏民人蔡友敦妻年二十七敦亡二孤尙幼苦志守節訓子成立夫弟教職舉人友當欽敬之矜恤備至光緒十五年內閣中書陳壁上其事時年五十七長子滿中已遊邑庠

陳氏增生張祖壬妻年二十八壬故子庠生文鳳方三歲守節撫孤訓子遊庠時年六十四歲

呂氏生員張文海妻年二十四海卒青年守節孝事翁姑以夫姪拱恩爲嗣壽至六十有六

李氏儒士陳灼妻

游氏缺陽梁樹鐸妻年十八歸鐸翁姑之喪佐夫盡禮鐸亡上事
祖姑晨昏不怠訓子爾襄克臻成立通判周贈以貞壽可欽匾
額壽至七旬

葉氏儒士林茂竹妻恩貢儘先州判當山長子婦年十六歸竹十
九歲夫逝遺腹生子殤撫夫弟教職恩貢茂年子爲嗣復天乃
以夫季弟廩生茂喬長子士惠繼孝養翁姑靡不盡禮親課嗣
子遊郡庠壽至六十有一

駱氏峽陽應正和妻年二十一歸和二十九歲和卒生子旋天力
作針黹撫育嗣孫飲蘖茹荼守節歷二十三年歿

王氏峽陽應映星妻年十八適星二十八歲夫亡孝事舅姑撫孤
成立冰清玉潔壽至七十有二

李氏生員李天佑女年二十一適峽陽武生應華厦二十七歲厦
亡生一子殤氏事姑盡孝誓不改節學憲烏以慈竹垂青匾獎
之時年六十二

梁氏峽陽武童應文儀妻年二十八儀亡茹荼守節事姑以孝撫
二子成立時年六十有四

林氏增生吳賜彬繼妻職員庭彩母年二十二彬卒矢志守節操
凜冰霜孀守三十四年歿

陳氏蔡家賢妻從九職員陳祐桓女拔貢陳厚華孀堂姊夫沒無

子時年二十一歲守節三十年 年歿

吳氏 邱歌九妻

黃氏林當階妻年二十三適階家貧勤女紅以佐衣食階亡子甫
二齡立志守節不辭艱苦時年五十五

祖氏峽陽從九品應儀中妻武生冠榮之母年十九歸儀二十三
歲儀故敬事邁姑和睦妯娌矢志彌他撫孤成立學院沈獎以
節凜冰霜匾額時年五十五歲

黃氏陽文童應崇祿妻年三十夫故氏善事翁姑代其孝養守節
惟謹課子成名長昌遠庠生次昌達援例入成均氏時年七十
歲

陳氏大洋汾恩貢邵武縣學訓導陳錫齡女年十九適峽陽儒士
應修禮善事翁姑二十二歲夫故貞心不改潔若冰霜以姪開
獄爲嗣時年五十有七

施氏峽陽貢生應毓秀妻年二十八夫亡上事舅姑克盡婦道堅
自自守志凜冰霜撫夫姪九笏爲嗣慈不廢教

應氏吉田里邑庠生潘成聚妻年三十夫故撫夫姪家會爲嗣冰
霜守節孝事翁姑人稱其賢

黃氏峽陽軍功六品應崇剛妻年三十夫故敬事翁姑守節惟謹
庠生昌言嗣之時年六十五

林氏儒士游瓊昌妻住寺坑口鄉年二十二昌卒遺孤甫四月孀

居撫育孝事翁姑備嘗艱苦

郭氏峽陽文童應德培妻年二十九夫故孝事翁姑撫孤守節備嘗辛苦里人欽之縣丞高贈以松蒼柏翠匾額壽至八旬

姜氏廩生黃昌琮妻賦性溫柔年二十歸琮姑甫逝井白親操閨十年琮卒與簪珥殯葬苦育四孤課次子大坤避庠守節歷三
十年壽至六旬

陳氏儒士吳信唐妻

梅氏附生龔承家繼妻

上官氏儒士李日章妻年二十九夫逝事翁姑謹撫三子慈以守節終

沈氏寶龜山武生盧步階妻五品銜斌聲母也遺腹七月夫歿欲從夫地下姑勸始寢事姑孝教子慈鄉隣重之

廖氏儒士王世縉妻年十八歸縉二十三歲夫逝茹荼守節誓志撫孤訓子家爵遊武庠氏孀守歷三十七年歿經保元社彙報

請咨

邱氏儒士王獻寅妻璽問銜廣東縣丞灝瀚次子婦也年二十三適寅二十五歲寅故生子瑞桐甫四月柏舟自矢撫孤以慈夫兄教職恩貢獻辰嘉其志矜恤之迨孤有室旋亡以夫兄之孫爲子後守節歷二十四年光緒十八年歿

程氏監生張如紳繼妻監生柏亭母年二十三紳亡矢志堅貞撫

孤成立以勤儉裕家夫兄無嗣命子承祧深知大義壽至六十有一

陳氏監生葉聯盛妻藍翎同知附貢上琦庠生上璋祖母也年二十三盛卒矢志守節撫孤成立孀守二十一年歿

鄧氏民人盧志義妻年二十義歿茹荼守節訓子成立時年七十八歲卒

吳氏龍窟儒士楊正芾妻年十九歸芾相敬如賓克盡婦道二十八歲夫故誓不改節以壽終

羅氏王臺儒士黃元鶴妻年十七適黃十九歲夫故守節撫孤與妯娌氏均以節聞孀守二十八年歿

黃氏江汜儒士王廷爵妻爵亡矢志守節教子成立長子高梧名列成均次子高萬由貢生舉孝廉方正軍功加五品頂戴均樂善好施氏壽至百有二歲五代同堂

林氏庠生陳光笏妻成豐癸丑恩貢儘先教諭彥菁媳也性貞靜事繼寡姑以孝夫故姑憐其貧氏誓撫孤守節女紅度日姑歿以哀毀亡

蕭氏儒士劉士燮妻邑廩誥贈中憲大夫春芳女也性淑貞年十六歸劉事繼姑曲盡婦道夫多病家益貧年二十八夫卒氏兄花翎運同銜允申爲殮葬氏衣食倚之矢志苦守歷三十年
鄒氏王臺儒士林際庚妻監生禮經之母事姑以孝不辭勞瘁二

十五歲庚亡子禮經僅四週矢志撫孤自甘淡泊以節終

林氏儒士邱蔭椿妻性貞潔年十九歸邱事翁姑孝年二十八夫

故苦守三孤歷十九年

彭氏生員王彤妻年二十九夫故撫孤勵節歷二十八年終

包氏儒士李公輔妻性貞靜年十七歸李事翁姑孝至三十而李

卒子幼家貧拮据殮葬苦守歷五十三年

梁氏儒士李有菁妻事翁姑謹年三十而菁亡茹荼勵志自矢柏

舟歷三十二年歿

黃氏庠生保舉訓導張祖訓繼室賦質端莊年二十八訓亡子幼

茹荼撫育守節二十六年歿

鄭氏西芹儒士陳章妻監生鴻達之母年二十六夫逝事姑守節
訓子克家壽至六十有二

袁氏小溪陳有財妻年二十財故子建浩甫生二月氏孝養翁姑
撫育幼子守節歷三十五年歿

黃氏埂頭民人上官豪慶妻年二十九夫逝守節撫孤家貧以女
紅度日守節歷二十一年歿

王氏高埠頭儒士李國華妻年二十夫亡茹荼守節以大姪致中
爲嗣年十五方入泮卽亡庠生冠英兩祧之氏苦守五十六
年壽至七十五

葉氏庠生朱鴻聲妻年二十八朱卒矢志撫孤事翁及繼姑克謹

守節歷二十九年歿

蔡氏生員陳開訓妾年二十八訓卒事嫡維謹矢志靡他守節歷二十六年歿

陳氏西洋頭鄉職員劉登青妻年二十六青亡矢志堅貞代夫孝養以夫姪爲嗣守節歷二十七年歿

鄧氏源墟鄉鄧俊海女許字高埠頭李正敏年二十二未婚而敏歿欲以身殉因父母年邁忍死養親兼撫幼弟成立守節三十七年以貞女終武生向試承嗣

陳氏南山儒士吳盛松繼妻年十七適吳方七月而吳卒撫夫前妻子建中成立名列成均守節至八十一歲歿

魏氏南山儒士吳邦基妻年二十五基亡矢志守節撫三子成立
學憲邵以翠竹榮稀匾獎之壽至八十七

朱氏節竹魏祥煥妻年二十九魏亡矢志守節力撫三孤壽六十
九

吳氏節竹魏武奎妻年二十三奎亡勵節撫孤孀守十一年歿

魏氏大垣生員朱安東妻年二十四東卒矢志靡他撫孤成立壽
至七十

應氏峽陽庠生應兆書女年十六適監生張鵬翼二十三歲翼歿
勵志守節課子成名長肇文次孝銓均遊庠孀守歷四十六年
歿

林氏大洋汾從九陳卓軒妻年三十卓亡誓志守節撫兩孤成立
卒年五十八

呂氏拔貢危際唐妻年二十六唐卒以夫姪歲貢耀庚爲嗣矢志
守節歷二十三年以疾終

葉氏生員危際虞妻年二十七虞卒訓子成名夫兄無嗣氏知大
義命子承祧壽至六十一

彭氏從九葉玉模妻二十三歲模逝善事高堂慈撫嗣子守節歷
十年歿

王氏生員蔡國琦妻年二十八琦歿守節撫孤足不出戶壽至七
十有九

程氏山後村儒士薛家瑞妻克修婦職年二十八瑞亡矢志冰霜
勵節維謹時年五十三

上官氏王臺例貢黃大猷妻庠生贈奉直大夫炳若媳也年十九
歸猷二十八歲猷故志潔冰霜行全節孝訓子佐虞遊郡庠時
年五十五

陳氏王臺黃元泳妻年二十泳故志堅金石節比松筠時年五十
七

陳氏王臺儒士黃元龍妻年二十九龍亡守節撫孤冰霜勵志與
婁羅氏均以節聞時年六十六

邱氏葉玉峰妻年十九歸葉二十二歲夫故以夫兄之子爲嗣廿

心守節戚族賢之時年六十七

趙氏儒士邱華翰繼妻母家貧氏爲人使女十八歸翰二十人故遺腹生子氏以使女出身而深知大義矢志苦節蓋人所難時年六十二

駱氏江汜儒士黃大有妻年二十七有故松筠勵節撫孤成立時年五十五

廖氏埂頭儒士上官世厚妻年二十七厚故守節撫孤事姑純謹子天以夫兄之子嗣持齋念佛時年六十二

龔氏安豐橋儒士黃永順妻進士綿州知府聯輝女也年二十六順故守節維謹淡泊勵志時年七十八

臧氏從九品藍廷椿妻年十九歸椿事高堂以孝二十八歲夫逝
撫孤守節訓子以儉樸裕家時年六十七

陳氏何開動妻善承姑志二十八歲夫亡松筠節操足不出閭時
年六十六

王氏邑庠生邱昌輝妻廩生蔭榆媳性貞淑奉姑孝夫亡子延長
甫生月餘貧甚母家周恤之苦志守節撫孤成立時年五十二
彭氏儒士危際昌妻年十八適危恭修婦職年二十九夫亡無子
以夫弟之子嗣復亡不以家貧萌異志戚族恤之時年六十五
朱氏布經歷銜彭德徵妻增貢昌埜媳年二十九彭故事姑孝撫
孤慈以次子爲寡媳嗣節義兼盡時年五十三

邱氏儒士彭德濬妻己酉拔貢就職州判昌煦女事夫極謹姑賢
之二十九歲夫歿撫夫兄子爲嗣誓志靡他時年五十二

李氏彭謙吉妻邑庠生志光女事姑和順年二十八謙亡以夫弟
之子嗣孀居勵節人無間言時年五十五

廖氏仁州里涂桂芬妻年二十七芬卒翁亦卒氏經營兩喪殯葬
盡禮上奉老姑下育四子幼子履泰名列邑庠人以爲節孝之
報時年六十一

陳氏李占湧妻姻禮義事姑孝年三十而夫卒家貧苦守矢志撫
孤時年五十六

林氏監生王士魁繼室二十八歲夫歿孀居勵操撫孤成立時年

六十七

李氏千總劉定國妻武生開春母年二十二歲夫故春甫生四月
矢志撫孤以勤儉裕家時年五十八

陳氏西芹武生建勳之女年二十二適監生闕孔友三十歲友亡
孝養翁姑撫育幼子節操凜然時年五十四

蔡氏西芹庠生夢奎女性淑靜喜怒不形年十七適陳壽高二十
六歲夫歿苦志守節事姑純謹撫夫姪爲嗣與其母黃氏均以
節孝稱時年六十四

范氏楊必融妾事嫡繼謹年二十八融亡孀居守節子魁春又亡
撫孫成立時年七十二

陳氏朱駿聲妻事翁及繼姑克謹年二十六駿卒矢志撫孤長子甫三齡次在襁褓及長均歿飲藥撫孫時年六十五

黃氏徐洋從九職張朝勇妻事翁姑克謹年三十夫亡長子履端尙幼遺腹生次子履亨氏撫孤守節訓子俱遊邑庠時年六十五

徐氏新坑鄉儒士黃兆純妻年三十純亡守節撫孤矢志不二時年六十七

邱氏附生張文泐妻歲貢祖銘之媳年二十八泐亡矢志守節以夫兄之子拱裘爲嗣裘入泐後旋亡氏與寡媳撫育幼孫慈不廢教時年五十有六

黃氏朱山頭鄉李元德妻年二十一德亡守節撫孤時年五十四
魏氏南山儒士吳道蔭妻二十三歲夫故勵志守節時年七十

張氏節竹順欽崇妻年二十一夫亡守節撫孤時年六十六

吳氏節竹魏仲義妻二十九歲夫歿茹荼守節時年五十七

黃氏節竹魏仲瓊妻二十六歲夫故矢志靡他撫孤成立時年五

十六

程氏鳳池游元爵妻二十六歲夫亡青年守志事羣翁孝撫幼子

慈時年五十七

游氏夫垣民人王祖榮妻年二十九榮故立志守節無嗣子慈時

年五十有三

鄭氏將口儒士謝宗廷妻年二十七琿卒茹荼守節撫孤成立學
憲馮以節高心苦匾額獎之時年七十

盧氏前坑民人朱毓爵妻年二十七朱亡矢志撫孤子克成立時
年六十四

付氏太平鄉監生劉大輝繼妻年二十五輝逝子甫二週矢志孀
守子矢撫嗣孫國昇慈不廢教時年七十一

高氏樟湖坂儒士陳守文妻運同銜獻卿詹主簿榮卿母也年二
十二文卒矢志守節撫孤成立時年八十六

葉氏峽陽儒士駱元猷妻素守閨範事姑以孝二十三歲夫亡子
道思甫三齡氏堅白守志辛苦備嘗撫孤成立閭里賢之時年

五十五

黃氏峽陽生員應玉衡妻年十六歸衡事姑維謹二十歲夫亡無子愛姪如己出冰霜自懷足不踰閭時年五十二

張氏小瀛州民人葉邦鴻妻年二十二鴻故守節撫孤心堅鐵石時年七十二

高氏大厯口民人魏國釗妻年二十九魏亡茹荼守節撫孤成立孀守歷二十三年歿

林氏大厯口民人高上鏗妻年三十鏗亡矢志守節教四子皆成立壽至六十有九

魏氏大厯口民人余觀灼妻年二十八灼亡茹荼守節至老彌堅

壽至七十二

張氏大厯口生員高步年妾十八歲高卒誓不二適撫嗣子慈守節歷五十年壽至六十七

黃氏大厯口民人羅四隆妻年二十二隆歿二孤尙幼氏立志守節教以克家壽至八十

陳氏寶龜山儒士盧宗璜妻年三十夫歿事姑孝守志堅撫孤以慈持家以儉壽至八十有二

許氏安豐橋民人范承恩妻年二十六范歿茹荼守節立志撫孤壽至六十六

章氏民人張國楨妻年二十七楨亡針黹度日節操彌堅苦守二

孤克臻成立卒年五十七

袁氏民人王木榮妻年二十二榮故柏舟矢志苦育幼孤鄰里重之以哀毀亡

胡氏餘西儒士高興章妻性嚴毅年十八歸高越七載而夫歿子歲貢鑑余甫週矢志靡他孝親不倦翁附貢朝鳳深重之享壽七十七曾孫皆遊泮焉

鄭氏太平鄉民人張光喜妻年二十七喜歿守節撫孤孤復夭應嗣子孝文慈不廢教時年五十二歲

黃氏大歷口民人李永椿妻年二十九椿故守節撫孤時年七十有二

張氏大歷口民人高星景妻年三十高亡志凜冰霜節堅松柏時
年六十有九

馮氏大歷口民人葉秀榮妻年十七秀歿青年守志育孤以慈時
年八十一

施氏大歷口生員葉有筠妻年二十三筠卒守志撫孤不辭貧困
時年六十五

黃氏大歷口民人李起鵠妻年二十八李故矢志守節待嗣子文
福如已出時年五十四

游氏寶龜山儒士盧書洛妻年三十洛亡事姑盡禮如媪咸和守
節撫孤女紅勤作時年五十四

羅氏寶龜山生員盧書河妻年三十河亡守節事姑妯娌其勵苦
育幼孤成立時年五十四

官氏寶龜山儒士盧傳科妻年二十九盧卒立志守節力撫三孤
時年五十九歲

蔡氏從九品楊斯挺繼妻年三十挺亡上奉邁姑殯葬以禮下育
幼子苦節不移時年五十六

黃氏軍功六品廖邦堃妻二十七歲夫故以夫姪家銃爲嗣茹荼
守節時年六十歲

鄭氏西坑庠生李志森妻年二十九夫卒善事舅姑撫育二子冰
霜勵志節操彌堅

陳氏峽陽軍功六品應清衢妻咸豐八年衢禦賊殉難氏年二十七孝事翁姑守節撫三子成立

陳氏峽陽儒士應立和妻承萬祖母也年二十三和故孝事翁姑冰霜其志金石其心鄉人欽之

謝氏葛延儒士嚴德基妻年十七夫故冰霜守節孝事翁姑鄉人咸以淑慎稱之

盧氏山尾監生黃夢奎妻性簡默年三十奎亡孝事翁姑守節維謹樂善好施課三子遊武庠

陳氏峽陽民人應裕昆妻承萬母也二十一歲夫故孝姑撫幼玉濟水清里人咸欽重之

謝氏監生彭德峻妻年三十峻亡以夫姪端爲嗣事翁姑以孝課
嗣子遊庠守節歷三十年歿

官氏儒士黃世欽妻

羅氏文童應曰傑妻

魏氏儒士應在唐妻二十九歲唐卒矢志柏舟以在寬次子殿宗
爲嗣孀居四十五年歿

應氏瀆溪民人徐廷基妻二十六歲基卒善事翁姑心同金石以
夫兄次子邦恒爲嗣

張氏峽陽監生應上烈妻監生惟恭母年二十八烈故心堅金石
志勵冰霜孝敬翁姑撫孤成立

梁氏武生應隆觀妻

楊氏媼下鄉民人陳文智妻監生章美母年三十智歿守節撫孤

志堅金石孫華春亦遊庠

馮氏職員李世豪妻年二十八豪卒家貧子幼力作女紅守節歷

二十六年歿

陳氏南溪庠生歐秉卿妻年二十九秉卒守志撫孤以禮自持上

事翁姑克盡孝道訓子經正遊郡庠守節歷二十九年歿

鄭氏南溪氏人歐樹廉妻年二十六廉故無子矢志守節父母憐

其貧勸再醮氏矢死靡他以夫姪盛蔭爲嗣夫弟某撐船爲業

一日有客入門窺其色夜潛入室餌以重金氏堅却之大聲喊

賊獲免人重其有堅操焉

曹氏職員鄧光輝妻年二十七輝亡立志守節撫孤成立

陳氏玉地鄉儒士楊擢華妻年二十九華歿守志撫孤節義兼盡

訓子際唐遊庠

陳氏教職附貢黃源言妻崇祀鄉賢舉人俊苑次子婦也年二十

六源卒守節撫孤事姑不忘

熊氏民人馮國章妻年二十七章歿家甚貧子金森甫五月氏誓

守節撫孤夫兄國淵周恤之

陳氏生員彭瑞妻增貢德徽次子婦也二十九歲瑞亡矢志守節

孝事高堂撫育二子慈不廢教

葉氏寶龜山從九職盧述舜妻性淑靜事姑盡道年十九夫故矢志靡他以夫姪庠生文謨爲嗣

李氏蕉坑黃盛習妻性慈和事嫡庶姑孝二十三歲夫亡子大經甫八月守節撫姑課子遊庠

余氏寶龜山監生盧瞻堯妻事二孤克謹年三十夫卒矢志撫姑閭里賢之

陳氏寶龜山生員盧弼堯妻二十七歲夫亡與妯共勵冰霜教子以慈守節歷二十三年歿

吳氏寶龜山增生盧鴻瀚妻附貢加翰林待詔恪之媳事翁姑孝夫卒力撫二孤次子文蔚遊武庠

黃氏監生張鴻儀妻年三十夫故事姑守節訓子克家壽至六十
有一

應氏處士潘紹鯤妻

張氏溪口儒士柯調鼎妻年二十八柯亡勵志守節撫孤成立

邵氏西芹庠生劉于禮妾年二十七禮卒守志維護力撫一孤

李氏南山民人吳元林妻年二十二吳卒矢志撫孤孀守至光緒

三年歿

趙氏鳳池儒士游運鍾妻年二十四游故無子苦志守節撫姪覲

光愛如己出

李氏民人王家評妻年二十四評亡守節維護持家以儉撫孤成

立

陳氏羣仙洋民人羅廷用妻年二十八用亡矢志守節卒年八十

有一

官氏儒士謝德洋妻年二十八洋故守節撫孤壽至七十四

俞氏漿隔鄉儒士吳祖森妻年二十八森卒矢志守節撫孤成立

梁氏儒士葉崇德妻年三十夫故操凜冰霜撫孤以慈

陳氏上滌鄉附生葉綦妻年二十九綦卒孀居撫幼以哀毀亡

駱氏峽陽儒士應華邦妻年二十六邦故矢志孀守撫姪生員樂

善愛如己子

官氏峽陽儒士張佑鍾妻年二十七鍾亡松筠節操撫孤成立

張氏峽陽儒士應仰益妻年二十夫亡立志守節以姪武生冠三
爲嗣

盧氏峽陽儒士梁駿聲妻年三十夫故孀居守節力撫四孤均臻
成立

盧氏寶龜山監生葉向中妻年二十五中卒冰霜勵志節操凜然
張氏職員龔允徽妻年二十七徽亡守節撫孤克臻成立

盧氏儒士陳嗣樂妻

汪氏王汝燕妻年二十八燕亡立志守節不出戶庭歷十七載而
歿

張氏洋坑鄉州同銜魏昌泗妻年十七歸泗二十六歲夫故守節

撫孤克臻成立

陳氏洋頭鄉監生鄭廷環妻武生殿標之媳二十八歲夫歿力撫
二孤節操凜然

王氏廩生徐登衢妻年三十夫故事姑維謹勵志守節課子壽圖
食餼

曾氏生員葉步文妻舉人雲南阿迷州知州新榆媳舉人世霖次
女年三十夫亡事祖姑及翁姑維謹矢志靡他口授四書課子
履元遊庠

邱氏廩生江澄瀾妻年二十八夫歿耐貧守節立志撫孤歷十七
年歿

曾氏監生臧賜紳妻藍翎同知世俊媳舉人世霖三女年十九夫
歿立志守節以夫姪監生顯綏爲嗣

吳生監生陳德培妻歲貢上壽女年二十六培亡守節維謹以夫
堂姪廣鎮爲嗣

朱氏西坑李玉茂妻年三十茂亡矢志守節撫孤成立孀守歷四
十一年歿

劉氏西坑職員李志勳妻二十八歲夫故冰霜勵志訓二子均克
成立

吳氏王臺儒士林景熊妻廩生春波媳二十九歲夫故欲殉烈胞
兄庠生德芳勸以親老孤幼且有遺腹不可死乃孝事翁姑慈

育子女家賴以扶

王氏監生李際勳妻孝廉方正增貢湖女二十九歲夫故茹荼守

節訓二子入文武庠

彭氏西坑李廷超妻年三十夫故守節撫孤克臻成立

程氏生員蔡步蓮妻年十八歸蓮甫九月蓮卒翁姑在堂遂矢志

守節婦代子勞年五十八逝世光緒三十二年經如心社彙請

咨題

吳氏監生朱景濂妻夫故年二十七矢志守節撫孤成立卒年七

十有一

胡氏監生臧顯徽妻永春學正舉人雲章女二十九歲夫亡守節

撫孤訓子貽圖入郡庠己酉進士

朱氏徐洋張朝樂妻二十二歲夫故孝翁姑和妯娌善待諸姪訓子履謙爲郡增生

玉氏徐洋張德潤妻年十九歲夫亡守節撫孤孝慈兼至和諧妯娌人無間言

氏徐洋儒士強昌焯妻二十五歲夫故善事邁姑撫育幼子備歷艱辛

黃氏徐洋李春鵬繼妻二十八歲夫故遺腹生男守節撫孤愛前子亦如己出

鄒氏儒士張宜久妻年三十夫故撫育五孤胥克成立守節歷十

八年歿

符氏篁路從九羅朗山妻二十五歲夫歿守節撫孤年六十五時

由如心社彙題請旌

鄧氏把總王朝鑣妻年三十夫卒茹荼守節訓子邦慶以世襲克

守家風

楊氏職員誥贈中憲大夫鄭良彬次室馳贈四品封典元塋優庠

生教育會會長元勳進士兵部主事改補廣東龍門縣知縣元

母也性端淑事夫及嫡室以謹順聞年三十夫故茹荼守節教
子成名親族重其賢遵禮扶正就養龍門任所督治有聲陳
菴太保題寒燈課子詩云忍死存孤事最難一繁夜夜照洗
板輿未盡春暉報記取兒時雪涕看林鳥風樹極酸辛猶及容
臺為疏陳揚顯要知忠孝重機聲燈影獨何人張珍午民政長
題句云心知書種在孤兒老屋嚴霜焯掌時滿地卷旒心不死

母恩只有夜燈知廷旌節孝准予建坊入祠民國七年蒙大總統題褒婦德母儀匾額並頒賜褒詞一軸

張氏西芹太學生蔡廷封之妻國學生建始之母也年十六于歸蔡門迨及光緒五年夫卒彼時翁姑下堂家道中落遂柏舟矢志甘與姆媻同爨數十年溫恭淑慎人無閒言七十四歲身故曾孫林立獲報無窮民國八年經如心社採訪彙請省長咨部題褒婦德綱維匾額准予建坊入祠

民國

謝氏林寶壽之妻也夫翁志謨於六歲時丐以爲媳壽長氏一歲素患痰厥疾久不愈未知人道故未成婚至二十三歲疾甚而矢氏青年見姑年邁無子不忍言去矢志貞守女紅度日復遭

回祿一貧如洗耐苦無怨事姑終老乞養一子家貧未娶氏憂

慍而卒時年四十五

范氏陳韶妻年二十五詔卒矢志守節光緒初報部請旌壽至八

十二

謝氏楊文超妻二十四歲守節壽至六十四卒

王氏楊子鵬妻年三十夫故守節至六十四歲終

魏氏楊鄰書妻年三十守節至八十三歲卒

郭氏楊宗堃妻年二十九守節壽至六十一終

葉氏官天珠妻年二十九守節道光二年卒壽五十三

李氏官富樞妻年二十四守節同治六年卒壽六十

黃氏官萬本妻年二十七守節光緒十八年卒壽五十二歲

盧氏武生王鍾儒妻二十四歲守節光緒十八年故年五十五歲

周氏歐樹士妻二十六歲守節撫孤幽閒貞靜壽至八十有五

堂四代子經輝孫世珍均入泮閭里稱賢

歐氏王德璧妻年甫二十二而寡養老撫孤身任艱鉅日勤紡績

夜課二子兆霖兆瀛均列賢宮孫觀濤曾孫政年亦入縣庠壽

至九十歲

傅氏翠竹坪農民張文仲妻年二十五夫故守節善事舅姑撫養

二孤壽至六十四而終

呂氏桂英生員黃殿輝之妻二十五歲守節五十一歲而卒

葉氏生員薛建勳之妻二十八歲守節計守節二十五年而卒年

五十一歲

葉氏謝地謝興恭妻二十五歲夫故守節年六十二卒

魏氏徐德峻之妻二十四歲夫故守節壽至七十三歲而終

黃氏新坑蔣宗榕之妻夫故年方二十九歲孀守至七十一歲而

終

黃氏蔣承烈之妻夫故年方二十九歲孀守至五十一歲而終

陳氏生員應聯璧妻十九歲歸璧二十一歲夫亡撫孤守節起不

踰閩年至七十

高氏例貢應美高妻二十一歲夫亡撫孤守節壽至七旬有六

梁氏民人應若人妻十八歲歸應四月夫亡壽至七十

葉氏民人應懷端妻十五歲歸端二十二歲夫亡壽至六十有二
陳氏儒士應修禮妻年十九適禮善事公姑二十二歲夫故貞心
不改潔若冰霜至五十有七

應氏監生張鴻采妻年二十九歲采故二孤繼沒矢志守節奉年
六十有二以夫姪孫爲嗣

應氏儒士張蘭田妻年二十六歲夫亡守節撫孤壽至六十有九
官氏儒士張佑鍾妻年二十九鍾故茹荼守節教子成立學憲下
以勵節貞操匾額獎之壽至七十有四

連氏文童應明德妻十三歲歸明十八歲生子甫七月夫故守節

撫孤四十歲卒

應氏儒士張選芳妻二十二歲夫故堅貞自守撫孤成立年五十有四卒

羅氏郡庠生陳昌言妻年十八言故矢志貞操順翁姑和妯娌年三十二卒

劉氏潭湖坂胡紹岳妻年二十三歲孀居事舅姑撫孤子貞淑孝慈里黨矜式卒年六十六蒙縣請獎節孝

陳氏儒士胡仁龍妻年二十二歲夫故矢志堅貞壽七十有二蒙縣給賜安貞應地匾

陳氏胡德泰妻年二十五歲夫故撫孤守節貞順流芳壽七十四

歲蒙督憲何給賜亮節遐齡匾

陳氏胡克緘妻年二十二歲夫故養夫堂姪爲子壽八十九歲蒙
縣賜匾操凜冰霜

陳氏庠生胡友梅妻年三十歲夫故貞靜守節蒙縣教諭詹詳請
獎節孝

陳氏胡章彤妻年十八歲夫故聞訃誓死于歸過門後爲夫立族
姪爲嗣勤儉守節蒙縣學請獎節孝

蔡氏胡光康妻年二十五歲夫故賢淑恭儉節操堅貞蒙縣學詳
准旌獎節孝

王氏邑庠生張國樑妻年二十九歲夫故六十九歲沒計守節四

十年子際春

廖氏儒士張際華妻年二十四歲夫故五十二歲沒計守節二十

八年

羅氏濠頭鄉儒士葉月端妻年二十歲夫亡青年守志事老翁以

孝勗子以勤計守節三十一年沒年五十一歲

鄒氏梅峰坊儒士張肇椿妻恩貢就職教諭鄒元掄公長孫女年

二十九歲夫故子殤視姪猶兒矢志貞守苦節無悶壽至七十

二無疾而終計守節四十三年

王氏吏員葉登衢妻府經歷懿謨胞姊氏適衢值翁喪髮經盡哀

年三十六歿針黹度日身任艱辛孀撫二孤兩女為之授室擇

配晚年抱孫壽至八旬而卒

連氏處士陳國士妻年二十五夫亡氏事舅逮叔皆盡婦道年四十卒

羅氏邑庠生陳建章妻年二十九章亡事姑克順撫孤成立及子遊庠長齋念佛年四十八歲終

陳氏翠竹坪民人張可宗妻年二十九宗亡勤儉持家撫孤成立年四十五卒

梁氏文童熊敷烈妻年十八歲夫故壽至六十六

羅氏武童應亶建妻年二十六歲夫故守節撫孤心堅金石現年六十有二

高氏儒士應魯儒妻年十四歸魯十六歲夫亡矢志守節至今不
渝現年五旬

張氏處士應致銘妻二十五歲夫故矢志孀守以夫姪爲嗣現年
五十有四

盧氏黃文熙妻二十六歲矢志守節受姑虐待貞守無怨現年五
十五

鄭氏郡庠歐經修妻二十二歲守節孝養翁姑人無間言現年六
十有一

潘氏歐經通妻二十四歲守節孝養翁姑堅貞自矢現年五十有
六

陳氏歐經培妻年二十一歲夫故青年未育孝養翁姑幽閒貞靜
閭里稱賢現年五十有八

陳氏歐經銓妻二十二而寡未生男女矢志靡他現年五十有六
葉氏大慙口張秀芳妻二十四歲守節孝事翁姑不逆一言現年
六十七

吳氏寶龜山盧應元之妻年十六守節清淨可風現年五十五

張氏盧世英妻二十二歲守節現年七十一歲

葉氏盧遙志妻二十歲守節現年五十歲

葉氏軍功六品盧書文妻二十九歲守節現年五十七歲

張氏潘功泉妻二十七歲守節現年七十二歲

羅氏潘祖勳妻二十九歲守節現年五十八歲

葉氏百丈際林欽德妻二十九歲夫故守節現年五十七歲

黃氏溪后魏志美之妻二十五歲夫故計守節三十年現存年五十五歲

徐氏溪后鄧成志之妻二十七歲夫故守節四十年現存六十七歲

劉氏溪后鄧夢彰之妻夫故年方三十現存年五十一

夾氏增生邱昌焱妻前任金門縣事紹興來銓公次女氏年二十二歸邱時焱游幕省垣氏工文墨賢淑知禮越四年生子延久甫數月夫疾篤買舟返梓不料舟至半途而卒氏飲泣殯殮幾

身殉念纏抱呱呱靈柩未厝返家營葬含辛茹苦女紅度日越
數年又爲浦室女擇嫁粗具衣奩子方六齡親自課讀續就聘
淑馨女學校員稍資糊口爲兒娶婦十餘年來備嘗艱苦再造
門戶皆氏之力現年五十一

胡氏潭湖坂陳光魯妻年十六歲夫故守節立夫姪爲嗣現年七
十八歲前蒙縣學教諭請准建坊

張氏沈德才之妻年十九夫故計守節三十一年卒年五十歲

舒氏侯補縣丞葉兆和之繼室年二十五夫故生二子尙幼氏撫
孤成立勤勞家計爲二子娶婦卒年六十宣統二年經部請旌

劉氏監生樂朝暄之妻年十九夫故生子昇平廷樑尙幼孝事堂

自 縣 志 卷 十一
翁訓子讀書家計願豐自甘布素至老不改現年九十一歲

王氏良人曾士魁之妻年二十八夫故生子超然節操堅貞足不

出閭蒙馮學憲獎給冰清玉潔匾額

陳氏邑庠生張拱表之妻式穀之母二十一歲適表二十六歲夫

故事堂姑以孝教幼子以慈矢志守節三十三年矣民國六年

三月呈奉 大總統獎給黃綬銀質褒章特頒節勵松筠匾額

准予建坊入祠現年五十九歲

葉氏處士張肇濂之妻監生德榆之母十六歲適濂二十三歲夫

故孝事翁姑撫孤成立守節四十四年

胡氏郡庠生陳厚慈妻舉人胡雲章之女年二十一歲適慈甫兩

月夫故矢志貞守孝事翁姑待姪如子隣里稱賢至三十一歲而卒

林氏國學生盧寶華之室

縣立第三師範學校校長嘉璧生母也

年二十九夫故守節撫孤二十餘年人無間言民國紀元援例扶正六年蒙吳知事呈省兼長李咨部褒給民國褒章並奉

大總統題褒節勵松筠匾額准予建坊入祠

王氏清增生葉永龍妻年二十歸葉翁姑在堂侍奉維謹至光緒十五年七月龍故氏年廿九屢欲死殉因有遺腹勉延殘喘幸蒙天眷卽於十二月生子拱璜氏茹荼含藥教子成名爲子擇配已慶抱孫民國八年五十九歲遵例請旌奉

大總統策令褒揚特頒節勵松筠匾額並獎以白綬銀質褒章

葉氏瓊英寶龜山生員肇岷胞姊嫁峽陽應如機爲妻年二十七

夫故應遺腹子時姑臂刀傷氏典節醫治六遭大故揮淚處理

子天茹苦撫幼叔及叔長以嫁女聘金爲叔完婚年四十七棄

世黨里推爲巾幗中深明大義者江寧生員夏昌祚爲之贊曰

才則忌之賢則厄之賸賸之天固無分乎巾幗鬚眉而一例如

斯彼葉氏者尤天厄之所奇雖然勁草忠臣兮不遇疾風板蕩

而何以垂公道自在人兮又豈夢夢者之所得而私

邱氏監生朱章明妻年三十明故矢志撫孤事姑盡道人以孝稱

課子國仕遊庠現年七十有一

陳氏監生王以恩妻年二十九夫亡僅生一女矢志堅貞以夫姪

德全爲嗣守節歷二十九年而終

官氏羅邦孚妻年三十夫亡事姑以孝矢志勵節現年七十歲

安氏監生嚴廷樸中學畢業生國瑛母也年三十夫故守節撫孤

歷苦十七年而終

方技傳第三十

昔神堯授時哲舜齊政陰陽既重其調爨耕歛因得以平秩若使不能定兩極窺二道測古今之星差究兩輪之盈縮則冬夏易晦朔愆矣若黃帝宅經青烏地骨爲堪輿家所祖漢案戶之言見於小正觀流泉之詠登之大雅胥宇岐下作室定中自古已然靈樞素問語奧理精仁者以濟人爲急於痰疾者當前而無以救之烏乎用吾心是以詳氣運審經絡內外同科灸鍼並用是乃仁術辨宜早辨矣若日者之書龜策之傳國有大疑有大議治軍詰暴乘吉避凶用之不可不慎至於風角占驗失回巫蠱儒者不道也其他精於顧陸上於羲獻一善足錄不沒其長並附之以見人各有能毋求備也故悉舉之

以著於篇

方技

宋

廖技字又起通天文地理推步讖緯之術遠邇從游者百餘人號

北郭先生郡志省志不載何邑將樂縣志以為其邑人

元

伍元如善繪山水喜作煙雲出沒竹木扶疎之勢

明

葉會善診大素脉主方療疾所至輒效常醫危証一劑而愈

張文卿精於醫術立起沉痾性孝友所置產業悉與昆弟共時論

重之

三

三

三

三

方技傳第三十

方技傳第三十

一

李士達恬雅有儒者風治病立效貧者不受其值終身家無贏餘
黃鈞號蘭室王臺人天資高邁博覽經史弱冠常遠遊入常山傳
針法精岐黃之術著蘭室紀要二十卷

胡靖博學能詩尤工書畫嘗從册使至琉球覽島嶼風景繪圖紀
勝刻畫精工後削髮自稱澄雪道人

清

樂斌字文先究心河洛易旨尤邃於三式五戊之學當耿逆襲爵
時斌私語其徒曰歲甲寅必有變我亦遭其迫脅然不能爲害
也後果如言逸歸又營於萬福精舍落成後斌占某年月當有
七命橫死康熙三十年有傭人暮置毒僧飯被害者五懶誰別

山二僧老病飯隨嘔出二犬食之而斃其奇中每如此所著有古今太乙紀鑑子雲鶚亦能守其傳

謝震字御六邑庠生師事樂斌盡得其傳預知休咎嘗爲施中營葬下山卽自題云行年五十五河圖數有阻今朝一別後誰與分今古所著有河洛理數三卷七律梅花詩百首同韻又有天

馬記傳奇

安行字及成邑庠生善書尤工小楷諸家法帖心摹手追人有得其片紙珍同琪璧小宗惇傳其楷法

許桂芳幼小輒喜貌物及長遂工繪事青綠山水師趙千里往往逼真妻氏刺繡精妙設色淺深儼然畫工稱爲雙絕

王禮字象賢性落拓好古法書名畫嘗薄遊吳越與名卿大夫交
賞鑒之家亦推高識書宗山谷瘦硬通神善畫松鱗鬣蒼秀根
幹奇古時作枯木竹石蕭疎歷落亦殊可喜也

釋戒文乾隆初天寧寺僧善畫竹題句多自製居寺之半日閒明
窗淨几潑墨淋漓有文與可迎風欲笑之致所留存者順沙二
邑最多

陳楷號牧笠家貧性傲嗜酒以繪山水人物擅長日給於畫每出
則右提壺左挈畫以易酒巨室相延不屑也醉後走筆似不經
意自具蕭疎歷落之趣

釋克叅名悟機普通寺僧刻意做米十日一水五日一石稍不如

法不苟貽人得者視爲珍寶

謝克章下地村人幼聰穎精雕刻非經師授也鑿百物極其工緻尤奇者以數寸木爲人傳神不假設色而形體意趣莫不盡肖邑人有以所鐫鐵拐仙贈總憲寶果臯曾亟賞爲神技矣

俞卜盈嘉慶時人工山水墨魚意態靈活

盧杰字德常邑庠生爲人醇厚以詩酒花鳥自娛善卜著工丹青樓閣尤擅勝

盧榮耀字奎光業儒善畫水草游魚望之似活至今人多珍之

吳東槐王臺人幼穎悟輒喜繪畫應童試未售遂專事寫意繪山水林壑天然尤善仙老蕭疎數筆鬚眉飛揚神氣逼真晚游吳

越而技益進性傲岸非適意雖出多金靳不與畫

流寓傳第三十一

浮生若寄也流寓則其寄之寄矣天地逆旅光陰過客安在其非寓耶古今皆寓而傳者寥寥一邑之中古今寓焉者殆百千人而傳者亦未數數寓又以人傳耶夫遠適異國昔人所悲處士周遊井里出入晉接非其僚友卽其戚族言語通嗜慾同宜其適之甚也至於跋涉關山飄浮萍梗寒暑遷而燥濕不安其性交遊少而甘苦不伸於詞堙鬱旣積慨詠滋廣或乃避亂而訪古洞掛冠而覓深山終忽邦族之復別偵林壑之勝因之締八能而賦高結三益而講奧歌呼阜牢乎陵京意氣彌綸乎阮澤偶逢人而規善頻招士以論經芝蘭化久杞梓培多寓也而安名以不朽矣遂乃論次世代考厥顛末以爲

南
之
集
示
外
上

之傳

流寓

漢

梅福字子真九江壽春人初為南昌尉後棄妻子煉丹往來衍山

中玉華洞自稱九江道人丹成上昇因號其村為梅岐里屬芹

鄉考漢書梅福傳稱王莽專政福一朝棄妻子去九江至今

傳以為仙又云後人有見福於會稽者變姓名為吳市門

卒未嘗道及衍山事或者漢書略而不詳抑延中故老說未必

唐

范元超字仲達節度使希朝之子咸通八年進士官至御史中丞

天復中避朱全忠亂寓劍州卒

子高天祐間典務尤溪乃定居小田

後唐

李存禮莊宗母弟同光二年封王國於薛尋值郭從謙亂匿走他國道延平樂山水之佳而留焉廬於小洛坑口病且革罄囊金以賑貧乏因出所授誥書示人人始知之

宋

范機字純之其先幽州人後徙延平乾道初任甌寧簿歷福州懷安丞嘗爲梁文靖趙忠定所器及二公爲相機以謁選至都足不一到其門仕終湖廣總領所幹辦公事邃易學工詩歌開禧間權臣啓釁國事日非機隱憂憤懣傲風人託物之義爲詩以諷後竟不出

明

王孫蕃號生洲雄縣人萬曆戊午舉人由昌平令陞濟寧守卓薦擢爾京陝西道御史兩疏劾監軍中使劉元斌等殺掠罪狀置之理改巡下江視京營掌河道侍經筵皆有建白乙酉巡江西爲馬工英黨所擠落職隱居延平卒

艾南英字千子號天傭東鄉人七歲作竹林七賢論長爲諸生好學無所不窺以興起斯文爲任爲江西四大家之一學者宗之天啓四年始舉於鄉對策語詆魏忠賢罷停三科甲申國變募士勤王與傅冠揭萬年同起義入閩時兩京繼覆唐王建號福州召見陳十可憂疏首劾總兵鄭芝龍授兵部主事尋改御史

自

下

系

志

卷廿二 流寓傳第廿一

三

丙戌王移駐延平從之積憂成疾病革猶問關外情形八月十一日歿於西郊興化寺年六十有四生平著述甚富均焚於王臺惟天慵集禹貢圖註行世康熙五十七年學使李鍾菴以諸生呈請捐資葺羅豫章祠附祀焉

胡夢泰鉛山人明末入閩寓劍津聞大師入仰藥死其僕奉櫬溪上遇賊棄棺於水流至岳江沙岸里人見棺上夢泰姓名收寄山寺後數年爲葬於積翠巖

朱益采字觀以浙之山陰人以副榜貢生至京廷試卽與櫬疏劾權閹莊烈帝嘉其鯁直欲授以風憲之職當軸者徇例抑補外官歷按察司僉事國變棄職入延平屢薦不起以醫自晦有到

處堂文集二十二卷

清

黃毅莆田人由舉人任永安諭誨諸生一本孝弟忠信每過鄧耕
欄林三泉羅文止諸祠輒灑酒賦詩留連若有宿契後補漳平
諭因家瀕海避亂寓延平卒

林定徵字景人長樂人弱冠補弟子員試高等後輒寓延平年既
邁偶於友人處獲金正希文日夜披誦家人戒其過勞曰吾方
晤對正人何言勞也就寢而卒著有尊心堂遺稿

羅圻彥閩縣人以恩貢授新會訓導在任鄉試中順治甲午廣東
舉人知安福縣廉介自持以漕運愆期解組歸寓閩平飲酒賦

詩安貧自適人服其高致

毛念恃號勅五武進人甲子副榜崇楨末隨弟協恭宦閩值鼎革
任郡教授居官十載坦蕩溫雅士有緩急傾囊不吝學使者或
有督責輒爲排解丁亥戊子以來閩中甫安戢學校彬彬推延
庠爲最卯辰科後科名鵲起念恃獎掖之功居多歷署順昌將
樂三邑篆以廉能稱季子仲孫占籍南邑因寓焉著有四書講
義孝經註小學訓解四賢年譜諸刻祀名宦

方外傳第三十二

古之治方術者多矣清淨無爲歸本自然老莊之言也空虛寂滅明
心見性禪悅之學也皆能外死生無終始獨與天地精神往來而不
傲倪於萬物所謂應於化而解於物芒乎忽乎游於方之外者乎夫
道言保身近於楊佛言救人近於墨蓋道德之偏至仁義之歧趨也
豈若燕齊方士逞神仙怪誕之談以耍世主沙門緇流藉寶刹名山
之勝以固藏身者哉是以或身列章縫高談性命得其主旨而精氣
神皆融焉或遭遇屯遭羈迹慧門悟諸色空而去住來無礙焉後人
攬其高躅思其流風餘韻固亦有能不朽者曰如某某之寄於方外
乃不愧所居也故爲之傳並以醒夫世之日逐逐於富貴利達而不

知返者

方外

晉

衍客不知何許人晉時避亂隱郡之北山結廬煉丹丹成舉家上昇故後人以衍仙名里

宋

楊維字耕常其母陳氏年五十有六未有子忽遇異人授丹一粒吞之夜夢天星入懷覺而有娠維生七歲始能言長而好弄不事家人生產學道得三五飛昇呼雷之術驅疫禱雨輒有驗淳祐四年甲辰冬十一月八日觴載集姻舊翛然而逝有自臨安來者遇維於途寄蒲扇布履各一遺其女兒計其遇時卽逝日

晉

下

系

示

卷十二方外傳第卅二

一

一

也啓棺視之惟隻履在始悟其尸解家人以扇膠置於棺瘞興
化寺前號清隱妙濟披雲真人建祠墓側肖像祀之

上官道人得辟穀煉氣之術一日倡云處世紅塵五十八混世獨
存今始歿時人若問吾歸處掃盡雲霞一輪月遂卒後有成卒
于廣西見之

張聲字鳴道通易象辟穀煉氣得養生法宣和間人遊延平結廬
溪源山有范氏子從之夜忽有客叩門知爲異人拜求道術客
取二丹遺范以飼之自是絕煙火食一日往郡西花心洞留一
頌於舟躍入水識者謂爲水解云

蕭法明嘉熙間頭陀卓錫溪源菴嘗伏毒龍於井中收妖魔於石

洞勅封溪源顯迹德雲靈應蕭公大師至今遺跡猶存遇旱禱
雨及祈嗣祈夢率多驗

明


陳本潤自號清心正德間提點元妙觀遇異人授以秘術能叱咤
風雷時大旱知府孫衍令祈雨輒應歷年八十鶴髮童顏不出
關五十餘年辛亥正月忽謂衆曰我擇三日脫去矣口占留別
云八十二年清我心不妨白髮日相侵而今得入無爲境片月
長空今古心端坐而逝

僧能持幼穎悟稍長遍遊名山以探禪學有得而歸結菴松關日
談內典著天印語錄徹空內集洞雲外集黃檗心要年四十餘

足不出關至八十一將示寂集寺衆曰吾寂三年後某日有星自東而西葬吾時也僧徒置龕草堂三年蠅蚋不侵並無穢氣至其日衆曰曩云星過殆虛語耶言未畢有星大如斗自東而西遂葬之號曰天印禪師


易裕冬字平岡有道行常靜處一室夜則觀星印山默有所契萬歷二年久旱火災屢告府縣遠延龍虎山正乙真人來延禳之閏十二月十二日里人設醮鐵像堂裕冬主持法事適天師輿至臨觀裕冬方匍匐進表遽起厲聲曰無情發矣亟收法器壇儀火果起厨中延燒民屋數百家天師因命主禱事刻期得雨歎曰是真得元奧者與二銅印曰正法在此題其堂元之又元

弟裕端字行軒亦習齋醮科儀龍山道南祠前有古榕樹上多
異花人呼爲百花樹下有小廟祀周陳王三神稱曰三聖每午
過輒爲祟以駭行人裕端囑曰爾神也乃作孽耶許謁天師爲
之請錄遂日彰靈應不復見怪



雜錄第三十三

百史遷作列傳多道其軼事班書志藝文兼取乎雜家蓋稗官小說之流莫不言之有物故可錄也夫宇宙之大瑰奇瑋麗無物不有格物致知學無窮盡下及茶譜瓶史荔記芋法所謂雖小道必有可觀者焉况夫逸行遺文靈蹤異跡彪炳古今膾炙人口如謝臯羽之慷慨悲歌陳友定之忠義憤發足以廉頑立懦者乎他如瑞竹駢生鬱科名之兆危樓獨聳彰節婦之誠傳諸故老信而有徵詎以其微而忽諸故並錄之以終篇



雜錄

唐末陳陶携妻子隱南昌之西山嚴尚書字鎮豫章遣妓號蓮花者往侍陶殊不顧妓慚賦詩曰蓮花爲號玉爲腮珍重尚書遣妾來處士不生巫峽夢虛勞神女下陽臺陶答云近來詩思清于月老大心情薄似雲已向昇天得門戶錦衾深媿卓文君

錄

處士陳陶者有逸才歌詩中似負神仙之術或露王霸之說雖文章之士亦未足憑而以詩見志乃宣父之遺訓也其詩句云江河水深淺不足掉鯨尾又云飲冰浪子瘦思日鷓鴣寒又云中
原不是無麟鳳自是皇家結網疎又云一鼎雖雄金液火十年

暑鹿麕衣寄與東流任班鬢向隅終守鐵梭飛諸如此例不可

寒蟬記著癖書十卷聞其名而未嘗見之

北夢瑣言

陶唐未自稱布衣開寶中人或見之或云已得仙矣蟬公將月短

草色與秋長比屋歌黃竹何人撼白楊右張為取作主客圖

唐詩

紀事

西山產靈藥陶與妻日斲而餌之而二子小字櫛梨或問其優劣

答曰味雖不同皆可於口陶有詩云儲溪老叟無人問閒列櫛

梨教六韜蓋指二子也

十國春秋

南唐書陳陶傳陶所遯西山先產藥物數十種陶採而餌之開寶

中嘗見一叟角髮被褐與一老媪貨藥於市獲錢則市鮮對飲

旁若無人既醉行舞而歌曰籃采禾籃采禾塵世紛紛事更多
爭如賣藥沽酒飲歸去深崖拍手歌或疑爲陶夫婦云按此卽
晚唐詩人陳陶賦一將功成萬骨枯者觀本傳則知俗繪八仙
中之籃采禾豈人名哉以禾爲名以籃爲籃謬矣

因樹屋
書影

漢賈捐之議罷珠崖疏云父戰死於前子鬪傷於後女子乘亭障
孤兒號於道老女寡婦飲泣巷哭遙設虛祭招魂乎萬里之外
後漢南匈奴傳唐李華弔古戰場文皆用其語意總不若陳陶
詩云誓歸匈奴不顧身五千宮錦喪胡塵可憐無定河邊竹猶
是深閨夢裡人一變妙真脫胎換骨矣

丹鉛
錄

陶少與水曹任暉相善寓之詩云好向明時薦遺逸莫教千古吊

靈均又自詠云近來世上無徐庶誰向桑麻識臥龍十國春秋

劍浦陳陶唐末隱西山步虛引云小隱山人十洲客莓苔爲衣雙
耳白青編爲成忽降書暮雨虹霓一千尺赤城門閉六丁直曉
日已燒東海色朝天半夜聞玉雞星斗離離礙龍翼奇峭不減

李賀

陳陶咏竹詩青嵐帚亞思君竹綠潤編多憶蔡邕陳將君祖竹賦

青嵐運帚碧空掃烟蔡邕竹贊云綠潤碧鮮紺文紫錢丹鉛錄

扶桑山有玉雞鳴則金雞鳴而後石雞鳴天下雞皆鳴所謂天雞
也李詩半壁見海日空中聞天雞溫庭筠詩漏轉霞高滄海低
玻璃枕上聞天鷄俱用天雞耳陳陶詩朝天半夜聞玉鷄星斗

離離礙龍翼蓋用玉雞矣詩人獨無石雞者母乃貴玉賤石歟

碑史
彙編

俗傳羅隱出語成讖

兩平謂好豫吉事者為羅隱秀才

著有異跡若羅裳山之畫

馬石深滙之石壁山書字及建安書筒灘所載予初尚未信其

果此隱與否及讀楊文敏書筒灘記稍信之因閱黃滔贈隱詩

三徵不起時賢議九轉終成道者言方知隱學道修真人也閩書

翁承贊唐末為諫議大夫使福州至劍浦見舊識僧亞棲贈詩云

蕭蕭風雨建陽溪溪畔維舟見亞棲一軸新詩劍潭北十年舊

護華山西吟魂惜向江邨老空性原知世路迷應笈乘軺青鎖

客此時無暇聽猿啼鑑錄

唐僖宗西狩盜遍寰區固始人吳卓令長汀從子玲珮奉其父曠
與卓子融來就卓珮弟珣留家聞汀州土人葛姓據汀作亂率
固始僮僕故舊千餘人入八閩救父兄之難素與王潮審知善
請俱往於是各統兵入閩潮翼審知從福州珣至汀連發矢中
葛克之人稱雙箭大王遂守汀以俟唐俄而朱梁革命封審知

閩王珣以其地付審知父子隱於延平

吳譜

宋吳怡軒輔自醴陵解秩南歸過洞庭湖舟人告曰船輕不任風
波宜實以貨怡軒曰士而爲商可乎乃置薪數百束

宋黃冕仲裳嘗有魁天下志元豐四年郡譙門柱爲迅雷所震裳
口占云風雷昨夜破枯株借問天公有意無莫是臥龍踪跡困

故教頭角入亨衢次年對策第一裳嘗遊桐廬讀書禪定院又
寓居閩仙洞十餘載後自號紫元翁舊時禪定院有紫元祠堂

閩仙洞有紫元庵皆以祀之

尚友錄

閩縣之東山有榴花洞唐永泰中樵者藍超遇白鹿逐之度水入
石門始極偏窄忽豁然有雞犬人家王翁語曰吳避秦人也留
卿可乎超云請歸訣親舊乃來主翁與榴花一枝而出撫而尋
之恍若夢中黃裳詩一枝樵客夢兩腋石門風

福州府志

或勸東山先生吳季明熙解易曰難解曰及今可以致力若後力
衰却難曰某嘗觀聖人言易便覺措辭不得只如乾坤兩卦聖
人嘗釋其義於後是則解易之法也乾之初九潛龍勿用釋云

陽在下也又曰龍德而隱者也又曰下也又曰陽氣潛藏又曰
隱而未見行而未成此一爻耳反覆推明至五變其說然後止
今之釋者其於他卦能如是推明乎若不能爾則一爻之義只
可用之一事易三百八十四爻爻措一事則是其用止於三百
八十四而已如易所該其果極於此乎若三百八十四不足以
盡之則一爻之用不止於一事明矣觀聖人於繫詞發明卦義
尙多其說果如今之解易者乎嘗謂說易須髣髴聖人之意然
後可以下筆此其所以未敢苟也聞邵堯夫誰信畫前原有易
自從刪後更無詩畫前有易何以見曰畫前有易其理甚微然
卽孔子之已發明者言之未有畫前蓋可見也如云神農氏之

耒耜蓋取諸益日中爲市蓋取諸噬嗑黃帝堯舜之舟楫蓋取諸渙服牛乘馬蓋取諸隨益噬嗑渙隨重卦也當神農黃帝堯舜之時重卦未畫此理已具聖人有以見天下之賾故通變以宜民而易之道得矣然則畫前元有易不可見乎問牆有茨之詩若以爲勸戒似不必存曰著此者欲知此惡不可爲耳所以不可爲以行無隱而不彰雖幽闇深僻之中人亦可以知其詳也人之爲惡多以人莫之知而密爲之然終不能掩密爲之者其初心也至於不能掩蓋已無如之何耳豈其所欲哉此君子所以戒慎乎其所不睹恐懼乎其所不聞也

是讓

宋元祐初諸賢至有洛黨蜀黨之號吳季明復龜山書曰立黨尙

氣以相攻恐非吾輩之福其後黨禍作而諸賢不能一日安於

朝

吳譜

宋吳刑曹觀性嗜山水品題人物輒不爽如水鏡然有一女劍中富家子多求納璧公第閱之無可意者竟得李延平先生以爲壻觀以政和七年特奏官雷州刑曹以道遠弗赴嘗穴土爲坎命其子少緝曰我死當埋此達觀如此

德祐元年賈似道責循州安置遣使監押貶所會稽尉鄭虎臣以父嘗爲似道所配請行似道時寓建寧侍妾尙數十人虎臣至悉屏去撤蓋暴行秋日中令舁夫唱杭州歌謔之每名斥似道窘辱備至舟次南劍州黯淡灘虎臣曰水清甚何不死於此似

道曰太皇許我不死後至漳州木絲庵卽厠上拉殺之陳宜中

至福州捕虎臣斃於獄

宋鑑

宋吳一鳴始登科時漕臺檄往福州校文前一夜聞倅監試院中聞有鬼神語曰明日樞密至亟掃院待之晚一鳴入院後果官

樞密

通志

延平先生答朱子云羅先生山居詩某記不全今只據追思得者錄去顏樂齋詩云山染嵐光帶日黃蕭然茅屋枕池塘自知寡與真堪笑賴有顏瓢一味長池畔亭曰濯纓詩云擬把冠纓掛牆壁等閒窺影自相酬邀月臺詩云矮作牆垣小作臺時邀明月寫襟懷夜深獨有長庚伴不許庸人取次來又有獨寐榻

本

龕作白雲亭詩皆忘記白雲亭坐處望見先生母氏墳故名某向

日見先生將出此詩邀月臺詩後兩句不甚愜人意嘗妄意云
先生可改先生改云也知鄰鬪非吾事且把行藏付酒杯蓋作

此數絕時正靖康間也

延平
問答

李延平先生少年豪勇夜醉馳馬數里而歸後來養成徐緩雖行
二三里路常委蛇緩步如從容室中居處有常不作費力事所
居狹隘屋宇卑小及子弟漸長逐間接起又接起廳屋亦有小
書室然甚齊整瀟洒安物皆有常處其制行不異於人亦常為
任希純教授延人學作職事居常無甚異同類如也朱子云真
得龜山法門蓋李先生為默坐澄心之學持守得固龜山之學

以身體之心驗之從容自得於燕閒靜一之中其源流是如此

朱子
文集

羅豫章先生晚就特科授惠州博羅簿卒於官賴其族人羅友爲
惠州判官遣人扶護以歸至汀遇寇竊發寄寓於郡之開元寺

門人李愿中始爲歸葬於本郡母夫人墳之側

豫章集

予頃年經行順昌憩黃簪鋪見有題煌煌靈芝一年三秀予獨何
爲有志不就之語於壁間者三復其詞而悲之不知題者何人
適予意會也慶元丁巳八月七日再過其處舊題故不復見而
屈指歲月忽忽餘四十年此志真不就矣道間偶讀此書並感
前事戲題絕句鼎鼎百年能幾時靈芝三秀欲何爲金丹歲晚

無消息重歎篋管壁上詩

晦菴題跋書
參同契後

晦庵先生誦佛經詩云聊披釋氏書結之曰了此無爲法身心得
晏如又讀道書詩終朝觀道書繼之曰於道雖未庶已超名跡
拘先生之博覽旁通蓋如此然有先生之識則可無先生之識
則惑也且此皆初卷詩多少年時作西林再題謂向來妙處今
遺恨萬古長空一片心此亦非先生晚年之學

黃氏
日抄

范汝爲之陷建州分賊黨張徹攻延平時統制官任士安擁兵不
救張翥守南劍率州兵斬徹函首送士安州兵譁然謂不當讓
功翥曰不然賊衆我寡今雖幸勝必且再至非與大軍合不能
禦明日賊果大至士安與翥夾擊敗之劍州以全

游志

建劍山中多蕨其苗可蔬其根可粉荒年競取充腹黃裳爲閩縣
令嘗作採蕨行云皇天養民山有蕨蕨根有粉民爭掘朝掘暮
掘山欲崩救死豈知筋力竭明朝重誓向溪澗濯彼清冷去泥
土夫春婦漣呼兒炊饑腹雖充不勝苦棠陰諸公知不知朝夕
思餐濃與肥賑饑無策未足怪胡忍剝我民膏脂嗟予忝爲斯
邑宰致民多饑欲誰罪見爾奔波心甚慚立馬無言頽生泚但
願皇天憐爾苦五日一風十日雨兩順風調五穀登厥根滿山

長不取

劍溪
筆談

南劍黯淡灘湍險善覆舟行人多畏避之泉南林外嘗戲題灘傍
驛壁曰千古傳名黯淡灘十船過去九船翻惟有泉南林上舍

我自岸上走你怎奈我何雖一時戲語頗亦有味

齊東野語

東坡風味古研銘云常規武夷作茶園山爲孤鳳翔且嗅下集芝田奪瓊玖玉乳金沙散虛竇殘嶂斷壁澤而黝治爲書研美無有至珍驚世初莫售黑眉黃眼孕研陋蘇子一見名風味坐令龍尾羞牛後余至富沙按其地里武夷在富沙之西隸崇安縣去城二十餘里北苑乃龍焙每歲造貢茶之處卽與武夷相去遠甚其言帝規武夷作茶園者非也想當時傳聞不審又以武夷山爲鳳凰山故有山爲孤鳳翔且嗅之句其實北苑茶山乃名鳳凰山也北苑土色膏腴山宜植茶石殊少亦頑燥非研材余屢至北苑詢之士人初未嘗以此石爲硯方悟東坡爲人所

悞耳若劍浦黯淡灘有一種石黑眉黃眼自舊人以爲研余意

鳳味研必此灘之石然亦與武夷相去遠矣

漁隱叢話舊志有鳳味石注云在仁

洲里相傳昔有孝子母思鳳肉遇仙指之曰此石味同鳳肉擊
煮食之疾愈按鳳肉人所罕嘗石亦未可煮食語涉不經大抵
山石之名多取形似味字似味或以
傳訛東坡所謂鳳味石疑卽延產也

宋吳武陵嘗題詩三元坊之佛壁曰人生如夢信難憑踏月長亭

影自驚好南華問消息太湖烟雨浪無聲時人無有喻其意者

及其家宰乞骸歸日與南華老僧爲白社一日浴罷具朝衣危

坐召二子曰亟問南華長老遂瞑目而逝其子往見長老則已

升坐矣反問曰直閣來討尊公消息否適方在此相約率陀天

去也僧以坐化 武陵未遇時嘗寢吉昌橋橋西有佛會夜齋

橋東市藥人聞鬼唧唧有神輒叱之曰學士在此其人明燭往
視見公醉臥乃相詫曰鬼亦畏讀書人耶又嘗往田坑索助
役錢業主不納夜臥橋上其主夢黑龍纏橋柱命僕往報曰今
日索助役錢人也亟命延入嚴待之出題於橋曰一水長流出
澗溪衆山緜密與雲齋武陵橋上觀春色自笑劉郎去路迷後
人名其橋曰武陵閩志
省通

潘枋字庭堅落筆不凡有鐔津懷舊詞云怕見倚闌干閣下溪聲
閣外山空有舊時山共水前歡暮雨朝雲去不還想是躡飛鸞
月下時時認珮環月又漸低霜又下更闌折得梅花獨自看後
村

詩話

謝翱字臯羽慕屈平託遠遊乃號晞髮子幅之長溪人文丞相開
府延平翱以布衣諮議叅軍丞相卒亡匿所至輒感哭挾酒登
浙江子陵釣臺設丞相主亭隅再拜以竹如意擊石歌曰魂朝
往兮何極暮歸來兮關水黑化爲朱烏兮有味焉食歌畢竹石

俱碎

晞髮
集鈔

德祐二年益王廣王入閩時黃萬石降元以嘗爲福建漕使欲取
全閩爲己功汀建諸州方謀從萬石送款聞二王至復閉門拒
之南劍守臣林起鰲遣軍逐萬石萬石敗走其將士多來降兵
勢稍振八月以王積翁爲福建提刑招捕使兼知南劍州備禦
上三郡九月元阿都刺罕寇建寧府執守將趙崇鑑積翁棄城

走行都遣人納款於元十一年元軍寇福州積翁爲內應遂與
知州王剛中以城降元元軍引還留潛悅友爲福州宣慰使積
翁副之舊志論曰嗟乎如王積翁者尙得爲人臣哉夫國存與
存國亡與亡義也旣不能守又不能死反爲內應而納降焉此
其賣國叛君之罪雖白世不能滅也一時寵榮何足道哉書之
於册有人心者共唾詈之過於一時刑憲矣

游志

陳友定字安國福清人少孤病頭瘡備於汀之清流至正十二年
以材勇授黃土寨巡檢討平延建山賊遷清流令陳友諒遣將
攻汀州授友定本路總管拒之累功遷行省平章不奉朝命陰
據福興泉漳汀潮延建諸地二十年明兵由海道取福州友定

遣將謝英輔鄧益以衆守福州而自率精銳守延平明兵入福州益拒戰被殺叅政尹克仁赴水死行宣政院使孕耳麻下獄死戊申湯和兵逼延平以書諭降友定取血和酒甕中盟諸將飲之明兵夾水而陣友定被圍急召英輔與訣曰君等善爲計吾自死元耳仗劍仰藥英輔與打魯花赤白哈麻亦具服北向自經明兵入城昇定屍出值大雷雨復蘇其子宗海自將樂來就死並俘至京上問曰元亡若爲誰守能降仍爾官不則伏銅馬定曰不降願伏馬父子並其殺

宏簡錄

清朝修明綱目大書曰征南將軍湯和克福建元平章陳友定死之分注云時聞有三忠謂友定與福州余院領袖等耳漳州打

魯花赤迭里彌實

陳友定元末仗義勤王太祖恨其不降附置之重辟高岱王世貞
郭造卿嘉其忠各爲立傳友定據閩有功於閩閩郡志皆出林
宗伯司空二公之手林氏世沐國恩自不宜爲友定作傳得數
君紀之實不泯其忠義耳友定雖起行伍而亦能詩送趙將軍
云縱橫薄海內不慘別離顏幾載飄零意秋風一劍寒及被收
之後作詩云失勢非人事重圍戟似林乾坤今已老不死舊臣

心筆
精

友定以農家子起傭伍目不知書及據八閩數招致文學之民士
如閩縣鄭定廬州王翰之屬留置幕下粗涉文史習爲五字小

詩皆有意理明史稿

趙弼作文山傳既赴義其口大風揚沙天地晝晦咫尺不辨城門
晝閉自此連日陰晦宮中皆秉燭而行羣臣入朝亦焚炬前導
世祖問張真人而悔之贈公特進金紫光祿大夫太保中書平
章政事廬陵郡公諡忠武命王積翁書神主洒掃柴市設壇祀
之丞相孛羅行初奠禮忽狂飈旋地而起吹沙滾石不能啓目
俄捲其神主於雲霄中空空隱隱雷鳴如怨之聲天色愈暗乃
改前宋少保右丞相信國公天果開霽按正史文集皆不載此
事趙博極羣書非無所本存之亦足以見正氣不泯耿耿常在

也豫章書

明南平縣學東西二齋前各植冬青樹成化元年乙酉春二月鵲
巢於東齋前樹鵲去鷹居之日啣黃紙藉巢飄挂樹杪時吳珙
應貢教諭劉昭呼珙指謂之曰此黃榜之兆也作詩腐之是秋
吳珙果領鄉薦明年丙戌羅明第進士越壬辰吳珙亦第進士
論者以珙與明同齋又同業故其幾之先見者如此舊志
雲蓋里吳氏永樂三年乙酉科名恭者中鄉試第二十六名十五
年丁酉科恭從子寧亦中鄉試第二十六名成化元年乙酉科
恭兄壽之孫珙又中鄉試第二十六名俱詩經是三酉科二十
六名之選雖出吳氏世數之偶然亦一郡一邑之異事也鄉人
頌曰三酉科名原有數百年衣鉢豈無傳舊志

吳仁澤者恭之父也葬雲蓋里俞坑之陽近墓舊無竹永樂十六年墓之左忽一笋迸出是歲恭領鄉薦成進士至成化元年爲一笋出於故處其秋元孫珙中鄉試八年又出一笋是春珙亦登進士第十九年又出一笋其年珙由龍泉尹陞戶部主事笋出唯一竿挺然獨秀不復別出也里人皆以爲異因呼瑞竹舊志

按吳恭永樂三年乙酉舉於鄉永樂十六年戊戌成進士今云是年領鄉薦恐誤

正德九年屬大比春三月有鵲來巢於南平縣學明倫堂之東樑或以東齋舉士之兆後一月其西樑亦有鵲來巢者是年秋黃焯鄭慶雲應選焯復有瑞麟之兆大理寺丞次崖林希元爲之

記舊志

明初進取不拘資格有椽吏而置身青雲者自况鍾外不可勝數
如閩縣吳復任工部侍郎陳永祥任惠州知府南平楊文達惠
安洪炬俱任太僕寺丞連江孫瑛任吏部郎中建安盧大政任
吏部主事侯官胡鼎任戶部郎中福清游元欽任濟南通判高
世岳任承天通判孫瑛洪武中陳永祥宣德中吳復胡鼎天順
中楊文達洪炬正德中盧大政游元欽高世岳嘉靖中閩小記
明楊天衢始就外傳與族弟姪讀書祖祠守祠老父夜屢夢天衢
几案與瓊秉紀宗元几案皆帷以紅綵後四人先後貢成均天
衢江山教諭瓊德慶教諭秉紀楚府教授宗元漳州訓導一職
之榮早已見異如此楊譜

明徐翁卿父必登嘉靖四十一年壬戌山寇犯梨坑父堯猷被執
火焙索金登挺身救父代焙火熾幾斃忽耳畔有人語以某地
有金如言掘之果獲金贖命父子俱全林有梧贈以詩高堂莫
顯焰排空烈火叢中不有躬誰指黃金紆寇難分明顯孝格元

寫徐譜

楊彩字懷奇本南平玉地人入泮後考優等以南平無廩缺撥尤
溪學食餼因家焉少有文詞工古文隆慶中貢入學與修世廟
實錄郭子章聘修潮州府志有考古羣玉編行世生平詩稿散
佚世傳丹溪行一首頗見風概詩云丹溪嶺頭初落日起來楓
樹凝眸立時有老翁嶺下來掛杖釋擔言且泣我問老翁爲何

泣翁言衰朽災危多去年旱荒禾稼損盜賊二次城邊過今年
秋成禾頗熟流賊蜂聚燒吾屋衾被成灰寒夜長倉箱燼餐無
粥二男戰死骨未收二婦驅擄無金贖已聞官兵夾縣城坐視
不救如越秦蠶食尙罵無酒肉探窺賊退方出征賊往兵來無
了日干戈滿道愁如織郊原不見生草青那復田疇藝黍稷明
年雖欲闢萊蕪健婦何處借犂鋤縱有犂鋤缺牛犢脫巾庚癸
徒枵腹生理斷絕更何言舊鬼煩冤新鬼哭上官新政密如茶
帖下縣官急催租爪牙夜半來催促深山窮谷頻呵呼我今逃
竄來至此亦逋該征新水夫似此有生死不若相公爲我一籌
度不加潛買延平藥吞聲一咽填溝壑我聞此語心甚酸吁嗟

乎觀風使者是何官若圖鄭俠流民奏必疏老翁言上看楊

萬歷四十三年乙卯端午前四日箕箒人徐聯英因病來郡城就

醫路徑西芹旅店中偶見薦下有銀腕釧一對拾得不言留歇

店中次日傍午有婦人散髮投河問之答曰主母昨日房中失

釧疑妾藏匿無以自明不死恐累吾夫英召其夫詢明交還時

同宿有市筆孫珍販皮駱日千布客何誠夫香扇客吳璉成義

之作詩以贈之詩鄙俚不足述失釧者蔡姓投河者乃其僕婦

也有孕七月幸得保全英未有子是年冬歿遺腹一子人謂報

施不爽也徐譜

明生員陳瑞妻吳氏夫亡守節獨居樓上屏梯不見人面嗣男與

婦朝夕進食亦罕相接忽夜值隣災兒婦請暫避不允迫以姑
不下樓當同守此氏曰我早當從汝翁地下今日遭災固吾命
也汝不急去自取滅亡實罪人耳俄而四隣皆燼樓獨存人

以爲神護

自怡集

萬曆末建溪暴漲建寧被水者人畜殆盡有一姥暨女緣木漂流
自二更至黎明方達延津尤溪舟子援之悅其女色欲逼之女
堅不就舟子溺其母以恐女女赴水以從羅紋山明祖爲貞女
賦畧曰雲黯風揚洪水湯湯人其魚鼈曠野汪洋闔室漂沒獨
母相將自建而延與波而行招招舟子旣憫拯之詎虞蚩蚩其
來求思遽餘戚施爾非我儀愛身無玷守禮不虧乃忍其形乃

殘吾母奮身從之寧死不偶嗚呼哀哉望寥江兮酸辛聽波聲
兮遭迤晚烟漫兮巡巡鴛鴦孤兮在瀕大風起而江怒號兮其
淑女之悲噴淫雨降而遠山暗兮其淑女之愁繫嶂崔巍而水
灑渺兮鳥飛盡而魚潛鱗望姿儀而不見兮瘞珠玉於水濱精
陟降而在上兮憐香暗之沉淪茲潭清且澄兮其淑女之神茲
劍老而兪靈兮其淑女之純惟清風明月之知我兮白石出水
而磷磷既孝而既義兮並天壤而不泯

羅紋山集

閩縣陳幼孺孝廉偶之延平謁陸太守志孝其伯父憲副同年也
拒不許見適有楚孝廉李某挾憲臺書來謁陸倉皇張宴禮甚
恭幼孺上以詩云莫作青衫老腐儒黃堂那許拜階除投來名

刺留中久死後年情到底疎失路鯁生歸去夜同袍佳客宴回
初始知天府聯名籍不及霜臺薦士書陸大慚時楊叔向爲大
參駐節延津聞其語厚歎之結爲莫逆右閩小記所載按幼孺
又嘗往杭州訪謝在杭徐惟和語之曰君去不過二十四金我
贈汝詩可得百兩俱須持贈後方可出扇相示耳幼孺至杭謝
贈金如徐言餞酒行時幼孺出扇謝覽詩曰惟和乃薄我不能
厚贈耶遂益之百金云詩云尊前酒盡卽他鄉豈爲分攜始斷
腸失路客身輕似葉倚門親鬢白如霜歸裝不望中人產內顧
先營百日糧未必綈袍能解贈臨行還屬寄衣裳

治山
詩話

宦寺蕭敬生而天閣正統初以長隨侍殿時勞賚近臣金錫填集

敬執簿算無差英宗察敬有心計潛倚任之一日閱射命敬敬
三發三中陞太監僉書監事奉使荆襄所過以清約聞憲宗朝
用內官監督倉場會計明允宿蠹搜剔殆盡孝宗朝入掌司禮
一矢公慎未嘗偶涉於私燕間賜問時有規諫孝宗大慚與閣
臣劉健等同承顧命武宗卽位嬖劉瑾等八人時時內廷娛戲
敬諫曰梓宮在殯鐘鼓不輟謂天下何復因劉健進講諷使諫
之楊一清爲相敬時以上命至閣一清嘗求附奏闕失敬若不
聞故時抗語侵敬敬不爲動世宗卽位年八十餘尙侍左右進
止無所踰越年九十一卒敬遍觀典籍能詩好草書歷事六朝
兼勤儉若如一日正德中見諸近幸田園第宅半京師嘆曰豈

吾輩福哉姪孫韶歆見選舉孔志

朱竹初但求之楮穎間頃過劍津西山數頃琅玕丹如火齊乃知
此君亦戲著緋爲賦二詩云高情直與晚楓隣傴舞安知醉有
神舊族傳爲絳縣老孫枝近作赤城人瀟湘淚盡終餘血淇澳
花繁不是春曾在龍門柯畔立支離更見爨中身亂擗桃花映
客醅斜批鶴頂問青籬翻新競比紅兒曲截笛留吹赤帝歌酒
醞宜城光未定冠裁薛縣色全訛遙看巖下爛斑處或是秋深

柏棄多

閩小紀按今無
朱竹唯紫竹耳

延平一郡人皆接竹取水分枝別派高低遠近互達於釜其中往
往有蟲細如髮長可二尺許土人呼線蟲予聞父老言歸視瓮

果得其一以手引之不驟斷試之水復蠅蚴動若有知識者似亦射工沙蜮之類聞食之者多生癥瘕然予未見時不知誤食幾許矣又言經火卽不害人故閩溪水不可生飲閩小記

按線蟲即水中紅蛆之類積垢所生非規水與溪水所常有延中半食規水工部所謂竹竿孳孳細泉分從無飲而病癥瘕者溪水則更無之也

孫少宰退谷嘗言東林書院甚悉云有明盛時各省俱有書院江陵當國始行嚴禁後稍建忘一時著名者徽州江右關中無錫天啓中京師始有首善書院人不知各處書院而統謂之東林又不知東林所自始而但借以害諸君子之名東林乃無錫書院名也宋楊龜山所建後廢爲僧寺顧涇陽憲成自吏部罷歸

購其地建先生祠同志者相與構精舍居焉甲辰冬始與高宗
憲攀龍數公開講其中立爲會約一以考亭白鹿洞規爲教躬
與講席者僅數人時涇陽已辭光祿之召不赴於新進立朝諸
公漠無與也適忠憲起爲總憲風裁大著疏發御史崔呈秀之
賊呈秀遂父事忠賢日嗾忠賢曰東林欲殺我父子忠賢初不
知東林爲何地東林之人爲何人旣而楊左諸公交章劾璫璫
益信諸人之言不虛於是有憾於諸君子者牽連羅織以逢逆
黨之惡銀鑄大獄慘動天地遂首毀首善書院而天下書院俱
廢予撫吳重葺書院釐正祀典配以羅仲素從彥及胡德輝諸

人
筠廊
二筆

按此則東林始於龜山而今以羅豫章先生配享則當時講學固始於二公不獨吾延俎豆不祧也

柚大而粗柑桔中下品也福建間多有之花亦奇大三月柚開香

氣甚郁余嘗有詩云最好南平三月景滿城微雨柚花香閩部疏

順治初郡守趙秉樞以醫家多不精究方書出示召考取錄者方

准懸壺應考三十餘人題問隔二隔三之治如何入選者惟徐

呂劉某等四人耳至今傳爲雅譚增

康熙庚申季秋延平張氏題沂水縣堞庄驛壁云妾閩嶠名家延

平著姓十三織素左家賦嬌女之詩二八結褵新婦獲參軍之

配何異莫愁南國得嫁阿侯庶幾弄玉秦樓相逢蕭史方調琴

瑟頓起干戈夫死於兵妾乃被掠含羞辭故里魂銷劍浦之津

掩面強登輿腸斷西陵之路茲當北上永隔南天爰題驛舍數
言聊破愁城百疊嗟乎昔年薰香染翰粉印青編今日滴血濡
毫絹封紅淚秋墳鬼唱哀似暎猿三兩聲青塚魂歸恨擬胡笳
十八拍野燒獵獵北風哀細馬氈車去不回紫玉青陵悵已矣
泉臺當有望鄉臺那堪驛舍又黃昏樺燭三條照淚痕想像延
津沉故劍相期青塚一歸魂昨夜嚴親入夢來教兒忍死暫徘徊
徊曹瞞死後交情薄誰把文姬贖得回不道臨時死亦難強爲
歡笑淚偷彈同行女伴新梳裹皂怕蒙頭壓繡鞍舳
康熙末年福州庠友方君柱攜家來寓迎仙坊生一女許配典史
劉天柱子劉挂議去官貧不能娶攜子回陝雍正七年方女以

疾卒停櫬北郊其婿自陝來成婚撫柩祭哭懇歸骨耐葬許之
及開棺舉火其中一空第未開時封扃完好徧詢親鄰皆以女
死爲實詫爲異事不得已悵然而歸

城北有汪叟年六十餘人以其重聽羣目曰聾生一子士洪應童
子試有年不得一衿以推算星命爲生貧窶特甚歲行盡矣叟
道拾紙裏啓視之燦然白金八兩也叟納懷中坐其處不去有
頃一人鶉衣百結且行且哭曰賣女償債乃竟遺失今合家死
矣叟詢其物良是乃還之道旁觀者如堵墻嘖嘖詫異後其子
以無嗣終世爲惋惜^增

晚林施開治著自怡集奇峭佶屈蕭正樸謂其意必已出矯然有

志於古之作者古風有秋過九峰下老圃對話云九峯山麓御
屏下延平先生古精舍聞猿洞口風雲橋相傳卽是此間也昔
日羣賢夜讀書書聲遍滿東南隅今無一椽片瓦在可憐瓜芋
滿秋區前人不可問寒猿亦不吟寂寂青山杳所見惟有秋風
淅淅吹我襟我曾五十年前一至斯曾經別蘇讀殘碑碑今亦
復無尋處安問臺榭與陂池幾家茅屋見零星幾隻白頭老圃
丁嗟彼何有識相逢強作解事人開門揖我坐安慰我幾巡爲
言世事白如此公來不必過愴神但眼前人廢興不須十載盡
凌夷裘馬翩翩子同我著箕衣梁肉厭鼎食同我忍寒饑今年
穀價高百貨貴三日兩日午不炊公不爲之情乃於百千年事

太息長嘯唏又吾族二酉公元配朱孺人爲郭兵所虜不屈而
死二酉公亦罵賊以殉詩云乾坤慘慘忽不旦社稷邱墟神鬼
嘆滄桑變易生民爛龍蛇鬪鬪魍魅悍鴟鴞翱翔鸞鳳竄嘆吾
之生遭此多難我之不辰君之殃君不尤命安故常鹿車來嫁
樂糟糠我朝出耕君酒漿我夜讀書君縫裳鹿門之婦黔婁妻
白頭相守兩心期那知干戈日起初心違跟踉喪夫各分飛罵
賊身死視如歸君性素溫柔今朝何決烈君言無大聲此際何
悲切生同衾死同穴終相隨毋拋撇何忍與君相隔絕君少待
吾來也三寸舌何爲者卿爲吾死吾死卿叱咤羣醜等颺颺與
君攜手入泉下烽烟兵燹百不驚嗚呼天地還覆沒此恨何時

平我家何不幸猶幸二魂貞夫潔婦亦潔婦死夫不生愧我才
竦言詞拙未克招魂起九京一坏土雙埋玉英風至今猶馥馥
富貴功名朝露耳義夫烈婦標青史千秋百世名不毀感慨悲
歌真不減古人然其襟懷冲淡雅慕淵明其和柳柳州覺衰詩
云松栢高岡上何憂雪霜侵不自爲戕賊不畏斧斤尋人生如
不死天地力不任彭殤靡一致氣運有升沉非獨一人身百物
古而今有酒且自酌酒盡卽停斟寒來暄可曝暑至就清陰何
樂爲高歌何悲爲愁吟半畝山城居幽寂等山林日日林間鳥
送我以好音

僧大峙字徹休林信人叙云名大峙福清劉氏子遭變棄儒學佛

遊吳越間歷大江至都門與士夫往來酬唱徐健庵雅重之嘗
寓延之華藏庵訪者日衆徙寓中際僧舍詩多警句遊董巖云
多因去國傷青草未得還家放白鷗雪云遍地曾無青眼顧諸
峰何事白頭生龍津有懷舊館云津頭爲鬼空懷劍月下何人
獨倚樓臺江感懷云虎嶠有雲終望楚龍臺無月莫歸秦九日
石竹山云人逢九日何妨醉我在孤峰不用登所著四山堂集
板在建陽佛跡嶺

僧耕雪浙東人詩思清新所至多題咏五言如江上訪友云黃葉
幾家冷斜陽三徑閒歲暮偶作云雲歸華頂遠江過釣臺清自
西江泛舟出湖口望匡廬諸峯云山勢臨湖遠人烟出郭稀七

言如秋興云楚上白雲留坐夏閩中黃葉引尋秋林巒著雨開
秋照澗水因風撥古徽經霜野果紅垂樹晒日沙禽白滿汀故
人別後詩情好好客逢時茗量寬落日獨行楓樹外思山今坐
荔枝邊瓢囊西去向秋燕風景南來似故鄉如此例甚多嘗寓
飛錫峰與僧悟機歡洽題絕句云世事浮雲更懶拏朝朝攜茗
坐松關春風住久偏相得看徧鐔州縣裏山壯志磨磷付短吟
高懷愛我芥投針留連匝月雙林裏話盡十年雲水心

黯淡灘有神廟極靈舟人至此作福此灘下水最險陳御史會試
時過此詩云黯淡灘兮黯淡灘下時容易上時難吾儕本是龍
門客見此波濤胆亦寒黃叅政詩云不去燒香獻綉錢應知廟

裏有仙人間不作虧心事黯淡灘頭醉倒眠

閩詩話

張奎若上伏坑人少得修煉術康熙間年四十八忽一夜牙齒盡落未幾復生至六十九歲卒卒之次日里人有自遠客歸者遇諸塗寄布履一雙云將往白塔里人歸乃知其卒持履送伊家審視卽所着入棺者嗣聞白塔新建社廟是日設主若殆其社神耶

附拾遺

黃志云宋君志所載鄉先賢但列其姓字及何縣人而不著其事蹟其在國史及縣志有可考者今已撰次其履歷大槩登人物志矣其餘如先賢類有曰李幹字守臣曰范嶠迪簡子字彥宗

曰葉唐稷字思濟曰田澹字子真已上俱劍浦人曰黃謹字子諒將樂人曰林又字德新尤溪人節行類有曰廖果順昌人文藝類有曰蔡栢字武子曰李冲字元翁俱將樂人此九人者各志俱無所載不可考也又按舊志於人物志後附載有云李友直字端文李信甫字誠父俱侗子宋志列道學傳又有吳潛吳君偁吳方慶三人皆見吳一鳴雲雁堂記各有稱許又有葉隆吉選舉內註見人物而無其傳石善才郡人作四賢像記典實可誦皆宋志之所遺者今考李冲見儒林志蔡栢見文苑志林父卽林義林積之子見名臣志惟李幹范鵬葉唐稷田澹黃謹廖果李友直李信甫凡八人人物志無載而吳潛吳君偁吳方

慶葉隆吉石善才五人志舊闕焉夫志之所列必皆有可稱述而簡牒殘脫莫可詳考則亦付之慨嘆而已以此知作志者收

錄固不可濫尤不可畧云

游志拾遺

本時郡志所紀科甲至端平二年而止續郡志所紀則至景定三年方山京榜而止府學有宋時續進士題名碑則起於寶慶二年王曾龍榜而止於咸淳七年張鎮孫榜今以前後二志及碑而參考之自寶慶二年至端平二年凡四科名數與二志俱合至嘉熙二年周坦榜以後或志無而碑有或志少而碑多至咸淳元年阮登炳榜以後志無所紀而碑所列益多甚至一榜三十餘人而趙氏不啻十之九又碑石磨去舊名而重刻新名所

磨未盡處字畫猶隱隱可識認也且其字書大小不倫行款疎密不一比之碑首三三科布置精粗相去遠甚又一碑各科年號俱鑿去無一存者或疑宋之末年郡城趙氏人因盛而登第者未必如此之多蓋其子孫冒名竄入以誇耀後世者而鑿去年號蓋欲以亂其真也此雖臆度之言然理或有之

游志
志疑

黃志宋職員寄治之下有殿前司左翼軍云職員未詳又註云按

本志泉州分兵來鎮識此亦可見兵分之自

游志

宋志節行類有王延嗣字繼先其先爲光州固始人事蹟無考惟郡學紀原之首有云五季間唐繼先避地來隱以五經教授生徒人以唐五經稱之其曰繼先則舉其字曰避地來隱明非本

士人所謂王延嗣似卽此人但不及其姓又不及其他事蹟不能無疑也舊志

游敬仲劍浦人與順昌余大雅同時從朱熹遊見何喬遠閩書萬

姓統譜云大雅與敬仲從朱子深得其放心之旨舊志註稱事

闕夫以其從遊觀之則其人之為君子可知矣唯以其為前志

所遺又闕其行實故不列之傳中然終不可泯游志按張顯父字敬之亦嘗

從朱子考朱子全集惟問答卷載問孟子數條及湖沙之說他無所見殊抱缺憾順昌志以為其邑人傳云十歲通九經傳記

綴詞賦登淳熙年童子科考通志游志選舉卷載顯父淳熙十四年王容榜進士劍浦縣人非順昌亦非童子科也

邱七郎者籍興里洛托村人生於前明幼時嘗隨鄉人禱雨於古


田三井地方因覓鳴鉦羣見一路恍惚入龍宮得寶面回鄉人

南平縣志 卷十四
詰之令還故處母恐失其子遽往三井尋之不見倚井痛哭忽見浮尸變生鱗爪化龍而逝母亦慟卒此地遂建龍壇自後洛托鄉人禱雨必書其生卒得道年月於牒投井取水而歸甘霖隨降至今屢驗此亦一靈異也

寶龜山鄉或以山形名之而不知實有一靈龜也世傳門前田有靈龜上下無定處人不能見偶脚踏之儼如活龜用手捉之居然石也農民有踏之者必暴發數萬家資百數十年來悉數之輒驗不爽

西芹上五里大路边石壁中嵌一鯉魚經年滴水不竭不知何年爲賈胡鑿取今巖壁間只一魚模而滴水亦涸

距城東三十里之塹埕鄉入山二里許有一石洞名曰石鼓巖天生一石形圓如鼓其大於箕厚約八九寸上有大巖覆頂下多小石錯落前臨小溪橫流風景清幽村人以小石扣之聲若鼓鳴清越中節響聞十里而遙洵天然異蹟也



南平縣誌卷之末


原誌序

天下事有視之似爲可緩之舉而實爲政治名教之所必須者
邑乘是也攷古輿地之志如禹貢一書其紀唐虞幅員尙已迨
周大司徒掌天下土地之圖以周知廣輪之數而職方氏所載
尤知詳焉秦漢以降誌地里紀方輿者無慮數百家而天下郡
邑因之有志者凡以志其山川土田人物風俗以供輶軒之采
而爲文獻之徵也洪惟我 朝文教誕敷東漸西被海隅日出
之鄉其歌太平頌有道者殆七十餘年矣近奉部檄飭直省郡
邑各志或修或補務得專書者豈非以禹跡所窮萬邦繡錯事

極洪纖固國志所不能盡載而舉凡撮要非郡邑各志其志不足以備采錄而撫摺緝乎延南平爲郡附郭志隸於府向無成書邑令舜一朱君雅志修明一奉檄而喟然嘆興曰是邦乃楊羅李朱四先生倡道之區鄒魯一脉風流未墜不獨全閩諸志不可無南平卽天下之聞風景仰者亦欲得南平之志而攷之以求四先生之所以守先而傳後者志其曷可以緩爰關局庀物延碩彥以事纂修旣於郡志所書存者存之闕者補之求故帙詢軼事爲綱者六爲目者四十有二釐爲六卷而以序請余余思今之爲吏者大都以簿書期會爲急而詩書風化之迹微矣圖籍之存廢不加修闕不知補甚則並其存者而皮置毀滅

之其能究心文獻而圖其不泯者蓋亦寡矣間有之又患其不知要閒文粗迹泛然並收小得大遺於政治名教無所裨益故有圖志具在而知言者病其荒畧視爲故紙而不屑觀者凡以此也是志搜羅采剔詳不冗簡不畧大書特書正合史氏家法可以法於今而示於後則賢令尹之留心文教以振興道學名邦之風洵有加人一等者布政優優吾知其所建立當無有不得其要者矣故因其請而樂爲之叙

清康熙歲次戊戌孟冬延建邵道按察司僉事加一級遷安劉冲撰




志史例也史家體裁各異而郡邑之志因之編年紀事者本之
春秋及司馬氏而表志傳記則準之馬遷班固諸書要在文直
事核信今傳後以成一邑之史以上備輜軒之采而已邑之有
志顧不重哉第是閩故事首邑皆稱附郭其志悉隸於府而不
自爲書是以畧而未詳其爲夏五郭公闕者亦實甚焉丁酉春
余承乏茲土旋奉 部檄以內閣移取之文飭各邑修補厥志
余思徵文考獻有司之責也其曷弗任爰諏日啓局延三長之
士以明經鄒君廷機翁君兆行茂才楊君譽施君晉共董其事
而復以博學周吳二君時與往來以相參酌於是稽政於官問
俗於野撫遺於斷簡殘碑振幽發潛補忘訂訛續其新而去其

不必載而山川風物時事之變遷者幾何吏治官守宦蹟之可傳者幾何公府學校規制之所以沿革者幾何丁徭物產世代之所以盛衰者幾何他若科目爲文獻之傳節孝爲風厲之本例目雖多考核必備迨一閱月而書乃成予受而裁焉因思吾邑爲全閩咽喉其山高以秀其水冽以清其人多朴質而尙知絃誦自楊羅李朱四先生以道統開理學之宗至今環海內外言大儒者以閩爲首稱焉噫盛矣乃數傳而後以文章科目聯翩而顯當世者雖或時有然而近亦少衰矣是豈人傑地靈獨鍾於古而尚於今歟抑亦人事之未修而振興尙或有待歟夫事不師古匪克攸聞而觀乎人文乃以成化以予觀志中所載

仕遺甘棠之思儒懷君子之行而閨閣之流節烈時聞文翰之
英所在多有是仁義禮智之良尙未泯於人心而詩書禮樂之
迹今猶可作而致也吾願覽斯志者鑒余與二三君子大書特
書不相假借之意而相爲警惕相爲願慕革薄從忠以厚其風
俗而敦於古處於以備太史之陳風爲秘府之采擇不亦山川
增麗雲物光輝以與四先生理學之名並垂不朽哉是則余企
望之心而慎重纂修之意也夫是爲叙

康熙五十七年歲次戊戌季秋知縣事三韓朱夔撰




2174

郡邑有志昉於禹貢及周禮職方而班孟堅因之作十志其後
代各爲書邑有載郡有紀皆命曰志凡以記其風土考其方輿
蒐羅舊聞闡發遺微其意大畧與史同然史氏褒譏並用而志
則善者詳之惡者闕焉又與史稍異也夫載紀則廢興因革之
必詳筆削則激揚懲勸之互見郡邑之志亦曷可少哉然試取
省志與郡志較其詳畧有間矣取郡志與邑志較其詳畧又有
間矣繁則難周寡則易悉理勢然也南平爲延郡首邑而舊無
特志志附於府府志所載事旣從畧而後之執筆者去舊增新
漸見刪除殘編闕文留傳無幾名區勝蹟魁人傑士湮沒而磨
滅者何可勝道矧劍津爲有宋四先生過化之地吾道旣南文

獻是徵則邑志之修自不可已襄平朱君來蒞茲土見邑乘闕
畧慨然以修輯爲己任尅期啓局進邑中人士相與諮諏博訪
網羅採擇彙集成書捐資付梓剗劂方半而朱君以廉能擢調
諸羅余不敏猥承其後時屆三秋志適將竣余續成之雖紀載
風俗醇畧不同沿革損益因時互異而此志攷核精微纖毫闕
晰山川風物可得披卷而校體國經野可得按藉而稽其間謳
吟傳記茂績仁風疇昔之名臣賢士文章功業灼然可觀當人
心目俾後之來仕於土者未諳此邦之政事先閱是志因地制
宜興利除弊有裨政職豈淺鮮哉余旣喜朱君之能力任其事
而余又樂觀厥成也爰弁數語於其端亦以見邑乘之廢與初

非無關係之務云爾

康熙五十八年歲次己亥仲冬月知南平縣事固陵文國繡謹
序



粵自義臣仲起兼統海陸地皇居方九圍區理禹貢肇紀山川
職方遞載男女廣輪之圖掌在司徒四方之志登之外史志者
記也厥來舊矣子長稽國名而臚以世家孟堅綜地理而昉於
十志持中爲史義取徵實勸懲所寓虛車弗庸也南平界牽牛
野爲七閩地自無諸啓宇胎祖夏后漢立冶縣後歸南部孫吳
初係建安典午乃號延平龍阿劍氣輝光雙溪勝蹟之古無逾
於斯隋統閩州唐隸汀福自僖宗開平王氏入泉朱梁革命金
牌錫封鐔州龍津稱名斯在逮及南唐改曰劍浦元大德六年
始名南平自時厥後邑號相因是以論其天時則左旗颺風天
田潤雨七衡則赤道最近四序則寒暑維均冬無增冰夏無苦

熱鷄晨多霧鵠宵恒涼昫然昕然承蒼昊之純殷也論其地勢
則北阻五奚南控懷安東阨辰山西連富屯龍崎鎮其堞大巖
踞其巔文筆窳岑以炳煥玉屏嶠業以歸倚邵汀右迴建源左
抱黯淡之漉泚南蛇之滿磕兀若瀆若表方儀之華英也其人
則李文靖之道學吳雙璧之粹潔劉廷信之幹濟羅文昭之嚴
峻冕仲奪標以振采道卿持正以練骨陳徐以忠著黃謝以孝
顯弋釣猶存溯洄攸宜矣其物則秧歸早收赤芒晚刈戶春蔡
倫之紙阜填林於之竹樟柯蟠雲桐實墜野或採茗於寶珠竟
撥麻於平楚滋生之富難以備舉夫其得天也正其則壤也闕
人多絃誦物盡蕃廡蒞斯邑者可不謂幸歟邑舊有志刼於康


熙戊戌三韓朱君夔乾隆乙酉邑人官枝亭檢討續典纂輯遲
未開雕余丁卯承乏斯土次年戊辰春商之明經鄒君元振衛
職葉君飛雄廣集諸生博採遠近以邑進士應君丹詔總其考
訂取枝亭舊藁增損之既有筌緒矣是年秋孝廉王君朝俊公
車回又密加蒐集付之梓匠越庚午春仲迺落成凡輿圖星野
祥異氣候疆域山川城池學校公署祠寺祭祀兵防田賦戶役
驛傳鹽政名宦武功道學鄉賢忠烈孝義名媛節婦選舉仕蹟
文學博藝以至一名一物之細罔不賅得卷四十有二予維治
在安民政先因地將欲合人情宜土俗準之古法酌以今制舍
茲志乘曷所憑諸且移風易俗責在長吏以是簡冊傳之圖里

觀者藉以知忠孝節烈之流徽於不朽也若此名儒理學之教
譽於奕葉也又若此自漢迄明民之屢困於兵燬也若彼今我
聖朝仁治道豐文恬武熙有以延億萬年無疆之休而使斯
民歷之億萬年皆獲享太平之福也如此吾知觀感有資奮發
倍易齠歌耄詠漁讓耕推粢乎隱隱各得其所咸含和而吐氣
曰盛哉乎斯世則此志之作或未必無小補云是爲序告

嘉慶庚午仲春賜進士出身知南平縣事丁卯科福建鄉試同
考官前翰林院庶吉士滇南楊桂森撰

南平邑志續修於嘉慶庚午楊君桂森迄今將六十年矣同治
丁卯冬予忝攝茲篆求邑志板不可得戊辰春學博齊君履仁
張君筠抵任談悉邑志板存學內由義齋迭遭兵燹缺而不全
爰稟商道憲周府憲趙慨然有重修之志旋聞卸任信因浼齊
張兩學博檢點缺失者僅二十八篇卽付剞劂齊君精繪事並
請添繪總圖一分圖四刊刷分佈用誌其緣起如此

知南平縣事端州陳培桂謹識



南平縣志跋

志莫大於一統而一統志之作實合直省府州縣志以總括之故縣雖小莫不纂其天時地利人事物產以成徵信之書而備輶軒之採志之所關不甚大哉南平縣志創自康熙戊戌修於嘉慶庚午越今同治辛未六十有二年予於是秋九月握篆是邦覓志不可得詢知戊辰刷後原板被虫蟻蛀殘百餘片不能復刷久之乃覓得原本全部其內亥豕魯魚之訛不可勝計卽擬設局重修因經費浩繁驟難籌欸爰稟商本道鍾康侯觀察本府徐少青太守先將原板檢點殘缺措資補刊並請學博陳官升三徐君叙模重行校閱業經更易訛字五百有奇旣而陳

君卸篆石君鳴蒞任復請與徐君續加讐校又經改易訛字一百有奇而徐君尤始終不倦半載以來總校全部四十二卷誤者正之贅者刪之遺者補之其有疑義而未便擅動者亦皆分別討論加批於上是今日之重校雖未能旁搜博採續纂全書而辨哲各條已足備他日重修之一助矣至督刊監刷則劉君大紳董其事云

同治壬申季夏知南平縣事皖南潘文鳳敬跋

南平縣志跋

南平縣志創修於民國六年迄八年告成 先君子總纂其事
一生精力皆萃於此以時局影響延未付梓 先君子在日輒
以風燭殘年恐不及見成書爲憾十三年秋果棄養因念志乘
爲一邑文獻之攸關及 先君子未竟之遺志特商地方諸前
輩籌劃公款以薦厥事蒙各贊巨爰將原稿携省刊印四百
部共計去銀一千四百五十元書成因記其緣起如此
中華民國十五年歲次丙寅二月 芹山蔡紹伊謹跋

茲將已收捐款芳名列左

未交款者恕未列

蘇旅長挺捐大洋二十員

米道尹材棟捐大洋一百員

劉知事維濬捐輔幣五十員

劉知事映黎捐輔幣二十員

王稅厘局長之綱捐大洋一十員

劉百貨捐局長捐大洋一十員

鄭菸酒局長元楨捐大洋一十員

公立中學校捐大洋一十元

樂羣社捐大洋一十員

邱子安捐大洋一十員

林東芳捐大洋一十員

陳德章同上

林昇平捐大洋一十員

盧嘉璧同上

鄭元勳捐大洋一十員

龔鼎元同上

張文淵捐大洋一十員

吳興邦同上

章有年捐大洋一十員

莫大熙同上

謝文藻全上

施正誼同上

魏 哲全上

姚端猷同上

施玉銘全上

黃懷英同上

陳華年全上

章雲龍同上

康日陞全上

王道文同上

朱學程全上

鄭志謙同上

張硯農全上

蔡紹龍同上

黃必香全上

金同豐同上

盧震聲全上

林慶春同上

黃謙亨捐大洋一十員

陳順和捐大洋一十員

陳新鑾捐大洋一十員

江錫祿捐大洋一十員

延泉興捐大洋二十員

大平鄉鄭家祠捐大洋一十員

人 記捐輔幣一十員

太平鄉小學校捐大洋一十員

葉丙助捐輔幣一十員

玉地鄉楊家祠捐大洋一十員

衛金容捐輔幣一十員

王台鄉各界共捐大洋四十員

台茂森捐輔幣一十員

西芹鄉各界共捐大洋二十員

樟湖坂各界共捐輔幣七十員

葉玉瓊捐輔幣一百員

大洋六百一十員

合共捐

輔幣二百八十員

公款列左

木排捐撥用輔幣二百員

預備費輔幣三百五十員

小學校撥出預征串票費台伏二百元

台伏二百員

以上統共收大洋六百一十員¹⁰⁵申台伏六百四十千零五百文

輔幣八百三十員⁸⁶折台伏七百一十三千八百文

合成台伏一千五百五十四千三百文

此乃實收之數俟志書印竣印費若干往省人川資若干校對人車費若干寄書來延運費若干省中裝工到延担工若干結後對抵外或盈或虧俟列明於劍浦詩集之末 民國戊辰十七年瓜秋月鄭元勳記